

This image shows a close-up of a traditional Chinese manuscript, possibly a calendar or almanac. The text is arranged in vertical columns, with characters written in black ink on a light-colored, aged paper. The script is a traditional Chinese style, likely regular script (Kaishu). The layout includes a grid of small characters, possibly representing days of the month or specific events. The paper shows signs of age, with some discoloration and wear along the edges.

3.4.522

3 U.

DELECTUS
OPUSCULORUM
MEDICORUM

ANTEHAC IN
GERMANIAE DIVERSIS ACADEMIIS
EDITORUM.

QUAE

In Auditorum commodum collegit, & cum
notis hinc inde aucta recudi curavit

IOANNES PETRUS FRANK M. D.

*R. & A. M. a Consiliis Gubern. Mediolanens.
Facult. Med. per Insubriam Austriacam Praeses,
Med. Clinicae Profess. P. & O. Academiae
Reg. Scient. Goetting., Mantuanae, &
Electoral. Moguntinae, tum Societ.
Patriot. Mediolan. Sodalis.*

VOL. IX.

TICINI.

IN TYPOGRAPHEO PETRI GALEATHI
PRAESID. REI LITTER. PERMITT.
ANNO MDCCXC.





E L E N C H U S.

- I.) *Anders Iahan RETZIUS , de Vermibus intestinalibus.* pag. 1-92
- II.) *Ernesti Gottlob BOSE , de Morbis Mentis delicta excusantibus.* 93-132
- III.) *Georg. Math. GATTENHOF , de Vesicae urinariae in graviditate & post partum adfectionibus.* 133-145
- IV.) *D. Ioh. Conr. MAYER , de Clysmatibus.* 146-186
- V.) *Io. Guilielm. MOLL , de Apoplexia biliosa.* 187-233
- VI.) *Io. Petr. FRANK , de Morbis Pecudum a Medentibus non praetervidendis.* 237-248
- VII.) *Georg. Math. GATTENHOF , de Plethora.* 249-302
- VIII.) *Io. Petr. FRANK , de Populorum miseria morborum genitrice.* 305-324
- IX.) *W. X. JANSEN , de Pellagra.* 325-387

I

ANDERS IAHAN RETZII
PROFESSOR R. D.
LECTIONES PUBLICAE
DE
VERMIBUS INTESTINALIBUS
INPRIMIS
HUMANIS,
QUAS HABUIT
IN MUSAEO RER. NAT. ACAD. LUNDENSIS
D. XVIII. MARTII ET SEQU. MDCCLXXXIV.
Holmiae , 1786.

Permulta inter , quae oeconomiam universalem , magnum illud & nunquam satis mirandum Summi Creatoris institutum respiciunt , attentionem sane meretur nostram , quod a maximo Certe ad Hydram usque oculo inarmato vix observandam , omnia animalia suis gaudeant Parasitis . Fateri quidem necesse habemus , quod si quis huius ordinationis nos lateat , & reconditus forte semper manserit ; si vero attente , qui nobis patent , in naturae catena lustremus articulos , omnis

Vol. IX. A

alia conclusio evanescit, quam quod etiam hi res summe necessariae & quasi intermediae sint, quae si abessent, necessarius quoque in natura nexus tolleretur.

A multis retro, immo a remotissimis annis notum est, Animalia notiora proprios habere Parasitas, qui externam illorum superficiem inhabitant, rodunt, sugunt, & artificiosissimis suis instrumentis succum illorum hauriendo ex hoc vivunt. Horum alii non nisi in ea animalis specie cui assignati fuerunt, vitam agere possunt, alii vero diversum quidem habent habitaculum, prima autem quaque occasione homini vel alicui quadrupedi se affigunt, v. gr. variae Acarorum species.

Verum hi externis Animalium partibus tantum adhaerent, ideoque si non plane destrui, attamen multum minui potest eorum numerus.

Ab antiquissimis temporibus norunt homines, non solum sibi sed etiam Canibus & Equis vivos quoque intestinis inesse hospites, obscura licet, ne dicam confusa haec fuerit de illis notitia. Medici de morbis ex illis ortis tantum solliciti, omnem fere ulteriorem inquisitionem spreverunt, de veris notis characteristicis, de historia, de propagatione illorum vix somniantes. Nondum dimidia saeculi pars elapsa fuit, cum omnes verum intestinalium species generatim pro au-

malibus habitae sint . Caput illis ad proxima usque nostro aevo tempora denegarunt . Species non solum inter se quam maxime , sed cum peregrinis generibus confuderunt , e. gr. Ascaridem lumbricoidem cum Lumbrico terrestri , Ascarides vermiculares cum Larvis caseum inhabitantibus .

Celebris ille Italus FRANCISCUS REDI omnem sane operam adhibuit , ut attentionem excitaret coevorum in his indagandis ; parum vero profecit . Inter eum enim & omnia scrutantem PALLAS intervallum fuit fere octoginta annorum , sub quo in eodem propemodum statu permanserit vermium intestinalium cognitio . Verum post editam ab hoc illustri viro egregiam *Dissertationem de Insestis viventibus intra viventia* , mutata est facies . Ille enim multos clarissimos Viros excitavit , & ab eo nova omnino in horum cognitione initium sumit periodus . REGIAE autem SOCIETATI SCIENTIARUM HAFNIENSI reservatum erat , maius in his lumen accendere quaestione praemio remuneranda ad aemulationem proposita . Huic ni fallor debemus , quae intra spatium aliquot annorum prodire egregia scripta PALLAS , BLOCH , MULLER , GOEZE , WERNER , quaeque inventa haud satis miranda offerunt . Docent nos horum libri , multis quatuor priorum Classium animalibus proprios plerumque intestinorum vivos esse hospites ;

sed docent simul , multa adhuc quaerenda superesse , quae vix somniavissemus , nisi horum inventis incitati . Horum egregiorum Virorum laboribus suffultus , iam tertia vice ubi Historiam Regni Animalis ad finem perducam , brevem *Vobis* Vermium intestinalium Historiam , praecipue Hominiis , proponere volui , eo magis necessariam *Vobis* & utilem , quo certius est , *Vos* in scriptis Medicorum frustra illam quaesituros .

Verum antequam ad ipsam tractationem me accingam , necessarium duco , *Vobis* brevem catalogum praecipuorum Librorum de Vermibus his tractantium exhibere , idque eo ordine fere , quo prodierunt . Superfedeo illos nominare Auctores , qui medice tantum vel pathologice & therapeutice de illis egerunt , tanquam a scopo nostro alienos ; nihil enim fere de Vermium characteribus vel oeconomia saltem certi & determinati apud hos invenietis .

Quos novi Auctores , sequentes sunt .

FRANCISCI REDI degli Animali viventi negli
Animali viventi . Firenze 1684. 4.to

MARTIN. LISTER in VIII. Volumine Transac-
tion. Philosophicar.

EDWARD TYSON in XIII. Volumine Transact.
Philosoph.

CONTULUS degli Ascaridi . Romae 1701.

ANTONII VALISNERI Considerazioni ed Espe-

- rienze intorno alla generazione de' Vermi ordinarij del Corpo Umano . Padova 1710. 4.to
- ANTONII VALISNERI Nuove Osservazioni e Esperienze intorno all' ovaja scoperta ne' Vermi rotondi dell' Uomo e de' Vitelli , ibid. 1721.
- DANIELIS CLERICI Historia latorum Lumbricorum . Genevae 1715. 4.to
- GOTTL. POLYC. SCHACHER Dissertatio de Taenia . Lipsiae 1717. 4.to
- STEPHANI COULET Dissertatio de Ascaridibus & Lumbrico lato . Lugd. Batav. 1729. 4.to
- GUIL. EABRICIUS de Ascaridibus & Lumbricis latis . Duisburg. 1733. 4.to
- IOH. BAPT. BIANCHI de naturali in corpore humano vitiosa morbosaque Vermium generatione . Aug. Taur. 1741. 8.vo
- NICOL. ANDRY de la génération des Vers dans le Corps de l' homme . Paris 1741. 8.vo 2. Tomi.
- SAMUEL ERNST Dissert. de Taenia secunda Plateri . Basil. 1743. 4.to
- CHRISTIAN GOTTL. KRATZENSTEIN Abhandlung von der Erzeugung der Würmer im menschlichen Körper . Halle 1748. 8.vo
- CAROLI LINNAEI Dissert. de Taenia . Upsaliae 1748. 4.to
- - - - - Systema Naturae . Editiones variae.
- IOH. HIERON. KNIPHOF de Vermibus hominibus molestis . 4.to A 3

CHARLES DIONIS Dissertatio sur le Taenia , dans laquelle on prouve , que le Vers n'est pas solitaire . Paris 1749. 12.0

CHARLES BONNET Dissertatio sur le Taenia , in Memoires des Savans Etrang. T. I. p. 478. & in Oeuvres d'Histoire Naturelle & de Philosophie de CH. BONNET. Neuchâtel 1779. T. 3. p. 96.

WALTER van DOEWEREN Dissert. de Vermibus intestinalibus hominum . Lugd. Bat. 1753.

CAR. FRIED. KALTSHMIED de Vermibus & praecipue illa specie quam Taeniam vocamus. Ienae 1755

DOMINICI VANDELLI de Taenia Canis 1758.

P. S. PALLAS Dissert. de Infestis viventibus intra viventia . Lugd. Batav. 1760. 4.10

- - - - - Elenchus Zoophitorum . Hagae 1766. 8.vo

- - - - - Bemerkungen über die Bandwürmer in Menschen und Thieren , in Neue Nordische Beiträge 1. Band. St. Petersburg 1781.

Van PHELSUM Naturkundige Verhandeling over de Wormen welke veeltyds in de darmen der Menschen gevonden worden . Leeuwarden 1763. 8.vo etiam latine & germanice editus.

I. V. de CSER Dissert. de Historia naturali & medica Lumbricorum . Francquerae 1772.

IOH. GEORG. ROEDERER Programma sistens
animadversiones de Taenia . Goettingae 1772.

WILH. FREDR. von GLEICHEN *genannt* RUSS-
WORM Zergliederung und Mikroskopische
Beobachtungen eines Bandwurms und eines
Kürbiskwurms , in Berlinische Beschäftig. IV.
B. p. 204. Berlin. 1779.

MARCUS ELIEZER BLOCH Beytrag zur Na-
turgeschichte der Würmer welche in andern
Thieren leben . Ibid. p. 534.

- - - - Beytrag zur Naturgeschichte der Bla-
senwürmer . Berlin. Schrift. d. N. F. G. 1. B.
p. 335.

- - - - Abhandlung von der Erzeugung der
Eingeweidewürmer , und den Mitteln wider
dieselben. Berlin. 1782. 4.to

CAR. FR. HAPP Dissert. Vermium intestinorum
Hominis Historia . Lipsiae 1780. 4.to

OTTO FREDR. MULLER om Bändelorme , in
Nye Samling af det Kongelige Danske Wi-
denskabers Selskabs. Skrifter. I. Del. Kiöben-
havn 1781. 4.to

- - - - Unterbrochene betrühungen bey den
Intestinalwürmern. Berlin. Schrift. 1. B. p. 202.

NATH. GOTTFR. LESKE von dem Drehen
der Schafe und dem Blasenbandwurm im
Gehirne derselben. Leipzig. 1780. 8.vo

ERICI ACHARII Dissertatio de Taenia . Lun-
dae 1782. 4.to A 4

IOH. AUG. EPHR. GOEZE Versuch einer Naturgeschichte der Eingeweidewürmer thierischer Körper . Blankenburg 1782. 4.to

PAUL. CHRIST. FRIDR. WERNER Vermium intestinalium praesertim Taeniae humanae brevis expositio . Lipsiae 1782. 8.vo

- - - Vermium intestinalium brevis expositionis continuatio . Ibid. eod. anno.

Plures forte sunt , sed de iis mihi nil notum est.

Ex enumeratis; scripta PALLAS, MULLERI, BLOCHII, LESKE, GOEZE & WERNERI omnino praecipua sunt , ita , ut , illis instructi , cacteris carere possimus .

Veteribus tres solummodo Vermium intestinalium species notae erant , scil. Ascarides , Lumbrici lati & Teretes . FELIX PLATER forte primus fuit , qui duplicem Lumbrici lati vel Taeniae speciem esse docuit . Reliquas Vermium intestinalium species illis incognitas fuisse , nemini mirum videri potest consideranti , quod vix ultra humanum corpus suas extenderint disquisitiones . Duo tantum genera adhuc proprie ut intestinalia Hominum considerantur , duo vero accessoria . Quintum genus , scil. Lumbrici vulgo illis adnumeratum fuit , licet perperam . Erroris huius causa latet in rudi & tenebrosa de Vermibus cognitione ante LINNAEI tempora , apud omnes

nondum correctæ; multis enim Medicis adhuc haeret erronea illa opinio, superfluam illis & inutilem esse Historiæ Naturalis notitiā. Hinc quoque factum est, ut perillust. a LINNE, qui Ascaridem lumbricoidem optime novit, seorsim Lumbrici terrestris varietatem ut intestinorum humanorum hospitem consideraverit, id quod varii ei magni instar erroris exprobrarunt. Eiusmodi vero erroribus omnes Historiæ Naturalis Auctores, inprimis Universalistæ, obnoxii sunt, nisi omnem omnino aliorum auctoritatem reiicere velint, & quod propriis solum oculis viderint, ut certum considerare; id quod alio respectu eidem egregio Viro vitio vertunt. Quid quaeso faciendum, cum aliquot centenos videmus Auctores de Lumbricis in intestinis hominum hospitantibus differentes?

Postquam pleraque animalium obviorum species cultro non tantum anatomico subiecerunt varii Naturæ Scrutatores, sed etiam a labore haud gratissimo, intestina scilicet lustrandi eorum non abstinuerunt, in Animalibus Mammalibus, in Avibus, Piscibus Amphibiisque ingens copia Vermium intestinalium detecta fuit, quæ sub variis hætenus imperfecte cognitæ vel novis quoque generibus militat. Alios viderunt in canali alimentario, alios in cerebro, in hepate denique, in pulmonibus, in renibus, immo sub cu-

te, in ipsa carne hospitari, illosque omnes sub nomine Vermium intestinalium comprehensos volunt.

Licet per paucos dehinc annos miranda omnino in hac herpetologiae parte detecta fuisse, attamen fateri cogor, me cognitionem de Vermibus intestinalibus, ut in sua adhuc infantia constitutam considerare; longe enim plura detegenda supersunt. De generum enim characteribus haud conveniunt Auctores, nec in omnibus certum est, quid sit species, quid varietas. Longam etiam haec poscunt experientiam, nactus eo difficiliorem, quod brevissimo tempore animacula haec viva inspicere liceat observatori. Et si vel liceret, quae inhabitant animalia, adhuc viva cultro subicere anatomico, quod humanitati adversatur, experientia hoc modo obtenta etiam manca foret, quum de utriusque tum hospitis cum hospitis vita brevi actum sit, nec nisi frustatim, ut ita dicam, hac via observationes instituere possimus, reliqua concludere coacti. Quam facile autem erroneae fiant conclusiones, omnis aevi testatur experientia.

Ex cognitis iam Vermium intestinalium speciebus Illustr. PALLAS iusto pauciora, Celeb. vero GOEZE iusto plura genera constituisse mihi videtur. Optime mea quidem sententia sub septem, scil. *Ascaridis*, *Cordii*, *Gucullani*, *Echi-*

no rhyncei, *Planariae*, *Fasciolae* & *Taeniae* generibus comprehenduntur. Forte etiam Cucullari genus excludi posset; nullam huius vivam vidi speciem, quare etiam dubium mihi adhuc manet, num revera a Gordiis distinctum formet genus, vel cum illis iungi debeat. Celeberrimi BLOCH & GOEZE *Chasotis* species Vermibus intestinalibus immiscuerunt, nescio qua de causa.

Non defunt, qui e Vermibus intestinalibus propter habitaculum, distinctam in Regno Animali Classem conficere voluerunt. Res ipsa libera videri potest; sed character classis difficilis erit, & genera naturalia dilacerarentur. *Gordii aquatici & terrestres* aequae *Gordii* mihi sunt ac *Gordii intestinales*. *Taenias* ordini Zoophytorum inscribi debere, nec in systemate naturali communi ordine cum iis, quorum origo copulae sexuali debetur, iungi posse, *Vobis* demonstrare adnitar. Vereor etiam, ex hoc fundamento si dispescerentur Regni Animalis subiecta, ne eadem inde oriretur confusio, ac si Plantae secundum virtutes Medicas distribuerentur. In Systemate Medico forte admitti possunt eiusmodi distributiones; utilitas vero magis imaginaria erit quam vera.

Circa vermes intestinales hominum praecipue, ut nuper dixi, commorabor, reliqua quasi in transitu leviter attingam.

I. ASCARIS.

Vermis teres , utrinque attenuatus , inarticulatus , ore trivalvi.

Omnino cylindricus est , & versus utrumque apicem decrescens , quamvis in diversa specie magis versus unam quam alteram extremitatem . Os terminale , & tribus quasi nodulis apparet . Proboscis nulla observatur , quamvis verisimile sit , aliquod instrumentum oris esse , cuius ope intestina perforare possit ; huius enim perforationis exempla varia apud Medicos scriptores occurrunt .

Numerosas apud MULLER , GOEZE ; BLOCH & OTHONEM FABRICIUM in Fauna eius Groenlandica habebitis huius generis species , etiam nonnullas apud WERNER . Descriptiones vero inprimis Cel. GOEZE ita comparatae sunt , ut saepius dubius haeream , num species vel varietas sit . A sola denique icone non nisi characteres incertos desumere licet , & mihi impossibile fuit plurium Synonymiam eruere . Varias denique species ad hoc genus referuntur , quibus , quantum ex iconibus iudicare potui , desunt generis notae essentialis .

Ascaridum humanarum tres sunt species , iam breviter considerandae .

1. ASCARIS *lumbricoides* lineis quatuor longitudinalibus , valvulis oris hemisphaericis .

A. *lumbricoides* . LIN. S. Nat. pag. 1076.

- - BLOCH Abhandl. p. 29. t. 8. f. 1-6.

- - HAPP. Diff. p. 13.

- - WERNER Expos. p. 75. t. 6. f. 144-152. t. 7. f. 153-158.

Kongl. Svensk. Vet. Acad. Handl. 1776.

p. 313. 1781. p. 13. t. I. f. 1-5.

A. *hominum* , GOEZE Versuch. p. 65.

Lumbricus terrestris var. LINN. S. Nat. p. 1076.

terres TYSON. Phil. Transf. Vol. XIII.

intestinalis PALL. Diff. p. 13.

PHELSUM t. 4. f. 5. 6.

Haec illa est , quae Svetice *Spolmask* , & ab aliqua similitudine cum Lumbrico terrestri *Metmask* audit , quaeque ansam confundendi cum Lumbrico terrestri praebuit . Hominibus propria est , nisi forte varietas eius sit , quae Equos infestat . Domicilium eius sunt intestina tenuia , praesertim circa ileum . In ventriculum nonnunquam ascendit , sed vomitu cito tunc eicitur , nisi forte nonnunquam ibi interimatur . Observatores Medici aiunt illam inventam esse in cerebri ventriculis , in sinu falciformi , in cantho oculi , in pancreate , in trachea , in pulmonibus , in renibus , in ulceribus pedum &c. Sed hi casus plane suspecti sunt . Quæri enim &

quidem iure meritoque potest, an Auctores harum observationum Vermes hos rite distinguere valuerint. Certe Auctores, quos ego vidi, vel Vermis vel Lumbrici nomine tantum contenti, nihil plane vel fabulosi quoque aliquid de forma illorum retulerunt. Ascarides lumbricoides intestina perforare posse nulli negamus, ideoque in viciniam egressas aliquando inventas fuisse, omnino probabile censemus. Hac etiam pertinere videtur casus a WILLIO in Act. Helvet. Vol. I. p. 73. allatus. Quod autem in cerebro, in cantho oculi, in ulceribus pedum visae dicantur, rudem sapit ignorantiam. Quod versus vitae terminum in ipso agone mortis, immo mortuo nuper aegrotò febricitante exitum quærant tam per superiora quam inferiora, saepius observavi; historiae itaque TREUBLERI in TH. BARTHOLIN. *Epist. Medic. Cent. II. de Vermis spithamæ longitudine e naribus morientis extracto*, facile fidem addo.

Nulli parcunt ætati, infantes tamen & senex sequior præcipue illis obnoxii sunt. Magna saepe adsunt copia. PALLAS apud infantes aliquot centena vidit. BRENDÉL. in uno homine ultra novies centena vidit, ventriculum & intestina inhabitare. De verminoso loquitur PEREDA, qui plus quam mille intra aliquot dierum spatium excrevit, modo nostrum intelligat Ver-

mem ; ipse enim librum non vidi . MOUFFET
casum refert aegroti , qui simul centum & se-
ptendecim excrevit . Ego infantem vidi decem
annorum febre verminosa laborantem , qui adhi-
bito aethiope martiali per triduum viginti sex
edidit .

Nescio sane quid dicam de nonnullis aliis
observationibus a rerum peritis allatis . REDI
ait se vidisse hunc Vermem in Canum renibus ,
KLEIN in rene Vulpis , & quod magis mirum
in cerebro Phocae , plura ut taceam .

Consueti illis *longitudo* a sex ad novem
pollices est . Illam vero non adeo raro superant .
Sic PALLAS unam pedem longitudine aequan-
tem vidit . Quod de duorum cum dimidio pedis
longitudine relatum invenitur , singulare est ;
qui autem de Lumbricis a sex ad triginta pedes
longis loquuntur , certe aut fabulantur , aut
Taenias intellectas volunt , licet & hae nunquam
ad illam accedant longitudinem .

Teres est Vermis , versus utrumque finem
decrescens & acutiusculus , dense & subtiliter
circumcirca *annulatus* , *lineis* quatuor per to-
tam longitudinem excurrentibus instructus , qua-
rum duae , latera respiciunt , tertia dorsum &
quarta ventrem .

Color albidus , non raro etiam pallide ru-
bens .

Os terminale, tribus valvulis hemisphaericis & glabris versus centrum convergentibus constat.

In spatio circiter quartae partis pollicis supra caudae apicem papilla observatur, quae *anus* est.

Haud difficile est sexus distinguere; *Mares* enim non solum pauciores, sed & minores sunt. *Foeminae* praeterea in ipsa linea abdominali ad duorum vel trium pollicum ab ore distantiam *foramen* habent, quod aperturae ovarii inservit. Saepe accidit, ut *Ascaris* foemina e corpore expulsa, inprimis si aquae tepidae immittatur, hoc loco rumpatur, fasciculumque emittat filamentorum contortuplicatorum, id quod etiam in *Ascariide felina capite sagittato* vidi. Hocce phaenomenon multos seduxit, ut viviparam illam iudicarent. PEREBOOM de Lumbrico post mortem parturiente scripsit. Filamenta haec meros esse ovarii ductus docuit magis attenta inspectio. Ipsius ovarii portio nonnunquam sequitur, quae ab ovulis distenta sordide viridis apparet.

Maris penis est in ipso caudae apice.

Nuper dictus PEREBOOM libellum edidit sub titulo: *Descriptio & iconica delineatio novi generis Vermium Stomachidae dicti &c.* in quo novum genus Vermium intestinalium fluxit. Ipse tractatum non lustravi; video autem Celebrerrimos Viros, GOEZE, WERNER &c. hanc sto-

ma.

machidam pro Ascaride lumbricoide in intestinis macerata & foedata habere. Quam facile erratur, quando cognitione clara non minus quam experientia destituitur observator!

2. ASCARIS *vermicularis*, capite obtuso, valvulis oris oblongis subterminalibus; cauda subulata:

A. *vermicularis* LIN. S. Nat. p. 1076.

- - - - - GOEZE L. cit. p. 102. Tab. 9.

f. I. - 5.

- - - - - BLOCH. L. cit. p. 31.

- - - - - HAPP. L. cit. p. 8.

Ascaris fere omnium Auctorum.

Svecice *Springmaskar*.

In intestino recto Hominum habitat; nonnunquam etiam in Colon ascensas observarunt Auctores. Paucos esse infantes, qui ante duodecim annum copiam harum non aluere credo; post hanc autem aetatem rariores sunt, & rarissimum est adultum de his querentem audire. FABRICIUS in Dissertatione nominata casum refert Viri quadragenarii, quem per integrum decennium vexarunt. Quae de earum per vomitum eiectione referuntur meam fidem excedunt, & certe ad erroneas observationes relegari debent, ut etiam, quod in Equis, Ranis, Piscibus nidulentur. Hae enim vel ad alia genera pertinent, vel distinctas species constituunt. An re-

vera hae Vermes sint , qui in paludibus a Perillustri LINNE' dicuntur hospitari , quosque primo vere in radicibus putrescentibus viderit , ulteriori indagatione digna res est . Quos denique Dñi BEYREIS & HINZE in puteo Helmstettensi invenerunt Vermiculos , crediderim potius ad hanc speciem , quam ad praecedentem pertinere , si modo Ascarides fuerint .

Svetice *Springmaskar* dicuntur , ob vividos saltus , quos nuper e domicilio expulsaе , faciunt ; id quod plurimum confert singularis earum elasticitas . Cito autem extra corpus humanum pereunt , imprimis in loco frigido .

Ascarides vermiculares aliquando in genitalibus mulieribus inventas esse , facile propter viciniam loci crediderim . Illas vero ex utero illuc venisse vix probabile est . Si enim ab intestinis absorberetur proles illarum , secundum observationes Cl. GOEZE viviparae esse debent , & per circulum sanguinis in uterum deduceretur , cui tamen viae mille obstant difficultates , hoc saepius , quam vulgo fit , observari deberet ; facilior enim longe foret haec communicatio quam cum foetus intestinis in utero gravido .

Color earum plerumque flavescens , vix tamen hic naturalis est , quum in aqua penicilli ope ablui potest . Vix ad tertiam lineae partem accedit earum *crassities* . *Longitudo* autem quatuor vel quinque , raro sex lineas attingit .

Cauda acuta est & subulata.

Caput longe minus attenuatum est & obtusum.

Os trivalve : valvulis ovato-oblongis ad capitis latera sitis.

Totum *corpus* rugis annularibus oculo inermi haud observandis instruitur. VAN PHELSUM ad distantiam quartae lineae partis ab obtuso apice cinguli speciem vel anulum elevatum ait se vidiisse. De hoc vero recentiores tacent, praeter Equ. a LINNE', cuius verba sunt : *pone apicem anteriorem ruga annularis profundior & ad ipsum huius apicem os transversum*. In hunc vero errorem certe a VAN PHELSUM inductus est, qui oculatissimo alias WERNER etiam sine dubio imposuit. Omnes enim tres caput bilobum cum rima oris transversa statuunt. Cel. vero GOEZE, cui copia fuit vivorum exemplarium, valvulas tres oblongas depingit, quarum situs non ut in prima specie, terminalis, sed lateralis est & caput obtusum ac nonnihil incrassatum efficit. Haec quoque cum nostris observationibus coincidunt.

In *Foemina* ad distantiam a capite lineae circiter unius eiusmodi foramen observatur, quale in priori specie ad uterum ducit.

Anus in hac specie non papillaris ; quoniam autem mox supra caudae apicem canalis versus

cutem duci observatur, ibi sine dubio exitum habet.

In *Maribus* ad distantiam a caudae apice lineam nonnihil excedentem, porus observatur, qui cum alio canali, ab anali memorato diverso coit, ideoque merito pro loco genitalis eorum habetur.

Cacterum foeminae a *Maribus* facile distinguuntur per duplicem longitudinalem & spiraliter tortum canalem, quorum alter uterus est. In hoc saepius laudatus GOEZE prolem vivam singularibus membranis involutam vidit; ideoque *Ascarides vermiculares viviparas* declarat. Hisce non obstat, quod *Ascaris lumbricoides ovipara* sit, nam plures *Ascaridum* species e. gr. *pulmonales* p. 91. *Bufo*rum & *Ranarum* p. 93. & 95. *subulatas* p. 98. *acuminatas* p. 101. &c. viviparas esse ostendit.

3. *ASCARIS tricocephala* capite elongato filiformi, cauda truncata.

A. trichiura cauda capillari longitudine corporis. Mant. 2. p. 543.

----- WERNER l. cit. p. 84.

----- HAPP l. cit. p. 21.

Trichuris. MULLER Naturforsch. St. XII.

----- BLOCH l. cit. p. 32. t. 9. f. 7-12.

Trichocephalos. GOEZE l. cit. p. 112. t. 6.
f. 1-5.

Vermium intestinalium species ante annum 1760. ignota. Eo enim anno primum visa est a ROEDERER & WAGLER, quum Gottingae milites Gallicos febre contagiosa demortuos cultro subicerent anatomico. Dein a BLUMENBACH & aliis visa, semper in cadaveribus pauperum. Intestinum caecum inhabitat, rarius & quasi casu quodam in aliquo crassorum delapsam observarunt, nunquam in tenuibus ascensam.

In Svecia hucusque nemini observatorum visa est haec species, quod vel plenariae eius absentiae, vel forte incuriae Anatomicorum adscribendum.

Ex ipso LINNAEI nomine triviali non minus quam ex definitione specifica patet, Perilustrem hunc Virum pro cauda habuisse teneriorem & capillarem partem, adeoque membrum retractile in altera extremitate maris proboscidem esse, iudicasse. In hoc puncto cum Egregiis Viris ROEDERER, WAGLER, WRISBERG, MULLER, BLOCH, WERNER & HAPP consentit. Cel. vero GOEZE cum Ill. PALLAS partem capillarem pro capite habet elongato.

Valde est affinis *Taeniae Spirillo* Pall. magis tamen *Ascaridi rubiferae* FABRICII *Faun. Groenl.* p. 273. ROEDERER, WAGLER, WRISBERG proprii generis credunt, quibuscum consentit GOEZE. LINNE', quem nescio an

spiritu vini servatam viderit , vel descriptionem a Cel. BECKMAN tantum acceperit , Ascaridibus associavit ; illum WERNER & HAPP sequuntur. Donec oris organa melius determinentur ; illam quoque inter Ascarides pono , quamvis ex occasione *Taeniae Spirilli* suspicari liceat magis . Echinorhyncis affinem esse quam *Ascaridibus* & *Taeniis* . Hae enim , scil. *Taeniae* ne ordine quidem cum *Ascaridibus* vel *Echinorhyncis* conveniunt , multo minus genere , dissentientem quamvis habeo Ill. PALLAS.

Plus quam uno respectu singularis est Vermis.

Uterque *Sexus* in eo convenit , quod ab extremitate posteriore tertia circiter Vermis pars crassior sit & fili grossioris crassitiem habeat , dehinc versus caput angustior & fere capillaris . Haec demum pars oculo armato transverse rugosa apparet.

Crassior in *foemina* pars fere stricta est vel parum saltem curvata , ad griseum vergens colorem , quam in mare paullo crassior , citiusque decrescens . Apice obtuso , ubi *ano* forte locus est , terminatur . Ad anteriorem crassioris partis finem in pellucido Verme ope vitri *Ovarium* in spiram circa intestinum ductum conspicitur , & ubi angustior ac rugosa pars incipit , extus punctum obscurum observatur , quod sine dubio ovarii est orificium externum.

Maris vero crassior pars , quae , uti supra dictum fuit , minorem quam in foeminis habet circumscriptionem , semper spiraliter involuta est , elateris instar in horologio portatili , vel ut situm Gordiorum sub Piscium cute quandoque observavimus . Finis eius posticus obtuse truncatus est . In hoc latet tubus vel vagina truncata , quae membrum teres , obtusum , pressura levi videndum , forte animaculi *genitale* sit . Hoc proboscidis Echinorhynchi instar protrudi & retrahi potest . Hoc demum illud est , quod varios induxit in eam opinionem , ibi os animalis esse , ibique caput quaeri debere . Varia autem obstant , quominus ita sit . Situs enim ovarii in crassiore foeminae parte contrarium suadet , non minus quam haud rara observatio , quod scil. conformatio posticae partis in diverso Vermium non minus quam Insectorum sexu saepe diversa conspiciatur , vix vero illud in capitis orisve organis deprehensum fuerit , si antennarum discrepans figura excipiat . Hiscæ addere possumus , quod *Taenia Spirillum* Dn. PALLAS indubie osculum in tenuiore parte habeat .

Oris vero in hoc Verme figura hucusque incerta est . Quae a WAGLERO accepit specimina Cel. GOEZE mortua erant , & spiritu vini condita . In hoc notissimum est , partes animalium , tenerrimorum praecipue , contrahi , cor-

rugari, saepeque deformari. Perspicue itaque illum oris organa non observare potuisse, mirum non est. Ex eo autem, quod in *Trichocephalo* suo murino os trinode se observasse crediderit, eandem fabricam nostro Vermi tribui posse iudicavit. Quum vero huic adeo affinis *Taenia Spirillum*, ex observatione egregii inventoris, os habeat tubae instar ampliatae & margine denticulatae, quod quoque, ut puto, inprimis Illustrem Virum commovit, ut illam *Taenii* associaret, dubia manet genuina in nostro Verme oris structura. Vereor ne difficultas, si non absoluta impossibilitas vivas observandi *Ascarides trichocephalas* incertos nos diu relinquat.

Apud Auctores supra nominatos multae minutae *Ascarides* occurrunt, intra intestina variorum Animalium habitantes. Verum ex iconibus & descriptionibus ibi datis impossibile est ad veras species illas reducere; vel genuinos characteres non minus quam synonymiam eruere. Id etiam de maioribus valet. Sic v. gr. dubium mihi est an *Ascaris Equorum* GOEZE l. cit. p. 63. t. I. f. 1. & BLOCH p. 30. t. 8. f. 4. eadem sit nec ne; alia enim suadent, alia dissuadent. Col. GOEZE elegantissimas habet icones, descriptiones vero vel mancas vel nullas praeter iconum explicationes: de synonymis nisi vulgarissimis haud sollicitus. Animalia itaque ipsa in-

spici debent ; sed non sufficit inspectio unius vel alterius speciei characteri formando ; plures enim species facile communem characterem gerere possunt . Icones praesertim Ascaridum in libro a Cel. BLOCH haud satisfaciunt .

IL. FASCIOLA :

*Vermis planiusculus , linearis , inarticulatus ,
altero apice attenuatus , altero obtusus .*

Character hic a Linnaeo omnino diversus est . Verum p. m. Vir manifeste bina sub hoc nomine commiscuit genera , nempe *Fasciolam nostram* nullo orificio visibili instructam & *Planarias* duobus perspicuis poris praeditas , summo iure distinguenda . Huic Fasciolae nomen , ob formam parvae fasciae , melius quam Planariis competere videtur .

Variis apud Auctores generibus adscriptus fuit hic Vermis , ut ex synonymis iam enumerandis videbitis .

I. FASCIOLA *intestinalis* LIN. S. Nat. p. 1078.

- - - MONTIN Kongl. Sv. Vet. Ac. H. 1763.

Planaria intestinalis . MULLER Prodr. Zool.

Dan. pag. 221.

Ligula Piscium & Avium . BLOCH l. cit. p. 2. 4.

Taenia cingulum . PALLAS N. Nord. Beytr. l. p. 94.

Fasciola intestinalis & abdominalis. GOEZE
l. cit. pag. 183. 185.

Nonnulli in duas dividunt species ; quantum vero ego observare potui , non nisi varietates sunt . Qua enim in Avibus invenere GOEZE & BLOCH , ea mihi in Piscibus obvia fuit .

A semipede ad binos pedes longam vidi . De longitudine quatuor pedum alii (PALLAS N. Nord. Beitr. I. B. p. 96.) loquuntur . Latitudo a tribus ad decem lineas variat . Crassities communis unius ad sesqui usque lineae est , versus margines vero attenuatur , ut nonnihil convexa sit . Inter longitudinem & latitudinem nulla est relativa proportio . Possideo enim Fasciolam 24. pollices longam & 5. lineas latam , aliam denique nonnihil brevioram sed 10. lineas latam , utramque in Cyprino Brama repertam . In medio utrinque secundum longitudinem sulcus ducitur , quem transversae striae comitantur . Harum aliae in medio inter sulcum & marginem desinunt , dum inter has aliae incipiunt ad marginem excurrentes , ibique parvas efficientes incisuras . Tota albet , tota linearis & aequalis latitudine , finibus rotundatis , altero parum retuso . in quo vestigium aperturae vel osculi mihi adesse videtur ; pro certo autem ita esse affirmare non audeo . Alter finis magis acutus in parvam protuberantiam terminatur ; hanc adeo

longam uti apud DD. BLOCH & GOEZE pisciam videtis, nunquam ego observavi. Peculiarem duritiem & ad cartilagineam nonnihil vergentem habet.

Verum est paradoxon hic Vermis, magnitudine enim insigni quamvis prae caeteris gaudet, nemo adhuc in eo observare potuit neque os, neque anum, vel aperturam genitalium; intestina, ovaria, foetus, ova; sed tota eius sub cute substantia uniformis videtur, & si spiritu vini conditus fuerit, quasi farinosa. Ill. PALLAS l. cit. p. 101. ad eam sententiam accedere videtur, quod partitione spontanea multiplicetur.

Praeter nominatam a me observari visam impressionem vel osculi vestigium nulla oris organa, nulla proboscis animadvertitur, nihilo tamen minus intestina & carnem Animalium perforare valet.

Communissimus ei locus est cavitas abdominis inter vel iuxta intestina Piscium lepidotorum, praeprimis Cyprini generis, e. gr. Brama, Carpionis, Carassii &c. & horum Piscium aequè vulgo ac falso Taenia dicitur. Plerumque ex habitu Piscis iudicari potest illum hoc Verme laborare, nam quamvis extra pruritus tempus, abdomen illis multum tumet, quasi plenus esset ovorum, & si parum cultri ope abdomen inci-

ditur , saepe reliquum sponte rumpitur . In cisternis , quibus vivi conservantur Pisces , inventas fuisse legi , sed vivae vel demortuae an fuerint non expressum . Cl. BLOCH *Ligulam* suam *Avium* non solum in intestinis *Mergi Merganseris* , *Mergi Albelli* & *Colymbi aurizi* ad centuriam usque vidit , sed etiam in cavitate abdominis , pectoris & circa cor eorundem *Avium* . Cel. MONTIN loco cit. refert in *limbo Ostrearum* vulgo *barba* dicto sub aestate anni 1757. hunc Vermem saepissime a se observatum fuisse . Quod autem magis singulare est , per Anthelmintica & Cathartica varias Fasciolae nostrae portiones e virgine nobili expulit simul cum Ascaridibus lumbricoidis , frustulisque Taeniae . Inter illa unica semipedis longitudine erat , ex qua sine omni haesitatione de genuina Vermis specie iudicare posset . De fide huius relationis nullus dubito , qui egregiam eius in Historia Naturali scientiam saepe miratus sum . Nec ullum mihi superest dubium , quin Vermis , quem ex quodam *Giamberti* expulit Cel. LUPI (a) etiam

(a) Cl. LUPI Epistola ad Cl. FRANCHI in *Avvisi sopra la salute umana* Tom. V. p. 233. , in qua scribit : e in tali giorni per il secesso non solo si osservarono i suddetti , ma comparve ancora un Verme bianco , lato , ma senza articolazione .

huius farinae fuerit . Inter intestinales igitur hominum Vermes omni iure numerari debet , licet , quod eo melius , raro occurrat .

In libro de morbis infantum ed. 1771. pag. 218. Ill. ROSENSTEIN refert se cum septem aliis praesentibus Fasciolam in patina viyam vidisse , cum Piscis iam ut coctus mensae impositus esset . Nuper nominatus MONTIN l. cit. etiam ait Fasciolam vivam prunis fagineis vivide ardentibus impositam bis terve mucosuo suo eas exstinxisse , antequam ipsa exstingeretur ; etiam in ignem flammantem proiectam ultra duo minuta vivam perstitisse . Eodem loco singularem offert observationem , quo scilicet Fasciola haec e Pisce exempta & spiritu mercuriali immissa ultra semihorium vixerit .

Casus a Nob. ROSENSTEIN allatus anasim dedit DD. PALLAS & BLOCH experiundi , quantum caloris frigorisve pati possit *Fasciola* haec . Ex eorum experimentis patet , Piscem , in quo hospitatur , vix duorum minutorum coctionem perferre sine morte Vermis . Cum autem per quinquaginta solum partes minuti secundas integer coquebatur Piscis , viva supererat Fasciola , quamvis portio eius , quae extra Piscis corpus penderet , emollita esset . In aqua frigida rigeat quasi mortua , calenti vero immissa reviviscebatur . In fervida post varios motus quasi convulsa emoriebatur .

III. GORDIUS.

Vermis filiformis , levissimus , aequalis ,

Imperfectum esse hunc characterem ambabus largimur manibus , meliorem vero hactenus ignoramus . Nob. PALLAS addit quidem : *os dilatatum labro subrotundo concavo , cauda uncinula terminata* . Hae vero proprietates apud plerosque defunt , & cum characterē *Cucullani* MULL. demum coincidunt . Cel. BLOCH de *labiis duobus humidis* loquitur , quae neque observare licuit .

Nec felicius succedit character specierum , Verruculam quam in credita foemina *Gordii Harengum* vidit BLOCH in *Gordio marino* LINNEI ex carne Gadi barbati ac *Pleuronectis* & ex ventriculo Lucii vidimus .

In numerum Vernium intestinalium humanorum *Gordium* non reciperem , nisi D. ANTON, MARTIN R. *fil.* observator sane circumspectus , illum in se reperisset habitantem . *Gordium argillaceum* Lin. fuisse vix crediderim , potius *Gordius marinus* fuit , qui saepe in intestinis Piscium marinarum , in hepate illorum , in vesica aerea Salmonis Eperlani invenitur , quemque ipse ultra centum numero in unica *Pleuronecte* , partim in ipsa carne , copiosius vero sub cute in spiram volutatum vidi . Descriptio alias Dñi MARTIN

bene cum Gordio a Cel. GOEZE in intestinis Gallinae morbidae reperto, quemque Tabula 8. va f. 8. 9. depinxit, convenit. Sed ut nuper dixi, specierum characteres difficile eruuntur, difficilius adhuc verbis exprimuntur.

Tenacis est vitae. Ego illum (*G. marinum*) in spiritu vini gallico servatum per aliquot horas vixisse manifeste observavi. MARTIN illum licet languidum in aceto sex horas, per sesquihoram in aceto pipere acuato, ad summum per bihorium in Sinapi cum aceto trito, post triginta horas in pulvere Colocynthis, post quindecim in solutione salis cathartici, post viginti quatuor in pulvere corticis peruviani vixisse observavit. Muria concentrata & opiata illum post sal volatile oleosum Silvii omnium citissime enecarunt. Haec experimenta cum reliquis in Kongl. Svenska Vet. Acad. Handl. 1771. p. 261. &c. legi possunt.

Hostes sane periculosissimi sunt, quod facile adeo intestina perforare possunt. Cum enim probabile sit, illos non nisi per Pisces male mandatos & coctos corpus humanum introire, facilius erit, se ab illis praecavere, quam curare.



IV. ECHINORHYNCHUS.

*Vermis teres , inarticulatus , proboscide
retractili echinata .*

Huius plures sunt species , nulla vero in humano corpore habitans . In Piscibus eo frequentior est ; sed cum in canali alimentario domicilium unice habeat , nullum ab his periculum metuendum puto .

V. PLANARIA.

*Vermis depressus , inarticulatus , osculis duobus
hiantibus terminali & subcentrali .*

Nomen magis congruum *Distoma* videtur , sed apud Historiae Naturalis Scriptores frequentatum , nulla urgente necessitate , mutare nolui .

Ratione specierum hucusque notarum numerosum hoc non est genus , nec haecenus , quantum sciam , in ullo homine repertum .

Inter species a Cl. GOEZE recensitas una occurrit p. 177. sub nomine *Planariae alatae* vel *dubiae* , quae certe Planariis consociari nequit . Nisi revera larva sit alicuius insecti , certe proprii generis Vermis .

VI.

VI. TAENIA.

Vermis plerumque compressus & articulatus ac linearis. Caput vesiculis quatuor suctoriis.

Genus, quod non minus Celeberrimorum Virorum ingenia, quam aegrotantium intestina cruciavit, & cuius adhuc, multae licet cognoscantur species, difficulter dari character poterit. Aliae enim lineares & articulatæ, aliae articulatæ & vesiculiferae, aliae vesiculiferae inarticulatæ sunt. Omnes instrumenta quatuor suctoria in capite, non omnes vero circulum duplicem aculeorum habent.

De ordine ad quem referri debet hoc genus, etiam multum disceptatum fuit. Perill. a LINNÉ illud in ordinem Zoophytorum retulit, rationem his verbis addens: *Tæniae hae sunt composita simplici catena uti Sertularia composita latente intra singulum articulum animalculo cum sua fructificatione. Articuli distincti, Vermes Cucurbitini Medicis audiunt, renascentes novis articulis more matris absque termino, cum singulo articulo proprium os, propria viscera chylopoietica. Omnis articulus propria vita gaudet.*

Quamvis Perilluitris Viri Theoriam hanc de Taenia per omnia subscribere non possim, iure, ut mihi quidem videtur, illud genus Zoophytorum ordini adscripsit.

Vol IX.

G

Equ. a LINNE' omnibus Vermibus *caput* denegasse, notum est. Hinc multae quoque disceptationes ortae sunt, quae tamen omnes, uti antea saepe audivistis, ad logomachiam redeunt. Tota scilicet lis pendet a notione capitis; LINNE' enim cum capitis idea praesentiam iungebat membri a reliquo corpore articulationis ope distincti, cui os, oculi, nares, vel saltem antennae aut tentacula essent. Haec rarissime, si unquam, in capite sic dicto Vermium occurrere neminem facile negare crediderim. Si vero caput illam extremitatem, in qua os sit, vocare volumus, caput certe adest.

Verum ipsam B. Viri de Taeniis theoriam e binis praecipue fontibus profluxisse, verosimile mihi videtur.

Res est notissima VALLISNERI de Taenia sententia. Illam scilicet ut seriem tot distinctorum animaculorum sponte concatenatorum, quot ei articuli sunt, concipiebat. Haec theoria, quam nuper D. BLUMENBACH ad omnium admirationem suscitavit, sine dubio primam Equiti a LINNE' occasionem dedit, Taeniam animalis instar compositi considerandi, quamvis VALLISNERI de spontanea concatenatione articulorum reiecerit hypothesin. Sibi vero persuasum habuit, articulos ad latiorelem Vermis finem maturos nexu sese solvere, illisque ab angustio-

re. sine novos accrescere articulos, sicque fieri posse, ut ab una Taenia multae ortum ducant indeterminatae longitudinis.

Caeterum certum quoque est, Perillustrem Virum, postquam Historiae Naturali totus se dedisset, nunquam sectionibus anatomicis interfuisse, neque Praxi Medicae se immiscuisse, nisi cum vires medicamenti specificas exploratas optasset. Non itaque mirum, si illi nunquam visa fuerit capite instructa. Mihi ipse quoque retulit, se nunquam microscopium compositum adhibuisse, nisi cum observationes Münchhausianas repateret. Canalem ergo alimentarium communem ignorabat. Et quid quoque simplicius, quam credere, quod quivis porus osculum sit? Etiam Nobiliss. PALLAS probabile videtur oscula haec sic dicta alimento hauriendo inservire. Posito hoc, cui non paradoxon videbitur simplex Animal multis articulis, quorum singuli demum proprio ore propriisque intestinis gaudent, instructum fingere? Quot enim ora, quot diversae intestinorum phalanges; & tot quoque Animalia simplicia statuere cogemur.

Iam autem quum de eo inter nos conveniat, quod idea haec b. a LINNE' erronea sit, quodque cuius Taeniae suum sit caput, quomodo incrementum capit, quo instrumento alimentum haurit?

De utroque discrepant Auctorum sententiae : Nob. MULLER in *Nye Saml. af det Kongl. Danske Vidensk. Selsk. I. Del.* p. 96. paucis hŕŕce verbis suam exprimit sententiam : *creŕcit in longitudinem simplices articulos iuxta caput explicando* . Credit itaque inter caput & proximum articulum novos explicari articulos , & credit quoque omnem Taeniam non nisi certum articulorum numerum adipiŕci poŕŕe .

Prius quodammodo cum Linnæna sententia convenit , in eo ŕcilicet : quod incrementum a ŕine anguŕtiori fieri debeat .

Nullibi , quod ŕcio , D. PALLAS , quid hac in re ŕentiat , aperte profeŕŕus eŕt . Iniuŕŕum itaque foret certam quandam illi opinionem obtrudere . Niŕi vero omnia me fallunt , videtur credere , omnes articulos in Taenia nata iam adefŕŕe , & conŕequenter incrementa tantum capere . Huic ŕententiae etiam ŕine exceptione addiŕtum invenimus Cel. BLOCH in *Opuŕŕculi ŕui* p. 7 8. dicens : *incrementum illorum non , uti multis perŕuaŕŕum fuit , ŕit per adpoŕŕitionem novorum articulorum , ŕed per explicationem & ampliŕicationem eorum* .

Quaenam vera harum ŕit , difficile ŕane eŕt dictu . Veterum de his lepidas opiniones enumerare ŕupervacaneum duco . Cl. WERNER illas habet in compendio p. 97. ; nec recoŕŕta VAL-

LISNERI sententia impugnari meretur. Id monere tantum debeo, Cl. WERNER D. LINNEI sententiam male intellexisse, cum dixerit: *quodammodo illum cum Bianchi consensire*. LINNE' enim nunquam Taenias cum polyposis intestinorum excretionibus comparavit, sed propagationem illarum cum *Hydrarum*, tum temporis sub nomine *Polyporum* notarum, propagatione. Nec feliciter quidem LINNE' citavit p. 93. dicens: *illum Taenias ad Sertularias retulisse*; aliud enim longe est ad Sertularias referre, aliud cum Sertulariis conferre.

Qua vero via nutrimentum capiunt?

Per oscula sic dicta vel lateralja vel marginalia id fieri, sententia fuit non solum Perill. a LINNE', verum etiam multorum aliorum Virorum; cui non leve pondus addidit experimentum Clar. KOENIG in Verme cucurbitino (Act. Helvet. T. I. p. 29.) lactem quaerente, instituto, quamvis, quod dolendum; semel tantum & ad dimidium successit. Ill. PALLAS huic sententiae addictus videtur, dum se non capere fatetur, quomodo parvum illud & haud satis demonstratum os in capite situm tanto sufficeret Animali nutriendo. Contrariam omnino sententiam fovet Nob. MULLER, quocum in hac re ut consentiam, duo inprimis momenta compellunt.

A Cel. ERNST dudum iam demonstratum

est, ad utrumque Taeniae marginem canales
 esse, totam articularum seriem percurrentes.
 Hos in una specie a Cl. ERNST observatos
 dein in pluribus observarunt alii, e. gr. Cl.
 BLOCH in *Taenia lanceolata*, *Taenia rectangu-*
lum, *Taenia articulis rotundis*, *Taenia* vasis
 nutritiis distinctis, a Cel. GOEZE delineantur in
 Tab. XIX. XXI. XXII. A. f. 3. 4. Tab. XXIV.
 f. 5. &c. Ab Ill. PALLAS visi sunt in *Taenia*
Solio (N. Nord. Beytr. I. p. 52.). De illo-
 rum existentia itaque nullum est dubium. PAL-
 LAS denique & WERNER etiam observarunt,
 in *Taenia Solio* hos canales ad osculum margi-
 nale pertinentes findi, ut osculo marginali via
 pateat, & mox ab altero huius latere per ana-
 stomosin illorum in unum coalescere; dehinc ad
 marginem inferiorem articuli tendere, inque eius
 medio ab utroque longitudinali latere concurre-
 re, ita ut per apicem inferioris articuli illi in-
 ferantur, sicque totam percurrant Taeniam. In
 nuper citato Opere, scil. N. Nord. Beytr. I. p.
 63. observationem adducit Ill. PALLAS, pluri-
 mum roboris nostrae opinioni addentem: *saepius*,
 ait, in *Taenia membranacea* aequae ac *insequen-*
te (*T. latam* intelligit) *obvenit*, quod *media*
pars articularum in latiore Vermis parte compu-
truerit & exciderit simul cum ovario, & *sanati*
demum articuli perforati sint, unde necessario se-

quitur, succum nutritium hos articulos sustentantem ex articulis anterioribus promanasse. Ita etiam esse in Specimine *Vestris* iam oculis obvio videtis; nec rarus est casus inquirenti. Cl. WERNER observatio, quod scilicet canales hi marginales a vesiculis suctoriis, duobus scil. horum cum uno illorum utrinque communicantibus, ortum ducant, quae quidem ex iconibus *Taeniae megacephalae* Tab. XIX. *Taeniae serratae* Tab. XXIV. f. 4. 5. imprimis vero a figura *Taeniae disparis* Tab. XXXV. f. 3. 6. in Opere Cel. GOEZE novum sane pondus recipit, extra dubium ponere videtur, quod *Vesiculae* hae *suctoriae* tot sint oscula succum alimentarem advehentia, quocum pleno ore consentit saepius laudatus GOEZE.

Alterum momentum, quod impedit, quominus oscula marginalia lateraliave ad alimentum hauriendum destinata credam, & absentia illorum in articulis tenerioribus & immaturioribus. His vero articulis sensim incrementum capturis nutrimentum multo magis necessarium est, quam maturis iam vel maturitati proximis. Si vero nullum nutrimentum nisi per oscula lateralia marginaliave arripi posset, unde tunc illorum augmentum?

Praefraete non nego, fieri quoque posse, ut articuli iam oscula adepti etiam alimentum eorum ope hauriant, licet minus probabile sit.

In *Taeniis* praeterea *vesicularibus* nulla omnino oscula praeter capitis observantur.

Pori laterales in convexiore latere *Taeniae Lucii* vel *nodulosae Pall.* conspicui haud dubie aperturae sunt ovariorum, nudo oculo saepius observandae. Has autem canales transversis ad marginem alterutrum percurrentes attingere, dixerunt Viri experientissimi PALLAS & GOEZE, immo hos depinxerunt canales. De papillis Cel. BLOCH in *Berlin. Beschäft.* IV. Tab. XV. f. 5. delineatis non loquor, haec enim, pace egregii Viri quem magni facio, dictum, certe ad fallacias opticas pertinent. Existentiam horum canalium absolute negare non sustineo, id autem asseverare possum, nec mihi nec ulli alii mecum observanti hos intueri contigisse in plus quam centum huic fini oculis multoties subiectis Vermibus. Nec *Vestri* oculi feliciores fuere, frustra enim *Vos* etiam illos quaesivistis. Quid celebratissimi hi Viri pro canalibus transversis habuerint, in promptu mihi est conicere, verum ego nihil praeter rugas observare potui, ne quidem ubi ovaria ovis rufescentibus distenta sunt.

Antequam ad specialem *Taeniarum* humanarum descriptionem transeam, incumbit mihi *Vobis* rationem reddere, cur *Zoophytorum* ordini illa adscribam.

Duplicem novimus cum *Animalium* cum

Vegetabilium *propagationem*, scil. *sexualem & asexualem*. Prior in Regno Animali per ova absolvitur, quae apud nonnulla intra, apud reliqua extra corpus matris excluduntur. In utroque casu mutua utriusque sexus actio necessaria est, sine qua infœcunda erunt ova. In Regno Vegetabili diu nota fuit propagatio asexualis. Radicatio repens, partitio radicum, stolones, infusio, bulbi axillares, umbellarum & radicularum, prolificatio panicularum & spicarum superflua huius sunt testimonia. Hanc Plantarum vim prolificam a medullari substantia pendere, semina in pericarpio immediate per pedicellos eorum cum hac communicare, easque omni iure pro continuata medulla considerari, & plantam e gemma radice vel trunci aequè plantam ac si e semine fœcundato germinasset, nemo facile in dubium vocabit, quamvis argumenta a Cl. HEDWIG in *Promt. Lipsensi* 1781. Parte 3. primo intuitu multum ponderis habere videantur. Acutissimi SCHMIEDEL observata, quae in eius Dissertatiuncula de *Medulla Radicis ad florem peringente*, Dissertatione Cl. N. L. BURMANNI DE GERANIIS Lugd. Bat. 1759. annexa primarias HEDWIGII obiectiones satis infirmant.

Quod denique Medulla Vegetabilium analogon sit medullari Animalium, sub quo totum systema nervosum a cerebro ad rete nervorum superficiem comprehenditur, etiam indubium puto.

Iam vero observamus ultimos medullares fines vel feminum rudimenta in pericarpio sine foecundatione a polline antherarum steriles esse, adque propagationem plane inutiles, verum hac foecundati materia, modo licet nobis omnino ignorato, in novam quasi vitam transire, quae tamen continuatio revera prioris sit, necesse est. Illa vero medullae pars, quae, per vim suam in infinitum protrudentem, gemmas dat, prolem offert, quae sine omni foecundatione ab extra vim genus & speciem propagandi habet, etiam in infinitum.

Ita etiam, in Regno Animali fieri convictus sum. Tenues, immo tenuissimae illae continuationes substantiae medullaris, quos nervos dicimus, intra totum corpus disperguntur, suamque regularem habent determinationem cuicunque Animalis speciei propriam, non minus quam in Plantis regularem partium situm dicothomum, tricothomum, distichum, oppositum, verticillatum, alternum, sparsum, &c. animadvertimus. Peculiares ad Animalium ovaria deducuntur nervi, quorum ultimae ramificationes oculis quidem se subtrahunt, illas vero prout mihi persuasum est, iterum in ovula mutatas invenimus. His in Animalibus sexu praeditis foecundatione opus est, in Animalibus sexu destitutis non item. Maxima itaque est in his inter Regnum Animale & Ve-

getabile similitudo, quamvis quoque concedam in Vegetabilibus semina foecunda non largientibus aliquid adesse sexum mentiens. Quis hucusque semen scil. foecundum Musae paradisiacae vidit? Quis aliam cognovit huius Plantae propagationem, quam per stolonem anno fructificationis aliamve ob causam moribundae Plantae, e radice provenientes? Quis Musam paradisiacam aequae Plantam esse ac Tulipam gesnerianam negabit?

Quis sexum vidit, vel aliquid quod sexus praesentiam probabilem reddere possit, apud *Hydras*, *Pennatulas*, *Vorticellas* &c. Numne illas gemmascere vidimus, gemmas vel ovorum more a matre solvi, vel incrementum, explicari & florescere? Anne videmus frustula Hydrae a matre vi soluta redintegrari, & Solani tuberosi radicem incisam tot dare Plantas, quot gemmae ei fuere? Mihi itaque haec ovula idem in Regno Animali sunt ac gemmae in Vegetabili. Nihil sane repugnat, nec analysis contrarium demonstrare valuit. Perpetuitas vero speciei poscit, ut ovula haec, quae post superatam omnia destruentem hyemem superesse debent ad speciei propagationem, sub longe alia forma alioque perfectionis gradu, quam proles sic dicta viva a matre secedant. An in his magis ambiguus sit Summi Creatoris oculus, quam in servando miro Aphidis

genere, quod per aestatem vivos iam utero gerentes foetus emittit; sed autumnio ova ponit, quae, per hyemem dum intereunt parentes, speciem ab interitu vindicare debent?

Si obscura haec *Vobis* videntur, mea forte culpa est; saepe enim accidit, ut in rebus nonnihil abstractis difficile sit, aliis sua cogitata satis clare proponere.

Omnia Animalia, quae per propagationem asexualem sese disseminant, in Zoophitorum ordinem refero. Reticendum quidem non est, multa dari Animalia, quorum sexualitatem ad oculos demonstrare non valemus, v. gr. Testacea bivalvia; sed ea ad Zoophyta tamen non refero, quum manifesta satis analogia suadeat, illa sexu haud destituta, sed potius androgyna esse.

In Taeniis nemo sexum suspicatus est, multo minus vidit, si BIANCHI excipiamus. Nec bene sexus possibilitatem perspicio, nisi ad sententiam merito proscriptam Vallisnerianam recurrere velim, quod nempe singulus articulus singulare sit Animal. Cum enim singulis articulis proprium omnino sit ovarium, singulis quoque ovariis necessaria esset distincta foecundatio. Quomodo denique inarticulae Taeniae vel etiam Taeniae articulis non secedentibus absolveretur foecundatio?

Quando itaque Ill. PALLAS in Elencho

Zoophytor. p. 402. dicit : *sequeretur ex his Taeniam esse Zoophyton concatenatum ex pericarpis quasi seu ovaris , quae continuum quidem systema constituent & communi vita gaudeant , cum egregio Viro omnino consentio , licet de organis nutritionis dissentiam ; rursus vero sequentia eius verba mea facio : simile quid in universo terrero systemate hucusque observatum esse non novi , & inauditam prorsus indolem esse nemo negabit ; multa tamen hypothesis istam commendat , & tantis quotidie adsuescimus naturae miraculis , ut nihil amplius stupendum videri debeat.*

In enumerandis Taeniarum speciebus , omnes in corpore humano nondum repertas praetereo ; non vero siccò quod aiunt pede , nam quae mihi adsunt , *Vobis* monstrabo , & de reliquis , quae scripta sunt ab aliis indicabo .

1. TAENIA *Solium* capite armato , osculis marginalibus solitariis.

- - - - - LIN. S. Nat. XII. p. 1323.

Amoen. Acad. II. p. 74. t. 1. f. 1.

- - - - - WERNER l. c. p. 18. t. 1. 2. 3.
fig. 1-46.

Taenia cucurbitina . PALLAS El. Zoph. p. 405.

N. Nord. Beytr. I. p. 46.

t. 2. f. 1-9.

- - - - - BLOCH l. cit. p. 20.

- - - - - GOEZE l. cit. p. 269. t.

21. f. 1-7. 9-12.

Lumbricus latus ; TYSON Phil. Transact.

Vers solitaire Gallorum ,

Nomen *Solii* a falsa nonnullorum de unitate huius in humano corpore opinione adepta est . Id tamen retineo , quod sub hoc nomine diu nota fuit .

Species haec multo magis quam reliquae variat , unde quoque illam dignoscere saepe difficile foret , nisi oscula marginalia signum darent .

Brevioribus & longioribus , angustioribus & latioribus , crassioribus & tenuioribus , quadratis & fere ovatis articulis instructa occurrit , iisque saepe in uno subiecto . Vix igitur opus est distinctione Cel. GOEZE in *Taeniam grandem saginatam & planam pellucidam* .

Caput magnitudinem circiter habet capitis aciculae maioris ; eius conformatio vero oculis inermibus vix conspicua . Oculo autem armato *quatuor vesiculae* glaberrimae observatur , quae , quamvis imperforatae videntur , hiantia tamen esse oscula fucloria probabile omnino videtur . Ex his canales marginales totam *Taeniam* permeantes , a WERNER & GOEZE observati , procedunt . Vivo & alacri Verme harum vesicularum intractio & exsertio facile conspicitur , tuncque simul a circumferentia versus centrum decurrentes rugae apparent , quales in globulis terminalibus tentaculorum *Limacinorum* obser-

vantur . Inter has vesiculas species *Proboscidis* adest duplici circulo aculeolorum instructa . Hi , quos etiam pro tubulis suctoriis habet A. WERNER , proprias habent vaginulas , alium circum stelliformem producentes , tum demum observandum , quum aculeoli denudati sunt . Num hi aculeoli revera tubuli suctorii sint , in medio relinquo ; id vero indubium mihi videtur , quod hisce intestinorum tunicis immissis se teneat Vermis , & cum alimentum capit , & cum laxantium vi expositus est . Hinc etiam intelligitur , cur difficilior , quam caeterae species expellatur ,

Mox sub capite corpus gracile est & ipso capite angustius , sensim vero dehinc grandescunt articuli , ita tamen , ut ad aliquot pollicum a capite distantiam vix crassior sit filo communi ; quamvis haec pars in sequentibus speciebus adhuc gracilior sit .

Notum *Vobis* est , pollicem operarium , sive *Werksum* a pollice geometrico ita differre , ut hic decem , ille duodecim lineis absolvatur ; pedem vero geometricum decem pollicibus , operarium duodecim constare , quamvis eadem utriusque pedis longitudo sit . Mensuram operariam ubique intelligo .

Latissimus , quem vidi , huius Taeniae in latiore parte articulus quinque lineas aequabat . Longitudo eorum multum variat pro diversa Ver-

mis aetate ; etiam diversa est in Vermis vivo mortuoque , & in hoc quoque prout in aqua frigida vel calente vel denique spiritu vini interiit . Observati sunt articuli a duobus ad novem lineas longi ; hi vero plerumque lineares sunt . Perfectiores articuli in postica parte marginem elevatum habent , qui apicem anticae partis in subsequente articulo tegit . Margo alteruter cuiusvis articuli perfectioris *papillulam* perforatam exsertilem habet , quae cum ovario cohaerere videtur , & *Oculum marginale* ab Equ. a LINNE' dicitur . Non ab uno latere Vermis posita sunt haec oscula , neque regulariter alternant . Neque insolitum est , unum vel alterum articulum duobus oculis in eodem margine gaudere ; sed rarissimi sunt articuli huius speciei oculis duobus oppositis instructi . Mire monstruosa est Taenia Solium .

In maturis articulis , in primis si tenui & haud colorato vitro impositi caute siccantur , facile se prodit *ovarium* fruticuli ramosi more per totum fere articuli corpus expansum . Hoc cum osculo supramemorato cohaeret , nequiquam vero unius articuli ovarium cum proximorum ovariiis . Articuli vero oculis adhuc destituti , etiam ovariiis carent manifestis . In ovariiis materia alba granulosa continetur , quae ova constituit . Haec vero sub microscopio oblongiuscula apparent ,

&

& nisi fallacia aliqua optica adfit, globulos minores pellucidos continere videntur.

Maturi iam facti hi inferiores articuli sponte a nexu solvuntur, cumque scybalis sub nomine *Vermium Cucurbitinorum* abeunt. Illis forma plerumque ovata est, in angustiori fine nonnihil retusa, fere ut Citrulli semen. Ovaria tunc turgent. Num vero ex his per osculum marginale ova in intestinis humanis sensim deponuntur, vel totum articuli corpus ibi putrescit, sicque ova e clastro liberantur, nondum constat. Secessus a trunco articulorum ansam dedit Dñs DIONIS *Taeniam* hanc *articulos demittentem* vocandi.

Res est notatu digna, & quae ad recoquendam Vallisneriaevam opinionem sine dubio multum contulit, quod non solum vita adhuc praediti saepe abeant Vermes cucurbitini, sed quod sub oculis Illustriss. PALLAS ad aliquot pedum altitudinem parietes ascendere valuerint. Metetur sane haec experientia repeti, dum fausta adfit occasio. Quantumne lucis ex hac oeconomiae Vermis affunderetur?

In articulis his, scil. inferioribus maturioribus optime quoque canales marginales conspiciuntur. Cl. ERNST & PALLAS successit, per osculum marginale huic canali liquorem inicere coloratum, unde etiam illustr. hic Vir concludit

oscula haec nutrimento hauriendo inservire. Sed contraria conclusio aequo, ut mihi videtur, iure exinde deduci potest. Posito enim, quod canales marginales tubi alimentarii vice fungantur, ut succum alimentarem cum corpore articuli communicent, necesse est. An hoc per vasa dehinc exeuntia vel per ostiola tantum fiat, ignoramus: quicquid autem sit, via adest, quam injectio per osculum marginale transire potuit. Forte itaque haec oscula orificii ovarii Anique simul officio fungantur, potius quam oris & ovarii.

Singularis in hoc Verme non minus quam in *Taenia vulgari* & lata est informitas, cuius figuras passim habet PALLAS c. gr. Tab. 2. f. 3. c. c. t. 3. f. 18. cum nempe duo articuli ita coaluerunt, ut margo illos distinguens ad dimidiam tantum articuli latitudinem plus minus accedat, vel unus articulus minutus angulum quasi constituat maioris. Monstruosam hanc variationem certe non animadvertit Cl. BLUMENBACH; sola enim totam eius invertit de concatenatione plurium Vermium ideam.

Quae de enormi huius Taeniae usque ad plura centena ulnarum longitudine apud Auctores traduntur, erronea sunt, & de plurium Vermium seriebus simul computatis intelligenda. Ill. PALLAS raro illam decem pedes superare asserit. Quam TYSON delineavit *Eight Yards*

habebat, id est circa viginti quatuor pedes cum octo pollicibus mensurae svecanae. Vera eius longitudo, si qui fiat certi limites, forte nunquam obtinebitur ob articulorum casum.

Studio strias transversales vel longitudinales in descriptione omisi, utut maxime infidum characterem omnium Taeniarum articulatarum mihi visarum. *Taeniam caninam* osculis marginalibus solitariis hic videtis, in qua omnes superiores articuli strias transversales, inferiores vero longitudinales habent.

Omnes Taeniae mihi notae albo sunt colore.

P. m. Eques a LINNE' dixit *Taeniam Solium* habitare in intestinis Mammalium & Piscium, qua in re auctoritate aliorum deceptus fuit. In homine certum est illam habitare, in Piscibus nunquam visam. Nob. PALLAS ait illam etiam in Canibus, Felibus, Lupis Muribusque hospitari. Certe articuli harum articulis Taeniae humanae simillimi sunt, sed si iconibus Cel. GOEZE fides habenda, distinguuntur collo inarticulato elongato.

2. TAENIA *vulgaris*, capite inerami, osculis lateralibus geminis.

- - - - - LIN. S. Nat. p. 1323.

Am. Acad. II. p. 72. t. 1. f. 2.

- - - - - HAPP l. cit. p. 40.

- - - - - WERNER l. cit. p. 49.

Taenia grisea . PALLAS El. Zooph. p. 408.

Taenia membranacea . PALLAS N. Nord. B-ytr.

1. p. 59. t. 3. f. 14. 15. 16. & 17. Fig.
13. vix huc pertinet.

- - - - - GOEZE l. cit. p. 296.

Taenia a anneaux courts , BONNET Oeuvres
Tom. 2.

Ab Equ. a LINNE' *Taenia vulgaris* dicitur,
quia in Svecia reliquis vulgarior est , aliter alibi.

Habitus prioris , articuli quamquam multo
breviores.

Cel. WERNER ex hac & *Taenia lata* unam
fecit speciem , & pauci revera sunt Auctores ,
qui eas non aliquo modo confundant . Fere
etiam persuasum habeo Ill. PALLAS ad *Tae-*
niam suam membranaceam figuram citasse scilicet
13:m in N. Nord. Beytr. Vol. I. quae ad *latam*
pertinet . Reliquae bene quadrant ; parum vero
abest , quin credam fig. 17. & 18. etiam hanc
denotare speciem .

Species ea quae duo habet oscula lateralìa ,
quamque breviter & concinne in Amoen. Acad.
l. cit. descripsit *Eques* , non potest non eadem
esse cum *Taenia a anneaux courts* D. BONNET .
Saltem figurae eius omnes cum illa egregie con-
veniunt , capitis excepta , de qua iudicare non
licet , unicum quia vidi , quod per aliquot an-
nos in spiritu vini male servato detentum fere

putredine solutum erat. Vermem D. BONNET ad *Taeniam latam* caeterum referri probe scio, & fieri potest, ut ovariorum forma me deceiverit. Neque Dñs PALLAS, nec BLOCH vel GOEZE contigit caput huius Taeniae videre, & de icone Cl. WERNER T. 3. f. 47. necesse dubium manet; species enim, ut antea notavi, duas coniunxit. Quicquid sit, id certum est, in nostro specimine proboscidem a WERNER depictam non adesse, nisi statuere vellemus, illam Verme morituro retractam fuisse. Interea nullum est dubium, quin vesiculis quatuor gaudeat suctoriis, quamvis figura D. BONNET has minus bene exprimit. *Aculeolorum circuli* plane deficient. *Caput* proximis articulis duplo crassius est; hi etiam, licet parvi, oculis nudis facile conspiciuntur.

In speciminibus a me visis *articuli* formam parallelogramatis habent; latitudo maxima septem linearum cum longitudine sesquilineae; aliis eadem longitudo ad latitudinem trium linearum. Quum autem in subiectis maioribus saepe crispetur margo, figura etiam articulorum irregularis evadat, necesse est.

Duobus inprimis characteribus optime a caeteris speciebus distinguitur haec species, *Ovariorum* nempe *figura* & *Osculis*.

Oscula duo sunt in medio lateris longitudi-

naliter posita. *Superius* mox sub anterioris articuli margine situm, formam habet papillae. *Inferius* nullo elevato margine cinctum pori instar, saepeque in tumidioribus articulis puncti obscurioris forma apparet, & centrum ovarii spectat. Hoc forte est *ovariorum foramen*, illud *Anus*.

Ovaria quae apud D. BONNET Tab. I. f. 11. & seq. bene depicta inveniuntur, quaeque simul cum poro centrali microscopio aucta egregie in Tab. 3. f. 13. C. N. Nord. Beytr. V. 1. delineata videtis, cum figura Lillii in insigniis Gallicis usitata bene comparantur. Plena sunt ovibus fuscis, adeo magnis, ut per porum centralem vix exitum inveniant, nec opus quoque est illis hunc exitum assignare, quum, ut antea observatum fuit, tota una cum articuli disco decidant matura. Saepe accidit, ut aliqua ovaria sibi proxima exciderint, unum vero vel alterum infra situm adhuc adsit, quodque tunc adeo intumuit, ut molem informem referat. Hinc rationem facile intelligitis, cur huic obnoxii hospiti homines nunquam articulos abire observent, saepe autem frustula plurium articulorum vario modo mutilata & lacerata.

Vermis vitro impositus lucique oppositus ab utroque ovariorum latere usque ad margines videtur repletus esse materia granulosa pellucida. Hanc granulofam materiam pro pinguedine Vermis habet Cl. BONNET.

Longitudinem ad summum XVI. pedum obtinere asserit Nob. PALLAS; maxima earum, quam ego vidi, X. pedes longitudine aequabat.

In intestinis Mammalium inque fontibus limosis habitare dixit Perill. a LINNE'. Prius eatenus verum est, quod nempe in Homine habitat. In aliis vero Mammalibus illam repertam haud scio. Posterius erroneum videtur. Si etiam periodum, qua iter suum Dalecarlicum (1734.) instituebat, in memoriam revocamus, facile observabimus, *Perill. Virum* tunc temporis parum cum Taeniis familiariter versatum fuisse. Cel. GADD & UNZER in hoc momento experientia haud certiori stat fundamento, & si revera hanc Taeniam offenderunt, certum est, illam ibi peregrinam fuisse. Ideo tamen nullus nego celeberrimos hos Viros Taenias speciem in locis ab iis memoratis etiam invenisse, quamvis ab hac distinctam.

g. TAENIA *lata* capite inermi, osculis lateralibus solitariis.

- - - - LINNE' S. Nat. p. 1324. Am. Acad.

2. p. 80.

- - - - PALLAS N. Nord. Beytr. I. p. 64.

t. 3. f. 13.

- - - - HAPP l. cit. p. 39.

- - - - BLOCH l. cit. p. 17.

- - - - GOEZE l. cit. p. 298.

D 4

Antea observavimus Cel. WERNER hanc pro varietate *Taeniae vulgaris* habere. Perill. a LINNE' illam cum *Taenia ferrata* GOEZE T. XXIV, confundit. Ill. PALLAS & alii *Taeniam latam* cum T. *a anneaux courts* D. BONNET eandem esse contendunt. Quae me commoverunt, ut aliter sentirem, supra adduxi. Tractatum gallicum, *Traitement contre le Tenia*, Paris 1776. 4.to non vidi, nec mihi contigit exemplar Vermis capite donatum oculis usurpare.

Sola quam vidi, duorum cum dimidio pedum longitudinem habuit, simulque cum duabus Taeniis vulgaribus e foemina iuvene per secundam Noufferiani remedii dosin expulsa fuis.

Articuli eius latissimi lineas quinque non excedebant, angustissimi vero iuxta caput tres lineae quartas partes. Horum longitudo sesquialteris, illorum duas lineas aequabat.

In eo quoque praecedentibus dissimilis; quod articuli capiti proximi strias tantum mentiantur, vixque aliter distinguantur.

Praecipuus vero eius character est, quod in plano latere quivis maior articulus, parum infra praecedentis articuli marginem *Porum* habeat *solitarium*, margine nonnihil elevato circumsum. Situs ergo huius pori in extremitate suprema ovarii est.

Forma ovarii huius a praecedentium valde

diversa est, & cum nihil aptius comparatur, quam cum Uvarum pendente racemo, omnino ut in fig. 13. Tabulae tertiae D. PALLAS repraesentatur. Matura haec, ut in Taenia vulgari, tota cum portiuncula disci decidunt.

Si haec eadem cum illa non sit, quam Ill. PALLAS sub nomine *Taeniae latae* proposuit, singularis sane & notatu digna est varietas, nisi nova prorsus species, nec tum veram vidi. Certum autem omnino est, illam, quam prae oculis habui, & Vos iam hic cernitis, non nisi unico gaudere osculo laterali, tum etiam, quod ovariorum forma a reliquorum differat, & botryoides sit.

Nisi haec obstarent, *Teniam* tenellam, e libro D. PALLAS mutuandam iamque describendam, eandem cum nostra esse facile crederem.

Eandem in hac specie materiam granulofam quam in praecedente observavi, ad ovarii latera inveni.

Inter XVIII. & XIX. pedum Svecicorum longitudinem vidit saepe laudatus PALLAS.

Humana solum inhabitat intestina.

4. TAENIA *tenella*, capite - - -, osculis lateralibus solitariis.

- - - PALLAS N. Nord. Beytr. V. I. p. 69.

t. 1. f. 19.

Ab Ill. PALLAS tantum observata & in li.

bro citato descripta ac delineata haec est, qualis e tribus Petropoli aegrotis secessit. Longissima harum XIX. pedum Svecicorum mensuram aequabat; sed latissimi articuli vix ad tertiam pollicis partem accedebant, duarum linearum longitudinem habentes.

Ovariorum forma eadem cum *Taeniae vulgaris* supra memorata, & *oscula* centralia erant.

Margines non disco tenuiores, sed granulosa illa pellucidaque materia, de qua supra monuimus, repleti.

Caput non vidit Cel. Inventor.

An vera sit species vel saltem varietas *Taeniae latae* tempus docebit.

•

•

•

Iam vero superest, ut *Vobis* varias de via, per quam hi hospites domicilium in Animalibus imprimis vero in humano genere, assequuntur, Auctorum opiniones tradam.

De generatione aequivoca, quae prolata sunt commenta, repeti non magis merentur, quam caeterae de Vermium origine fabulae, in praecedentibus saeculis fictae. Neque enim in currente saeculo defuerunt, qui lepide de his fabulati sunt. Id mihi autem dolet, quod VAL-LISNERI, cuius tot meritis in Historia Naturali illustre nomen, ex horum censu etiam sit. At vero rursus non miror, illum, qui cum Crea-

tore, ingenioso quodam audaciae genere, verum perverso conatu, gloriam creationis partitus est, Vermes ex concursu molecularum organicarum fictitiarum congerere. Qui circa medium saeculi decimi octavi tales cūdere potuit hypotheses, numne is sana ratione fuisse abusum dici merito poterit? Quid tum porro de his statuendum, qui hisce somniis adstipulari queunt? His igitur, cum sic somniant Ascarides lumbricoides & Lumbricos terrestres eadem esse Animalia, nec Ascarides vermiculares & Casei larvas differre, & Taenias aquas inhabitare, facillimum erit, originem horum Vermium in hominibus explicare.

Postquam vero accuratior experientia docuit certis speciebus Homines tantum obnoxios esse, multisque Animalibus suos esse proprios & ab humanis diversissimos Vermes intestinales, disparuit quoque illa explicandi facilitas.

Viguit dein alia opinio, quod nempe horum Animalculorum ova cum alimentis vel potu hominibus se insinuarent, ibique excluderentur. Ita credidit a LINNE' & BONNET, ita credit vel saltem credere videtur PALLAS, in libro saepius citato pag. 42. ita se explicans. „Quomodo autem Taeniarum propagatio in Animalium corporibus verosimiliter explicanda sit, haud difficile coniecturatur, dum modo in memoriam re-

vocamus, quomodo Pisces ab Avibus aquaticis in lacubus nuper existentibus stagnisque plantantur, & quomodo vorticellae in imbris aliave in excelsis collecta aqua transportantur. Quaeque hunc propagationis modum, per ova Taeniarum extra corpus dispersa casuque per escam & potum in aliis Animalibus transportata, extra dubium ponunt, sunt: 1.º Huius mali in magnis Urbibus, denseque habitatis tractibus uberior disseminatio, praesertim ubi sordidiori vitae generi deditus est Populus, ubi atmosphaerae & Soli humiditas ovulorum fertilitatem diu etiam extra naturalia eorum hospitia praeservare valet, ac ubi aqua e cisternis, & puteis inopertis & fluminibus, quae ex ipsa Urbe varias immundities recipit, potus est maxime communis; quum e contra in iis Provinciis Russiae Sibiriacque, ubi populatio recens raraque, uti etiam apud gentes vitam pastorem nomadicamque agentes, omnes Vermium intestinalium species infrequentes sunt, & in feris Animalibus centies rariores quam in Europa. 2.º Constans illa aliorum Vermium in Animalibus sanguine calido praeditis hospitatio, aliorum in Avibus & Piscibus; quum ovula unde proveniunt, in his tantum ad eorum exclusionem & sustentationem necessarium inveniant calorem & alimentum, sine quibus corrumperentur.

tur. Hue quoque facit 3.º Taeniae in neonatis (observatione iam Hippocratica vel saltem per-
vetusta), Animalibus inque infantibus mox post
partum, immo ex animadversione Celebris olim
Professoris Gottingensis BRENDÉL etiam in non-
dum nato foetu visae; & tandem haud raram
illud phaenomenon, quod Taeniae saepe familiam
vel cohabitantes personas mali endemici instar
vexet “.

Vos autem A. Dil. fugere nequit, nonnul-
la horum etiam ab aliis ad oppositam stabilien-
dam opinionem adduci.

Argumentis Vermium intestinalium per ova
propagationem demonstrare supervacaneum erit,
qui autem ea desiderat, pulcherrimum maxime-
que palpabile inveniet in experimento a Nob.
PALLAS instituto & libro eius nuper citato p.
58. allato. *Tentavi, ait, ova haec rubentia*
(*Taeniae caninae L.*) *per parvum vulnus in*
abdomen catelli introducere, & mense elapso non-
nullas veras Taeniotas, pollicem haud longas
inter intestina inveni &c.

Credo hypothesis de seminio verminoso con-
genito vetustatem olere; illam vero ad huius
saeculi initium argumentis nonnullis fulcire cona-
ti sunt HARTSOEKER & VALLISNERI. Nec
sectatores defuere, quamvis numero pauciores,
donec Celeberrimi VAN PHELSUM, LESKE,

MULLER, BLOCH, GOEZE hanc opinionem pluribus luculentioribusque argumentis, ut solam veram, stabilire aggressi sunt.

Semini verminosi congeniti Patroni in duas quasi abierunt sectas. Sunt enim qui Vermes intestinales iam in primo Adamo ponunt, ex quo per liquorem spermaticum in posteritatem propagatos statuunt. Haec vero hypothesis nulla verosimilitatis specie gaudet. Quomodo enim ex intestinis Patris in spermaticum liquorem & dehinc in ovulum Matris transferretur illud seminium? Si denique hinc genealogia Vermium intestinalium derivabitur, non minus quam tres vel quatuor Taeniarum totidemque Ascaridum species in unico illo Homine collocare necesse erit. Quale consortium! Effugium Cl. CLERC, quod nempe ovula in Adamo solum delituerint, & post lapsum demum exclusa sint, puerile mihi videtur, ab erudito Viro haud expectandum. Qui per Patrem in infantes propagari posse Vermes asserit, concedat, necesse est, plurium specierum ovula simul ovo humano illabi.

Magis forte cum sana ratione & verosimilitudine congruit altera de seminio verminoso congenito opinio, quod nempe per Matrem propagetur, licet & haec magnis abundet difficultatibus.

Cl. BLOCH in egregio suo Opusculo duodecim argumenta adduxit, quibus omnia, quas

hypothefi huic aliquo modo favere videbantur congeffit . Illa ideo prae caeteris examinare placet , cum breviter ftrictimque rem propofuit . Eo animo autem id non factum credatis velim , ut illam hypothefin subverterem , id enim audaciam faperet & nimiam in proprias vires fiduciam , verum ut *Vobis* demonftrem nihil certi inefle , nec firmiori illam stare talo , quam prior de ovalis extrorfum venientibus .

Nemo *Veftrum* credat minoris momenti efle , certitudinem etiam de hac re , fi fieri poteft , acquirere . Medico fane maximi erit momenti , Si enim fatis fufficienterque nota effet via , qua de homine in hominem propagentur Vermes , & praefervatio & expulfio horum hofpitum multo foret facilior , quum contra adhuc hodie de hac via omnino in tenebris versemur .

ARGUM. I.

Absentia horum Vermium extra Corpus Animale.

Vera quamvis effet haec assertio poffe tamen propofitam hypothefin illam firmari neutriquam video . Si enim vel hoc concederemus Dñs LINNE' , UNZER & GADDI adeo finitro obfervaffe , ut ne quidem Taeniae fpecies fuerit , quam in locis ab iis commemoratis offen-

derint , quod absurdum foret , quamvis ambabus largimur manibus eos unam pro altera habuisse , nihil sequeretur . Multane sunt insecta , quorum metamorphoses ignoramus aequae ac metamorphoseos loca . Vim novimus *Furiae infernalis* , aliquatenus etiam ipsum Vermem ; sed ubi habitat ? quomodo propagatur ? quomodo in atmosphaera elevatur ? cur fini membra humana perforat ? Quia Vermes intestinales nullibi extra corpora Animalium offendimus , ideo nullibi extra ea existere posse , non caute satis concludi mihi videtur . Concedo omnino , Vermes intestinales extra corpora Animalium habitantes repertos non esse , sed ideo asseverare non audeo illos alibi habitare non posse ,

ARGUM. II.

*Praesentia eorum in neonatis & non natis
infantibus & animalibus iunioribus .*

Hoc omnium fortissimum videtur argumentum ; quomodo enim Animalia non nata Vermibus intestinalibus obnoxia forent , nisi a Matre communicarentur . Sed , licet plurima aestimatione & reverentia testes a Cl. BLOCH allatos prosequar , me tamen tenere nequeo , quin de eorum in hoc momento experientia idem iudicium feram ,

feram, quod Cel. BLOCH & alii de Linneana, Unzeriana & Gaddiana tulerunt. Saepe mihi oblatae fuerunt res a Medicis, de aliis ne loquar, pro Vermibus intestinalibus eorumque exuviis habitae, toto tamen caelo ab his diversae, saepiusque loco Vermium ipse mucus intestinalium. De non natis neonatisque sermo tantum est. Mihi saltem minus probabile videtur, in foetu auper formato, cui intestina saltem visibilia nondum obtiguerunt, Vermium ova locum habere ibique excludi posse, vel etiam ad intestina iam sub evolutione constituta viam invenire. Cum infantibus vero vel pullis aliquot saltem septimanarum res aliter se habet; & quamvis casus multum rarior omnino sit, quam esse deberet, si ab utero iam Vermes secum asportarent pulli; magnitudo Vermium in eiusmodi infantibus pullisque repertorum clare evincit, illos etiam neonatos esse. Caeterum vero non solum ova excludi, sed Vermes iam ex ovulis exclusi incrementa etiam capere posse in neonatis, extra dubium posuit experimentum Ill. PALLAS supra allatum. Haud facile dein concipitur, quomodo Vermium ova per plures annos in intestinis delitescere & foecunda conservari, nec vero excludi, nec praesentiam prodere possunt. Forte mihi obiiciatur, quod diu saepe hospitentur Vermes, inscio ipso hospitatore, id quod lu-

benter quoque concedam de nonnullis illorum speciebus. *Ascarides* vero *vermiculares* excipere necesse est. Hi in intestino recto qui nidulantur, praesentiam suam cito produnt, raro ante biennium observantur & plerumque circa aetatem duodecim annorum infantes infestare cessant. Si vero, quod rarissimum tamen est, evenerit, ut post aetatem viginti annorum quis *Ascaridibus* his laboret, certe aut iis destitutus fuit in infantia, aut intereapedo fuit plurium annorum inter eorum apparitiones. Sic virginem XL. annorum vidi, quae ad annum suum aetatis XXXV. ab omni Vermium intestinalium specie immunis, per ultimum quinquennium *Ascaridibus* multum laboravit. Ubi vero fuerunt ova vel potius proles donec duo usque ad septem vel plures annos transegerit infans, vel in casu allato ubi per XXXV. annos delituerunt. Quid eorum exclusionem impedire potuit? vel si secundum GOEZE vivipari sint, quod negare haud sustineo, quid prolis impedivit incrementum? Ubi sub periodorum intervallis delituerunt? Haec mihi totidem sunt mysteria. Sane, dum infantes *Ascaridibus* vermicularibus laborantes video, quorum parentes sub decursu viginti vel triginta annorum ante infantum existentiam, ab iis immunes fuere, non video modum, quo ex seminio congenito explicetur.

A R G U M. III.

Vermium in interioribus Corporis habitaculum.

Aliquantulum praecipitanter concludere mihi videtur celeberrimus Vir, dicens: *Si in illis corporis partibus Vermes intestinales offenduntur, quibus nullus ab extra aditus patet, & si etiam sales ibi obveniunt species, quas in tubo intestinali non invenimus, sine dubio Animalibus conati esse debent.*

Idem mihi haec verba innuere videntur, ac si dicerem: in eo loco, ubi Vermes intestinales observantur, ibi nati sunt; ova eorum non modo ipsam intrarunt foetum, verum etiam congruum sibi locum iam tum occuparunt, ibique una cum foetu explicati sunt ipsi Vermes.

Demonstrationis loco affert:

I. *Quod Fasciola intestinalis LIN. semper in abdomine nunquam in intestinis occurrat.*

Sed *Ligula Avium & Piscium* eius indubie una eademque est species. Illam Cel. BLOCH ipse in intestinis & cavitate abdominis pectorisque eiusdem Avis invenit. MONTIN in limbo Ostrearum, in intestinis humanis illam observavit. In variis sub cute locis non minus quam in intestinis *Soricis Moschati* repertam fuisse asserit D. GYLDENSTAEDT Berlin. Besch. 3. B.

p. 115. D. GOEZE p. 189. refert se missum Piscium Berolino accepisse, in quibus *Fasciola* haec partim per carnem dorso sese immerfit, partim tota carne se abscondidit. Quae ergo via huic clausa est?

II. *Planaria hepatica vel Fasciola hepatica* LIN., quae in eo corporis viscere tantum reperitur, unde nomen habuit.

Conceditur facile, hunc Vermem tantum inveniri in hepate, sed non solum in ovium hepate, verum etiam in Bovum, Vitulorum, Suum & Equorum. In his omnibus quae occurrunt *Planariae hepaticae* perfecte sibi similes sunt, eandemque constituunt speciem. Ego vero hinc aliud profecto elicere non valeo, quam quod hepar solum illud sit viscus, in quo congruum inveniet habitaculum. Si possibile sit aliorum Vermium ovis, per sanguinis circulum in intestina & viscera introduci, cur ni eadem via hisce pateret? Non tantum in ipso hepatis parenchymate observantur, sed etiam in ductibus hepaticis, & nuper binos maiores in ipsa vena portarum *Vobis* praesentibus ovemque una dissectantibus cepi. Anne his ergo introitus etiam extrorsum pateat? Nec in hypothese de seminio verminoso congenito multum favere videtur, quod Animalia quae in aridis siccisque campis pasuntur nunquam, quae vero in humidis de-

pressisque pabulantur hisce saepissime hostibus vexari soleant.

III. *Vermis vesicularis taeniaeformis*, quem in hepate murium tantum invenit RUYSCH, HARTMAN &c.

Verum etiam in hepate Muris Norvegici, Muris Ratti, Muris amphibii & Leporis timidi inventus est.

IV. *Vermis vesicularis eremita*, quem TYSON, HARTMAN &c. in cavitate abdominis & pectoris viderunt.

Sed in Ovibus, Bobus, Cervis, Capreolis, Antilope Saiga, Suibusque communis est, in cavitate & pectoris & abdominis obvenit; certus ideoque illi non est locus, nec proprium Animal, neque via illi magis quam praecedentibus reclusa; in ipsa enim hepatis substantia horum copiam vidi.

V. *Taenia socialis* quam D. BLOCH aequae ac ROCHOW, LESKE & GOEZE in cerebro Ovium solum vidit.

Quod in craniis tantum occurrat, id nihil omnino amplius evincit, quam secundum momentum de Planaria hepatica. In sequentibus demonstrabo, quod in aliis, praeter oves, Animalibus occurrere haud insolitum sit.

A R G U M. IV.

*Vivi perſiſtunt in iis locis , ubi alia corpora
digeruntur .*

Quae ad corroborandum hoc argumentum adducuntur , haud bene intelligo , credoque aliquam hic ſubſiſſe in concludendo praecipitantiam .

Quotidiana ſane evincit experientia , oſſa , grana , radices , cortices , ſtramina , carnem crudam , Animalia viva ab Animalibus Vermibus intestinalibus obnoxiiſſis comedi & digeri . Haec autem omnia in ventriculo digeruntur , in quo , praeter parvas illas Lueii Planarias & Gordios facile inter ventriculi plicas conſervandas , Vermes nondum obſervati ſunt . Niſi ventriculus plane tono ſuo deſtitutus ſit & depravatus , alimentum inteſtina tenuia , ſedem primariam Vermium inteſtinalium , nunquam ingreditur , niſi coctum & in chymum converſum . Extra omne dubium eſt , quod inteſtinorum tenuiorum motus perſiſtalticus haud valeat mechanice quid conterere , in iis autem per commixtionem ſuccorum cum chymo chyliſicatio abſolvatur . Dura ergo quae deglutivit Animal , in ventriculo prius emolliuntur & ſolvuntur , quare neque mechanice agere poſſunt in Vermes in tenuioribus inteſtinis habitantes . Si vero adeo debilis eſt ventriculus ,

ut concoctionem perficere non possit , adeo debilis quoque observatur motus intestinorum peristalticus , ut parum a transeuntibus indigestis incommodi habeant Vermes . Anatomia docet *Taenias* aequae ac *Ascarides lumbricoides* in intestinis tenuibus habitare & *Ascaridem tricocephalam* in caeco . Mirabile itaque cessat . Mirum magis id habeatur , quod expertus est Clar. BLOCH , dum circiter triginta Oestri larvas vivas in ventriculo *Falconis chrysaeti* (Berl. Beschäft. IV. p. 551.) quas ipse credit sub forma ovorum eo venisse ibique exclusas esse . Vix quis crediderit , illas locum suum a Creatore iis destinatum in ventriculo huius Avis habere . Multo magis mirum larvas Muscarum in acerrimo Caseo , in putrido cadavere , & larvas *Tenebrionis Molitoris* in clupea aceto vini condita excludi & vivere , quod tamen ipse expertus sum . Nec minori admiratione dignum , quod *Ascarides ventriculi* WERNERI vel *Podurae* a Dom. LUPI (a) observatae in intestinis hominum , loco illis sane peregrino , excludi & crescere possint . Interea , quamvis ex eo , quod Vermes intestinales in corpore animali vitam transigere , ibique bene se habere possint , sequeretur , eis destinatum esse in Animalium corporibus hospitium , non

(a) Avvisi sopra la salute umana . Vol. V. p. 229.

video alteram consequentiam, quod scilicet con-
nati sint, pleno tatis alveo fluere.

ARGUM. V.

In corporibus Animalium bene se habent &

ARGUM. VI.

Extra corpus animale cito moriuntur.

Idem valent ac quartum argumentum.

ARGUM. VII.

*Diversa Animalia suos sibi que proprios habent
Vermes.*

Multas omnino exceptiones patitur haec hy-
pothesis.

Fasciola intestinalis reperta est in Homine,
in Sorice Moschato, in Mergo Mergansere, in
Mergo albello, in Colymbo aurito, in Cyprino
Blicca, in Cyprino Tinca, in Cyprino Albur-
no, in Cyprino Gobione, in Cyprino Gibela,
in Cobite aculeata, in Ostreis. Hospitatur ergo
in quatuor Classium Animalibus variisque specie-
bus. Contendit Cel. BLOCH quod *Fasciola ver-*

sus illud tempus, quo incrementum debent ovula & sperma Piscium, horum abdomen perforet, forasque se conferat, ut in aqua pereat. Fieri hoc potest; sed parum nimis de eius oeconomia novimus, ut hoc pro certo assumi queat. Forte tum hospitium in aliis testaceis, quemadmodum etiam in Ostreis observatum est, quaerit, vel ipsum aquae fundum petit. Sed si ponamus illum hinc interire, cum ova, si quae ei sint, deposuit, quomodo haec in prolem Piscium propagabuntur?

Planariam hepaticam in Oribus, Bobus, Suis, Equis invenire nuper monui.

Taeniam lanceolatam nodosam suam ipse Cl. BLOCH in Mergo Mergansere & albello,

Taeniam lineatam in Anate acuta & circia;

Taeniam articulis conoideis in Anate Clangula & Fulica, & quod notandum in Otide Tarda,

Taeniam collo longissimo in Anate Boschata & Penelope,

Taeniam cylindraceam in Falcone Ianario; buteone & Turdo viscivoro,

Taeniam laevem in Anate clangula & clypeata,

Taeniam capite truncato in Salmone Salar & maraena invenit, eandemque Nob. PALLAS, in Gado barbato, Pleuronectibus, Gado Morhua &c. reperiit.

Conceditne Cl. BLOCH , *Taeniam caninam* in Canibus , Vulpibus , Lupis habitare ?

Nuper monui *Vermem vesicularem taeniaeformem* in pluribus Animalium speciebus aequae ac *Vermem vesicularem Eremitam* inveniri.

Vermis vesicularis socialis vel *Taenia cerebrina* non solas Oves infestat . SCHEUCHZER huius testimonium haud facile reiiciendum dedit . Quum liber eius in omnium non versetur manibus , ex Itineribus Alpinis totam eius relationem adducere placet .

„ Accidit anno 1699. ut Rupicapra (Capra Rupicapra LINNEI) , quod genus Animalium saxa editissima ; scopulosque praeruptos raro deferit , sponte descenderit in pascua , ibique sese Equis Vaccisque immiscuerit , imo non lapidibus inde se abigi passa fuerit . Insolitae rei narratione commotus Venator se accingit , & quod communiter vix maximo labore , nec sine vitae periculo agit , facillime globo sclopetario Capram traiecit . Rev. Pater ex Nobili Zulaubiorum familia Tugina oriundus , Vir rerum naturalium studiosissimus Rupicapram in Coenobium delatam anatomico cultro subiicit , curiosus quid caussae latere possit in una ex partibus corporis principibus tam rarae transmigrationis , atque intra cranium invenit durae Menningi instratam Hydatidem sero arenulisque repletam . Vertigine

laboravit haud dubiae haec Fera , cuius Hepar alias Scotomiam curare dicitur , teste *Velfch He-eatoff.* 11. Obs. 62. Nam ecce observationem practica[m] aliam , quam nec in Nosocomiis Laboratorii[ve] Chirurgicis vidi , nec a Praeceptoribus didici , in Alpibus satis frequentem ! Accidit quandoque , ut Vaccae attonitae , veluti nihil attendentes consistant , vel perpetuo in gyrum sese moveant & aquarum fluentium susurrum sequantur , usque dum devenerint ad torrentem vel flumen , ad cuius ripam pedem figunt , ac si ex blando susurrantis aquae sono delectamentum perciperent . Accersitur sine mora Operator Veterinarius , hic plerumque in medio Vaccae fronte trepanationem instituit , sed non artificiosissimam illam in capite humano celebrari solitam a Chirurgis , verum simpliciore[m] longe ; cutem incidit scalpello culinario acuto ; Modiolorum loco utitur etiam cultro , eoque in gyrum manu acto cranium sensim perforat ; initio quidem , quod probe norunt Anatomes omnes gnari , secure & cito , sub finem vero tarde & caute . Denudata Meninge , coram foramine sese sistit Hydatidis , seu aqua repleta vesicula , vel ope fili ferrei hamati inter cranium & duram Matrem introacti quaeritur , & eodem hoc instrumento rudi extrahitur . Hoc facto singulis diebus vulnus deligant & emplasticis curant . Quod si alterutro

cerebri hemisphaerio incumbat Hydatidis , tunc observant Operatores , num gyrum interiorem formet dextrum aegre latus , vel finistrum , nam ex illo latere Trepanationem instituunt , atque vesicam extrahunt . Ita fit Diagnofis & Therapia . Prognofin fi fpectemus , non omnes ex hac operatione vitam , quae periclitatur , recuperant , fed magna aegrarum pars moritur . De Vaccis ipsis , fi hoc affectu laborent , dicunt , *ſie ſeyen ſturmig*. Vide libr. cit. ed. 1723. p. 25. 26. “.

Echinorhyncus capite & collo armato referente D. BLOCH in omnibus Piſcium ſpeciebus reperitur.

Ascarides teretes in Canibus , Felibus , Columbibus , Falcone buteone ac milvo , in Turdo iliaco , in Gallinis , Meleagridibus , Anatibus &c. vidit Cel. GOEZE ,

Ascarides ſubulatos in diverſis Ranarum ſpeciebus ,

Echinorhynchos in diverſis Avium Piſciumque generibus ,

Taeniam ſerratam & moniliformem in Canibus Felibuſque ,

Taeniam puſillam in Mure muſculo & Ratto ,

Taeniam peſtinatam in Leporibus & Cuniculis ,

Taeniam infundibuliformem in Gallinis , Anatibus feris , Anseribus feris & Otide Tarda ,

Taeniam serpentiformem in quatuor Corvi speciebus idem invenit Vir laboriosissimus.

Pluribus exemplis haud opus est , ut vacillans hypotheseos demonstratio lucide appareat . Quotne Animalium sectiones adhuc restant instituendae , antequam certi quid in hac re statui queat ?

Si quaevis Vermis species genus Animalis naturale tantum habitaret , aliquid forte quod hypothefi de seminio verminoso congenito faveret , exinde educi posset ; iam vero quum eadem Vermis species in Animalibus distincti generis , diversi Ordinis & Classis reperiatur , collabascunt & argumentum & consequentiae .

Quod Animalia idem elementum inhabitantia , eodem nutrita alimento non eadem semper Vermium specie infestentur , clare demonstrat oeconomiam animale[m] eorum diversam esse , & consequenter diversis Vermium intestinalium speciebus accommodatam . Larva Phalaenae Mori non omnium Arborum foliis vescitur , quemadmodum nec omnium Phalaenarum Larvae Mori foliis pascantur .

A R G U M. VIII.

Vermium intestinalium structura.

Qui Creatorem negat, is solum negare potest cunctis creaturis tot taliaque data esse instrumenta, quibus opus habent ad sui conservationem. Ex eo autem, quod Vermibus intestinalibus desint oculi, tentacula, arma &c. concludere velle, quod creati sint, ad vitam in interaneis vel intestinis reliquorum Animalium peragendam, mihi minus aptum videtur. Omnino quidem ignoramus, an nulla detur Vermis species cui oculi concessi sint, licet eos in paucissimis adesse credamus, at enim vero, quod nec *Gordii* neque *Lumbrici*, *Sipunculi*, *Hirudines*, *Myxine*, *Lernaeae*, *Medusae*, *Asteriae*, *Echini*, *Incolae Testaceorum bivalvium*, omnia *Litho- & Zoophyta* oculis praedita sunt, notissimum est. Non minus dubio caret *Cordiis*, *Lumbricis*, *Sipunculis*, *Hirudinibus*, *Myxini* &c. nulla esse tentacula. Ex eo autem nemo certe iudicabit, creatos eum in finem esse, ut alia inhabitarent Animalia. Inermes pluriq; sunt Vermes. Arma proprie sic dicta nullo scio Vermi esse, nam domus Testaceorum & Corallium Lithophytorum vix quisquam pro armis habeat. Ergo ex his nulla valet conclusio.

Quod veneno aliquo Animal enecetur, salvis Vermibus eius intestinalibus haud mirum est. quotne exempla adfunt, quae demonstrant, ea, quae veneni instar in hoc vel illo Animali agant, alteri esse innocua. Saccharum, sal commune & sal ammoniacum Lumbricos terrestres cito necant, Formicae autem & Termes saccharo pascuntur. Muria, etiam debilior, plurima insecta & larvas interficit; quot ne autem Vermium species in aqua marina vivunt, aliae dum in hac intereunt? Cicuta Vaccam perimit, Capra eam impune decerpit. Aconitum quod venenum Capris, Equis maxime est salutare. Eiusmodi exempla plura *Vobis* enumerare supervacaneum duco. Ex his sine ambagibus sequitur, ut horum Animalium constitutio tam externa quam interna longe sit diversissima. Caeterum certum est, venena saepe lethales suos edidisse effectus, antequam ad Vermium stationem pervenerunt. Memini me alicubi legisse, pulvere Tabaci interfici posse incolas Testaceorum. Quoties hoc feci experimentum, toties industriam, qua huius veneni vim effugere ac depellere adnitatur Vermis, miratus sum. Eo ipso, quo Tabaci pulvis aspergitur momento, citissime & quasi cum vehementia quendam liquorem emittunt tenacissimum vesiculis repletum, qui Tabaci pulverem a superficie corporis removet, & tandem post varios

e-& ingressus mucum tunicae instar exiit ; quocum sequitur Tabacum . Si pluries haec repetuntur ; languescunt & tandem moriuntur . Quam multas habeo rationes , cur plurima sic dicta Anthelminthica fini proposito minus interventia credam , optavi saepe , ut eodem modo experimenta cum intestinalibus Vermibus institui possent ; fallor enim , an conclusio ab experimentis in aliorum Animalium Vermibus factis , ad humanos tuta sit futura .

ARGUM. IX.

Multitudo ovorum eorum .

Quamvis fidem omnem superare videtur ; singulis Vermibus intestinalibus ad millies usque mille ovorum inesse , qui certe numerus in variis speciebus diminui insigniter poterit ; D. GOEZE e. gr. numerum prolis in *Taenia cerebrina* ad 309. tantum aestimat ; soli tamen hi non sunt , qui eo gaudent beneficio . In ovario unius *Gadi Morrhuae* dum 9344,000. ova numerantur uno anno deponenda , an *Taeniae* cuiusdam cum hoc numero equiparari poterit ? Ill. REAUMUR in corpore unius *Muscae* (Mem. T. 4. p. 419.) 20000. larvas computavit . Immensus sane numerus , licet ad millies millena non ascendat .

Quod

Quod ex grandi ovorum numero in praesenti casu certo concludi posset, meo quidem iudicio, eo redit, ut, quo magis exposita fiat interitui, vel ut ova, vel sub prolis forma: eo maiori eorum numero Sapientissimus Creator parentes ditavit. Aliam exinde deduci posse conclusionem non video; nec quid impediat quominus idem de Piscibus, Vermibus terrestribus & aquaticis valuerit.

ARGUM. X.

Maior Foeminarum numerus.

Nec in hoc argumento aliqua video, quae hypothesei faverent demonstrandae. Ego vero ex hac observatione, in duabus forte vel tribus speciebus instituta, concluderem 1.^o minorem marium numerum sufficere, ad plures foeminas foecundandas vel 2.^o quod producendo minorem marium numerum, nimiae horum Vermium propagationi obicem quasi ponere voluit Summus Creator.

A R G U M. XI.

*Vermes intestinales unius Animalis in alio
propagari se non ssnunt.*

In iis quibus adhuc versamur tenebris , haec assertio aliquantulum audax videtur . Falsis vix exuta est de Vermibus his cognitio , quamquam in ea defudarunt Viri debita laude nunquam fraudandī . Forte etiam ab illo longissime temporis momento absumus , cum eorum oeconomiae , sublati omnibus quae huic adversentur difficultatibus , indubiae cuiusdam certaeque scientiae spes affulgeat ; etiamsi vel serie haud interrupta plures LINNEOS , MULLEROS , LESKEOS , BLOCHIOS , GOEZEOS , numerare liceret .

Multum omnino deest , quominus methodus a D. BLOCH adhibita , proposito fini interserviat . Eius verba sunt : *saepius Ligulam Piscium & Taeniam Lucii anseribus anatibusque obtuli , quas quoque vivas ingurgitabant . Etiam Gallinae se iis associabant aliquasque dilaceratas deglutiebant . Quum demum diverso tempore has aves macētas visitabam , ne vestigium horum Vermium se offerebat , sed solum iis proprios . Vidi &c.*

Quaestio autem , de qua ne verbulum facit

Cel. BLOCH , necessaria est : num hae *Taeniae* *Lucii* eo tempore maturis ovariis instructae essent?

Caeterum , antequam hoc respectu pericula certi quid determinantia institui possunt , variae solvi debent quaestiones , v. gr.

An ovula *Vermium* ventriculū *Anatum* pervadere possint absque destructione ? Si vero eorum ventriculus ita constructus sit , ut ovula *Vermium* ab eius actione destrui debeant , an casu nonnulla integra & incorrupta pervadere possint nec ne ?

An ventriculus in Pullo & Gallina eadem vi agat ? Quaeque in Gallinae ventriculo triturantur & digeruntur , an indigesta Pulli ventriculū permeare possint ? Et sic quoque in reliquis Animalibus !

An *Taenia Lucii* aequè in Gallina locum congruum inveniat , ac *Taenia articulis conoides* in Anate & Otide ?

An fieri possit , ut ovula *Taeniae Lucii* in Gallinae intestinis excludantur , quamquam non magis congruum ibi invenient pabulum , quam *Phalaena Mori* in Pinu ?

Si experimenta , haecce dubia illustrantia , institui debent , fiant , necesse est , via a Nob. PALLAS indicata , vel saltem in Animalibus teneris cumque ovariis maturis .

A R G U M. XII.

In corpore animali haud semper morbum efficiunt Vermes intestinales.

Eo melius ! Sed unde hoc concludimus ? ab experientia in humano corpore facta . De sensationibus reliquorum Animalium fere nihil nobis patet . Quotne Boves quotannis maſtantur , qui calculo ſelleo laborent ? quot Vaccae tophos gerentes ? quod Sues , quorum caro glandulis praeternaturalibus (a) denſiſſime ſtipata ? abſque ullo morbi externo ſigno . Hae vero obſervationes ſorte Nob. MULLER adduxerunt , ut in Nov. Aſt. Hafn. Vol. 1. p. 96. ſtatueret , quod *Taenia iis Animalibus quibus contigit alimento uti naturali , vix dolores creet .* Cel. GOEZE illud vix perferre non potuit , ſed ſine omni exceptione generaliter ſtatuit p. 56. , quod *Animalibus in libertate naturali & uniformitate inviolata conſtitutis morbus non ſit , ſi tot quoque Vermibus obſeſſi ſint .* Huic ex tripode diſtae ſententiae quid regeram , non habeo , niſi

(a) Haſ glandulas nidos eſſe Taeniae , quam Veſicariam lobatam vocat , primus detexit oculatiſſimus O. FABRICIUS . Vide Nye Saml. af det Kongl. Danske Videnskabs Selskabs Skrift. 2. D. p. 287.

forte quod non videam quomodo Celeberrimo Viro in mentem venire potuerit rotundum adeo praeceptum ferre iudicium. Qui enim longe plura, quam Celeb. GOEZE vidit Animalia, succedere confitetur, se in hac re nihil, nisi coniectando, scire. Quotne Animalium millia per totum terrarum orbem, ex iis etiam quae naturali gaudent libertate, moriuntur, ex morbis causisve morborum nobis plane ignoratis. Singularem in Fauna Groenl. p. 172. affert observationem amicus honorandus D. O. FABRICIUS, quum de Ascaride Phocae sermo sit: *Vermiculis his quam plurimis fere consumptum vidi cor Phocae foetidae astamen vivae; cor autem antea harpagine vulneratum erat.* Eiusmodi vero casus a Cel. GOEZE forte excipiuntur.

Anne morbi dentur sine dolore?

Anne dolores pati possunt Animalia sine lamentis?

Quomodo explicandum hoc est, quod e tribus eorundem Parentum Infantibus duo Vermibus sine dolore obnoxii sint, tertius autem misere his crucietur?

Anne ipsa Vermium intestinalium praesentia morbus (a) sit, vel saltem perpetuo imminens morbi causa?

F. 3

(a) Suis maialis aegrotantis hepar examinavi. Re-

Anne *Taenia cerebrina* in casu a SCHEUCHZERO descripto morbus fuit?

Thesis autem Clarissimi BLOCH vera est, tametsi non videam, quomodo exinde demonstrari queat vel Vermium intestinalium destinatio, vel quod connati sint. Potius contrarium sequeretur; nam ex eo, quod fortuito morbo causam praebeant, sequi videretur eos casu quodam illuc venisse.

Ut ulterius demonstraretur seminum verminosum Animalibus congenitum, duo insuper argumenta adducit Cel. BLOCH scil. *Ova ibi semper inveniuntur, ubi proles nutrimentum habeat, &*

pletum erat hydatidibus a pisce ad ovi gallinacei magnitudinem insignibus vixque numerabilibus. Singula hydatidis unam ad tres Taenias vesiculares continebat, quaeque hydatides adeo exacte replebant, ut difficillime haec aperiretur sine illarum ruptura. Reliqua viscera sana. Aegrotant ergo ex his Animalia. Dupla ex illis fuit hepatis magnitudo, in cuius dissectione varia didici mihi non antea nota; vidi enim manifeste Taenias has duplici constare membrana; vidi etiam sacculos, qui Taenias ovi magnitudinem adeptas continuerant, demum contrahi, ut piscis maioris magnitudinem non superarent. Tuberculorum forma apparebant & duritie insigni gaudebant. E discisso caute eiusmodi sacculo integram complicatam, quae aqua vacuum vesicam facile expressi, deinde explicavi, ac vidi illam magnitudini nuper nominatae aequalem esse.

Animalia eodem sustentata nutrimento diversos habent Vermes.

Ad prius quod attinet, cum experientia omnino congruit, licet exceptiones non desint. Si vero naturam universæ spectemus, universalioribus oeconomicis legibus adnumeranda est hæc regula. Apud Amphibia, Pisces, Insecta non sine venerabunda admiratione observamus a Summo Moderatore iis datum instinctum, quo tempore ovorum depositioni destinato appropinquante nolentes volentes ea quaerere cogantur loca, ubi proles & securitatem & escam inveniant. Apud Vermes generatim, quas sequi non possumus, idem locum habere, fas est credere. Quod autem ad Vermes intestinales attinet, necessitate coacti videntur sine instinctu, ova ibi deponere, ubi sunt, quum iis non competat habitacula mutandi facultas. Ex eo autem concludere velle, quod nobis conati sint, non magis congruens mihi videtur, quam si dicerem, quia *Pediculus rictinoides* Surinamensium *Tiques* in gramine alias habitans, & *Pulex penetrans* Americanorum *Chique*, qui in sabulo, cineribus, arundine Sacchari expressa vivit, in pedibus servorum denudatis ova sua deponant, ut ibi excludantur, illis conatos esse debere; exempla ex Vena medinensi, Larvis larvarum, Lernæis piscium, Gordiis piscium subcutaneis petenda ut reticeam.

Posterius vero , vel quod *Animalia eodem sustentata nutrimento diversos habent Vermes* antea demonstravi minus fidum esse fundamentum . Exemplis ad septimum argumentum allatis patet nec statui posse , quod *Animalia eodem nutrita alimento diversos habeant Vermes* , nec diverso sustentata alimento communes fovere Vermes ; utraque enim conclusio aeque lubrico nititur fundamento .

Iam vero alias nonnullas huius systematis sequelas examinare lubet .

Si Vermes Animalibus congeniti sunt , continuata serie a parentibus in infantes propagari debeant , necesse est . Ideo non contendo necessario sequi ; ut omnes infantes a parentibus verminosis progeniti etiam verminosi sint , nam multa sunt , quae id prohibere possunt . Hoc autem necessario sequitur , ut infantes , quorum parentes nunquam Vermibus obnoxii fuere , nec unquam Vermibus laborent . Iam vero casus mihi optime notus est duodecim infantum , quorum cum neuter parens unquam Taeniis laboraverit , unica sexus sequioris varias excreverit Taenias duplicis speciei , caeteris ab his plane immunibus .

Assumamus vero , quod per parentes propagentur . Absurdum esse a Patre communicationem statuere antea monui , a Matre itaque provenirent .

Iam Mater ergo Vermibus laborat . Hi sub graviditatis statu ova sua in eius intestinis deponunt . Hic ab ampullis orificia vasorum lacteorum constituentibus absorbentur . Inde Chylum sequuntur ad eius receptaculum , dehinc ad subclaviam sinistram vel dextram ut sanguini commisceantur , totumque eius perficiant circulum , ac per aortam descendantem vel arterias renales ad spermaticas , iliacas internas vel hypogastricas , cuius ramum arteria uterina constituit , quae etiam a pudenda interna provenit . Hac via ducantur necesse est , ut cum Placenta indeque per funiculum umbilicalem cum foetu communicentur . Ultima vero communicatio adeo angustis perficitur meatibus , ut vix unum e centum , forte mille periculum successit , illos liquore colorato vel Hydrargyro iniiciendi .

Omnes iam licet brevissime enumeratos recessus & angustias transire debent ovula , si a Matre in prolem propagentur , propriaeque concepti dici possint , inque foetu non nato reperiri . Verum huc perlati vix ultra dimidiam transegerunt viam . Eadem enim , licet retrograda , via superest , ut e vasis umbilicalibus in intestina foetus deveniant . Ex observatione LIEBERKUHNI viginti quinque villi intestinorum aream lineae quadratae occupant . Notum demum est , quemcunque villum ampullula constare , quae

spungiosa substantia vestitur & octo praeterea folliculis mucosis circumdatur. Ex his facile intelligitur ampullas has tubis capillaribus tenuiores esse. Si denique apud adustum hominem ea gaudent subtilitate, quam subtilia sintne in foetu? An itaque Vermium ovulis transitum concedent? Video equidem Cel. GOEZE ovula Vermium vulgo sic dicta non pro ovis habere, sed pro ovorum sacculis. Credit se ope instrumenti pressorii vera ovula cum foetibus iam formatis detegisse, & in quocunque sacculo ad XII. ovula numeravit; sed curiosissima haec observatio confirmatione opus habet.

Si vero ovula ab huius itineris angustiis liberare velimus, necessaria quamvis si cum foetu in lucem venient, via multum abbreviari potest. In ubera praebente, sive Mater sit sive Nutrix, & subclavia ad mammarias & thoracicas longas deviare debent, vel per ramum brachialis qui ad mammas tendit, ad substantiam glandulosam pergent, dein ad ductus galactophoros ipsamque papillam viam invenient.

Sit iam quod nihil omnino ovulorum transitum per has ambages impediat, quomodo vias permetietur viva proles Vermium viviparorum, etiam in parvis Animalibus, Mure Musculo e. gr.?

Posita vero veritate Seminii Verminosi congeniti omni adversatur explicationi eorum pro-

pagatio in Animalibus quorum ova extra corpus maternum excluduntur, sive Avium sint, sive Amphibiorum vel Piscium. Quomodo enim ovula vel proles in horum ova introduci possent? Si moleculee organicae adeo ad omnia inde fingenda commodae essent, ut sibi finxit Comes BUFFON, facilis erit explicationi via; vereor autem ne etiam haec fabula ad nugas pertineat. Optarem, ut aliquis observator microscopicus scientia, oculis & patientia huic operi necessariis instructus, hanc rem illustrare vellet; sed simul opto, ut a praeiudiciis liber sit, nec videat, ut vidit C. BUFFON, dum Animalcula infusoria observaret, ita scilicet ut videre vellet, pro sua firmanda amata hypothese.

Taenia cerebrina paradoxon mihi est. In cranio habitat, cerebro incumbens. Propagari videtur per vivam prolem. Quomodo autem absorbetur haec per vasa in confiniis praesentia, ac ad uterum Ovis vel ad eius intestina ut inde ad mammas transportetur, & dehinc per omnes in foetu vel Agno lactante recessus ad cerebrum usque deportetur?

An hic per aliquot annos in sopore quasi iaceant, antequam increcant?

An cerebrum Ovium, Rupicaprarum, Boum ita comparatum est, ut pressionem, suctionem, aculeorum capitis puncturam, donec magnitudi-

nem insignem adepta sit vesica ; perferat ; absque ullo Animalis incommodo ?

Quaenam erit ratio , cur Agnus , Ovis , Aries , Vacca ab hac infestentur , quorum parentes ne minimum signum praesentis Taeniae cerebrinae unquam dederunt ?

Sane , qui haec dubia solvit , & solide solvit , statua aequè dignus est ac *Montgolfier*.

Ingenue fateor , unam hypothesin non minus obscuram esse , quam alteram : fateor etiam me nescire , quae vera sit harum , nec opinari me audere ob difficultates ab utraque parte mihi impenetrabiles . Dies forte docebit.



ERNESTI GOTTLOB BOSE

P. ET ORD. LIPSIENSIS

ET

CAROL. GODOFR. DEUTRICH

HAYNA-MISN.

DE

MORBIS MENTIS

DELICTA EXCUSANTIBUS

Lipsiae 1774.

§. I.

Instituti Ratio.

MUltum utique reipublicae integritati interest, praecavere, ne parti eius cuicunque vel levissima inferatur noxa: siquidem eodem fere modo omnia inter se cohaerent, prout in corpore nostro humano, ut unius membri actio alterius sit incitamentum, nullumque possit labefactari, quin noxa ad universum redundet. Sicuti autem morborum multorum causae in minus accurata ob-

Vol. IX.

G

servatione earum rerum continentur ; quae ad
 sanitatem licet pertinent , eam tamen neglectae
 laceffunt , aliae vero sponte , aut nihil confe-
 rentibus nobis , enascuntur : sic etiam perturba-
 tiones reipublicae ex voluntate & accedente
 membrorum adiumento fiunt , aliae contra insciis
 aut invitis illis excitantur . Priorum culpam re-
 cte ferunt , qui delinquant , posteriorum non
 imputandam esse auctori censetur . Hinc in gra-
 vioribus quoque delictis iusti rerum arbitri eo
 semper respicere iubent , ut pateat , num culpa
 aut dolus in eum cadat , qui tale commisit . Si
 enim utrumque illi nequeat tribui , nec poenae
 locum esse decernunt . Multae autem sunt condi-
 tiones , quae ad iuris peritos tantum videntur
 spectare , ut , si ex improvviso & fortunae ini-
 quitate periculum mortis acciderit , quas vero
 nostras iam non facimus ; aliae ad Medicos per-
 tinent , de quibus illi audiendi sunt . Has inter
 omnis morbus mentis est , qui de vero , iusto &
 conveniente iudicare impedit , illeque primum
 quasi locum occupat , ita quidem , ut nec excu-
 satio valeat , quin ex illo fonte liquido proma-
 net . Sunt autem nostris temporibus exempla
 eorum proli dolor non rara , quibus atrocitas &
 humanitati fere adversa committuntur delicta ,
 quae num ex malitia & intentione , utrum ex
 debilitate veri iudicii & consilii praegressi deducantur

cenda sunt; ambiguos tenere possunt eos, qui iustitiae praesunt, vel a reorum defensoribus in descriptionem adducuntur. Hinc inaugurali huic disceptationem non incongruum esse argumentum credidimus, si morborum mentis eam proponeremus naturam, quae liberando ei sufficiat, cui infelicem perpetrandi facinoris, alias detestabilis, largiti sunt occasionem. Ita vero de his disserendum esse duximus, ut ex indole, causisque, per signa dignoscendis appareat, num delictum ex iis excusationem admittat. Vehementer autem abhorremus ab eorum hallucinatione, qui omnes eiusmodi delinquentes, ipso, quo deficiunt, tempore furiosos nec mentis compotes habendos esse sibi imaginantur, quum multum discrepet, ab impetu animi vehementiore agitari, ac vera ratione deficiente mala committere, quae pro iustis adsumi debeant licitisque operibus.

§. II.

Morborum mentis descriptio.

Ea quidem mentis humanae natura est, quae mutationis capax non sit, quum immortalis eius substantiae non competat defectus & interna quasi mutatio, ut menti ea propter morbus

vel imbecillitas nulla adiudicanda sit : eae deinceps eius vires sunt , quae in idearum formatione , compositione , comparatione , voluntate & iudicio spectantur , quae abesse pariter nequeunt , quacque eius eminentioris eximiaeque indolis indicia praebent largissima . Mentem tamen aliquam sui laborare debilitate aut morbo affici dicimus , si observamus eam discrepantiam facultatum , quae rectae rationi non conveniat . Quum enim idearum ortus maxime ex sensibus profisciscatur , illi vero , si integri fuerint , iis rite & recte producendis sufficiant , dum conveniens iis , quas externa causa in nervos fecit , impressionibus in mente excitatur actio , omnis is eventus aliquam mentis imbecillitatem denotat , qui sensationes producat , externis ideas efficientibus , causis non accommodatas . Quenam in nervo mutatio producat , nunc quidem minime pervestigare audemus , quum eandem cogitatione tantum , omni vero subtilissima indagatione anatomica adsequi nequitiam possimus , eam vero certo contingere , absque omni dubitatione adseverare debemus , quod nervo quocunque demum modo laeso , omnis , quae ad cerebrum , illo agitato , transfertur actio interrumpitur vel cessat , quin potius mutationem ad nervi usque originem propagari inde iure concluditur . Quodsi ergo in ipso encephalo nervi cuiusdam eveniat mutatio ,

quae sit analoga aut prorsus eadem cum illa ; quam causa quaedam externa produxit , eandem inde excitari ideam in propatulo est . Sic enim per insomnia ideas non revocari tantum & semel productas denuo apparere , sed novas componi atque progenerari observamus (a) . Attamen hanc mentis nostrae praerogativam , naturalem potius , id est , eius naturae aptam , quam morbosam dixeris , recte quidem , nec in ea conditione vitium quaesiveris : sed ex eiusmodi productis ideis nascitur iudicium , quod veritatem non continet , seu natas , ab externa quadam sensorii perturbatione ideas cum iis , sponte intus genitis , confundit . Aequae enim menti ac corporibus diversi roboris gradus insunt , per facultatum diversarum exercitium liberius vel difficilius dignoscendi . Occurrunt nempe homines , quos fatuos aut stupidos appellant , ea hebetudine animi instructos , ut ab externis causis , nervos adficientibus , parum vel nihil mutantur , multo minus internorum , quos vocant , sensuum impressionibus commoveantur , & uno verbo , egregiarum mentis facultatum usu maximam partem priventur . Est vero in his nihilo

G 3

(a) Vid. VAN SWIETEN Comment. in BOER-
HAAVE . Tom. II. p. 320.

secius eadem ac in aliis mentis natura, quae tantum pauciores nervi impressiones admittat, & eam ob rationem, quod a reliquis non aeque adficiatur, vitio imbecillitatis laborare dicitur. Haec si immutabilis est, causam aliquam physicam, in corpore latentem, praesupponit, verusque morbus dici meretur; si vero mutationem admittit, in neglectu curae, quae menti adhibenda est, saepe causam quaerendam esse manifestat. Utriusque pervestigatione opus est, in causis ad forum pertinentibus. Quantum enim studium & applicatio decens ad confirmandam mentem, acuendum ingenium & perpoliendum iudicium valeat, quotidiana loquitur experientia, si plebeium hominem, rusticum, urbanum & eruditum inter se conferre libuerit. Eos enim, quibus a natura stupidi quidquam inesse suspicamur, nihilo secius quandoque ad excellentiam pervenisse observamus, dum modo studiosam ad excolendam mentem adhibuerint solertiam, nec corporis vitiis detineantur. Haec nosse & develando indagare Medicorum est, inprimis, quod iis sublati, mentis etiam morbus superari possit. Aliud deinde vitium nascitur, quam primum vivida illa, diversissimas contemplandi ideas facultas, & quae inter eas vagando quasi, aliquas ex reliquarum serie protractas, iungit & conferendo unit, vel unicae aut simplici seriei tantum

ita inhaeret ; ut ab ea aegerrime secedat , quia productam iterum iterumque repetat . Tunc etiam derelictum quasi corpus vehementer in sui nutritione lapsitur , hominem scilicet in diuturno & pertinaci , ut BOERHAAVIUS (a) declarat , delirio versante , quem morbum veteres ab atra bile melancholiam nuncuparunt , quae furore & agitatione corporis gravi accedente tantum a mania discrepat , immo in nervorum concussiones & conquassationes involuntarias abit seu epilepsiam . Haec quidem aliquando ineptitudinis nervorum medela est , quod a nervis , epilepsia accedente id , quod labem fecit , excutitur , aliquando ob principia nervorum , vehementius affecta , recte valentes mente reddit imbecilles & fatuos . Est vero in his quoque morbis mentis , quod in variis corporis morborum generibus deprehendimus , ut periodos nonnunquam habeant , & intercalaria tempora , quam quidem conditionem , a Medico Clinico maxime attendendam , forensi summe necessariam & studiosissime inquirendam esse iudicamus , quum sine illius consideratione de delicti imputatione nihil possit stabiliri . Est deinde in periodorum vehementia diversitas , alium gravem , mitiorem alium

G 4

(a) Aphorism. de cognosc. & curand. Morb. §. 1089.

esse deprehendimus ; dum nimirum ab uno alterove paroxysmo non simili mens vi & impetu afficitur , aegri potius , ut in iis , qui ex febre delirant , resipiscences iterum , ad se nonnunquam redeunt . Quanquam vero de iis praecipue mentis vitiis in foro sermo est , quae diuturniora sunt , & pertinaciora , simul tamen ea quoque huc referimus , quae ut deliria febrilia , transitoria appellantur : siquidem in his mens eodem perturbetur modo , & delicta invito etiam animo perpetrari poterunt , quum temporis diuturnitas ad mutandam aegritudinis essentiam nil valeat .

§. III.

Causae morborum mentis 2) innatae.

Horum morborum causae & multae sunt , & haud paucae obscurae ac pene imperscrutabiles , quarum itaque agendi potentiam ex effectu in corpore tantum diiudicare licet , quum praeter impetum in percipiendis ideis nihil in mente possit mutari . De singulis dicere vetat propositum , quaedam ex his multum inter se conveniunt . Possunt tamen nihilo minus ad duo genera referri , aliae nempe ex his innatae sunt & perpetuo corpori insunt ; aliae vero introducuntur , quas acquisitas nominare liceat . Priorum

quaedam ad totum corpus spectant; quaedam ad partes eius tantum referri debent, iterumque vel exterius animadvertuntur & manifestae fiunt, vel interioribus latent partibus, non nisi dissectione cadaveris demum illustrandae. Mirari enim non licet, si praesumatur, male conformatum corpus, gibberosum, varie inflexum, capitis praecipue forma inconsueta instructum, in nervorum imperio in mentem & corpus varietatem experiri posse & imbecillitatem mentis inde enasci, immo, propter functiones vitales laesas, nervi quoque fluidi, ad sensus adeo necessarii, indolem forte & facultatem depravari. Etsi multa sunt exempla eorum, qui male conformato corpore rectissime sapiunt & functionibus mentis omnibus praesunt, itaque egregiam sanitatem habere videntur, non pauciora tamen e contrario obveniunt, in quibus ex vitio corporis mentem quoque adduci conspiciamus. Id quod in miseri hypochondriaci mali gradu auctiore saepe evenit, in quo eo corrupti ex internarum partium affectione morbosa desipere deprehenduntur. Nolumus quidem levioris momenti discrepantias omnes huc referre, bene scientes, maiores & graviores tolerari sine noxa, singulas tamen in universa oeconomia animali administranda mutationes efficere, eo certius arbitramur, quo evidentius naturae auctorem ad normam

aliquam machinam corporis nostri adstrinxisse persuademur. Non quidem ex eo consequitur, levissima quaque secessione a consueto naturae tramite mentis actiones turbari, quum studiosior corporis humani dissectio in singulis propemodum hominibus diversitatem in minimis manifestet; numne vero plures earum varietatum, quae humorum circuitum, variorum organorum efficaciam, secretiones & vires attinent, noxam evidentiorum contrahant, in dubitationem venire nequit. Siquidem ipsi naturae rei respondeat, in liberrima corporis animalis succorum circulatione omnia inter se cohaerere, nec machinulam quidem sine impedimento totius sua fisci in actione debere. Referri autem ad succorum motum solidarum etiam partium concinna debet adaptatio, quae, si a nativitate est inconvenientis, in vita protracta non emendatur. Multa specimina, qui in mente alienatorum cadaverum disquisitione summa cum laude & incredibili pene cum patientia, cuncta rimatus est GREDINGIUS (a), recenset, quorum haud pauca a nativitate protinus adfuisse deprehenduntur. Sin autem quarumcunque partium corporis nostri morbosam mutationem non nisi remotam perturbationis men-

(a) Conf. Adversar. Medico-Pract. Lips. Vol. II. P. I. II. III. IV, Vol. III. P. I.

eis causam habere velimus ; quam tamen opinio-
 nem variorum morborum refellit contemplatio ,
 ipsius sane encephali adfectiones , utique proxi-
 mam efficient . Satis enim ex anatome constet ,
 mollis cerebri cerebellique visceris structuram ,
 in diversis , ex quibus patet , partibus semper
 eandem esse , ut ea propter , quicquid a cogni-
 ta illa fabrica secedit , id non morbum tantum
 indicet , verum etiam evidentem mutatae functio-
 nis causam contingat . Hinc , quoniam & me-
 dullosoe & corticali substantiae certae datae sunt
 stationes , nulla earum alium , ac qui a natura
 adscriptus est , locum occupare debet ; quod
 quidem non eo a nobis dictum est sine , ut
 cuiuscunque singularis partis encephali veram uti-
 litatem noscere arbitremur , quod quidem nobis
 non arrogamus , sed , quod ex effectu demum
 singulae prominentiae , tuberculo , depressioni ,
 circumductioni aut dispositioni partis peculiarem
 inesse vim ad virtutes , ab encephalo expectan-
 das , intelligamus . Maxima prae animalibus ho-
 mini data est encephali massa , quem etiam ra-
 tione & mentis facultatibus aliis excellere obser-
 vamus , eam vero mollem & cohaerentem esse
 decet , impressionibus idearum , per nervos fa-
 ciendis , accommodatam , irriguam tamen &
 exhalandis succis flexilem conservandam atque
 receptaculo cranii apto excipiendam . Quae qui-

dem eius aptitudo a cognita offium cranii forma & mirabili coniunctione dependet, qua in adultis non levium tantum externarum iniuriarum violentia avertitur, verum etiam internarum partium molesta & noxia compressio praecavetur. Quodsi nunc in singulis hisce partibus, vel figura, directio, compositio, materies, libertas vel tantillum patiatur, proxime morbose adfici corpus & cerebri actiones perturbari docet experientia. A futuris cranii deletis, quod non raro iunioribus iam contingit, pertinaces capitis dolores enasci, veteribus iam probabile visum est (a), quos, etsi ab aliis causis profiscantur, tanti tamen habemus, qui cogitandi facultatem mirum in modum labefactent (b). Interioris laminae vitreae ab aequali & polita superficie interna cranii leviuscula separatio, quae duram matrem tantum vellicet; osseae in hac meninge genitae excrescentiae, vel similes non magni momenti aberrationes, quibus utique parva tantum videtur iniuria fieri posse, mentis alienationem quandoque producant, & stuporem, non nunquam vagum & transeuntem, mox perpetuum & fixum. Meminimus iunioris

(a) KUPERUS Anthropolog. Lib. I. cap. X. §. XV.

(b) MORGAGNI de caus. & sedib. Morbor. Epist. LXII. art. 15.

hominis ; qui tenera sua aetate ex alto delapsus , humi prostratus , capite percussus , ad se rediens tarditatem ingenii retinuerat , de reliquo valebat , aestivo tamen & calido tempore , exagitatis humoribus de sensu ponderis in capite primo , deinde de stuporis sensu conquerebatur , post attonitus quasi & sensibus orbatus aliquot dies peragebat , in priorem iterum statum sensim restitutus . Multo maiores itaque mentis morbi enascuntur , si ipsa encephali substantia laedatur , quae nervorum principia suggerit . Varia encephalo quidem inflicta sunt vulnera , quae nullis molestis vel protinus non lethalibus symptomatibus stipabantur (*) immo in cadaveribus etiam quandoque status huius visceris praeternaturalis observatus est , sine eo , ut antea in mentis facultatibus laesae fuerint detecta . Quae certe conditio opinioni nostrae , morbos encephali mentem adficere , videtur adversari ; sed videtur tantum , quum lentae morborum causae in aliis etiam partibus morbos producant , quorum effectus diu latent , hinc abesse iudicantur & subito in flammam quasi erumpentes nocent . Dissecuimus cadaver vetulae , quae praeter senii incommoda a morbis libera putabatur , haec au-

(*) Conf. I. I. ZIMMERMANN Diss. de irritabilitate . Goetting. 1751.

tem in magna versans hominum turba repente mortua concidit, & male tractata esse putabatur. Erat autem in toto eius corpore noxa vel laesio nullibi invenienda, sed ablato cranio, in hemisphaerio cerebri sinistro abscessus detegebatur, subito ruptus & effluens, apoplexiam inducens, cuius ante, ut qui eam norant, retulere, nullum extiterat signum. In memoriam etiam redit cum acerbo doloris sensu casus amici, qui saepius lipothymia, capitisque dolore excruciat, tandem convulsus & delirans obiit, in cuius cerebro pariter abscessus generatus causa morbi fontici fuit. Leviores adhuc encephali destructiones ad mentem perturbandam sufficere multa & sollicite collecta exempla GREDINGII (a) egregie declarant, quibus constat, in variis, mentem vitiantibus, morbis, quos inquirendi largissimam habebat opportunitatem, minimas mutationes, a statu sano differentes, graves melancholicorum maniacorumque adfectiones produxisse. Arenulae vel lapilli, ex his coalescentes, reperti in glandula pineali, ita docente GUNZIO (b) olim uostro, maniae causam faciunt, quicquid contra moneant MORGAGNIUS (c)

(a) Advers. Vol. II. P. III. p. 487. seqq.

(b) In Prolus. qua lapillos glandulae pinealis in quinque mente alienatis proponit. Lips. 1753.

(c) Loc. cit. Epist. LXI.

& alii, quum dimidium fere numerum eius generis aegrorum glandulae pinealis arenulas vel calculos habuisse scribit GREDINGIUS (a). Parva itaque illa pars, corticalis maxime substantiae, filamentis medullaribus tantum cerebro annexa, quam ob animae cogitantis, hic, ut voluit, residentis palatium nobilitaret CARTESIUS, tantam iam menti perturbationem conciliat, quantam vix crederemus. Nuperrime demum copia disquirendi encephali nobis facta est, hominis subinde furiosi, semper fatui & melancholici. Viscerum in hoc omnium integritas erat, robur deinde corporis, solidae partes firmae, nec in encephalo labes: plexum enim choroideum hydatidibus minoribus disseminatis instructum fuisse vix attinet dicere: densitas tantum totius substantiae inconsueta & pene durities aderat, quam stultitiae comitem esse MORGAGNIUS (b) & MECKELIUS (c) volunt, laxitatem magnam e contrario quoque invenit GREDINGIUS (d). Quod vero ex his adductis luculentum est, non totius encephali, sed unius alteriusve partis laesionem sufficere ad mentem male adficiendam,

(a) Loc. cit. p. 121. seq.

(b) Lib. cit. Epist. VIII. art. 3. sqq.

(c) Hist. de l'Acad. Roy. d. Scienc. à Berlin A. 1764. Observat. I. sq.

(d) Loc. cit. p. 536.

quanta cum sollicitudine hae indagandae sine
causae sponte apparet. Libuit autem has ad
innatas referre, quod earum genesis abscondita
vix videtur aliunde allata esse, & in encephalo
nativa praesumatur dispositio.

S. IV.

A) acquisite.

Sed aliae porro plures sunt causae, quae
mentis functiones molestas reddunt, & hinc illam
vitiant, quae tamen, ut pathologi vocant, non
idiopathicum, sed sympathicum morbum faciunt.
His nihilo tamen minus officina spirituum cor-
rumpitur. In universum autem nonnemus, vix
totius corporis partem aliquam futuram esse,
cuius functio intercepta nervis vim non imprima-
mat, mentemque postliminio quasi debilitet,
quum levis admodum festuca, cuti infixae, do-
lore aucto mentem alienet, & catarrhalis insul-
tus, levissimi ingenii sensibiliores, quos nomi-
nant, delirare faciat. Multum utique vitae ge-
nus conferre deprehendimus, aequae id, quod
solidarum partium tenorem roborat & infirmat,
ac quod fluidorum decentem mixtionem laedit.
Sunt quidem illae adfectiones vix perpetuae,
tolluntur quoque, repetitis tamen erroribus ha-
bitum,

bitum, si ita dicere fas est, acquirunt, nervos vero in genere saepe laceffitos, diu retinere inductam oscillandi facultatem aut characterem, ex multiplici constat morborum observatione. Quare etiam si causa eorum eventuum vel auferratur, vel in agendo intermittat, effectus tamen non tolluntur, sed novam semper morbum constituentem, novarum causarum originem continent. Deinde in iis rebus omnibus, quas non naturales vocare solent Medici, quarumque usu egere non possumus, aequae ac singulis magna est in cerebri &, quae inde pendent, partium mutatione potentia, ea scilicet, quae nervos aut irriter aut obtundat, hinc mentem laedat. Factae quoque a teneris unguiculis in nervos, qui, ut recens imbuta testa odorem servant diu. impressiones aegerrime iterum delentur, quia tam graviter eos infestant, ut v. c. a potus spirituosus abusu perire ingenii vim videas & factum reddi, quem ordinata diaeta servasset diu mente vividum. Sic e contrario, quantam nervos obtundendi facultatem quies & somnus protractior exercent, nec non omnis a motu corporis, olim consueto, abstinencia, luculenter patet iis, qui differentes hominum status inter se comparare solent, quibus mirum simul videtur, a pristino intellectus alacrioris robore ita deflevere peritos, ut sibi vix mente similes maneant.

Id, quod ex universae oeconomiae animalis contemplatione perspicitur, quae nimirum postulat, ut si integritas superesse debeat, nec in minima parte libertati humorum progredientium obstaculum offeratur. Idem autem non potest non ab omni impetu produci, aequae ac a motus retardante causa, quod humores, praecipue animales, eam inter se cohaerendi & quiete se uniendo vim habere scimus, ut in deliquio animi, quod vocamus, etiam feliciter superato, aliqua requiratur circulationis vis ad praecavenda vel resolvenda humorum coagula. Spissitudinis denique humorum effectum etiam esse invenimus, ut secretiones & difficilius peragantur & torpor toti corpori inprimis subtilissimo nervorum fluido concilietur. Impetum etiam quemcunque, si gradum, quem natura praecipit, superaverit, infarctus & obstructions parere, ex frequentibus clarum est exemplis. Etsi vero his causis omnibus magna corporis functionibus adfertur imbecillitas, etsi earum continuatione in vita protracta seu senectute effectus sensim luculentiores fieri solent, citius tamen in mente eiusque actionibus aegritudo producit, qua nimirum illa hebescit & suis quoque utendi facultatibus inepta redditur, diu strenueque in usum adhibita. Magna & indefessa studiorum contentio vires animi tam egregie evolvit & firmat, ut brevi tem-

poris spatio gradum perfectionis indipiscatur, haec vero ad culmen delata protinus relabi & minui incipit, si intermissio non accesserit; siquidem nec nervi perpetuam ferunt tensionem, nec idearum, in mente productarum, confusio evitatur. Quare non incongrue nimium sapientiae studium stultitiam efficere putatur. Quae quum ita sint, quantum ab adfectibus animus patiatur, sponte perspicitur. Etenim, dum illi in excitando vel desiderio vel averfatione validi esse deprehenduntur, saepe ita mentem commovent, ut gratae vel ingratae sensationis violentiam perferre nequeat, sed perturbetur. Immo, si diuturna vel perseverans fuerit actio, ea, quae commotionem fecit, idea tam firmiter inhaeret, ut fixa reddatur & proximam melancholiae atque maniae causam constituat. Idem nimirum, quod nervis accidere antea diximus, ut oscillationes, frequenter susceptae, prompte & causa etiam absente repetant, uti in epilepticis habitualibus, menti quoque contingere suspicamur, ut aliqua nempe idea, praeter voluntatem ex morbo eius redeat frequentius, vel ab alia sensus percutiente, aliquantum suppressa, mox resuscitetur. Quis enim est, quin in se ipso experiat, moerorem vel tristitiam non nisi cum tempore leniri atque deleri, sed subinde redintegrari: solam amoris ideam, cui prudens adhuc

resistere non annuitur ; tam vehementer percellere animum , ut dementes reddat amantes , non uno exemplo patet . Quum vero talis idea ob egregiam mentis facultatem existere sola nequeat , licet reliquis validior esse videtur , ex comparatione quidem cum aliis iudicium inde existit , sed , quod minus rectae rationi convenit , & in iudicio falsitas est , motus ea propter corporis , qui sensationibus respondent , & inde dependentes actiones , rationi sanae quoque respondere nequeunt . Interim & hic emendationi locus non nunquam superest , ut idea vel tardius rariusque nec nisi ab alia excitata , redeat , vel plane extinguatur , praecipue si ea , quae ipsius origini favebat , causa removeatur . Sic in morbis febribusque , quae deliriis slipantur , tam diu eadem furere videmus , quamdiu materia morbi nondum mitificata est , post coctionem autem , factaque crisi sapientiam restitui conspiciamus . Ipsa morbi materia morbosum mentis statum generat , si nempe eadem rite non expulsa , aut ad viscera reducit lentumque morbum procreat , aut nervis tribuitur , e cogitationum turbas excitat , immo stupiditatis perpetuae causa fit . Ab exanthematibus enim retrocedentibus , tremor artuum & praeter alia multa quandoque insania , etiam habitualis , oritur . Tandem etiam perversa medendi methodus & neglecta morbo-

rum animadversio in periculum simile coniicit sua alienaque culpa aegrotos.

§. V.

Signa diagnostica morborum mentis.

Miserrimus quidem aegrae mentis status facile forsitan dignoscetur, quod nequit abscondi vel clanculum haberi iste a recta ratione secessus, quum per incongruas sese nec scopo aptas actiones corporis manifestet. Nec diffiteor in maiore aut eminentiore morbi gradu, ut maniae atque furoris, signa esse tam aperta, ut terream, inque fugam coniiciant meticulosos spectatores, quum & validis munimentis coercere furentes deceat, atque ex hominum consortio, ne noceant, remove. Sunt autem non gradus tantum leviores, quales ab initio morbi esse solent, sed etiam alii, notabili interiecto temporis spatio distantes, ut morbi, eam ob causam absentis, indicia quoque habeantur nulla. Illa tum ex corporis contemplatione, tum ex mentis functionibus desumuntur. Post corporis enim imbecillitatem demum sequitur in mente vitium, quod quidem, num laesioni, in corpore existenti, proportionatum sit, decernere non audemus, quoniam corporis adfectio saepe obscura est,

suadet autem labes cerebri maior minorque in melancholicis animadversa, magnitudinem mali, in corpore haerentis, non parum ad vehementer perturbandam mentem tribuere. Sed, quod earum partium, quae encephalon componunt, singula, quantum ad mentis integritatem conducant, nondum exploratum est, & minimus, in corpore nostro laessitus, nervus summas aliquando excitet molestias, dubitatio exoriri potest de veritate opinionis. Hanc tamen nostram nunc non facimus, quod ex cadaveribus demum noscamus, quid praecipue laesum sit, laesionis deinde modum cum magnitudine morbi conferre debeamus, licet facile largiamur, maiorem destructionem cum probabilitate effectus quoque maiores producere. At in vivis, ut dignoscamus sana mens sit nec ne, necesse est, quod quidem in foro ob multiplices causas requiritur, praesertim, si de delicti commissi imputanda culpa aut dolo quaeritur. Haec vero, ex ipso corpore conquistata atque ex eius contemplatione enata, utique sunt ambigua. Evenit quidem, ut, si corporis mentisque vitium simul est, in externo corporis habitu morbi etiam significatio sit, vel ex aliis symptomatibus discernatur, ut in hypochondriasi, viscerum obstructionibus, tumore praeternaturali, non tamen ad omnes, mente aegrotantes id spectat. Sic melancholicos ex mota, quae accusa-

tur, atrae bilis colluvie; tristes plerumque esse volunt, quorum nihilo secius quosdam hilares & compositis moribus observamus, vegetosque, colore & externa corporis forma nulla offerentes indicia tanti vagantis mali. Sunt qui corpus bene nutritum, torosumque circumferunt, alii, qui exsucco aridoque corpore inveniuntur. In genere tamen, qui corpore reliquo bene valent, soloque encephalo laborant, illi externas quasdam notas amentiae distinctas vix habent, & tunc, si paroxysmi absunt, mente minime aegrotare indicantur. Accidit hoc in illis magis, qui libero aere uti, corpus commode movere & officiis quibusdam vacare possunt, si vero aratio-
re inclusi loco detinentur, tunc non raro corporis mutationes patiuntur, quales a carceribus venire videmus. Exinde vero, quod mens aegrotare praesumitur, ad illius nunc actiones omni attendendum est sollicitudine, quae vero sese tum criteriis iis manifestant, quibus communicare aliis cogitata nostra solemus, loquela nempe, tum actionibus externis corporis, quae illis convenienter instituuntur. Ubi autem omnis propemodum cogitandi facultas abolita est; vel eo oppugnata modo, ut clarior quaedam prae aliis idea in mente non existat, ibi non raro taciturnitatem animadvertimus, sicut in stupidis fatuisque, quorum tamen in corpore motus su-

perfunct, quorum exempla varia recenset GRE-
DINGIUS (a) alii etiam nec corpus movere au-
dent, rarioris exempli, a SAUVAGES (b) ad-
ducti. Qui deinde uni fixaeque ideae pertinaci-
ter inhaerent, iis cogitandi vim denegare qui-
dem non possumus, delirantium tamen in mo-
dum, non perverse ratiocinantur, ut cum SAU-
VAGES loquar, sed a principio falso, cui con-
stanter inhaerent, consequentias suas recte fac-
pius deducunt. Tanta nempe est unica paene
ideae inhaesio, quae, ut in attentis ad rem ali-
quam perspicimus, reliquas iuxta positas suppri-
mat & obscurat, atque efficiat, ut ob negle-
ctum illarum actiones non respondeant conditio-
nibus decenter. Hi itaque melancholici morbum
mentis suae ex idea fixa declarant, nec non,
etiamsi ab initio corpus a morbosa lae libe-
rum sit, huic semina variorum morborum exinde in-
spargunt, quod fluidorum motus & solidorum
robis diu incolumis servari nequit. Accedente
autem nunc morbo, vel ideis istis vividioribus
redditis, in furorem agitantur, verique reddun-
tur maniaci. Tunc novum additur discrimen,
ut unica quidem & amica perpetuoque recurrens

(a) Advers. Med. Pract. Vol. II. P. I. p. 117.
n. 32. sqq.

(b) Nosolog. method. Cl. VIII. p. 256. Ed. Amst.
1708. 4.to.

idea saepe adhuc prodeat, sed vagante quasi per cerebrum mente alias, aut imaginatione productas, aut sensibus oblatas in consortium recipiat; de singulis autem perversè iudicetur, atque cum audacia vehementique corpus robore agitetur, insidiae struantur, obtinendo fini praefixo accommodatae. Tales autem maximopere cavendi sunt, quod ad patranda facinora proclives, ab animi pathemate facillime commoventur, ab illisque, gravissime adfecti, aegerrime detorquentur. Sunt vero distincta quoque signa in iis, quibus alii simul morbi accedunt, ut epilepsia, paralytis, quae ex illorum morborum naturis Medici depromunt. Haec iam adducta sufficiunt iis, quibus in foro, de morbis hisce iudicium ferre, requiritur, qua quidem in re atque adstipulamur ZACCHIAE (a).

§. VI.

Signa prognostica horum morborum.

Parum quidem ad Medicum forensem & Iudicem pertinere videtur praefagia de morbo, quum ipsi, non quid futurum est, sed, quod

(a) Quaest. Med. Legal. Lib. II. T. I. Quaest. III. p. 115.

praesens habetur , scire interfit , si nempe ad eum , quem iam consideramus , casum delictorum excusandorum respexerimus , in aliis licet actibus forensibus cognitionis necessitas maior ingruat . Mentis tamen vitia , quoad exitum , curatius quoque pensanda sunt , quod in defensione rei ad perseverantiam morbi eiusque vicissitudines respiciendum est . Hinc duo consideranda sunt momenta , ut vel praevideamus , num , quem abiisse deprehendimus atque siluisse , iterum accedat , morbus , & deinde num tolli possit , utrum sit perpetuus futurus . Ea vero , quae pathologis alias anamnesticæ vocantur signa , etiam huc referimus , quod futurum paroxysmum indicant . Omnis itaque morbus mentis , qui per paroxysmos redeuntis redintegratur , quo frequentiores illi sunt , & quò citius sese excipiunt , eo maius periculum & durationem longiorem indicat , siquidem non simplicem impetum , sed habitum quasi & dispositionem iam adesse doceat . Quemadmodum enim in epilepticis ante insultum tensionis sensus , dolor aliquis obscurus , coloris in facie mutatio , vertigo , sensuum obnubilatio , similiaque percipiuntur symptomata , ita inconsoetae mutationes taciturni in loquacem , & contra , oculi antea mites & blandi , nunc torvi & fulgidi , iracundia subito exacerbanda , rerum olim suavium cita averratio ,

ideae fixae recens renovatio, eius cum firmitate persuasio, & alia eiusmodi inprimis, si olim eodem modo adfuerint, novum paroxysmum insaniae imminere testantur. Porro, quod pathematum animi incredibilem paene potentiam esse supra adferuerimus, etiam tale, mentem conquassans, si oblivione non teritur, sed cum aliqua constantia ceu praesens sistitur, metum iniicit fore, ut ideae fixae & perturbationi mentis gratam quasi largiatur opportunitatem. Sunt, qui eam morborum horum indolem esse credunt, quae possit a parentibus liberis quasi haereditate tradi, eoque specioso sane argumento utuntur, quod succorum labes diversi generis ad foetum traducantur, immo exemplis confirmare annuntur sententiam, quibus constat, melancholicos parentes, liberos habuisse, eodem morbo contaminatos. Utut autem experientiae fidem denegare non audemus, multa tamen sunt, quae haereditarios mentis morbos esse, ut adsumamus, vix permittunt, hinc momentum defensionis inde desumptum, vacillans reddunt. Praeter enim id, quod tales non raro morbi absque materie sint, nervorum potissimum adfectiones iudicari debent, ad quos per innumeras fere causas mutationes transferuntur; cogitationis officinae adversae. Sunt autem ad confirmandam veritatem omnes eae causae, quas plurimum conferre

ad morbos istius generis supra diximus, bene rimandae, ex quibus aliquae ita comparatae sunt, ut in liberis morbum, etiam, per traducem non datum, sed novum progerminare faciant. Eadem de contagio, quod inesse frustra praetenditur, iudicamus, licet in convulsivo illo annaemontanorum iuvenum morbo, a HOEPNERO (a) descripto, phantasiae corruptio ad alios delata esse videatur, quod autem a communi quadam causa in pluribus eodem tempore existente & activa provenisse tandem constitit. Sic autem vehementer esset iis, qui in morodochiis aegrorum curam habent, timendum, quum a contagio liberi esse non possent, quale in aliis morbis epidemicis eos, qui morbis medentur, semper intactos non relinquit. Interim nec has conditiones hic adduxissemus, nisi inde quandoque argumenta repeti inveniremus, ex quibus remota quaedam defensio inquisiti desumatur, quam ex nunc adductis momentis inanem esse apparet. In variis morborum generibus, ut febribus acutis & inflammatoriis, deliria sunt, gravia non raro, omnem propemodum sanam rationem adimentia, quae vero per sanato morbo

(a) CHRISTIAN HOEPNER *Acta privata, betreffend die Kranckheit zu St. Annenberg vom Jahr 1713. Leipzig 1720. 4.to.*

cessant . Haec , si applicare velis ad ea tempora , quibus aliquem in facinore versari deprehendas , idem esset , ac senum prudentem gravitatem pro iuvenilis nequitiae sequelis accipere . Si tamen de exitu vitiorum mentis certiora decernere voluerimus , repetenda sunt causarum scrutinia , quarum vehementia morbum magnum facit , deinde effectus sunt attendendi . Mutationem non facile admittit structura corporis eiusque partium aliena , sive a natura sit , sive per causas accedentes introducta ; difficillime eradicantur ideae fixae . Si morbi intervalla , spem restitutionis affulgere permittant , ea sine ablatione causae irrita est futura , forte certior in morbi principio , ac eius progressu .

§. VII.

Delictorum imputatio.

Fusiores fuimus in definiendis conditionibus , quae ad morborum mentis declarationem pertinent , eam praecipue ob rationem , quod haec disquisitio ad Medicum forenses spectat . In determinandis poenis , naturae delictorum competentibus , ad Iureconsultorum castra abeundum est , qui , si de morbi natura atque indole in

delinquente certiores facti fuerint per Medicorum disquisitiones, his, ceu firmioribus fundamentis suum superstruunt iudicium. Hi autem ex omnibus inter se collatis conditionibus veri praesentiam morbi eliciunt, quo tutus sit iudex, ne colore & simulatione morbi a poena liberetur nocens, vel damnetur insons. Multa, quae etiam defensores concernunt, colligit STOLTZIUS (a) a scopo tamen nostro non abest, ad delicti naturam respicere. Omne nimirum id, quod legibus divinis atque humanis contrarium, delictum vocatur: potest autem vel consulto ex malitia, vel per inscitiam & casu fortuito committi. Prius poena omnino dignum est, posterius, si scientia acquiri & casus evitari non potest, excusationem admittit. Excusatio autem demonstratione nititur, qua imputandum non esse delictum auctori evincitur, quippe in cuius arbitrio positum non erat, ut evitetur. Sed arbitrium sane illius non est, qui sua mente uti nequit, qui rerum causas introspicere, effectus intelligere & diiudicare hinc de iis decernere non valet. Ea vero omnia in mente captos cadunt, qui, quum de delicto,

(a) FRID. LEBR. STOLTZE prax. crimin. spec. de eo, quod iustum est in defensione inquisiti ex capite imbecillitatis mentis & quaestione, quousque excuset. Lips. 1743. 4.

quatenus a legis voluntate abhorreat nec ne, iudicare nequeunt, culpaе dolique expertes habendi sunt. Unicum momentum obstat, quod ex intervallo dementis, ut vocant, lucido desumitur, quo scilicet a delinquente postulantur, quae a recta ratione utente. Hoc tamen magna cum cura diiudicandum est, ex collectis nempe iis, quae supra tradidimus, signis, nec non ex conditionibus, quae cum delicto sunt. Maxime horrenda delicta homicidia sunt, quae si bene praemeditato animo, clam & adaptatis, ut respondeant fini, circumstantiis atrociter suscipiuntur, minime defendenda videbuntur, quod tunc dolus & culpa liquido accesserint, possunt tamen ea quoque a melancholicis cum iisdem perpetrari conditionibus, quod insidiarum eos studiosos inveniamus, fixae ideae satisfacturos, praesertim, si causae in corpore haerent, quae rectae rationis usum obfuscant. In exemplo res magis illustrabitur, quare casum stupendum memoratūque dignissimum adducere liceat, eumque, ut doctrinae utilitas pateat, argumentis, in utramque partem explanare.

§. VIII.

Casus homicidii duplicati a maniaco.

Vir, qui litteris operam dederat, nec imperitus iudicabatur (a), hypochondriacis diu excruciatu insultibus in opinionem deveniebat eam, ac si per sympathiam, ut vocabat, seu, quod volebat ille, per dolos hominum sic torqueretur, ut cum tranquillitate mentis corporis integritas & nutritio vehementissime labefacteretur. Morbus hic corporis quotidie peior redditus, exacerbavit eum mentis sic, ut tandem, certissime persuasus aeger, suos, quo nomine matrem atque sororem indigitabat, horum tormentorum causam esse, utramque securi caederet & lethalibus inductis plagis crudeliter trucidaret. In quo tamen consilio capiendo exequendoque dolum & consilium videbatur coniunxisse. Expectaverat enim tempore matutino matris ad ignem accendendum accessum, illiusque in hypocaustum ingredientis caput nox securi sic percussit, ut novemdecim plagas, singulasque lethales, tum huic tum pectori infligeret, ea,
ut

(a) Idem ille est, cuius descriptionem uberiorem dedit GREDING. Advers. Vol. II. P. III. p. 452.

ut post factus est, intentione, quo moriretur, nec non eandem, in lectum vicinum prolabentem, exemit & sub lecto, quo absconderetur, recondit. Post, clausa & obturata ianua, eadem armatus securi, scalas ascendit, atque in camera dormientem adhuc sororem, quatuordecim vulneribus securis ope capiti & pectori applicatis, interficit, iterumque obserata hac camera, clave secum sumpto, quo ergastulo aut carceribus includatur, ex aedibus exit, nec aliam, quam supra excitatam delicti atrocissimi causam praetexit, quae eum miserrimum reddiderit. Facta haec sunt & causa ipsa acta coram Magistratu Mitweydenſi ante hos decem & quod excurrit annos. Quum autem de statu mentis huius viri disceptaretur, & ordini Medico nostro disquirendus traderetur, delinquentem, rite ponderatis omnibus momentis, mente captum esse enunciabatur, & a poena capitis Iureconsultorum iudicio liberabatur. Quo vero de eius iustitia constet, argumenta in utramque partem, quae gravant & excusant, trutinanda sunt. Utrorumque igitur tyronum causa normam singillatim recensere liceat, quantum quidem ex actorum testimoniis & natura morbi huc pertinet (a).

Vol. IX.

I

(a) Noluimus actorum folia excitare, quod certitudini rei fidem inde accessuram esse non arbitramur.

§. IX.

Argumenta reum gravantia , s. dubitandi.

Quum morbo molesto atque perpetuo se vehementer affligi adsereret homicida , dubitatio enascitur : quod eodem , quo facinus commiserat , die , partim Medicum in reo morbi melancholici vestigia non observasse , partim se ipsum recte valere reum adfirmare , idque testimoniis aliorum confirmari , simulque eum nullo animi adfectu irritatum fuisse pro certo proponi , nec incondita quaedam in carcere ab eo peragi , demonstretur . Deinde , quod ad quaestiones omnes , etiam eas , quae crudele eius delictum attinent , compte & apposite responderit , memoria & retinente & suggerente omnia , praecipue , quod utrumque hoc homicidium diu iam animo concepisse constanter adsereret . In actu mortifero porro plagas & vulnera copiosa infert , quo eo certius morti tradantur occisae , post eum , morientem matrem , e lecto iterum exemptam , studiose & lente in pavementum deponit , sub lecto eam recondere intentus , ne protinus homicidium palam fiat , quo etiam consilio ianuam claudit & pessulum serae secum abripit , ne aliis introitus pateat , minus oblitus ad novam caedem faciendam securis , qua peracta , denuo ia-

nuam operit , clavem camerae pariter eximens .
 Etiamfi vero in his momentis haud levia iam
 sint , quae malitiam testentur , argumenta , ac-
 cedunt tamen alia , quae rationis & sanae men-
 tis forte documenta etiam post facinus susceptum
 monstrent . In ipsis enim carceribus varias ad
 fautores praeceptoresque latinas , gallicas , ger-
 manicasque misit litteras , iudicii plenas , & me-
 moriae testes , aliasque ad sororem querelarum
 & obiurgationum , contra defunctam matrem so-
 roremque refertissimas . Sui quoque defensionem
 conscribens ipse , quum , quae a Magistratu po-
 stulaverat , acta causae non obtineret , irascens
 litteris in eum vehementer invexit , & amplum,
 undiquaque conquisitis in sui excusationem argu-
 mentis , libellum conscripsit . Tandem , dum
 mortis ipsi poena annuntiatur , lacrymas profun-
 dit , melancholicis & furiosis , utpote durioris in-
 genii , inusitatas . Haec sane iudicabantur , non
 insaniam , sed malitiam & odium in occisas decla-
 rare , quod veri morbi criteria , post sublata ,
 quae obflare videbantur impedimenta , quasi
 exsatiata cupidine , inveniuntur nulla .

§. X.

Argumenta excusantia s. decidendi.

Ast trutinanda sunt ea propter momenta, quae mentis morbum & gradum eius maniacum definiunt. Contra parentem enim & sororem reum nunquam aduerso fuisse animo, suisque officiis explendis debita cum sollicitudine vacasse probarunt multa testimonia, hanc in rem collecta, quibus etiam iuniori iam aetate delinquentem valetudine infirma fuisse declaratur. Sex etiam annos ante delictum oculorum de dolore conquestus, officio, quo defungebatur, ultro se abdicavit, anxietatem praecordiorum, capitisque dolores sensim intensiores perpeffus. Morbi hypochondriaci vero originem tunc factam fuisse ex eo etiam constat, quod ab eo tempore medico usus fuerit auxilio: quod vero iam corpori inhaerentem morbum minus conveniente excipiebat regimine, ea, quae ad melancholiam inerat dispositio, vires recipiens vehementior evasit. Symptomata experiebatur sequentia: corporis extenuationem eiusque colorem luridum, venarum tumorem, sensuum obnubilationem & peculiarem ingentis in capite frigoris sensum. Oculorum adfectio, lucis impatiens, eo adegit, ut paucissimo victu, se per quatuor continuo

menses in cista lignea , operculo instructa , de-
 tineret , in obscuram cellam subterraneam se re-
 ciperet , camerae obscuratae se includeret , nec
 non , quo minus sympathicis , quas imaginaba-
 tur , incantamentis excrucietur , corpus incur-
 varet , vel spiritum diu retineret , sitis molestias
 patienter ferret , apimumque magis conquassaret ,
 succos hinc corrumperet & solidas partes debili-
 taret . Quae quum abunde insaniam prodant ,
 accedit his furor pene immanis , in caedis cru-
 delitate conspicuus , quantitate vulnorum notabi-
 lis , quum unum forte ad mortem suffecisset ;
 contemptio fugae , quae libera fuisset , deside-
 rium carceris , quibus singulis notae perversae
 rationis insunt . Porro , dum post peractam cae-
 dem domo exiret , nec de corpore tegendo qui-
 dem sollicitus erat , persuasus de recta & iusta
 actione , fixae nimirum ideae semper adhuc inhae-
 rens , quum multos alios sympathia per matrem
 interfectos fuisse crederet , hinc utrumque homi-
 cidium moderamen inculpatae tutelae habendum
 esse perseveraret . Sic autem satis detestabili faci-
 ens voluntati , tandem se ab omni morbo liber-
 rum , sensuumque , praecipue visus usum reddi-
 tum fuisse gloriabatur . Ex tot itaque gravibus
 momentis , quae corporis morbum mentem ad-
 fecisse turbasseque demonstrant , iure conclude-
 batur , reum in ipso actu occidendi ex melan-

cholia in maniam conversa, cum alienatione mentis delictum peregrisse. Hinc Collegium etiam Iureconsultorum reum a poena ordinaria eximendum ad perpetuam damnavit custodiam. Corporis morbum confirmavit denique eventus; in Waldheimense namque morodochium delatus, integre tamen non resipiscens, paullo post obiit, cuius in cadavere, quae notatu digna sunt, sequentia huc referam, communicata a peritissimo eius Medico GREDINGIO. Capitis forma singularis erat homini, ante mortem iam summe emaciato, frons angusta, tempora depressa, occiput amplum & extans. Sub cranio & interdum matrem aqua ex albido fusca, in falce durae matris ossescentiae occurrebant, substantia cerebri pene naturalis, ventriculi cerebri laterales & aquam & plexum choroideum tumidum, hydatidibus instructum, ventriculus tertius anterior aquam, eum distendentem, & glandula pinealis granulum sabuli continebant. Cerebellum vero praeter omnem consuetudinem molle, figura quoque ventriculi quarti plane singulari distinguebatur. Ille enim pollicem amplus, valvula sic dicta magna plane destituebatur, cuius loco planum a tuberculis quadrigeminis minoribus medullosum oblique retrorsum & deorsum protendebatur sic, ut orificium commune posterius sub illo demum in partem ventriculi quarti

posteriores , hinc liberrime patentem & aquam limpida continentem aperiretur . Magna glandulae pituitariae mollities erat . In pectore cavum sinistrum tum sero flavescente , tum scirrhoso pulmone plenum inveniebatur . Pericardium etiam simili aqua refertum , cor flaccidum & admodum parvum . In ventre inferiore ventriculus angustatus , coli pars descendens vehementer distenta , lien parvus mollissimus cum simillimo erat hepate , cuius vesicula fellea alba , exiguae quantitate fellis flavae , pulpa similis continens , contracta , calculum fusci coloris duorum scrupulorum ponderis alebat . Quae quidem morbofa , in corpore occurrentia momenta , non tantum innatas fuisse causas ostendunt , sed etiam emendationes non admittentes , quaeque sedem mentis eo conquassaverint modo , ut insaniae summus gradus imputationem delicti fieri non posse , cum maxime declaret.

§. XI.

Conclusio.

Haec quidem ad morbos mentis in genere intelligendos sufficere poterunt , atque ex exemplo adducto elucescere putamus , quatenus partim conditiones sint , quibus morbi eiusmodi ve-

ri, non ficti nec simulati praesentia evincitur, partim, quantum illae ad excusandum illegale facinus conferant. Etenim sic evitabitur non solum minus probandus eorum mos, qui in rei defensione occupati, malitiam depravatorum hominum armare student, dum insaniam iis adfingunt, verum etiam detegetur facile falsitas. Quum praeter ea praesentis vel imminuentis amentiae indicia eruenda esse dixerimus, eos praecipue Medicos, qui morborum mentis indolem diiudicare debent, forenses, ad functiones corporis, ad inde dependentes actiones liberas, voluntarias, atque ad phaenomena, in vivo conspicua, denique, quae ad confirmandam sententiam pertinent, ad ea, quae in cadavere obveniunt, respicere iussimus. Ex quo id unicuique consequitur, ut pateat, quam vehementer ex hac parte anatomes quoque studium necessarium eveniat, quippe quo solo phaenomena anrea collecta, studiose perpensa, si ambigua videantur, redduntur certissima.

GEORG. MATH. GATTENHOF

PROF. MED. HEIDELBERG.

PROGRAMMA

DE

VESICAE URINARIAE IN GRAVIDITATE
ET POST PARTUM ADFECTIONIBUS.

Heidelbergae 1775.

Vesica urinaria in foeminis quanquam multis vulgaribusque e causis etiam in statu graviditatis variis morbofis adfectionibus obnoxia sit, a calculo, haemorrhoidibus, variis spasmodicis causis; unde tranquilla alias turbatur graviditas, saepeque infauusta etiam & funesta redditur: uti gravissimae in gravida dysuriae meminit SWIETENIUS (a), ab abscessu in renibus facto cum copioso urinae purulentae effluxu, atque foetus mortui quinquemestris exclusione: miram renis

(a) VAN SWIETEN Comm. T. IV. p. 477.

dextri consumptionem, & in amplissimum sac-
cum dilatationem, demum funestam describit VAN
DOEVEREN (a). Eas inprimis causas, quae
cum uteri gravidi statu conditioneque connexae
sunt, considerandas paucisque lineis describendas
sumpsi.

Atque ea quidem vesicae urinariae cum parti-
bus in pelvi sitis, praesertimque cum utero con-
nexio est; ut arterias venasque non tam ab
hypogastricis & haemorrhoidalibus (b), quam
nervos a plexu mesenterico atque a cruralibus
(c) communes habeant, atque valida inprimis
membrana a peritoneo continuata, communi ubi-
que munimento coerceantur; dum peritoneum a
margine ossium pubis flexum, vesicae superio-
rem partem ad acutum eius verticem attingit
investitque, retrorsum ad totam posteriorem eius
faciem porrectum, atque inde ad uterum vagi-
namque fertur, ut medio quasi pelvis septo ute-
rus totus atque aliqua vaginae pars recondatur;
unde ad intestinum rectum, & ad latera eius-
dem, ante os sacrum lumbosque in abdomen

(a) VAN DOEVEREN Obs. Acad. p. 17.

(b) HALLER not. ad Praelect. BOHER. §. 366.
not. 9.

(c) WINSLOW IV. p. 463.

adscendit ; partes omnes communi cellulosa tunica connectens firmanſque (a).

Ab eo harum partium ſitu nexuque facile adparet , ab unius mutatione pati alteram , & utriusque incommoda communicari : atque uteri inprimis ſtatu , quo foetus concepti mole magis turgere incipit , ac volumine dilatari , preſſa veſica moleſtos urinae ſtimulos fert ; queis vel crebrius excernatur , vel levi diaphragmatis motu aucto per niſus , nixus , tuſſim aliaſque cauſſas involuntarie profluat ; dum arctioribus comprehenſa limitibus , veſica dilatari nequit ad maiorem lotii copiam , uti alias , continendam : creſcunt eae ſaepe moleſtiae , quo uterus magis dilatatus ſuperiorem pelvis partem replet , ipſumque ſenſim in abdomen , non niſi partium vicinarum preſſione , adſcendit ; ut ipſo veſicae oſtio ad os pubis , ſub quo urethra fertur , compreſſio , menſe quarto quintoque moleſta ſaepe dyſuria , graviorique malo iſchuria naſcatur (b) : eo preſſionis momento , quo uteri creſcit volumen , decreſcit veſicae capacitas , minor ſed & latior , immutata figura , redditur (c) , ut fere triangularem ſaepe , lateſcente deorſum fundo ,

(a) Conf. HALLER. l. c. not. e.

(b) SMELLIE *Hebammen-Kunſt* P. I. p. 150.

(c) PARSON *von der Harn-Bläſe* p. 187.

induat (a): qua ratione simul tumente abdomine, peritonacum distentum, illud ex superiore vesicae parte ex uracho olim & arteriis umbilicalibus coalitis compositum ligamentum, versus umbilicum protensum, tendit cum effectu doloris, ibi saepe flagrantis, cui remedia emollientia opponit PARSON (b).

Sed ut causas consideremus, quae unam, prae aliis gravidam his obnoxiam incommodis magnis saepe malis reddunt, situ inprimis vesicae retro os pubis, ultra quod non adscendit in adulto, atque ante uterum sic dispositio, ut obtusus vesicae vertex vaginae infideat, iam transversae, convexitas vero superior partim opponatur vaginae, partim longe altius in virginibus adscendat (c): adparet uteri gravidi statum his favere molestiis, dum repleto sensim magis pelvis cavo, partes hic dispositas premit, sed maxime, dum aut ovi foecundati radiculis, fun-

(a) GARENGEOT *splanchnol.* p. 75. HALLER l. c. §. 659. not. f figuram, quae in viris ovalis, vel imperfecte conica, inversa est, magis cylindricam, vel dolio transversim posito similem, ut superius etiam in duos veluti angulos acuminetur, describit MAUCHARD de hernia incarcerata, conf. PALLAS de varlis meth. Lithotom. Vol. IV. HALL. *Chirurg.* p. 270.

(b) PARSON l. c. p. 556.

(c) HALLER l. c. §. 366. not. b.

di loco , proxime ad cervicem uteri infixis , firmataque ibi vel ad latus , vel ipso in orificio placenta , tumorem gravidæ uteri magis inferiorem efformat , vesicæ ostio ac urethrae magis inimicum , uti ostendit SMELLIE (a) ; qua causâ toties dysuria , ischuria , ipsaque alvi obstipatio , pressione harum partium , sæpe cum aliqua inflammatione iuncta , ac sævis doloribus nascitur ; quibus quidem incommodis injecti clysteres , venæ sectio atque catheteris etiam necessitas præter fomenta balneaque emollientia succurrunt ; sed & restant sæpe contra remedia diutius ; donec increfcescens uteri moles , & in abdomen adurgens , pelvis lateribus præcipue potiusque sulineatur . Aliae sed mitiores causæ subsunt , cum intestinum rectum communi pressione gravatum , adgestis turget foecibus , utrumque in has vesicæ molestias impellit , quibus clysteres leniaque laxantia repetita profunt . Uteri obliquum situm huc refert SABATIER (b) , quo placenta ad latus uteri adhaerentis pondere , vel propriae conformationis aut ligamentorum vitio (c) in latus declivior , vesicam adficit ; uti

(a) SMELLIE p. 150-151.

(b) *Abhandlung der Königl. Academie der Chirurg. in Paris* T. I. p. 388.

(c) Uteri obliquum situm etiam in non gravidis , causasque refert SMELLIE p. 102-103. Item MORGAGNI *Adversar.* IV.

& inde dysuriam ac tenesnum vesicae, alvum copiosam absque graviditate quidem, repetit RUYSCHIUS (a); quod & vitium adultiore graviditate emendatur: sed aberrantis uteri gravior aliquando causa est, dum vel nimiae earum partium laxitatis vitio, vel antegresso uteri prolapsu aut integro, aut tantum incipiente (b), vel causis externis, profundius in vaginam primis mensibus immergitur uterus; quo cum inversa vaginae parte vesicae ostium gravius offendit: lethalis ischuriae casum ex hac causa describit REINIKÉ (c), quo mulier gravida, onus tergo impositum gerens, pede ex improvviso vacillante, alterius cruris renisu vix gressum a lapsu sustinuerat, ischuria inde lethali demum occubuit: in cuius cadavere hoc uteri profundius in vaginam demersi vitium, vaginam superius corrugatam vel potius inversam detexit: similes uteri profundius demersi cum gravissimae ischuriae effectu observationes refert SMELLIE (d); quibus crebro clysterum, catheteris (e),

(a) RUYSCHIUS Obs. 98.

(b) VAN SWIETEN l. c. p. 478.

(c) REINIKÉ de uteri delapsu Vol. III. HALL. Chirurg. p. 587.

(d) SMELLIE l. c. P. II. p. 127-129.

(e) Casum ex LEVRETRO addit VAN SWIETEN l. c. quo nec catheter in vesicam deduci

& venae sectionis usu succurrit, sponteque etiam maiori forte adultioris uteri adfurgente mole, sublatae, sed & funestum secutae mortis casum addit -.

Increscente vero foetu dum dilatatus uterus maius spatium adfectat, sensimque in abdomine cavum sibi cum variarum partium, intestinorum, vasorumque etiam maiorum angustatione, variisque inde saepe enatis incommodis parat; liberatur vesica urinaria, cessantque hactenus toleratae molestiae; nisi quidem uterus nimis versus anteriora inclinatus, quod laxiore a repetito partu abdomine saepe fit, eo maxime prominulo supra ossa pubis antrorsum delabatur; unde vel magis a tenso adficitur peritoneo vesica, comprimiturque incumbente mole, vel in angulum etiam cum collo suo cogitur (*a*), ut impediatur libera urinae excretio, atque etiam catheteris applicatio reddatur difficillima: cui malo fasciam latam mollemque abdomini inducendo, idque nimis prominens levando, aut propriis tollendo manibus consulunt (*b*); vel prono potius corpore vesicam exonerare tentent, iubet SWIE-

poterat, sed reducto utero prolapso, sponte evacuetur ingens urinae quantitas.

(*a*) VAN SWIETEN l. c. p. 478-571.

(*b*) Cartheuser Patholog. P. XI. p. 351. SMELLIE l. c. p. 166.

TENIUS (a); quo situ fieret; ut pondus viscerum abdominis minus uteri fundum premeret.

Sed aliis ultimo graviditatis tempore haec potiora mala sunt; dum deorsum nitens foetus caput, repleta tota pelvi, vesicam maxime afficit; dum vel magnitudine rationem diametri pelvis excedit, vel perverso situ imminet: summa tunc partus tempore momenta sunt, summaque mala offert; ut distenta lotio vesica, neglecta eius evacuatione, foetui uteroque maiorem traiectus difficultatem (b); perversum situm (c), aut summa sibiimet incommoda, urgente nixu, iunctis utriusque doloris augmentis, conciliat; dum haerente in pelvi capite, maxime vesicae ostio ac sphinctere compresso, magna urinae copia dilatatur (d) cum ingenti fibrarum iniuria, inflammatione, atonia saepe relicta, aliisque summis malis; ut merito summas inter curas obstetricantium haec vesicae evacuatio vel spontanea vel catheteris ope reponatur (e); aut, si
 obti-

(a) VAN SWIETEN l. c. p. 484.

(b) Observat. partus eo vesicae nimis distentae vicio impossibilis describit MOLINARI nov. Aët. n. 6. adpend. p. 388., cui nonnisi sectio Caesarea succurrere potuerit.

(c) WALBAUM p. 292. PARSON l. c. p. 183.

(d) Icone illustrat. SMELLIE Tab. XXI.

(e) VAN SWIETEN l. c. p. 528.

obtineri id vix aut difficillime queat, rumpi amari aquas cito, quam fieri possit, iubet DENYSIUS (a), ut contractior uteri moles vicinae spatium vesicae se exonerandi faciat.

Variae vero hae vesicae mutationes, atque inducta vitia sunt: crassiores & minimam adnotat LITTRE (b); qui ille urinae crebrioris stimulantisque casus est; alias enormiter dilatata, ut octo pintas, molem 36. librarum cepisse visa fit (c); tantum distentam observavit SMELLIE (d), ut ad scrobiculum cordis usque porrecta, hydropem manifesta aquarum fluctuatione mentiretur: dilatationis huius cum fibrarum paralyfi facile iunctae, is effectus est, ut compressa alicubi, alibi in cornua quasi & farcimina, disparatis fibrarum intervallis, dehiscat, variaque herniarum genera, vel per annulos abdominales, vel vaginam inter & intestinum rectum constituat, tumore in perinaeo (e), aut ipsa in vagina eminente, magnisque a partu incommodis relicto; qui compressus evacuata urina, eva-

Vol. IX.

K

(a) Conf. VAN SWIETEN l. c. p. 485.

(b) Aët. A. R. Sc. A. 1708.

(c) HALLER l. c. §. 688. not. 1.

(d) SMELLIE P. XI. p. 129.

(e) VAN SWIETEN l. c. p. 129. - Exempla plura collegit Aead. Chirurg. Parisiensis T. II.

nescit, retenta urina; redit, saepeque ipsius vaginae prolapsus repraesentat (a). Alii a concitata in tunicis vesicae inflammatione, plus minus gravi, effectus sunt; quorum forte ipsa observata saepe tunicarum crassities pertinet, quae fere perpetuus inflammationis effectus est. Alia a gangraena mala sunt lethalia - alia a suppuratione (b) & erosione chronicas calamitates inferunt; quorum illa tunicae intimae separatio, atque summa inter tormenta facta cum lotio excretio pertinet, cuius observationem curationemque a BOERHAAVIO praestitam describit KOCH (c), simileque RUY-SCHIUS exemplum exhibet, & icone illustrat (d). Alia a ruptura vesicae calamitas est, quam a nimia a collecto lotio distensione sensim subit; qua effusa in pelvim urina, partium inflammationes & gangraenas lethales excitat; exemplum ruptae prope urethram in latere dextro ad pollicis spatium vesicae refert PARSON (e): simi-

-
- (a) Exempla habet LEVRET Aët. Acad. Chirurg. T. III. p. 528. - BONNETUS Sepulc. T. III. p. 39. - HENCKEL Chirurg. *Sammlungen* T. VII. p. 5-6. HEUERMANN Chirurg. *Bemerkung* T. I. p. 573.
 (b) Magnam puris copiam adnotat SMELLIE T. III. p. 463.
 (c) KOCH de adfectu in Libris & Praxi rarissimo Vol. IV. HALL. praët.
 (d) RUY-SCHIUS Advers. Anat. Dec. II-IX. Fig. I. T. II.
 (e) PARSON l. c. p. 183.

lem in fundo rupturam lethalem describunt LONDINENSES (a); cum situs uteri retrorsum obliquatus, fundum vaginam inter & intestinum rectum reclinatum, os uteri versus ossa pubis conversum exhiberet, ut catheteris applicatio impossibilis redderetur: aliam addunt (b) similem mortis causam, licet sub partus tardiore successu nulla retentae urinae signa animadversa fuerint, aut neglecta potius; immanis vesicae distensionis, ultra umbilicum porrectae observationem cum secuta demum ruptura describit VAN DOEVEREN (c); cum a pelvis angustia compressus ab utero ad ossa pubis meatus urinarius enormem lotii copiam colligi fecisset. Chronica mala, urinae incontinentiam cum dolore acerrimo, ardore, foetore, lotio perpetuo purulento a rupta vesica, rupturaeque labiis callo quodam iam obductis refert SWIETENIUS (d).

Sed & quae a partu aliquando supersunt huius excretionis vitia, facile ex dictis adparent: incrassata namque a diuturniore ab utero

K 2

(a) *Bemerkungen der Aerzte in London* P. IV. Art. 37.

(b) *Bemerkungen* cit. P. IV. Art. 4.

(c) VAN DOEVEREN *Obs. Acad. C. VI.*

(d) *Ex Stalp.* VAN DERWIEL l. c. p. 329.

pressionis minusque capax ; perpetuos urinae paucæ stimulos facilemque evacuationem infert , quæ ad incontinentiam urinae referri possit ; aut ea in fibris vesicæ relinquitur atonia , sphinctere bono ; ut a partu sæpe dolor abdominis ad ossa pubis difficillimus supersit ; qui , re penitus examinata , ad retentionem urinae , quam excretam cum fluentibus amnii aquis credunt confunduntque , pertinet , observante SMELLIE (a) : cui catheter facile opitulatur . Aut sphincteris vesicæ hæc a partu vitia sunt , ut nimia vaginae , cui arte commixtis utriusque fibræ cohaeret , extensione per transitum foetus grandioris , aut eius incuneationem quacunque causa , aut manuum & instrumentorum rudiorum operam , quandam a partu inflammationem concipiat ; cui quoque vitio , nisi neglectum fuerit , haud difficilis medela est . Verum ab iisdem causis maius in urinae incontinentia malum relinquitur , dum a nimia vaginae distractione , fibræ sphincteris vaginaeque contusis vexatisque , atonia ac quædam inducitur paralyxis ; qua per dies aliquot & septimanas hoc superesse vitium , adnotat RUYSCHIIUS (b) ; quod sæpe sponte corri-

(a) SMELLIE P. III. p. 468.

(b) RUYSCHIIUS Obs. Anat. Chirurg. XXII.

gitur ; sed maiori malo , dum inflammatio ibi nata , in suppurationem & abscessum transit , facilis , eo rupto , urinae via per vaginam paratur cum gravissimis , per totam vitam relictis incommodis : observationem refert PALFIN , medelamque in conveniente pessario parat (a) .

K 3

- (a) PALFIN Chirurg. Anat. P. II. p. 241. -- MAURICEAU Obs. 577. -- *Bemerkungen der Aerzte in London* P. III. p. 90. -- HIRSCHFELD De incontinentia urinae . Argent. 1759.

D. IOH. CONR. MEYER
TRACTATIO
DE
CLYSMATIBUS.

Goettingae 1786.

§. I.

Clysmatis, clysteris, vel magis accommodato enematis nomine volo medicamentum fluidum per anum injectum, usitatum iam, sit fides apud Auctores, Aegyptiorum Medicis Medicinae genus, a *Mnesitheo* iam proprio libello decantatum, ab *Erasistrato* multiplici varietate tractatum, a nonnullis adeo Africam interiorem inhabitantibus gentibus, nullum cum cultioribus Europae incolis commercium alentibus, frequenter adhibitum, a plurimis veri nominis Medicis maximopere commendatum, & tot egregiis effectibus celebre.

§. II.

Quamvis simplex videatur medicina , & magis adhuc olim visa fuerit eius efficacia , adeo ut , quasi nihil aliud perageret , ab eluendo intestina κλυσμα , κλυσματιον , κλυσμη , κλυσμηριον a κλυζω abluo sive eluo a Graecis lotio , a Latinis , lavement a Gallis denominata fuerit , multae tamen dantur varietates sive materiem species , quae iniicitur , sive eius copiam , sive applicandi modum , sive definitum denique effectum (a) & scopum , quo adhibetur .

§. III.

Ratione materiae alia sunt clysmata aërea ; alia halituosa , alia fumosa , alia denique eaque usitatissima liquida .

§. IV.

Aërem inflari intestinis morbi sanandi ergo a quibusdam Africae gentibus , sunt qui perhibent , ut adeo ne huius quidem varietatis in-

K 4

(a) IO. MANIKATI SAPHIRANI ⁴ Diff. de Clysteribus eorumque effectibus. Hal. 1781. 4.

ventionem nobis nostroque aevo tribuere totam liceat ; aërem fixum ex fermentante musto aut cerevisia , vel ex effervescente cum vitrioli acido creta emanantem ad cohibendam putredinem in putridis febribus & similibus alvi profluviiis sive imminuentem sive iam erumpentem haud absque effectu ano inieciſſe testantur DOBSON (a), HEY (b), PRIESTLEY (c), WARREN (d), PERCIVAL (e), HULME (f), intestinorum tamen gangraenae debellandae imparem deprehendit LETTSOM (g) & si nimia adsit intestinorum debilitas , noxium SELLE (h) , aliis (i) de

(a) A Medical Commentary on fixed air . Chester. 1779. 8. Uebersetzt mit einigen Anmerkungen und Zusätzen . Leipz. 1781. 8.

(b) Apud PRIESTLEYUM in experiments and observations on different kinds of air . Lond. 8. Vol. I. 1774. Appendix. II. ins Teutsche übersetzt . Leipz. 1777. 8.

(c) Ibid.

(d) Apud PRIESTLEYUM l. c. Vol. II. p. 375.

(e) Philosophical , Medical and experimental essays . Vol. II. p. 363.

(f) Nova tuta , facilisque methodus curandi calculum , scorbutum , podagram , &c. latine fecit INGENHOUS . Lugd. Bat. 1778.

(g) Medic. memoir. of the general dispensary . London. 1774.

(h) Neue Beytraege zur Natur- und Arzneywissenschaft , Vol. I. p. 220.

(i) Ex quibus nominasse sufficiat THOUVENEL Memoire Chimique & Medicinale sur la

hac etiam putredinem arcendi vi dubitantibus , aliis certe haud maiorem ab ea sperantibus , quam quae cuicumque alii acido debiliori etiam competit . Aërem vitalem sive dephlogisticatum , quamvis , si per pulmones corpus ingrediatur , saluberrimum , & in debellandis praesertim asphyxiis a nocentibus aëris generibus oriundis efficacissimum (a) , hac de qua nunc sermo est , via corpori intrusum , multum praestitutum esse , vix est quod speres (b) .

§. V.

Aceti , potissimum illius , quod prophylactici titulo insignitum in officinis prostat , vaporem

nature , les usages & les effets de l' air & des airs , des aliments & des médicaments , relativement , a l' économie animale à Paris 1780. 4. & C. I. NYBERG Diff. de aëris fixi usu medico nuper celebrato . Ien. 1783.

(a) FONTANA Opuscoli scientifici pag. 19. ACHARD Sammlung Physikalischer und Chymischer Abhandlungen . Berlin. 8. Vol. I. 1784. p. 63. BLECH Diff. de aëris dephlogistici usu in Asphyxia . Goett. 1784.

(b) Quemadmodum etiam aër inflammabilis in anum pulsus vix aliud quid effecit nisi quod irritabilitatem intestinorum acuere videretur . TRAMPPEL apud CRELLIUM Chemische Annalen. 1784. Fasc. XI. p. 424.

ano iniectum , tum ad revocandos in vitam eos , qui a maligno ex carbonibus ardentibus expulso aëre , vel ex alia etiam causa animi deliquium patiuntur , tum in sanandis febribus malignis putridis multum prodesse , testis est PIDERIT (a).

§. VI.

Fumos etiam variorum corporum ardentium multis ani intestinorumque malis iam dudum fuisse adhibitos , lippis & tonsoribus notum est ; nollem equidem suffitus illos , qui nulla vi externa applicata proprio alvum petendi nisu , in cubantium vel sedentium anum intromissi in intestinum rectum assurgunt , clysmatis nomine appellare ; iustissime tamen illud promeretur nomen tabaci sive nicotianae fumus , nostra aetate tantopere celebratus , & toties felicissimo cum successu ano iniectus (b).

§. VII.

Tributas ille meruit laudes in pertinacissimis aeque ac periculosissimis morbis ; egregios

(a) Pharmacia rationalis denuo correctæ & auctæ Cassell. 1782. p. 52.

(b) CH. GODOFR. FELLER Epist. de enematibus atque nova fumum tabaci inflandi methodo. Lips. 1787.

eius effectus in obstructionibus ; nulli alii remedio cedentibus , in colica spasmodica , in hernia incarcerata GAUBIUS (a), in posteriori morbo perinde ac in ileo HAENIUS (b) , in vermibus LOESEKE (c) , in submersis aqua praeter alios CULLEN (d) , in strangulatis , praesertim infantibus recens natis , in hominibus aliis atque aliis vel aëris vel vaporis noxii generibus suffocatis VOGELIUS (e) & alii (f) viderunt ,

(a) Adversarior. var. argum. L. I. Leid. 1771. fol. p. 46. 47. in herniis incarceratis commendat quoque GOURSAUD Memoir de l'Academ. Roy. de Chirurgie à Paris T. IV. 1768. & propria experientia ductus *Heisterus* Instit. Chirurgiae. Amstelædami. 4. 1739. p. 1101.

(b) Ratio medendi in Nosocomio Practico. Vindob. 8. Vol. I. 1757. p. 151. 152.

(c) Materia Medica 5te Aufl. Berlin und Stettin. 1785. 8. p. 294.

(d) Lettre to Lord Cathcart concerning the recovery of persons drowned and seemingly dead. v. etiam Hist. de l'Academ. Roy. des Sciences à Paris ann. 1757. p. 32.

(e) Apud BALDINGER Neues Magazin für Aerzte ann. IV. Fasc. III. p. 198.

(f) E. g. BUCQUET Memoire sur la maniere dont les animaux sont affectés par differens fluides aëriiformes mephitiques , & sur les moyens de remedier aux effets de ces fluides. Paris 1778. 8. PORTAL Bericht über die Mephitischen Dämpfe und vorzüglich über die Wirkung des Kohlendampfs auf den menschlichen Körper , nebst einer kurzen Nachricht von den wirksamsten

ut ideo summi Magistratus salutem publicam curae cordique habentes, inter auxilia, quibus iis, qui sive aqua, sive fumo, sive noxiis halitibus enecti videntur, succurri possit, id remedii genus suis Medicis hodiernum serio iniunxerint & instrumentum, quod semper praefens sit, cuius ope applicari tuto, celeriter, sat magna copia possit, confici publicis sumptibus curaverint (a).

§. VIII.

Simplex utique est instrumentum, & quum plurimi isti casus subitanam poscant opem, nisi aliud scopo magis adaptatum ad manum fuerit, adhibendum, consueta fistula argillacea, fumo tabaci hauriendo inserviens, cuius capitulo ni-

Mitteln, Erstikte wieder zum Leben zu bringen. nach der fünften franz. Ausgabe übersetzt, nebst einem Anhang von Rettung ertrunkener Personen und todegebohren scheinender Körper, Frft. 1778. SCHERFF Anzeigen der Rettungsmittel bey Leblosen oder in plötzliche Lebensgefahr gerathenen. Altona. 1780. 8.

- (a) SCHERFF l. c. & de lege Magistratus Argentoratensis, Archiv. der Medicinischen Policey &c. T. I. p. 97. FRANK Medicinische Policey p. 656. certe pro Obstetricibus publica lege constitutis.

cotianæ foliis fumantibus repleto, & fistula ipsa sine suo ano infixâ fumus inflatur: sed me etiam non monente patet, vix, nisi summa necessitas & melioris instrumenti inopia urgeat, eligendum esse, quum & nimis parva copia, & vix ulla cum vi fumus sic canalem iutret, & ille, qui munus fumum ore applicato inflandi in se suscepit, nimis cito fatigetur (a).

§. IX.

Commendavit ideo suo iam tempore STISERUS (b), eiusmodi instrumentum huic scopo magis accommodatum; excogitavit aliud SCHAEFFER (c); descripsit aliud HAENIUS (d); aliud & describere & delineari curaverunt VAN NOKKEN (e) & GAUBIUS (f); aliud

(a) Paulo commodiorem ex duabus fistulis compositum apparatus commemorat FRANKIUS l. c. Vol. II. p. 183. Herzogl Braunschw Verordnung die Rettung der Ertrunknen oder sonst plötzlich verunglückten todscheinenden Personen betreffend. Braunschw. 1780.

(b) Epist. de machinis fumiductoriis curiosis. Hamb. 1686. depicta extat apud HEISTERUM l. c. T. XXXIV. Fig. XIII.

(c) Gebrauch und Nutzen des Tabakrauchskliffiers. Regensb. 1757.

(d) L. c.

(e) Verhandelingen uitgegeeven door de hollandsehe maatscappye der Weetenschappen te Haarlem. P. VIII. Fascic. 2. 1765. n. 8. p. 252.

(f) L. c. T. Fig. I--VII.

GARDANE (a) ; aliud invenit KAEMPFIUS a ZIMMERMANNO (b) eximie descriptum , & ideo praesertim reliquis plurimis praecegens , quod in eo cautum sit , ne fumus nimis fervidus intestini tunicas comburat . Id genus instrumenta in impellendis etiam aliis fluidis elasticis (§§. IV. V.) adhiberi possunt , nisi quod in aëris speciebus iniciendis cautela postremo memorata sit superflua , in aceti v. g. vaporibus noxia , quoniam metus est , ne plurima vaporum pars frigore in acetum redeat .

§. X.

Monendi tamen sunt Medici , ne in omnibus & singulis casibus hominum ab aëre vel vapore noxio suffocatorum praepropere fumum illum adhibeant ; ita v. g. in hominibus vapore narcotico in mortis periculum redactis manifesto oleum igni adfundent , neque praetermittendum consilium a VOGELIO (c) datum , sordes induratas intestino recto impactas , & transitum fummi impedituras prius esse removendas , neque

(a) Sur les Asphyxies avec la description d'une nouvelle boîte fumigatoire portative . Paris 1777.

(b) In BALDINGERI Neuen Mag. für Aerzte Vol. I. Fasc. I.

(c) L. c.

fumum tabaci nimio aut continuo impulsu , donec tandem vitae manifesta redeant signa , sed , si tardius appareant , interrupte in intestina mittendum , & si suum exseruerit effectum fumans illud enema , clysmate emolliente eluenda intestina esse (a) . Huic soli fidendum , in eo solo acquiescendum esse in gravioribus istiusmodi casibus , quis est , qui contendat ?

§. XL.

Accedo nunc ad vulgatiore illa clysmata , quae quippe liquida forma iniiciuntur (b) , & instrumenti quidem ope , cuius multiplices varietates , eam etiam , qua aeger sibi ipsi applicare enema potest , descripsit , & partim etiam delineavit HEISTERUS (c) ; huius scilicet instrumenti , quod plerumque fistula est , alter finis oleo vel butyro illitus , ano aegri in dextro latere cubantis & quiescentis immergitur , alteri adplicatur sive vesica sive syringa materie iniicienda repleta ; illa , dum materia iniici debet , pro aegri aetate , & maiore minoreve materiae

(a) V. FRANKIUM l. c. II. p. 184.

(b) De his inter recentiores fusius egit I. I. GIRARD Diff. de enematibus intestinalibus. Argentor. 1762. 4.

(c) L. c. p. 1097. T. XXXIV. Fig. 12.

iniiciendae copia nunc maior , nunc minor leviter comprimitur , haec vel embolo extracto & iterum absque imperu intropulso laticem per fistulam in intestina pellit , quo facto aeger in sinistro latere recubare debet (a).

§. XII.

Multum etiam interest , quo caloris gradu gaudeat liquor intromittendus ; fervidum iniici , dissuadet praeter alia nimia tunicae villosae intestinorum etiam sanorum sensibilitas , insignem hunc aestum calore cui assueta est , toties maiorem , certissime non impune ferens (b) ; in plurimis casibus , quibus enemata conducunt , praestat tepor , sive is caloris gradus , quem humanum corpus consueto naturae cursu fovet , manus immersa sine molestia & dolore perferre po-

(a) Plura tum de fabrica instrumenti , tum de optimo applicandi modo v. apud I. KAEMPF Abhandlung von einer neuen methode , die hartnäckigsten Krankheiten , die ihren Sitz im Unterleibe haben , besonders die Hypochondrie , sicher und gründlich zu heilen . Dessau und Leipz. 1784. 8. p. 267.

(b) Ea negligentia Mathematicum PEIRESC intestini recti sphacelum & mortem sibi contraxisse habet I. KAEMPF. l. c. p. 266.

potest ; adeo ut ipse HEISTERUS (a) tepidos tantummodo liquores iniici suadeat & ex BARTHOLINO alleget exemplum mortis injectionem enematis frigidi secutae.

§. XIII.

Tametsi negare nolim , dari casus , in quibus incautus clysterum frigidorum usus noxam , imo mortem ipsam inferre possit , & circumspexitum requirere Medicum (b) , sunt tamen , teste multiplici nostrae aetatis experientia , alii , in quibus egregie profunt ; frigidam enim aquam , commune horum medicamentorum vehiculum , ipso suo frigore extrinsecus adhibitam , eximie in multis morbis conducere praeter alios docuit DAUTER (c) ; & nisi alia obstant , quae usum eius vetant , aquam frigidam ano injectam in alvi fluxibus a debilitate natis , & in prolapsu ani efficacem esse , HAHNIUS (d) & HEYDEN-

Vol. IX.

L

(a) L. c. p. 1099.

(b) V. etiam de hoc loco omnium I. KAEMPF.
l. c. p. 265. 499.

(c) Diss. de usu aquae frigidae topico externo. Goetting. 1778.

(d) Unterricht von der Kraft und Wirkung des kalten Wassers. Breslau und Leipz. 1755. p. 120.

REICH (a) referunt : ex analogia etiam conicere licet , aquam frigidam , quae aliis cavis corporis injecta , sanguinem & ichorem ex iis profluentem sistit , in intestinorum crassorum similibus malis eodem cum effectu iniici anò iposse : neque ullum , mihi quidem , superest dubium , quin illa sive ex aceto meraco (b) , sive aqua temperato (c) , sive ex aliis parata enemata aestus temperandi , putredinis arcendae aut refraenandae , intestinorum crassorum roborandorum ergo in anum protruduntur , felicius longe suum sortiantur effectum , si frigida iniciantur : docuit etiam KAEMPFIIUM (d) aliosque longa experientia , in aegris quibus nervi debiles , digestionis officina relaxata , universus intestinorum canalis infirmatus sit , in hystericis , diuturnis alvi indurationibus , tympanitide incipiente ipsisque viscerum abdominalium infarctibus , siquidem ex eo , quod clysmatis usum sequantur tenesmus , dolor lancinans , inflatio , aliaque haecenus incon-
sueti , & periodica inprimis mala , mobiles esse

(a) Diss. de clysmatum frigidorum in ani procidentia usu . Francof. ad Viadr. 1780.

(b) Quod eo sine recentius commendavit NICOLAI Prog. I-III. de virtute & usu clysterum ex aceto . Jen. 1783.

(c) Ita PIDERIT l. c. p. 58.

(d) L. c. p. 264. 265.

159
infarctus conicere liceat , frigidiora paullo clysmata mirifice prodesse.

§. XIV.

Ea tamen etiam clysmata , quae tepida iniicere praestat , multum adhuc inter se discrepant , tum copia , qua iniiciuntur , tum compositione , tum modo , quo adplicantur , tum effectu .

§. XV.

Generatim memorandum est , dosin unius clysmatis adulto destinati plerumque intra octo , duodecim , vel octodecim subsistere uncias , nisi aut gravidæ mulieri , aut parvulo , apheloso , flatulento , vel hydropico , vel denique sensibiliiori homini (a) exhibeatur , qui omnes parcius requirunt praebium , tanto frequentius , si opus sit iterandum ; puero sufficere uncias sex ad septem , infanti tres ad quatuor , infanti recens nato duas , ut tamen omnino speciales dentur casus , in quibus ultro citroque deflectere fas sit .

§. XVI.

Quo simplicior & hæc medicina ; eo melior ; ita aqua , sive frigida , sive tepida , ace-

L 2

(a) KAEMPF. l. c. p. 266.

tum, lac, vinum; ex carnibus cocta iuscula; oleum e. g. optime inserviunt clysmati; finis tamen, quo adplicantur, frequentius additamenta varia postulat; caveat tamen Medicus, ne additamenta iusto pretiosiora eligat; tum quod medicinae, hac forma longe maiore dosi porrigendae, pretium sine necessitate augent, tum quod rarius maiore pollent vi, tum quod Pharmacopoeo parum religioso, quia tutum se ab examine reputat, ansam praebent, alias viliores aut corruptas etiam supponendi merces; quapropter etiam, nisi probitas Pharmacopoei iam constet, quae in officinis iam paratae pro enematibus prostant, species vitandae.

§. XVII.

Curandum etiam, ut clysmatis materia satis fluida sit, neque aut tenacitate sua fistulae parietibus adhaereat, aut spissitudine sua eam obturet; hinc in siccis spissisque addendis tenendus est modus; illorum, nisi aqua solvantur, drachma circiter adiicienda, nunquam ultra drachmas tres, siquidem fluidi mensura uncias decem aequet: mellis aut syrupi, eo quod aqua solvi possunt, aequalis admisceri fluido potest copia; balsamorum autem nativorum v. g. terbinthinae vix vicecima pars, vel ad summum

tres quadragessimae partes , & ut aequabilius per reliquam clysmatis massam diffundantur , prius ovorum vitello subigenda sunt : visceralia uti quidem appellant , enemata ; paullo spissiora parari iubet KAEMPF (a).

§. XVIII.

Notandum porro , plurima medicamenta , si hac quidem via corpus ingrediantur largiori manu esse adhibenda , quam si per os transeant , & deglutiantur ; praesertim id valet de iis medicinis , quarum vis non in intestinis ipsis subsistit , aut certe subsistere debebat , quales sunt irritantes & narcoticae ; nimia tamen dosis hic etiam nocere summopere potest ; ab opii quatuor granis aegro hac via exhibitis aeterno somno obrutum vidit GAUBIUS (b).

§. XIX.

Purgantia quoque maiore longe , duplo vel adeo triplo maiore copia praescribenda sunt , si

L 3

(a) L. c. p. 266.

(b) De methodo concinandi formulas medicamento-
rum . Lugd. Bat. 1739. p. 374.

haec via placeat, quam si per os assumantur; prouti nunc mitiora, nunc violentiora aut acriora postulat morbi indoles; ita v. g. salium mediorum sufficere aliquando potest drachma una vel duae, uncis decem liquoris solutae; sed si acriori opus sit stimulo uncia una vel unciae duae sumi possunt.

§. XX.

Determinat etiam dosin clysmatis scopus; quo incipiuntur; si attingi ille possit, quamvis per breve temporis spatium in intestinis haereat clyσμα, una eaque tanto largior sufficit dosis; quod si vero ad assequendum illum opus sit, ut clyσμα diutius in corpore remaneat, si e. g. nutrire, remotas etiam partes stimulare, obstructions in visceribus vicinis referare ope clysmatis velis, parca dosis, eaque tanto crebrius iterata praestat.

§. XXI.

Multiplex autem est, prouti iam ex ante dictis patet, clysmatum effectus, multiplex ergo finis, quo exhiberi cum fructu possunt; agunt enim primo in intestina, quae, dum corpus intrant, ingrediuntur; agunt in viscera in-

testinis vicina ; agunt in partes remotas , agunt in nervos ; agunt denique , dum per bibula in intestinorum tunica villosa patula vasorum oscula resorbeantur , tum in systema vasorum lymphaticorum , tum in omne corpus .

§. XXII.

Prius & maxime palpabilis clysterum effectus est ille , quem in intestina crassa ipsa edunt ; his tamen iterum multiplici valde modo aut prodesse , aut intempestive vel incaute applicata nocere possunt , generatim non adhibenda , quando intestini recti ultimus finis aut orificium inflammatum , sordibus induratis obduratum , aut tumoribus haemorrhoidalibus obsessum est , antequam haec obstacula aptis remediis sublata sunt .

§. XXIII.

Eluunt igitur primo intestina crassa , sive si mavis intestinum crassum , & a sordibus inhaerentibus mundant , & ab eo effectu (§. II.) denominata , cui utique aqua tepida meraca sufficeret , nisi aliquando aut solito duriores essent aut solito tenacius intestini parietibus adhaerescerent ; hinc emolliendi causa ut plurimum

adiicitur oleum quoddam unguinosum (a), vel mucilago (b), vel fumitur loco aquae lac (c) aut serum/lactis (d); tenacitatis minuendae gratia adiicitur sal (e), saccharum (f) aut sapo (g).

§. XXIV.

Non autem fordibus modo evacuandis, sed peregrinis etiam v. g. venenis, siquidem iam ad eam canalis cibarii partem pervenerint, quem enemata attingunt & vermibus ex intestinis & per eorum orificium ex universo corpore expellendis egregie nonnunquam inserviunt clysmata, priori sine corporibus veneni vim sua ipsorum indole domantibus, posteriori vermifugis v. g.

- (a) Vulgo oleum olivarum ita v. g. in enemate communi the new dispensator. second. edit. Lond. 1765. 8. p. 622. in enemate de amylo Pharmacop. pauperum in usum Nosocomii Regii Edinburgensis 1758. 8. p. 21.
- (b) Ita in modo memorato enemate mucilago amyli, in enemate supra dicto communi mucilago herbae malvae & semini lini inhaerens.
- (c) Ita in enemate domestico Pharmacop. pauper. p. 22.
- (d) Ita in enemate illo, quod BOERHAAVE Mater. Medic. p. 225. infantibus recens natis iniiciendum suadet.
- (e) Ita in enemate communi.
- (f) Ita in enemate domestico.
- (g) Ita in enemate pro infante recens nato.

vitriolo ferri (a), valerianae radice (a*), affa
foetida (a**) acuenda.

§. XXV.

Neque minor est vis clysmatum, huic scopo magis accommodatorum, in ulceribus intestini crassi, saniem ex iis profluentem, ex corpore eliminando, eoque ipso quo minus diutius morando in intestino magis noceat, atque ulcera ulterius serpant, impediendo.

§. XXVI.

Ad mitigandam porro nimiam fordium acrimoniam, & defendendam contra earum vim irritantem & rodentem sensibilem intestinorum fabricam mucosuo muniente in iis casibus non raro denudatam, multum sane faciunt enemata illa five singulari acrimoniae speciei opposita, five generatim obvolventia ex lacte, oleosis, mucilaginosi conflata, qualia v. g. enema commune & domesticum; aut ex lini semine gelatina,

(a) Ita in eo clysmate, quod BOERHAAVE l. m. c. p. 235. contra vermes commendavit.

(a*) KAEMPF. l. c. p. 177. 257.

(a**) KAEMPF. l. c. p. 177. 258.

cortice simarubae, altheae radice, atque liquiritiae, floribus verbasci, succo dauci carotae &c. (a).

§. XXVII.

Cum nimia etiam putredine nonnunquam noxam inferant feces in intestino crasso haerentes, & fomitem quasi exhibeant putredinis universo corpori imminentis & per omnem humorum massam diffusae, clysmata ex remediis putredini adversis v. g. cortice peruviano, instillatis aliquot acidi vitriolici guttis, ex aceto & aliis eiusmodi parata, teste multorum Medicorum experientia v. g. in dysenterijs, febribus biliosis putridis &c. eximiam opem ferunt.

§. XXVIII.

Quum causa pertinacis alvi obstructionis, aliorumque tam intestina ipsa, quam alia inprimis vicina viscera prementium malorum in fecibus induratis aliquando lateat, fordibus transi-
turis transitum denegantibus, duritiae suae etiam nocentibus, enemata emollientia (b) optimum.

(a) V. I. KAEMPF. l. c. p. 242. 245.

(b) Qualia v. g. commune, domesticum aut etiam illud, quod Pharmac. paup. Edinb. p. 22. eo nomine proprio venit, aut Pharm. rationalis l. c. p. 293.

non raro praestant effectum, certiolem profecto & meliorem, quam si Medicus verae causae ignarus acrioribus stimulis alvum tentat : is casus saepius etiam in infantibus recens natis obtingit, quorum intestina piceo quasi meconio infarcta sunt ; hinc FRANKIUS (b*) ipsis Obstetricibus iniungit, ut instrumentum clysmaticum secum portent.

§. XXIX.

Sed in tunicas etiam intestinorum agunt impulsa in anum enemata ; quo tamen scopo praemittendum alteri semper erit enema intestinum a fordibus impactis liberans : exsiccatas nimium & rigidas, e. g. a diuturno nimis purgantium, praecipue salinorum usu, lubricant & relaxant, eoque effectum largum multorum malorum fontem obferant enemata tepida vel mere aquosa vel lacte, mucilaginibus, aliis eiusdem furfuris temperata, qualia iam dicta sunt.

§. XXX.

Si autem nimis relaxata sint intestina, adeoque robore restituendo egeant, quod in diutur-

(b*) Medicinische Policey, 2te Aufl. Vol. I. p. 656.

nis alvi profluviis, lienteria potissimum, in & post alios morbos aliquando contingit, egregie inserviunt enemata ex aqua frigida meraca, aut ex aqua calcis cortici cascarillae aut peruviano una cum cassia lignea & furfuribus tostis infusa (b**) aut ex aqua calcis, vicesima circiter succi catechu parte temperata, qualis enematis adstringentis nomine venit. apud Edinburgenses (a), parata: eadem quoque profunt in vulneribus atque ulceribus intestinorum consolidandis, ut tamen eo fine etiam balsamica, v. g. balsamum a Locatello nuncupatum, ovi vitello solutum, circiter ad vicesimam partem adiici possit (b). Neque dubium est, quin oscula vasorum in intestina hiantia constringendo, nimis relaxata roborando, in alvi profluviis sive serosis, sive sanguineis suum praestare usum queant.

§. XXXI.

Si contractilitas intestinorum adeo imminuta est, ut consueta eaque leniora clysmata alvum non tentent, fortior utique addendus est

(b**) KAEMPE. l. c. p. 245.

(a) Pharmacop. paup. p. 21.

(b) Quemadmodum in enemate adstringente balsamico Pharmacop. paup. Edinb. p. 21.

stimulus; adiiciendum scilicet purgans aliquod medicamentum, quale v. g. syrupus de rhamno cathartico (*a*), aut aloe (*b*). Sin autem pituita vitrea tenacissima adsit, resolventia e. g. taraxacum, marrubium, arnica, fel tauri &c. admiscenda sunt clysmatibus (*b**).

§. XXXII.

Si spasms constringitur & turbatur, aut vehementi nimium dolore afficitur intestinum crassum, medicamenta spasmos & dolores lenientia hac via & forma suppeditata, multum profunt; alias ei scopo sufficiunt emollientia atque involventia (*b***) vel leniora saltem antispasmodica, quale v. g. flores chamomillae (*c*) exhibent; alias fortioribus opus est, e. g. opio vel laudano liquido (*d*), assa foeti-

(*a*) In enemate purgante Pharmacop. paup. p. 23.

(*b*) E. g. in enemate anticolico, Edinb. l. m. c. p. 22.

(*b**) KAEMPF. l. c. p. 245. 256.

(*b***) Caute tamen etiam cum his in colica mercandum esse, monet STOCK Prol. de clysterum emollientium usu in colica suspecto. Ien. 1757. 4.

(*c*) Quae ideo etiam enema commune officinarum ingrediuntur.

(*d*) Quod ideo ad guttas quadraginta ad unc. quatuor & dimid. vel sex vehiculi enematis de amylo

da (a), capitibus papaveris, mucilagine ex seminibus hyoscyami extracta, valerianae praefertim radice & aurantiorum foliis (b).

§. XXXIII.

In inflammatione denique intestini crassissimi clysmata, quorum mixtione medicamenta discutientia ingrediuntur, in gangraena eiusdem & sphacelo clysmata, ex antisepticiis confecta (§. XXVII.) opem latura esse, vix ullum superest dubium, quamvis ut plurimum morbi adeo sint complicati, ut uni satisfacere indicationi vix unquam sufficiat.

§. XXXIV.

Proficiunt igitur, & quoniam fontem mali propius & vix immutata contingunt, aliis medicamentorum generibus & formis praecellunt clysmata in omnibus, si pauca tantum modo excipiantur, intestini crassissimi morbis, modo singulis morbi generibus accommodentur; verum enim vero, quicumque, vel hospes in arte salutari,

compositi, tum enema anodynum, Edinb. Pharmac. paup. p. 21. ingreditur.

(a) In enemate foetido Pharmac. paup. p. 22.

(b) KAEMPF. l. c. p. 257.

novit , quot morborum caussa & fomes in hoc viscere delitescat , quot quantaque mala feces iusto acriores , putridae , induratae , accumulatae , retentae in vicinis visceribus , in intestino praesertim tenui caussari non solum possint , sed frequentissime caussentur , quantopere ciborum concoctio , & quae ab ea pendent , aliae corporis animalis functiones turbentur , quantum damni per varia mala intermedia , frequentissima teste experientia , universae corporis oeconomiae inde contingat , is sane solis intestini craffi morbis sanandis conducere clysmata , vix sibi persuadebit.

§. XXXV.

Alit non iis tantum morbis conducunt clysmata , quorum nisi semper sedem , primum tamen fontem in hoc viscere haerere , exploranti religiosius & sagacius Medico patet , sed multis quoque vicinarum partium noxis , quae certissime non ex eo fonte scaturiunt ; dum enim per longum illum intestini craffi , coli praesertim , tractum volvuntur illa fluida per anum iniecta , & in eo per aliquod tempus haerent , quis non , nisi fabricae & situs intestini craffi plane ignarus , perspicit , nunc frigore suo inconsumto , nunc calore , nunc partibus subtilissimis volaticis , per

tenues intestini membranas exhalantibus , agere in apposita viscera , agere praesertim in intestinum tenue ipsumque ventriculum , agere in mesenterium , omentum , hepar , lienem , in viscera lotio secernendo & excernendo destinata , agere denique in uterum & vaginam uteri , indurata emollire , rigida lubricare & posse & debere enemata ?

§. XXXVI.

Inde etiam elucescit eximius enematum tepidorum & emollientium in aliis atque aliis rerum affectibus usus ; dum enim calore & halitu suo , in hanc regionem penetrante , aut vasa rigore nimis constricta relaxant , aut ductus vel sabulo , vel calculo impacto obturatos dilatant , exitum in canales ampliores parant , frictionem ad parietes allidentium tollunt , vel certe immi-
nuunt , non causam tantum acutissimi doloris auferunt , sed malo nonnunquam ex radice faciendo inserviunt : & certe videtur pars illius effectus , quem clysmata , quae terebinthinam recipiunt (a) , ad lotii excretionem augendam exse-

(a) Quale enema terebinthinatum Edinb. Pharmac. paup. p. 23.

exferunt ; in eo latere ; quod portio partium volatiliū ; quas copioſas in ſe continet , per inteſtini parietes in propinquum lotii ſyſtema tranſudet .

§. XXXVII.

Eſt ea porro corporis animalis ratio , ut ſive ſponte ſua naſcantur , ſive data opera a Medico excitentur in aliqua ſui parte turbæ , aliæ , etiam remotiores partes in conſenſum quaſi trahantur : ita enema , quamvis ano iniectum , & non niſi inteſtinum craſſum contingens , agere in caput , in cutem , in viſcera pectori incluſa , & aliis atque aliis eorum vitiis mederi poteſt : dum enim inteſtinum craſſum , pro morbi ratione & præfixa Medico indicatione nunc fortius , nunc lenius ſtimulat , ingens humorum rivus , eluendæ quaſi illius ſtimulantis acrimoniæ ergo , in hunc canalem amandatur , minuitur itaque , imo tollitur aliquando impetus , quo ſanguis reliquique humores in alias teneriores , debiliores , nobiliores partes ruunt ; unde in apoplexia , & lethargo , oculorum morbis , pectoris malis , poſſimum acutis , in morbis exanthematicis , in quibus tamen cavendum eſt , ſi critica ſint exanthemata , ne nimium in eo labore turbetur

natura (a), in variolis (b) imprimis, & eo quidem praesertim fine, ne caput, oculos, faciem, fauces nimia copia petant, adhibita, mirifice profunt. Huc etiam spectat quotidianus enematum emollientium apud foeminas gallicas usus, qui eo artificio cutem faciei teneram & glabram conservare tentant.

§. XXXVIII.

Insignis denique est atque admirandus omnium in universo corpore nervorum inter se consensus, ita ut non modo noxae, quas patiuntur, sed resectio quoque, quam languescences, corroboratio, quam infirmati, sedatio quam turbati experiuntur, facile & satis celeriter, facilius & velocius in corporibus multum sensibilibus ab

(a) A. E. BUCHNER Diff. de circumspetto clysterum in morbis exanthematicis usu. Hal. 1757. 4.

(b) V. LAUFFEN de enematum in variolis necessitate. Argentor. 1752. 4. I. C. BERGER & I. THEOD. NEUCKRANZ de usu venae sectionis & clysterum in curatione variolarum. Wittenb. 1711. in HALLER Disp. ad morbor. historiam & curation. facient. T. V. n. CLXXXI. in vernac. transl. in CRELLII Hallerischen Beytraegen zur Befoerderung der Geschichte und Heilung der Krankheiten. Berlin und Stettin. 8. V. V. 1784. p. 132. sqq.

altero ad alterum & ad universam nervorum compagem propagentur: etsi ergo parcius per intestinum crassum dispersi sunt nervi, quam quidem per multas alias corporis animalis partes, ipsumque intestinum tenue; sufficiunt tamen hi, ut effectus, quem experiuntur, per omnes reliquos se diffundat: quare egregium non raro solamen afferunt miseris hystericis ac hypochondriacis enemata, quae ex remediis eiusmodi spasmos & turbas nervorum sistentibus conflantur, v. c. enema foetidum (a), aut aqua calcis cum radice valerianae & herba cum floribus millefolii (b) commista, vel radici valerianae, herbae centaurae benedictae, rorismarini, & millefolii, foliis citri, aurantiorum, floribus chamomillae & verbasci infusa, per filtrum traiecta, & assa adhuc foetida sive therebintina, ovi vitello subacta, condita (c), qua posteriori praeter multos alios similes morbos KAEMPFIUS (d) pertinacissimam linguae & oris paralytin, ZIMMERMANNUS (e) hystericum per annum du-

M 2

(a) Pharmacop. pauper. Edinburg. p. 22.

(b) I. KAEMPF. l. c. p. 243.

(c) Quale Nerven- vel Krampfklistir KAEMPFII l. c. 257.

(d) Scilicet assa foetida l. m. c.

(e) Apud KAEMPFIUM l. c. p. 259.

rars salivae profluvium brevi temporis spatio felicissime sanatum viderunt : ut violentiam spasmodum in accessu ipso frangat aquae calcis praeter modo dicta capitis papaveris minutim concisi pauxillum , & mucilaginis aquae rosarum ope ex contuso hyoscyami semine extractae aliquot cochlearia parva addi imperat KAEMPFIUS (a) .

§. XXXIX.

Dolores etiam remotarum partium , sive primam suam originem ex intestino crasso trahant , sive non , leniri egregie posse enemate ex anodynis composito , quale est v. g. enema anodynum vel enema de amylo compositum Edinburgensium , consentiens Medicorum experientia abunde testatur ; pertinacissimos quoque & vitae robur adeo infringentes aegrorum vigilias debellari istiusmodi mediis posse multa loquuntur exempla.

§. XL.

Referri denique ad hanc clysterum in universum nervorum systema efficiam iure suo poterit eximius effectus , quem in sedandis tur-

(a) L. c. p. 257.

febrilibus, & sanandis aliis malis periodicis, quorum fontem nervis insidere non absque veri specie coniecit immortalis BOERHAAVIUS (a) toties praestitit, duce HELVETIO (b) Medicis, cinchonae cortex hac via formaque, delicatulis aut post longos morbos medicamentorum pertaesis aegris paullo acceptiore, exhibitus.

§. XLI.

Notandum porro est, per totam internam intestini crassi superficiem, quamvis minus liberali, quam quidem per intestinum tenue, sat larga tamen manu dispersa esse patula vasorum, lacteorum potissimum, orificia, quibus eorum, quae in intestini cavo haerent, subtilissimae ac tenuissimae partes absorbentur, cum latice, quem continent, commiscentur, ad glandulas

M 3

(a) Aphorism. de agnoscend. & curand. morbis §. 574.

(b) Methode de guerir toutes fortes de fievres sans rien prendre par la bouche à Paris 1694. iam a BAGLIVIO (c) Prax. Medic. L. I. C. 13. §. 9. commendatus exhibendi modus.

(c) Sive pulverem aquae misceas, sive quod melius decoctio utaris, triplo maiore dosi opus est, quam si per os assumatur. V. etiam VAN SWIETEN Comment. in Aphorism. BOERHAAVII Vol. II. p. 567.

mesentericas deducuntur; una cum chylo per reliquum systema chyli decurrunt, sanguini ipsi infunduntur, & cum sanguine confusae ad omne corporis punctum pertingunt.

§. XLII.

Unde demum patet amplissimus enematum usus, cui tamen si scopum praefixum plenissime assequi animus est, quemadmodum de omnibus enematis valet, quae non in faeces tantum intestino inclusas (§. XXIII-XXVIII.) suam exserunt potentiam, omnino praegredi debent clysmata intestinum a sordibus, obscura illa obducentibus, enemati introitum denegantibus, liberantia v. g. aqua tepida, aut decoctum furfurum, in quo saponis pauxillum solutum est (a), aut si haec nihil efficiant, paullo acriora, vel magis composita.

§. XLIII.

Primo igitur, via consueta, qua alias alimenta ingeruntur, & in nutritionem corporis cedunt, qui casus in variis anginae speciebus, in vulneribus, vitiis organicis, tumoribus scir-

(a) KAEMPF. l. c. p. 267.

rhosis oesophagi & ventriculi saepius obtinet ,
occlusa , ac via nutrimentum corpori suppedita-
ri , & sustineri adhuc per aliquod temporis spa-
tium debilis vita potest : iniicitur eo sine v. g.
lac meracum vel iusculum carniū non salitum
vel aqua cum furfuribus cocta ad uncias quatuor ,
multoties tamen repetito eo labore (a*).

§. XLIV.

Quum porro ad glandulas mesentericas , ad
uterum , ad reliqua viscera abdominis cavo con-
tenta pertingat , quicquid ab illis vasorum oscu-
lis in intestinum crassum hiantibus fugitur , ultro
elucescit , enemata ex roborantibus , resolventi-
bus , saponaceis , antispasmodicis composita ,
horum viscerum robori restituendo , humoribus
multiplici modo iusto spissioribus , stagnantibus ,
in vasa sua impactis , functionem visceris turban-
tibus , eoque ipso sexcenta alia mala , atrophiam ,
hydropem &c. inferentibus , resolvendis , atte-
nuandis , agitandis , evacuandis mirifice prodesse .

M 4

(a*) Exempla quaedam memoratu digna v. apud
KAEMPFIUM l. c. p. 214.

§. XLV.

Haec scilicet est indoles, hic finis, hic effectus clysmatum illorum visceralium, quorum usum, praeunte Patre & Praeceptore, toties faustissimo successu coronatum viderunt, tot tantisque iisque iustissimis encomiis celebrarunt KAEMPFIUS IO. (a) & GUIL. LUDOV. (b), KOCHIUS (c), SCHMIDIUS (d) & KRIEGBAUM (e), atque alii, ex quibus nominasse sufficiat ELWERTUM (f), FABERUM (g), CLOSSIUM (h) & ZIMMERMANNUM (i).

- (a) Tum libro iam multoties allegato, tum Diff. de infarctu vasorum ventriculi. Basil. 1751.
 (b) Diff. de morbis ex Atrophia. Basil. 1756.
 (c) Diff. de infarctibus vasorum in infimo ventre. Argent. 1752.
 (d) Diff. de concrementis uteri. Basil. 1753. recusa in CRELLII Beyträgen zur Beförderung &c. V. I. 1781. p. 596.
 (e) Diff. de curatione febrium intermittentium. Gieff. 1745.
 (f) Novae observationes de infarctibus vasorum abdominalium. Tubing. 1754.
 (g) Ulterior expositio novae methodi Kaempfianae, curandi morbos chronicos inveteratos, praecipue malum hypochondriacum. Tubing. 1755. una cum g. i. & m. recusa in BALDINGERI sylloge selectiorum Opusculor. argum. Medico-Practici. Geett. 8. Vol. III. 1778.
 (h) Apud I. KAEMPFIIUM Abhandlung &c. Einleitung p. 12.
 (i) Ibid.

§. XLVI.

Paranda quidem illa iubet KAEMPFIUS (a) ex aqua pluviali , aut quam in multis certe casibus potiore deprehendit ex aqua calcis , quae cum radice taraxaci , tritici repentis , & valerianae officinalis cum herba centaureae benedictae , fumariae officinalis (vel loco utriusque gentianae centaurii & menyanthis trifoliatæ) , & marrubii vulgaris , cum herba & floribus anagallidis vulgaris , florum corolla phoenicea conspicuae , cum herba , floribus & radicibus arnicae montanae , cum apicibus & floribus achillae millefolii , sive quae altera praestat , achillae nobilis , cum floribus matricariae chamomillae & verbasci thapsi , cum furfuribus tritici , & secalis cerealis , uno alterove aliquando omisso , adiectis etiam si morbi indoles requirat , radice rumicis acuti , rubiae tinctoriae (praesertim in obstructis mensibus) , turionibus solani dulcamarae , cortice simarubae , herba conii maculati , & menthae piperitae foliis citri aurantiae , & una cum floribus rorismarini , felle tauri inspissato , & assa foetida .

(a) L. c. p. 228. sqq.

§. XLVII.

Sin autem corpus nimis siccum , fibrae nimis tensae , sanguis in inflammationem pronus infarctus iusto tenacius adhaerens & quasi tartareus , feces perquam induratae , alvus stricta , spasmus validi , congestio sanguinem in partes superiores venasque compellens , & motus febri-les adfint , ab hoc enemate cavendum esse monet , & in eius locum aliud iniiciendum esse suadet ex sero lactis vel decocto hordei tosti cum glycyrrhizae glabrae & recenti , tritici repentis , ac leontodontis taraxaconis radice , recenti radice , herba floribusque althaeae officinalis , herba malvae rotundifoliae , floribus verbasci thapsi , & surfuribus fecalis cerealis non siccatis cocta , adiectis aliquando succo ex fructu cucumeris vulgaris expresso , aceto , & mucilaginis limacis rufae , vel si alvus pertinaciter segnis maneat , uno vel altero cochleari electuarii lenientis , aut sex vel septem oxymellis uncis (a).

§. XLVIII.

Si ossa praeterea affecta , glandulae mesentericae , haemorrhoides , menses obstructa sint ,

(a) KAEMPFIUS l. c. p. 241.

rubiae tinctorum radix largiori manu reliquae
clysteris materiae adiecta mirifice prodest (a),
iuvat quoque posteriori in casu teucrium cha-
maedrys, ruta graveolens & pauxillum hellebori
nigri addita (b).

§. XLIX.

In calculo renum & vesicae, ipsa adeo dis-
positione calculosa, clysmata ex aqua calcis &
succo dauci carotae inspissato cocta efficaciora
reperit, quam eandem medicinam per os ingestam
KAEMPFIUS (c). In morbis systematis urina-
rii, qui stimulo egent, terebinthina adiecta pro-
dest; is enim est usus enematis, quod appellant
terebinthinati, quem multi tamen, quasi nesci-
rent acrimoniam huius balsami irritantem, temere
ad omnem generatim nephritidem extendunt.

§. L.

Quum igitur (§. XLI.) ad sanguinem ipsum
perveniant particulae efficaces materiae per anum
iniectae, huius etiam vitiis clysmatum ope me-

(a) KAEMPFIUS l. m. c. p. 244.

(b) KAEMPFIUS l. c. p. 256.

(c) L. m. c. p. 243.

deri licet : quantum valeant clysmata ex cortice peruviano , instillatis aliquando paucis acidi vitrioli guttis , parata ad nativam sanguinis & humorum , in resolutionem & putredinem proclivium , crasin restituendam , ad putredinem universo corpori imminentem arcendam , in febribus malignis cum intermittentibus tum continuis , exanthematicis inprimis , & scarlatina praesertim anginosa maligna , quae usum internarum medicinarum vetat , nec non putridis verminosis , tam sua ipsius experientia , quam ex aliorum testimoniis mascule ostendit RAHNIUS (a).

§. LI.

Similiter veneno venereo domando idonea nuper demum decantavit clysmata , ex mercurio sublimato corrosivo albo praeparata ROYER (b) .

§. LII.

Pluribus cacochymiae speciebus , quibus nempe plerumque humores & sanguis nimis in-

(a) *Adversaria Medico-Pract.* Turic. 8. Vol. I. 1779. p. 205. 208. 303. 395. sqq.

(b) *Dissertation sur les lavemens en general , & particulièrement sur une methode nouvelle , de traiter par ce moyen les maladies veneriennes ,* à Paris 8. Ed. 3.e 1778.

spissantur, aquam calcis & rumicis acuti radicem opponit KAEMPFIUS (a), virus scorbutico turiones folani dulcamarae, dyscrasiae scrophulosaе conium maculatum, arthriticae, calculosae, rhachiticae rubiam tinctorum (b), singula clysmatis forma applicata.

§. LIII.

Generatim cetera monendum est, solis clysmatibus nunquam acquiescere posse Medicum, nisi leviora sint mala; in gravioribus enematum efficaciam non vitae modo & victus ratione, sed aliis etiam medicamentis tam externis quam internis, morbi causam impugnantibus augendam esse, in multis clysmatum usu non morbum ipsum, sed symptomata tantum, quamvis urgentia, tolli.

§. LIV.

Neque nunc difficile erit videre, cur creberrima repetitione & diu continuato usu opus sit, si quid in pertinacibus viscerum & humorum morbis effici per enemata debeat: largis enim praebitis semel & simul inicii nequeunt,

(a) L. c. p. 243. 244.

(b) L. c. p. 244.

quia irritabile intestini crassi viscus insignem illum liquoris iniectionis rivum cito citius, antequam resorberi & praestare vel partem sui effectus posset, iterum eliminaret: pauxillum tamen est, quod de uno enemate in vasa transit, vel in humores ac sanguinem defertur, atque ad illam pervenit partem, cui sanandae adhibitum fuit clystma, pauxillum certe, si cum universa humorum, non raro a nativa sua eaque miti indole penitus alienatorum massa comparetur, pauxillum certe, si duro illi nodo, pertinacissimo scilicet infarctui, solvendo par esse debeat; mirari igitur non debemus, si non nisi post iniectionem quinque clysterum millia sanatum infarctum viderit CLOSSIUS (a) (!) & tribus iam elapsis mensibus vix notabilem ab eorum usu quotidiano animadvertit in homine hypochondriaco effectum, continuato diutius usu tanto laetiores ELWERTUS (b), sed firmare potius miserorum aegrorum patientiam, quorum certe valetudo, quamcunque refarciendi illam viam ingrediantur, non nisi lento passu redire prospera potest.

(a) Apud KAEMPFIIUM l. c. p. 264.

(b) L. c. §. XXX. nr. 2.

IO. GUILIELM. MOLL,
COLONIENSIS
DISSERTATIO
INAUGURALIS MEDICA
DE
APOPLEXIA BILIOSA
Goettingae 1760.

§. I.

Definitiones Apoplexiae.

MOrbum recte definire, primariam auctoris curam esse debere, non inepte multi iudicarunt, cum exacta morbi definitio praecipua eius symptomata complectatur, quae ad eum rite cognoscendum atque ab aliis distinguendum plurimum faciunt.

Nemo vero dubitat, in plerisque morbis difficulter, in multis vero plane non eiusmodi definitiones inveniri posse, cum idem morbus, vel pro diversa causa, vel diverso in gradu

diversa exhibeat symptomata ; vel etiam ad morbum ab alio cum ipso cognato distinguendum magna moles symptomatum enarrandorum necessaria sit , ut non definitionem , sed descriptionem morbi rectius nominare posses . Quae cum ita quoque in apoplexia sint , liceat mihi quasdam notissimarum enarrare definitionum morbi huius atrocis & ex iis eam eligere , quae huic morbo accommodatissima videatur , Nemo vero a me expectet criticas animadversiones in definitiones allegandas , quod talis opera Hallerorum est , non tironis in arte .

BOERHAAVE (in Libr. de morbis nervor. T. II. p. 641.) apoplexiam ita definiit : Apoplexia est morbus iste , in quo I. desinunt omnes sensus externi ; nam si vel unus possit excitari , vocabitur parapoplexia , II. desinunt omnes sensus interni ; nullum est murmur , nulla inquietudo , nullum signum motus , nulla memoria ; III. desinunt omnes motus musculorum arbitrarii ; ergo est apoplexia morbus solius cerebri ; nam ibi tantum omnes sensus externi , interni & motus laedi possunt . CELSUS in eo non dissentit ; vocat enim apoplexiam resolutionem universalem omnium nervorum simul . Alio loco (Libr. cit.) BOERHAAVIUS , cum de similitudine somni profundissimi cum apoplexia loquutus esset , nominat hunc morbum somnum maximum

&

& profundissimum , unde aeger excitari nequeat .
 Ac idem Auctor (L. c. p. 646.) affirmat ,
 ideam Medicorum omnium Doctorum de apople-
 xia hanc fuisse , quod sit oppressio principatus
 cerebri , occupatio cerebri instar urbis , per-
 fecte cinctae ab hostibus , interceptio spirituum ,
 extinctio animalitatis .

Porro (p. 647.) addit : DURETUS vo-
 cat extinctionem animalitatis ; alii privationem
 motus & sensus citam & funestam ; ablationem
 officii impetum facientis & affectum ; ultimum
 quod in nobis manet de animalitate , est cona-
 tus musculos quosdam movendi ; hinc si ille ex-
 tinguitur , totus morbus est completus : alii de-
 structionem potentiae , quae ad nervos defluit ;
 inla potentia est vel sensus , vel motus , vel per-
 ceptio inde nata ; videtis has omnes definitio-
 nes tantum idem significare ; si hac ratione omnia
 observamus , accipimus eandem ideam , ac si
 morbi causa nobis esset cognita .

LAUR. HEISTER (in Diss. cui titulus :
 de apoplexia magis chirurgicis , quam aliis me-
 dicamentis curanda : Helmstad. 1752.) hanc no-
 bis tradidit definitionem : apoplexia est iste mor-
 bus , in quo sensus motusque in toto corpore su-
 bito plerumque abolentur , ita ut homo antea
 bene se habens , subito prosternatur , motu &
 sensibus ablatiis , cum stertore , respiratione ta-

men & motu cordis atque arteriarum adhuc praesentibus.

B. m. SCHROEDERUS (in singulari So Diff. de apoplexiae praecordiorum vitiis origine Goettingae 1767.) multa collegit , quae istis definitionibus opponi possunt . b. Viri verba sunt : memoratu dignum videtur , morbum hunc secundum definitionem illam apoplexiae generalem , quae systematicis Auctoribus arridere solet , quae nempe sensuum externorum ac internorum usum , simulque voluntariam artus movendi potestatem plane abolitam postulant , tum quoad initium , tum quoad incrementa sua consideratum , rarissime contingere . Primum quidem animadverto , sensuum internorum cessationem minus accurate ad morbum attonitum generatim requiri posse . Etsi enim aegri eorum , quae ipsis durante insultu apoplectico acciderunt , & quae praesertim ipsorum in corpore ad praesentem functionum animalium torporem discutiendum suscepta fuerunt , se minus conscios esse referant , malo vel superato vel saltim rationis usu cum loquela restitutis ; nimis tamen abscondita est internorum sensuum conditio , quam ut inde argumentari liceat insultus ipsius tempore , ab illorum usu mentem plane vacasse . Et eo minus quoque pro certo ab aegris negata perceptorum recordatio ipsos earundem rerum apperceptionem aliquam habuisse

plane refellit , quum & exempla prostant subla-
tae per vim capiti applicatam , aut gravem sy-
stematis nervosi morbum , memoriae eorum , quae
sanior adhuc mens ante perpeffum ictum peregit .
Addidit praeterea b. Vir exempla & testimonia ,
quod plerique aegri , apoplexia correpti sensibus
externis non plane privati reperiantur , ex
WEPFERO , MORGAGNI , CAEL. AUREL.
Auctor. hiflor. morbi Uratist. BOERHAAVIO ,
VAN SWIETENIO & ELLERO , & eodem mo-
do sese rem habere ratione motus voluntarii af-
feruit ; multis enim deglutiendi , caput artufque
nonnullos quodammodo movendi & vocem ali-
quam , licet intellectu difficillimam , edendi fa-
cultatem permanere ; nec solum in attoniti mor-
bi initio , aut primis insultibus , aut in decre-
mentis , sensuum externorum & motuum volun-
tariorum aliqua exercitia adesse , verum & eius-
modi inveniri aegros , in quibus ista supersint ,
quum mors iam satis manifeste appropinquet ;
hinc pernecessariam esse differentiam , apoplexiam
inter fortem aut exquisitam , atque aliam debi-
lem sive levem , quae parapoplexia nominanda
sit . Tandem b. Vir suam apoplexiae definitio-
nem communicavit , dixitque morbum resolutio-
nem sive magnam imminutionem virium nervosa-
rum , quoad mentis universum cum suo corpore
commercium , aut quoad omnes fere corporis

functiones animales , vitalibus saepe manifestius perseverantibus . Ac haec etiam prae reliquis mihi placet definitio , cum omnibus apoplexiae gradibus accommodata sit .

§. II.

Morbi divisiones & descriptio .

A longo tempore iam iam morbus attonitus ab Auctoribus in tres divisus fuit gradus , FRID. HOFFMANNUS (*in Med. rat. Syst.* Tom. IV. P. IV. Cap. I. p. 3.) de his sequentia memoriae prodidit : *Summus* nunquam non lethalis , si cum sensibus motibusque animalibus vitales simul , omnesque totius corporis actiones uno impetu prosternuntur ; *secundus* tollit sensuum motuumque voluntariorum ac rationis usum , non autem vitales prosternit actiones & plerumque in hemiplecticos transit affectus ; *tertius* iisdem ac secundus prodit se notis , differt tamen , quod breviori tempore penitus depellatur . LAUR. HEISTER (*in Diss. cit.*) tres pariter apoplexiae gradus ponit , convenientes quidem quoad sensum cum modo enarratis , in descriptione vero differentes . Verba eius haec sunt : *in summo gradu* aeger in terram incidit & intra brevissimum tempus mortem obit ; *secundus est gradus*

ubi aeger subito prostrernitur, sensibus & motibus voluntariis amissis, pulsu tamen cordis & arteriarum ac respiratione vel salvis vel saltem parum laesis. Quando vero aegri procidunt motu voluntario vel in totum, vel ex parte abolito, sensibus tamen vel omnibus adhuc integris, vel saltem quibusdam amissis, quo in casu haud raro motus alicuius partis remanet, *tertiū gradus* species est.

Iudicio & experientiae summorum in arte nostra Virorum relinquo, num haec divisio vero satis consentanea sit; ego certe, cum vero simillima videatur, experientia destitutus, eam in dubium vocare, vix ausim.

Alia eaque notissima apoplexiae differentia est inter *sanguineam* & *serosam*, quae vero merito displicuit C. A. MANGOLD (Vid. eius Diff. docens: *Apoplexiae plures praeter sanguineam & serosam dari species*. Erford. 1765.). Olim enim arbitrati sunt, cum in cadaveribus multis apoplexia defunctorum sanguinem aut serum extravasatum in cerebro invenissent, causam apoplexiae primam a pressione cerebri ab extravasato sive sanguine sive sero repetendam esse, & hinc apoplexiam mox sanguineam, mox serosam nuncuparunt.

At non pauci e recentioribus huic differentiae opposuerunt, quod saepe nihil extravasati

in cadaveribus apoplexia extinctorum reperiatur, & quod aequè ab encephali vasis distentis ac ruptis apoplexia excitari possit. Addo, quod si etiam concederem, apoplexiam semper a compressione cerebri sive a sanguine sive a sero produci; mihi tamen ex anatomia systema vasorum non notum esse, quod serum solum & sincerum per totum corpus vheret; sed semper illud cum sanguine in uno vasorum systemate coniunctum esse. Hinc sanguis apoplexiam non excitabit, sine congestione feri, nec compressio cerebri locum habebit a sero, sine sanguinis congestione. Quod vero serum sine sanguine in cerebro inventum sit, mirum cuiquam videri nequit, cum serum fluidior sanguinis pars sit & hinc facilius vasa egrediatur, quam cruor magis compactus. Serum vero nimio congestionum versus cerebrum impetu, & sanguine inde in vasis encephali compresso, per aperturas horum vasorum minimas propelli videtur; quo impetu aucto, aut ductus affligente, vasa sanguifera aut rumpantur, aut sanguinem certe dimittant, necesse est. At non semper extravasationem sanguinis aut feri apoplexia sequitur, nec distenta encephali vasa semper eam inferunt; alioquin oppido frequens foret apoplexia; & signa praeterea serosae & sanguineae apoplexiae ita ambigua sunt, ut hanc distinctionem non firmo talo stare, facile pateat.

Tandem etiam huic differentiae contrarium est, quod a vasis sanguiferis nimium depletis, aut evacuatione alia repentina & nimia apoplexia oriatur. Melioris conditionis differentia est, apoplexiam inter fortem aut exquisitam, atque aliam debilem sive levem, quam parapoplexiam recentiores dicunt, & quae distinctio ex enarratis gradibus elucet (Vid. SCHROEDERI *Diff. cit.* p. 7.).

Raro, aut fortassis nunquam apoplexia aegrum sine prodromis invadit. Olim iam ARETAEUS (*de morbis diuturnis* Libr. I. Cap. VII. p. 36.) eiusmodi nonnunquam prodromos apoplexiam praefagire affirmavit; & THIERY (*Médecine expérimentale* p. 145.) nullum forsitan morbum praenuntia antiquiora habere, quam apoplexiam idiopathicam contendit. LANCISIUS pariter (*Oper. om.* Cap. XX. L. I. §. VI. p. 24.) raro quem prehendi apoplexia, nisi eius praeludia praecefferint, censuit, & Illustr. TISSOT (*in Epist. ad b. HALLERUM*) existimavit in iis, qui sine manifesta causa subito apoplexia corripiantur, saepe tamen symptomata adfuisse, quae morbum pridem, antequam invasisset, si modo aegri attenti fuissent, praedicere potuissent.

Quos vero prodromos quod attinet, primam invasionem stomachus & intestina sentiunt;

aegri scilicet de nausea, borborygmis, & descendendi conatu, conqueruntur. Sensum circumgyrationis habent, simulac nauseam cum anxietate percipiunt, scintillas ad exemplum fune suspenforum, micantes & varii coloris maculas ab oculos volitantes videre credunt. Sentiant dolorem acutum in capite eiusque vel antica vel postica parte, oculi caligant, ita ut quidam ambobus, alii atero oculo intueri nequeant, & vertiginosa capitis temulentia cum sensu formicationis in artubus praesto est. Praecedunt etiam insultum apoplecticum vox tremula, artuum gravitas, somnolentia, somnusque nimis placidus, dentium stridor inter dormiendum, dolores circa praecordia sensibiles quidem, sed fugaces, incubus frequens, faciei, genarum & oculorum rubor insolitus, susurrus aurium, deformatio vultus, ut quibusdam os distorqueatur, insolita mentis alienatio, pigritia & memoriae debilitas & huius generis prodromi alii.

Nonnunquam tamen exempla annotata sunt, ubi prodromi plane defuere. Inopinato enim quidam, & uno quasi temporis momento, sine nuntio instantis fati resolutis membris omnique sensu privati corruerunt, & nonnunquam statim animam efflarunt. WEPFERUS (*Histor. Apoplect.* I. p. 427.) exemplum adfert, ubi quis inter prandendum, & MORGAGNI (*de caus.*

& *fed. Morbor. Epist. V. n. 17. p. 41.*) historiam narrat, ubi aethiops inter tuba canendum, apoplexia subito correpti & vita statim defuncti sunt.

Saepiusculum tamen per leviores insultus increfcit malum; & nisi efficaciora sunt, quae ipsi opponuntur, artis auxilia, in graviolem & exquisitum, & plerumque insanabilem transit morbum.

Saepe typum febrium remittentium & intermittentium induit, vel cum illis coniuncta est apoplexia, cuius generis exempla multa Observatores, praesertim SYDENHAMUS, BAGLIVIVS, WERLHOVIUS, MEDICUS, alique memoriae prodiderunt.

Nonnunquam specie gravioris hysterici aut hypochondriaci paroxysmi incedit, & ubi iam debilitatum systema nervorum aut nimia sensibilitas praesto est & inanitio, vel alia debilitans causa accedit, in hemiplegiam aut minorem paralyfin transit.

BOERHAAVIUS igitur & SYDENHAMUS confirmant, huic morbo interdum obnoxias esse mulieres in partu, si magnam sanguinis iacturam fecerint, aut partu laborioso vexatas, aut animi graviore commotione perturbatas.

Interdum etiam ad alios accedit morbos acutos pariter ac chronicos, tanquam morbus

secundarius, quos vehementiores & curatu difficillimos reddit.

§. III.

Causæ huius morbi variæ.

Discrimen apoplexiam serosam inter & sanguineam minime firmo fundamento niti dixi. Restat ut in causas morbum hunc proxime vel remotius inferentes accuratius inquirem. Encephalum & systema nervosum maxime in hoc morbo affici, tum ea, quæ hunc morbum comitantur, symptomata, tum causæ huius morbi proximiores, tum effectus eius abunde docent. Sensuum enim motuumque exercitia ad tempus circumcisa imminutaque videmus; novimus, morbum frequentius oriri, ubi capiti vis illata, qua caput fortiter commotum, concussum, vel in encephali parte quadam compressio, aut laceratio aut humorum stagnatio, aut eorum effusio, aut nimia vasorum extensio, aut verior inflammatio, suppuratio, corruptio excitata (SCHROEDER Diss. cit. p. 5.); paralytes denique, quæ ex hoc morbo plerumque relinquuntur, effectum encephalum & systema nervosum satis arguunt. Id vero, quod plurimas in explicandis huius generis morbis difficultates parit, observatio est, qua scimus, unam eandemque causam mox apo-

plexiam, mox epilepsiam, mox mentis alienationes gignere.

Variae interim Medicorum de causa proxima apoplexiae sententiae extiterunt. BOERHAAVE (Aphor. de cognosc. & curand. morb. p. 374.) eam ponit in impedito integre vel multum, effluxu liquidi cerebrosi spirituosus in organa sensuum, motuum voluntariorum, & vicissim huius reflexu ab his organis in ipsum sensorium commune, superfluo interim cerebellosi liquoris in cor & naturalia respirationis organa ita & forsitan reditu aliquo, qui ad has functiones sustinendas quodammodo sufficiat. Verum lapsus esse BOERHAAVIUM in eo, quod perdurantes in apoplexia vitales actiones, illaeso in initio cerebello, adscripsit, multi iamiam monuerunt, in primis b. HALLERUS (prim. lin. Physiol. p. 167.), ELLERUS (Observ. de cognosc. & curand. morb. p. 279.) fere eandem causam proposuit, impeditum scilicet fluidi nervei motum reciprocum, qui inter sensorium commune cerebri, & sensuum organa musculosque voluntati nostrae obediens iugiter subsisteret, causam arguens; nec dissimiles aliorum multorum sententiae hac de re sunt. MORGAGNI (de causis & sed. morb. Ep. II. n. 6.) diversam ab his causam proximam tradidit; eam nimirum esse istinorum, qui in cerebro fiunt, motuum,

cum nempe movemus, sentimus, cogitamus; subitam imminutionem, tantam interdum, ut proxime ad cessationem accedat, aut in cessationem continuo transeat; & hanc quidem imminutionem a multis & variis causis inferri posse arbitratur. At haec sententia, licet optima videatur, suis non destituta est difficultatibus. Quales enim illi motus intimi sunt? Quomodo imminuuntur? si subito imminuuntur, unde in multis aegris, imo in plurimis, sensim sensimque praegressis multis prodromis morbum hunc oriri videmus.

Magis patent causae reliquae apoplexiam inferentes. Expositos nimirum attonito morbo scimus eos esse, qui aetate provectiores sunt, quibus collum breve, caput amplum, corpus valde crassum & pingue est, qui sanguine abundant, qui vino, epulis aut desidiae dediti, qui litterarum studia intentius tractant.

Ita videmus eos maxime ad hunc morbum pronos esse, quorum systema nervosum debilitatum, aut in quibus capitis collique ea est ratio, ut encephalum congestionibus pateat, aut commode sanguine liberari non possit, aut in quibus continuo congestiones versus caput praesto sunt, aut certe ex abundantia humorum metuendae. Mirum igitur non est, si aliae accedentes causae, quae vel remotius, vel propius

systema nervosum afficiunt, hunc morbum excitent. Huius vero generis causas in quatuor classes commode dispesci posse existimo, & sub qualicunque *laesione* & *compressione* encephali, *humorum spirituumve subitanea detractione*, *spasmodis* & *venenis* omnes causas apoplexiam inferentes facili methodo comprehendo.

Quod causas qualicunque ratione encephalum comprimentes, laedentesque attinet, eae cerebrum, medullam cerebri, arterias, & venas cerebri aut nervorum principia afficiunt. Huc refero primum *vitia varia* in his partibus notata, cuius generis sunt: calvaria fracta & partes osseae de sede sua motae a violentia quadam capiti illata, qua commotum, concussum, vel in parte quadam compressum encephalum est; tumores intra cranium nati, inflammatorii, abscessus, serosi, pituitosi, steatomatosi, scirrhusi, ossei, cystici; hydrops cerebri, hydrocephalum; inflammatio cerebri aut meningum, exulceratio cerebri; lapides intra cerebrum geniti, ossescentia vasorum aut ligamentosus & cartilagineus habitus aut varicosus; polyposae & mucosae concretiones, aneurysmata & varicosa vasorum fabrica (Cf. DE HAEN Rat. med. P. IV. Cap. V. p. 162.). Secundo huic classi causarum annuero *vasa dilatata & rupta*, quae comprimendo cerebrum, & in functionibus suis

turbando saepius apoplexiam inferunt . Vasa autem dilatantur & rumpuntur a causis iis omnibus , quae sanguinis & humorem abundantiam creant , sanguinem rarefaciunt & versus encephalum urgent , vel etiam reditum sanguinis ex encephalo impediunt ; facit igitur huc abusus vini & spirituosorum , de quo DE HAEN (*Rat. med.* L. c. p. 166.) ita sensit : alcoholis est , dum sanguine susceptum circumducitur , illum rarefacere ; spatium igitur maius occupantes humores vasa extendunt , dilatant , simulque eadem dilatata , quod vehementem stimulum circumferant , in validiorem adigunt actionem . Repetita multoties hac actione , debilitantur sic vasa , ut communi & tranquilla circulatione humorum languide tantum reagant , nec nisi stimulo repetito debite suos propellant humores . Sed demonstratum est repetita rarefactione humorum vasa debilitari . Ergo quo saepius necessarius est stimulus , ut torpor vasorum excitetur , eo frequentius eadem rarefactio vasa extendens , causam debilitatis adauget . Et hinc demum tristis illa necessitas vini spirituumve copiam sensim augendi , cum vasa de die in diem debiliora a consuetis ultra non afficiuntur . Hinc capimus , cur tandem arteriae & venae piae matris aneurysmaticae & varicosae fiant . Porro huc pertinent diaeta lauta , amputatio membri maioris ,

deficiens aut suppressa haemorrhagia, neglecta sanguinis missio; motus nimius, ebrietas, insolatio, ictus fulminis, plethora, ingluvies, obesitas, nifus in partu, commotio cerebri, alapa, strangulatus, tussis vehementior, sternutatio, contentio studiorum, enormis caloris & frigoris gradus, res odoratae & halitus ex parietibus conclavium calce recens obductis, qui sanguinem versus caput alliciendo, nec ut censent multi, venenata quadam vi apoplexiam inducere mihi videntur; collaria angusta, variae thoracis distorsiones, asthmata, tumores in pectoris cavo nati, & venam cavam descendantem comprimentes, inflammationes faucium & pectoris, viscerum, polypi in corde & maioribus vasis, valvulae cordis induratae, ligamentosae, osseae, calculosae & si quae causae aliae sunt. Tertium locum inter eas causas, quae qualicunque compressione laesioneque nobilissimi visceris vel partis eius attonitum morbum producant, metastases obtinent. Videri quidem cuiquam posset, quasdam metastases nimis subtiles esse, quam ut pressione quadam nocere possent; sed expendi debet, a paucis saepe sanguinis serique guttulis apoplexiam notatam esse, & me hic eiusmodi pressionem intelligere, quae irritamentum cerebro asferre possit. Huius generis vero metastases faciunt materies arthritica, podagrica, rheumati-

ca, variolosa, morbillosa, herpetica, scabies re-
tropulsa, lactis repressio; lotium retentum, per-
spirabile retropulsum, coryza suppressa, quibus,
quae in febribus malignis fiunt, metastases annu-
merandae sunt.

Alteram causam, apoplexiam eientem po-
sui repentinam humorum spirituumve detractio-
nem; hanc autem irritare posse, spasmi in haem-
orrhagiis gravioribus abunde docent. Huc
igitur refero: vulnera vasorum ipsius cerebri,
haemorrhagias, alvi fluxus profusos, diuturnum
moerorem, vigilias protractas; fortassis etiam
contentio nimia studiorum, & aquae hydropico-
rum una vice emissae huc pertinent.

Quantum locum inter causas systema ner-
vosum, vel encephalum irritando apoplexiam
inferentes, *spasmi* tenent. Hos vero, qui effe-
ctus stimuli & vividioris sensilitatis vel irritabi-
litis partis cuiusdam, vel totius corporis sunt,
iterum stimulum infestum fieri posse, quo syste-
ma nervosum irritetur, spasmi abdominales de-
clarant, quibus graviora saepe encephali pathe-
mata producuntur; docet etiam hysterica & hy-
pochondriaca passio, imò chorea Sancti Vi-
ti & epilepsia laborantium magnopere debilita-
tum systema nervosum. A spasnis autem maxi-
me abdominalibus sanguis validius versus ence-
phalum propellitur, ibique retinetur. Ad hanc
autem

autem classem refero , vitia praecordiorum , quae
 spasmos movent ; nimiam venerem , spasmodorum
 genitricem ; animi pathemata graviora , praeser-
 tim iram , terrorem (a) , gaudium , epilepsiam ,
Vol. IX. O

- (a) III. ZIMMERMANN (von der Erfahrung. B. IV. Cap. XI. p. 639.) sequentia narrat : Alle Leidenschaften stürzen in einem hohen Grade der Heftigkeit den Menschen entweder in den Todt oder in eine fürchterliche Krankheit , oder wenigstens in eine grosse Gefahr. Die größten Aerzte versichern einmüthig , tödtliche Schlagflüsse seyen eine der gemeinsten Folgen eines heftigen Schreckens , und auch einer grossen Furcht. Sie halten überhaupt unter allen Krankheiten , welche auf heftige Leidenschaften folgen , die Schlagflüsse für die gemeinsten. Das Herz wird von diesen ausserordentlichen Eindrücken so heftig angegriffen , daß es sich gleichsam schließt , kein Blut empfängt , und fast keines fortstößt. Darum erbläut das Angesicht , die Lippen werden blaß , alle Bewegung hört auf , und oft fällt der Mensch plötzlich todt zur Erden. Die Starrsucht und die Epilepsie sind nicht selten die Folgen eines übermäßigen Verdrusses oder eines sehr aengsthaften Schreckens. Jede , auch nur eine mittelmäßige Leidenschaft verursacht eine Schwierigkeit im Athmen und der Sprache , ein unerträgliches Spannen über die Brust , oft klebt die Zunge am Gaumen. FRID. HOFFMANN (Med. rat. syst. T. II. p. 162.) quae sequuntur de terrore addit : experientia cognitum habemus , si terror post haemorrhagiam largiorem , vel etiam sub mensium fluxu , vel post eorum prorupcionem co-

morbos convulsivos, hystericam & hypochondriacam affectionem, & lethalem ilei gradum.

Ad venena venio, ultimam caussarum huius generis classem. Quae licet magnam partem alia virtute vim systematis nervosi prostrernere videantur, tamen praesertim si sensu latiori irritationem accipias, stimulo non carent. Ad hunc autem censum referenda sunt: opium, hyoscyamum, cicuta utraque, datura, belladonna, fungi (a), aer mephiticus & vapores metallici.

Ita mihi videntur ponendae caussae, quae apoplexiam ciunt, tametsi non inficias eam, unam eandemque causam saepe pluribus modis, & non semper uno eodemque hunc morbum inferre posse. Eo tamen redire omnes crediderim, ut irritando encephalum aut systema nervosum hunc morbum inferant. Verum dicet aliquis, saepe & gravius quandoque cerebrum & systema nervosum irritari, nec apoplexiam subsequi? Concedo; sed eadem caussae, quae apoplexiam,

piosam aut diuturnum morbum foeminas invadat, spasmos & flatulentias primarum viarum, quin imo trunculentiora, non sine magno vitae periculo sequi pathemata, cuius generis sunt animi deliquia, paralytes, *Apoplexiae*, respiratio difficilis &c.

(a) Cl. LUPIN (histor. morb. difficil. Ratisb. 1768.) exemplum habet apoplexiae ab esu fungorum natae & vomitorio sanatae.

& alios e nervosis non modo morbis , sed alius etiam generis inducunt ; hinc modus agendi causae non a certo eius effectu , sed a corpore hoc vel illo modo disposito pendet .

§. IV.

De Apoplexia biliosa.

Propius ad argumentum meum nunc accedo , nimirum ad apoplexiam biliosam . Iam igitur dicendum erit primo , num occurrat haec apoplexiae species & deinde quomodo oriatur . Biliosam vero apoplexiam dico non eam modo , quae a colluvie biliosa in ventriculo & primis viis congesta oritur , sed vocabulo bilis latiori sensu accepto , quemadmodum hodie solent artis periti , eas quoque apoplexiae species sub ista comprehendo , quae a sordibus primarum viarum aliis , & vitiis viscerum colluviei biliosae faventibus excitantur . Quodsi enim paullo accuratius mentem ad hanc rem advertimus , vitia ista plerumque coniuncta reperiemus . Primo quidem , notari scilicet apoplexiam istam biliosam , exempla eorum in Medicorum adversariis docent , qui hac attoniti morbi specie correpti , vel ex ista periere , vel spontaneo aut arte moto vomitu , & alvi fluxu ista liberati sunt . Ill. C. MEDICUS

(*Geschichte periodischer Krankheiten*. B. 2. pag. 299.) duo memoriae prodidit exempla aegrorum apoplexia periodica extinctorum , ubi in cadaveribus dissectis ne minima quidem laesionis encephali vestigia detecta sunt , primae viae vero praeter modum materia biliosa abundarunt , qua & vicina viscera & membranae tincta fuere . Similem sectionis historiam a MORGAGNI relatum narravit b. SCHROEDER (L. c. p. 36.) ubi in mulieris apoplexiae extinctae cadavere , varia vitia hypochondriorum reperta sunt . Nec rarae sunt historiae eorum , qui apoplexia feliciter liberati sunt , cum vel natura vel ars vomitum & diarrhoeam tempestive excitaret . Sic Cel. GRANT (von den Fiebern aus d. Engl. Leipzig 1776. p. 446. seq.) varia exempla adfert , ubi apoplexia adfectu solo vomitu bilioso vel spontaneo vel arte excitato pristinam animi recuperarunt potentiam . Unicum modo his adiacere exemplum liceat . Mulier aliquot annos ante insultum apoplecticum haemoptoe correpta & ab ea liberata est . Mox in dysenteriam incidit , e qua venaesectionis , evacuantium & acidorum auxilio iterum convaluit . Deinde febre biliosa correpta est , a moerore & curis nata , qua profligata , brevi post inter ludendum in apoplexiam incidit . Oculi erant flavedine tincti & pupilla valde dilatata apparuit ; lingua fordibus albis

obducta fuit , venter tumuit & alvus adstricta fuit . Purgantia repetitaque venaesectio eam in pristinam restituerunt sanitatem .

VAN SWIETEN (*Comment. T. III. pag. 266.*) qui perinde saepenumero apoplexiam in primis viis sedem suam habere , ibique impugnari debere affirmat , historiam retulit cuiusdam , qui inter amicos versans apoplexia corripiebatur , qua vero vomitu spontaneo , quo praeter ingesta ingentem pituitae copiam reiecit , liberatus est . Recte igitur Cel. RHAN (*Diff. mirum caput inter & viscera abdominis commercium .*) argumentum , praecipuum , quo doctrina de consensuali praecordiorum in apoplexia excitanda potestate , maxime stabiliri videtur , praebent salutare per saepe observati successus & naturae moliminum , & artis auxiliorum , quibus expurgatae primae viae , quibusque a stagnationibus humorum liberata fuerunt hypochondriorum viscera . Huc innumera quoque exempla pertinent eorum , qui ventriculo cibus nimium repleto in epulis apoplexia correpti sunt , unde vomitu mature excitato saepe cito in pristinum sanitatis statum restitutos esse legimus . Etenim fere eodem modo , quo bilis apoplexiam excitare valet in primis viis congesta , sordes huius generis morbum inferre videntur , qui quidem tunc certius citiusque orietur , si vina simul , aut potulenta

spirituosa, cum nimia ciborum copia liberalius ingesta sunt. Perinde me minime a vero aberraturum esse censeo, si apoplexias, quae subinde epidemicae notatae sunt, partem maximam ad biliosas referam. Tametsi enim hieme, autumno & vere (a) praesertim apoplexiae epidemicae observatae sint, ubi caelum nubilum atque frigidum existeret, aut intemperies calida & humida subito algidam exciperet & vice versa, ut proinde ex barometro apoplexiam praesagire al-
laboraverit KRAMERUS (Comm. Nor. N. 1732. p. 346.) porro etiam in tussis & gravedinum satellitio (HUXHAM l. c.) epidemiae istae occurrerint, ut perspirabile cutaneum suppressum potius causam arguas; tamen & tusses & gravedines plerumque cum primarum viarum fordibus coniunctae sunt, & constitutiones istae epidemicae, sordes biliosas generare valent. Ac frequentius etiam apoplexia epidemica occurreret, si a solo perspirabili cutaneo suppresso & in quolibet oriretur. Sordes igitur & biliosas quidem etiam tunc causam apoplexiae arguere, mihi non temerarium videretur, cum epidemiae a bile praesertim in autumno rarae non sint, & bilis magis caput offendere soleat, quam perspirabile suppressum. Febres intermittentes soporo-

(a) HUXHAM Oper. T. I. p. 202.

lae , apoplecticae , raro statim ab initio hanc ostendunt malignitatem ; sed sopor plerumque secundo tertiove & serius interdum febrium intermittentium paroxysmis se adiungit . Verosimillimum inde redditur , a primarum viarum repurgatione neglecta , certe a sordibus biliosis collectis , acribus soporem , cumque valde perniciosum excitari . Largiuntur hoc , qui in arte medica illustrem nominis gloriam consequuti sunt , SYDENHAMUS , TORTI , MEDICUS , WERLHOFIUS , perturbationi viscerum hypochondriorum & bili vitiosae & abundanti hoc malignum febrium symptoma adscribentes ; & probant hoc etiam symptomata , nausea scilicet , oris amarities , vertigo , vomitus biliosi , diarrhoeae morbum levantes biliosae , urina turbida , & viride sanguinis emissi serum . Fortassis vero obiiciet aliquis , soporem ex hac causa nasci non posse , quod cortice peruviano , & ex WIRTENSOHNII (Diss. de Opio) mente & observatis , opio tolleretur ; at hoc modo probat proximam soporis causam spasticam esse , nequaquam vero , remotiorem sordes & inquinamenta primarum viarum esse non posse . Videmus etiam WERLHOFIUM in febribus his soporosis , ubi nimis manifesta essent sordium in primis viis indicia , evacuantia , quae vomitum & alvum moverent , corticis peruviani usui praemisisse . BOERHAA-

VE l. c. infantem vidit tanto sopore correptum in paroxysmo tertianae febris, ut mortem instare adstantes crederent, quem vero soporem exhibitio purgante rhabarbarino feliciter sustulit. FRID. HOFFMANN (in Oper. T. III. p. 215.) asserit, saepe sopores manifeste ex irritatione stimulisque in praecordiis latentibus originem ducere. Sic enim venena narcotica ingesta soporem excitant, qui, nisi evacuantibus cito haec venena remouentur e primis viis, lethalis evadit, cuius generis exempla a WEPFERO (in *hist. de cicut. aquat.* p. 5.) relata leguntur. Porro ebrietas soporem inducit & apoplectica morte non raro homines extinguit, quos perniciosos potulentorum inebriantium effectus vomitus &, qui stimulos horum potulentorum in primis viis infringit, potus theiformis tepidus optime tollunt. Denique vermes in tractu intestinorum haerentes saepius in infantibus, rarius in adultis soporosos effectus inducunt teste VAN DEN BOSCH (*Hist. constit. epid. Verm.* p. 316.). Proinde recte monuit Cel. RHAN (*Diff. cit.* p. 75.) vermes quoque intestinales non minores interdum exercere effectus, & ubi infantes profundiore sopore corripiantur, fere semper animalcula illa in suspicionem venire. Atrabiliarii non raro apoplexia corripiuntur, teste magno BOERHAAVIO. In his enim bene monuit,

saepe tam parum remanet vitae, ut tantum non
 mortui sint; vix adest pulsus & respiratio, vix
 calent, vix comedunt, bibunt & dormiunt,
 sed manent quasi iidem & hi saepe sunt apo-
 plectici; nec ignoravit HIPPOCRATES (Sect.
 VI. Aphor. 56.) apoplexiam fieri ex morbis
 melancholicis. In his vero non viscerum modo
 hypochondriorum functiones valde perturbatae
 sunt, sed bilis etiam corrupta & abundans ma-
 nifeste insultum apoplecticum accelerat & indu-
 cit. In istis, qui hypochondriaca affectione la-
 borant, nec non in hystericis subinde apoplexia
 notatur, quae sine dubio a perturbatis visceru
 abdominalium functionibus, & accumulatis inde
 sordibus varii generis originem ducit. Fortassis
 etiam, quae arthriticis & podagricis familiares
 sunt, apoplexiae huc referendae sunt. In his
 enim vel materia arthritica retrograda in culpa
 est, vel natura ob debiliores vires hanc mate-
 riam non amplius valet ad articulos propellere
 & haec ideo in praecordiis relinquitur, & apo-
 plectica morte fatum accelerat. In arthriticis
 certe & podagricis varia vitia praecordiorum mor-
 bos articulorum vel praecedunt, vel cum iis
 coniuncta sunt, ut accedentibus arthriticis & po-
 dagricis inquinamentis sive sensim, sive cito apo-
 plexia oriatur. Haec fuit mors MARCELLI
 MALPIGHII, qui referente BAGLIVIO (Eius

Oper. omn. p. 681. 82.) vomitibus & secessibus biliosis, deinde vomitibus acidis, palpitationibus cordis, calculis renum & vesicae, urinis cruentis, & interdum affectionibus podagricis levioribus laboravit, postea praecedentibus curis & animi commotionibus apoplexia correptus fuit cum totius lateris dextri paralyfi, a quibus liberatus, praeter varias sensorii communis & nervosi systematis perturbati affectiones, etiam inappetentia & ventriculi indigestionibus per intervalla implicitus mansit, post spatium vero quatuor mensium vehementiori succubuit insultui apoplectico. Ipsa mors apoplectica, quae febres subinde gastricas terminat, abunde probat, apoplexiam biliosam ad commenta Medicorum referendam non esse. Praeterea a bile & fordibus primarum viarum congeneres affectiones encephali saepius oriuntur. Sic paralyfes novimus non raro a primarum viarum colluvie oriri, ut modo venena ingesta, modo vermes (VAN DEN BOSCH l. c. p. 42. 149.) modo sordes aliae, quemadmodum in dysentericis hoc quandoque a neglecta primarum viarum evacuatione notari solet (FABRICIUS *Diff. de Paralyfi dysenter. familiari*, in HALLERI *Collect. Diff. Pathol.* V. I. p. 97. III. ZIMMERMANN *von der Ruhr unter dem Volke* p. 142.) paralyfes inferant. Deliriorum etiam tum acutorum, tum chro-

nicorum causa saepenumero in praecordiis latet. BOERHAAVE (*Praelect. de Nerv. morb.*) ideo affirmat saepe sordes ventriculi, deliria in morbis acutis proferre & nullis levare medicamentis, nisi hae sordes expurgentur. Namque si sanguis mitteretur, ut debilitentur vires aegri, pro momento quidem levare, sed mox eadem redire mala, si vero diluentibus vel emetico expurgentur sordes, omnia paccata esse. Cel. RHAN (*l. c. §. 36.*) inde, ait, adeo frequentia sunt deliria in febribus, quarum praecipua causa acris primarum viarum colluvies est, nimirum in biliosis adeo interdum vehementia & continua, ut phrenitici dici possint, sed facile tollenda, modo acris colluvies mature expurgetur; neque ulla fere febrilis morbi species est, cui non deliria ex hac causa se adiungere possint. Idem etiam ab Ill. TISSOTO (*in Opusc. T. I. p. 77.*) confirmatum legimus. Maniam, melancholiam & alia deliria chronica ex eodem manare fonte, & symptomata, quae in his morbis apparent, & causae a quibus oriuntur, abunde docent. Convulsiones subinde irritationum quandam in praecordiis causam arguunt; hinc vermes, sordes acres in primis viis collectae, venena ingesta (BOERHAAVE *in Praelect. Acad. V. VI. p. 388.* RHAN *l. c.*), & collica pictionum eas saepius excitant. Sic convulsionum & comatis, quibus

puella vexabatur , quibusque vitriolo albo , vomitus copiosos excitante , liberabatur , exemplum refert RIVERIUS (in Observat. pag. 329.) . Perinde animi deliquia a colluvie impura primarum viarum & spasms illic natis quandoque oboriri , probatione vix eget , cum experientia abunde doceat .

Aphonos interdum aegros reddi , si ventriculus ab aliquo humore laesus sit , memorat PROSP. ALPINUS . Porro & cephalalgiae causa saepissime in primis viis quaerenda est . Referente enim Cel. RHAN (Diss. cit. §. IV. p. 7.) praeter obstructionem alvi inter frequentissimas cephalalgiae consensualis causas ponenda est quaecunque vitiosa primarum viarum colluvies , quae nervos ventriculi & intestinorum irritat , sive tenax sit pituita , fluctuante suo motu his partibus molesta , sive acida saburra , sive acris corrupta bilis . Conf. GALENUS *Libr. de loc. affect.* HOFFMANNUS in *Oper.* T. II. p. 236. BIANCHI *Histor. hepat.* P. III. p. 511. BORELLUS *Histor. & Observ. rar. Phys. Med.* C. II. Obs. I.

C. PISO (*Libr. de morbis ex serosa colluv.* Obs. XIII.) historiam narrat virginis subita hemiplegia , cum capitis in postica convulsione , tortura oris , maxillarum adstrictione , succedentibus manuum & brachiorum torporibus , affe-

ctae , quae vero , ubi vomitu biliosa multa secessissent , brevi convaluit . Eademque caussa , quae consensuales cephalalgias , congestiones versus caput saepe excitat , unde ophthalmiae frequentes & periodicae notatae (confr. MEDICUS *Geschicht. period. Krankh.* §. XIX. HOFFMANNUS *in Oper.* Tom. II. p. 618.) & haemorrhagiae visae sunt . TH. WILLIS (*Pharmac. ration.* P. II. S. II. Cap. II.) asserit , solum plethoram sive sanguinis acrimoniam raro per se haemorrhagiam facere , sed spasmodicos insuper motus accedere , qui sanguinis impetum ad caput dirigant . MAYER (E. N. C. C. VI. Obs. 57.) exemplum narrat juvenis narium haemorrhagiis obnoxii , qui frustra adhibitis suctis remediis tandem in haemoptysin incidit , qua vomitibus spontaneis biliosis & pituitosis liberatus est . In febre epidemica , quam haemorrhagiae narium comitabantur , purgantia lenia commendavit SYDENHAMUS (*Oper.* Tom. II. p. 42.) & ipse in puella quatuordecim annos nata haemorrhagiam narium observavi saepe revertentem , quae solis cessit remediis primas vias purgantibus & sordes corrigentibus . Quodsi vero , quae cardialgias , colicas , spasmos aliasque in abdomine turbas excitant , sordes primarum viarum acres , biliosae , congestiones & dictas encephali affectiones excitare valent , mirum non est , eas in

disposito corpore apoplexiam inferre posse. Ac hac de re eo minus quidem dubitandum est, cum ex causis, symptomatibus & ipsis apoplexiae prodromis pateat. Plerumque enim frequens indigestio, vomitus spontanei sive pituitosi, sive biliosi, urinae turbidae, respiratio saepe molesta aliaque huius generis vitia apoplexiam praecedunt. Tandem & curatio ulterius sententiam meam confirmat; notum est enim, emetica interdum, saepius vero purgantia adhibita, maximam ad hunc morbum debellandum utilitatem attulisse.

§. V.

Continuatio.

Minime igitur dubium est, a bile & aliis primarum viarum sordibus apoplexiam nasci posse, paullo vero difficilius dictu est, quomodo oriatur. Lenta plerumque initia huius mali sunt, donec insultus apoplecticus verus oriatur, ideoque verosimillima videtur sententia SCHROEDERI (Diff. cit. p. 36.) a vitiis istis hypochondriorum varia in encephalo nasci posse vitia, quae apoplexiam deinde accelerent. Verba vero viri huius sunt: verum etsi negari nequeat, talem subinde causam sub cranio vere repertam

esse, quae premendo nobiliorem aliquam encephali partem apoplexiam omnino efficere poterit, huiusmodi tamen observatis eam haud refelli existimo sententiam, quae multam hypochondriis vitiatis potestatem ad producendam apoplexiam tribuit. Neminem enim artis nostrae vel mediocriter peritum latet, quam saepe ex impeditiori humorum per hypochondriaca viscera progressu, ex perturbatis, quae chylopoiesis postulat, secretionibus & ex collectis crudis & acris ad praecordia humoribus, biliosaeque praesertim colluvie, congestio sanguinis atque feri ad caput excitari soleat. Ideoque nec improbabile videtur, originem graviorum, quae in capitibus apoplecticorum reperta sunt, vitiorum ex diutius perseverante viscerum hypochondriacorum alienata conditione saepe repetendam esse. Eo vero minus hac de re quis dubitare poterit, qui & animum ad varia memorabiliora vitia, in hypochondriis apoplecticorum per sectiones cadaverum haud infrequenter detecta probe adverterit. Quae si vera sunt, patet, huic ad apoplexiam dispositioni modo occasionalem quandam causam supervenire debere, ut illico attolitus morbus excitetur. Iam vero si sordes in primis viis praesertim biliosae & acres colligantur, manifestum est, has sufficere, apoplexiae inferendae. Paullo ante enim docui, sordes acris

- monia aut copia peccantes in primis viis , spasmos abdominales inferre posse , qui si validiores sint , congestiones sanguinis versus caput excitabunt.

Praeclare enim FR. HOFFMANNUS (l. c. Tom. III.) quo maior est , inquit , spasmodum , qui , vasa coarctant , vehementia , & quo latius illi sese diffundunt , atque ad ampliora vasa exporriguntur , eo copiosior & impetuosior ad alias & remotas partes fit sanguinis appulsio , translatio & congestio . Fac vero ex stimulo & irritatione sordium acrium ac quasi rodentium biliosarum adesse spasmos in abdomine & inde sanguinem validius & subito propelli ad encephalum , vasa sane encephali hinc distendi rumpique poterunt , & haec ratione apoplexia oriri . Quae quidem licet valde probabilia videantur , multa tamen explicatu difficilia remanent , praesertim quod in multis aegris haec apoplexia species tam cito oriatur , interdum etiam sine ullis prodromis , & assentio ideo libenter Cl. LENTINO , qui , latet , inquit , inter illa mysteria naturae , quae mortalium nemo introspectit .

S. VI.

De diagnosi & prognosi.

Restat, ut prius, quam curationem morbi huius aggrediamur, paucis ea expediamus, quae ad diagnosin & prognosin spectant. Novimus vero hunc morbum infantes, omnem aetatem & sexum praecoci morte trucidare, medias inter epulas subque somnum ubivis e medio tollere (LENTIN l. c. p. 133. *Histoir. & Mem. de l' Acad. Roy. des Sc. A.* 1728. p. 524. 553.); apoplecticos tamen maxime fieri aetate provectiores ab anno quadragesimo usque ad sexagesimum (HIPPOCRATES Aphor. Sect. VI. Aph. 57.). Plethoricos porro, succi plenos, ad iram, terrorem, ad omnem animi commotionem pronos, mares prae foeminis, virilem & senilem aetatem magis quam iuniorem aggreditur (LENTIN l. c.). Asthmatici etiam, cachectici, hysterica & hypochondriaca affectione correpti, nec non ii, qui narium haemorrhagias saepe experiuntur, obesi, voraces, desides, collo breviori & obeso, capite amplo, facie oculisque saepius rubentibus praediti ad apoplexiam proclives sunt. Frequentius ab epulis & noctu & mense Decembri invasionem facit morbus (LENTIN l. c.). Torpores & stupores praeter con-

suetudinem evenientes ; futuram apoplexiam denunciant . Nam illi ex mente HIPPOCRATIS (Coac. §. 476.) notant , effusionem quandam extra vasa & contractionem fieri per vices . Refrigerationes & torpores pessimi sunt illis , qui in apoplexiam vergunt ; pessimum est praesagium , si tales homines etiam incidunt in summam debilitatem . Quibus arteria pulsatur fortiter in hypochondrio sinistro circa splenem , obnoxii sunt convulsioni , epilepsiae , apoplexiae , maniae , insaniae . Praesens apoplexia maxime metuenda est in senibus & in iis , qui nimis studiis & nimia venere , aliisque causis delirantibus debilitati sunt (HEISTER Diss. cit. §. VII.) . Sine singulari encephali irritabilitate fere nunquam apoplexiam fieri , tot tantaque capitis & nervorum mala diu ante praecedentia manifeste docent . Haec debilitas aliquando nativa esse videtur , indeque certis familiis fatalis morbus apprehenditur (VOGEL de cogn. & curand. C. H. affect. §. 560.) . Hiems & autumnus morbo opportunissimi sunt , ubi caelum nubilum , humidum atque frigidum existit , aut intemperies calida & humida subito algidam excipit & vicissim (VOGEL l. c.) . Qui ab apoplexia liberati , postea levi de causa & sine occasione lacrymantur ac moerent , malum hoc est & recidivam vocat ; idem extimescendum est ,

si prius correpti , denuo vertiginosi fiant (BA-
GLIV. Opp.).

Qui saepe patiuntur resolutiones sine mani-
festa caussa , subito moriuntur apoplectici . Sol-
vere apoplexiam vehementem , quidem impossi-
bile , debilem vero non facile (HIPPOCRA-
TES Aphor. Sect. II. Aphor. 42.).

In exquisita apoplexia raro septimum diem
transeunt (BOERHAAVE Aphorism.). Sym-
ptomata v. g. ex arthritide retrograda , ven-
triculo , pluries & facilius curatur quam idiopa-
thica (C. AURELIANUS). Lenior apoplexia
solvitur superveniente sudore multo , aequabili ,
rorido , calido , levante ; urina multa , crassa ;
haemorrhoidibus largis diu fluentibus ; fluxu
menstruo restituto , alvi fluxu , febre maligna .
Paullo gravior , superata caussa ; solet degenera-
re in paralyin alicuius partis musculosae , totius
lateris unius vel omnium cervici suppositarum ,
quae raro curatur , semperque memoriae , iudi-
cii motuumque laesiones relinquit ; unde soporo-
si , hebetes , tremuli , vertiginosi , pusillanimes ,
remanere solent (BOERHAAVE l. c.). Fe-
bris apoplexiae se adiungens , eam mox solvit ,
mox auget . Sic febris exacerbationes , novum
semper paroxysmum afferunt ad diem usque de-
cimum quartum . Salutis spes est , si intra vi-
ginti quatuor horas respiratio sit liberior , sin

minus & si pulsus sensim magnitudine crescit ; brevi moriuntur . Salus porro expectanda , ubi post venae sectionem & congrua auxilia intra viginti quatuor horas sequitur levamen & symptomata remittunt ; facies nempe apparet magis naturalis , respiratio fit liberior , non valde inordinata , non admodum violenta est , ac pulsus bene se habet ; ubi lotio injecta intra horae spatium redditur ; si lacrymae ex oculis bene coloratae ; si salivatio multa instat ; ubi mucus e naribus fluit ; si aeger sternutat ; ubi morbus in paralyfin degenerare incipit ; si sumpta pocula non per nares aut os refunduntur , sed penitus descendunt ; si acriter vellicatus palpebras movet & labia quodammodo comprimit ; si partes quaedam errante subsultu agitantur (HOFFMANN M. R. S.) . Raro apoplectici evadunt sine partis alicuius resolutione .

Haut inanis metus est , alterum insultum necaturum esse , quem prior demiserat (LENTIN l. c.) . Nam qui semel apoplexia correpti fuerit , rarissime alio desiscunt e vita morbo , quam huius recursum vehementiorem .

Quo magis stertor aegros vexat , eo peius se habent . Hinc signum pessimum est , si , qui initio non adfuerat , stertor accedit . Mali etiam ominis signum est , si diductis palpebris pupilla valde dilatata apparet & admissa luce non omni-

no contrahitur . Nam ex mente RHODII gutta ferena apoplexiae superveniens signum plerumque mortis , certe vehementiae morbi est . Perinde raras sanguinis e naribus guttulas vel etiam aliarum haemorrhagiarum vestigia parva periculosa & lethalia censent . Malum quoque omen est , si urina & stercora clam elabuntur . Actum denique de aegro est , si spuma ante os , frigidus sudor in superioribus guttatim haeret , si respiratio frigida est & convulsivi motus in uno latere oriuntur . Vere extincti etiam habendi sunt , si ferro candente ad plantam pedis applicato aut incensa cera sigillata , & ad varias corporis partes delapsa ad se non redeunt . Non facile vero apoplexia celerem & subitanam mortem infert , nisi e morbo quodam diuturno nata est . Tametsi & isti attonito morbo cito exstinguantur , qui citra gravem aliquem morbum derepente ac praeter rationem ad excernenda stercora impelluntur . Si delirium apoplexiae se adiungit , non semper signum lethale habendum est .

Hanc quod attinet apoplexiae speciem , quam pertractavi , scire licet , eam praesagiri vitiis hypochondriorum variis , indigestionibus , vomitibus spontaneis ac diarrhoeis biliosis , cardialgiis , habitu icteroide & aliis sordium in primis viis signis , nec non nimia sensibilitate & irritabilitate , vertigine saepius recurrente , uti

& variis paralytodeis affectionibus. Autumno; qui biliosis morbis favet, solito frequentior esse solet, & praesertim homines in aetate virili constitutos, & hypochondriaca & hysterica affectione laborantes corripit. Funesta aequae solet esse ac reliquae apoplexiae species, nisi mox idoneis artis auxiliis oppugnetur.

§. VII.

De curatione morbi.

Nihil nunc superest, nisi ut quibus artis suppetiis hic morbus oppugnandus sit, breviter exponam. Mihi quidem in hac temporis ad scribendam hanc Dissertationem dati brevitatis latius excurrere non licet, ut quae omnibus singulisque apoplexiae speciebus medela conveniat, fusius proponam. Sufficiat igitur, modo annotasse, causis diversis curationem apoplexiae accommodandam esse, ut v. c. si a plethora & congestione sanguinis versus caput nata sit, quae sanguinem imminuant & ab encephalo derivent, adhibenda sint, scilicet venae sectio universalis & topica, pediluvia tepida, epithemata frigida capiti applicanda; aut si a compressione quadam vel extravasatione, vel excrescentia, aliove cranii vitio orta sit, auxiliis idoneis huius

generis vitia removeantur & sic in caeteris ab aliis causis proficiscentibus apoplexiae speciebus rectae medendi rationes eligantur. At si a biliosa colluvie intra praecordia haerente attonitus morbus obortus sit, quae sequitur medela ipsi opponenda est.

Cum vero tota curatio in recta morbi cognitione nitatur, breviter nunc inquiramus, quibus signis haec apoplexiae species cognoscatur, & quomodo ab aliis distinguenda sit. Facili vero negotio eam eruemus, si ad statum aegri praegressum & praesentem rite attendamus. Quodsi enim hypochondriaca aut hysterica affectione iste laboravit, si anorexia, nausea aliisque debilioris ventriculi aut sordium primarum viarum symptomatibus saepius afflictus, si perturbatarum functionum viscerum abdominalium signa frequentius notata sunt, si irritabili sensilique corpore praeditus est; deinde si inter epulas aut post iram insultus apoplecticus accessit; si nausea, borborygmi, cardialgia &c. istum praecesserint, si habitus icterodes, lingua sordibus obducta, similiaque notentur, dubium plane nullum est, quin apoplexia haec a praecordiis originem traxerit.

Duplicem vero is morbus curationem admittit, unam, qua insultus apoplecticus praesens arceatur; alteram, qua imminens avertitur. Quod

priorem attinet, quae durante insultu auxilium affert & ipsum mitigat, sciendum est, aegrum apoplecticum lecto statim imponendum esse, omnibus exutum vestibus, ne circulatio minimo etiam impedimento inde gravetur. Caput altiore loco ponendum est, ne congestiones augeantur. Deinde necesse est, ut venae sectio, si rationes iustae eam postulent, illico instituatur. Biliosi quidem raro sanguine abundant, nihilominus tamen in plerisque casibus, venae sectio necessaria erit, ut alia artis auxilia tuto adhiberi possint. Epithemata deinde frigida, quae iustis laudibus Auctorum summorum & testimoniis nixus commendavit Exper. DAUTER (*Diss. de usu aquae frigidae externo topico. Goettingae 1780.*) Amicus integerrimus, capiti imponenda sunt, embrocationes vero oleosae abdomini, cui etiam cucurbitulae siccae applicari possunt. Clysmata quam primum etiam oleosa, antispasmodica ingerenda sunt, vel iis etiam pro re nata stimulus ex sale admixto addi potest.

Levato hac ratione primo apoplectico insultu de removenda causa mature cogitandum est, ne si haec perduret, vehementior insultus oria-
tur. In hac apoplexiae specie sordes in primis viis & spasmi inde nati causa arguendi sunt; itaque ista acris materies diluenda, obvolvenda, atque cito sive per os, sive per alvum extur-

banda est. HIPPOCRATES (*de morb.* L. III. C. 3. 7.), iam iam suadet, ut enema, quod bilem vehementer ducat, & quae vomitum & alvum movent, in attonito morbo adhibeantur, quemadmodum etiam SYDENHAMUS (*Oper.* Tom. I. p. 517.) praemissa venae sectione emetica & purgantia dedit, & BAGLIVUS (*Oper.* P. III.) apoplexiam recidivam vomitorio dato avertit. Praeclara autem sunt, quae de usu vomitoriorum & purgantium retulit Cel. RHAN (*Diff. cit.*) ita vero loquitur: si optimos quosque Medicos consulas, nullum facile invenies, qui vomitoriorum & purgantium usum in quibusdam apoplexiis interdicat; licet pauci ex sordibus intestinalibus illorum remediorum indicantia depromant, sed potius ad cerebri idiopathicam affectionem ex serosa nimirum vel pituitosa colluvie, respiciant. Pergit vir doctissimus: non ad me pertinet, de usu vel noxa vomitoriorum in apoplexiis ab idiopathica causa productis differere vel fusius demonstrare, quod incerta sit, quae a sanguinis vel feri in cerebro stasi vel extravasatione sumitur emeticorum indicatio vel contraindicatio, exemplisque ex BONETI, MORGAGNI, LIEUTAUD, adversariis ostendere, in multis, quos sanguinea apoplexia demortuos fuisse credidisses, pellucidum serum vel pituitam sine ulla sanguinis extravasatione inter cerebri

membranas , anfractus , cavitates , repertum fuisse , & contraria in oppositis , in aliis unum ventriculum sero turgidum , alterum cruore repletum fuisse ; sed id monemus , vomitoria , purgantia , clysteres , tunc semper & egregie convenire , ubi certa signa adsunt vitiosorum , acrimum in primis viis contentorum humorum , qui non minus ac venena , cruditates ex cibis , vermes , uti quoscunque capitis morbos , sic apoplecticos insultus excitare valent ; neque tunc ad eos tantum casus adstringenda esse , in quibus sanguineae congestionis ad caput signa desunt , sed etiam in iis locum habere , quibus facies rubet , extrema calent , totus corporis habitus viget ; cum ipsum illum calorem , turgentem saepissime ex intestinali colluvie produci & soveri videamus , licet in hisce negligi nunquam oporteat , praesentem plethoram , congestiones , efficacissime & citissime ante & iuxta primarum viarum evacuationem tollere , minuere , ne vel antequam veram causam removere licuerit , sponte vel per auctam illam vasorum agitationem & congestiones , quas vomitoria producunt , consensualis morbus idiopathicus fiat .

Exstant exempla , ubi per sola vomitoria , post venae sectionem largam adhibita , non solum insultus praesens , sed recidivae etiam aversae sunt . Sic in *Commere. Noric.* (Ann. 1739.

p. 366.) narratur exemplum ; ubi virgo suppressione menstruum & vitiiis hypochondriorum ex aliquo tempore laborans subito corripiebatur apoplexia, qua vero ope clysterum, & vomitoriorum intra breve temporis spatium liberata est. Cel. NICOLAI (*Diff. de direct. vasor.* in HALLERI *Diff. Anat.* T. II.) historiam affert senis cuiusdam, vegeto corpore & cholérico temperamento praediti, & apoplexia correpti, qui, cum post praemissam venae sectionem largiorem tartari emetici dosin sumpisset, ingentem pituitosae materiae & bilis copiam evomuit & convaluit. Rediere in hoc post aliquot menses huius morbi prodromi, cum signis colluviei pituitosae ; verum emetica insultum imminentem apoplecticum averterunt. Sciendum vero est, ex emeticis tunc potissimum antimonialia eligenda, in purgantibus vero salia, maxime anglicanum, sedlicense & Glauberi, eaque sufficiente largiori dosi exhibenda esse, quoniam vis nervorum ventriculi & intestinorum in hoc morbo torpet. Quae si sola vomitoria & purgantia non sufficiant debellando morbo, antispasmodica in usum vocari possunt. Laudem hic merentur emetica refracta dosi exhibita, quae eximiam virtutem antispasmodicam possident, ut docte nuper demonstravit Exper. C. A. MEYER (*Diff. de eximia ipecacuanhae nec non aliorum quorun-*

dam emeticorum refracta doſi exhibitor. uſu. Goetting. 1780.) Amicus noſter. Multa hoc in morbo antiſpaſmodica exhiberi non poſſunt, quoniam exaeſtuant. Cel. LENTINUS (l. c. p. 135.) ideo commendat decoctum radicis valerianae maioris, florum chamomillae, in quo ſal ammoniacum depuratum & caſtoreum optimum diſſolutum ſit, & hanc medicinam cochleatim exhibet. Caſtoreum enim orgaſmum ſanguinis non inferre, aut aeſtum movere, patet ex ALEXANDRI (Experimental. Eſſays Lond. 1768.) experimentis, qui ſcilicet ipſe pondus drachmarum trium caſtorei ingeſſit, nec calorem naturalem augeri ſenſit. Eiuſmodi antiſpaſmodica clyſteribus addi poſſunt, qui quidem ſaepeius repetendi ſunt, non omiſſis pediluviiſ tepidis, minime vero calidis, ſemicupiis, embrocationibus oleoſis abdomini imponendis.

Quodſi emetico dato ſordes primarum viarum nondum ſatis expurgatae ſunt, iis ulterius inſiſtendum eſt, quae alvum purgant.

Diaeta requiritur tenuiſſima, eaque omnia in victu, quae cruditates aut ſordes generare, aut exaeſtuare poſſent, vitanda ſunt. Contraria ex parte conducunt cibi obvolventes, diluentes, quique alvum laxam inducunt, & bilem corrigunt.


Si quae remanent paralyſes, aut febris ori-

tur ; pro diversa , quae iis competit , medendi ratione , abigendae sunt .

Quod reliquum est pauca his addere liceat , de usu excitantium remediorum , tam internorum quam externorum , quae olim frequentius adhibebantur . Sine dubio haec in multis casibus plus nocent , quam profunt ; excitulant enim nervos , congestiones versus caput augent , & alias noxas inferunt . Si quis igitur ea in usum vocare velit ; magna cum cautione adhibeat , necesse est . Optima ex iis , quae interne propinantur , sunt liquor C. C. succinat. spiritus tartar. rectif. vel sal volatile C. C. cum aqua menthae , tinctura rosar. vel essent. pimpinellae mixtum , quae guttatim adhibentur . Inter externa vero notissima sunt spiritus salis ammoniaci vinos. sal volatile oleosum sylvii , vel sal ammoniacum cum sale tartari mixtum & similia .

Vesicatoria huic pariter classi remediorum adnumeranda sunt , quorum providum usum Cel. LENTINUS (l. c. p. 136.) sequentibus inculcavit verbis : vesicantium usum sua cuiusvis aegri constitutio determinet . Nec haec quidem indiscriminatim , nec statim ab initio adhibenda esse , non possum non monere .

Pari modo non sine circumspectione clystres valde irritantes adhibendi sunt , qui in hac apoplexiae specie , ubi spasmi plerumque abdominales praesto sunt , valde nocere possunt .



D E

MORBIS PECUDUM A MEDENTIBUS
NEQUAQUAM PRAETERVIDENDIS,
DISCURSUS ACADEMICUS

Quem die I. Maii 1790. recitavit
Ticini Reg.

IOANN. PETR. FRANK

*R. & A. M. a Consiliis Gubern. Mediolan. Facult.
Med. per Insubriam Austr. Praefes, Medicinae
Pract. & Clinicae Prof. P. & O. &c.*



D E

MORBIS PECUDUM A MEDENTIBUS
NEQUAQUAM PRAETERVIDENDIS.

Partium humani corporis usus & structura intima, RECTOR MAGNIFICE, PATRES SAPIENTISSIMI, COMMILITONES OPTIMI! nisi ad illa, quae in diversis animalium speciebus contingunt, simul respiciatur, vix unquam a Physiologis rectius cognoscuntur. Idem vero de *Pathologiae* studio dicendum esse mihi firmiter persuadeo: ut quod ex partium morbosarum in diversis animalibus observatione, fructus non minores, quam a *Physiologia comparata* obtinentur, medentibus promitteret, si attentionem *arti veterinariae* maiorem adhibere, & pecudes vi morbi eneclat sollicito incidere vellemus. Quemadmodum enim ex ipsa functionum apud quaevis animalia laesione, ex caussarum eidem subiacentium ratione & effectu, organorum actio generalis & specifica quamplurimum illustratur: sic & morborum generatio, symptomata essentialia, & illorum cum humanis affinitas, differentia, quam proxime inspiciuntur. Non vero

Vol. IX. Q

illam tantum Medicinae partem ; quae morbis internis medetur , hoc ex fonte quamplurima posse haurire , certum est ; sed & *Chirurgiae* , si animalium morbis attentionem , quam merentur , largiri non erubesceret , amplissima leges foret exspectanda . Certe cum plurima animalium cadavera , ad intelligendam morbi lethalis naturam , incidendi occasionem nunquam amissimam , non pauca oculis meis oblata fuerunt , quae morborum quorumvis humanorum sedem , causas & effectus egregie explicabant , & quae tam *Pathologiae animalis* cum humana a Medicis combinandae necessitatem , quam *artis veterinariae* summam in utriusque Medicinae studio utilitatem ostendebant . Varias quidem ex communioribus homini adfectionibus , caeteris animantibus aut propriae non sunt , aut rariores esse consueverunt ; certi vero morbi certis tantummodo animalium speciebus proprii esse observantur ; nec eadem causarum omnium in Creaturas specie & natura diversas actio est . Sed haec ipsa tum causarum , tum effectuum differentia , quam plurima laesae naturae phaenomena explicat , atque salutarem scientiam certiore reddit & eximie illustrat . Sic cordis morbi , aneurisma praecipue , sic apoplexia , melancholia , mania , sic nervorum adfectiones quamplurimae , hominibus , passionum violentia continuo agitata , frequentiora omnino , quam

ulli animalium speciei, observantur: atque hoc solum humanae mentis in corporis organa influxum vehementem & singulares effectus demonstrat. Vermium apud homines originem ex victu animali, praecipue piscium, quondam derivabant; sed cauta animalium sectio docuit, vermes cuivis fere viventium speciei suos esse, atque illos hominum, non minus, quam ipsa, quae hospitibus infestis domicilium praebent, animalia, ab homine differre. In humano cerebro vermes nasci, veteres quibus certe coagulabilis, vermisque in formam concreta imposuit lymphæ, confidenter asseriebant; sed risum antiquitatis credulitas movere cessavit, postquam in ovium, giratorio morbo captarum, cerebro, atque, vix ante hunc annum; ad ipsum adeo humani cerebri plexum choroideum, Taenias hydatigenas detexerunt (*).

Haec autem, & quae alia ex animalium morborum cadaverumque perlustratione in Medicinam resultant, quamplurima emolumenta, fecerunt, ut, cum hac in amplissima Academia, de nova, atque temporum rationi accommodata magis scientiam salutarem docendi ratione quac-

Q 2

(*) I. C. FISCHER Historia Taeniae hydatigenae in plexu choroideo inventae. Lipsiae 1789.

stio mihi proponeretur, *veterinariae* simul *Scho-
lae* in eadem erigendae desiderium non reticue-
rim, atque vehementer optaverim, ut anima-
lium domesticorum, quorum scilicet tanta in co-
lendo Reipublicae agro est necessitas, in propriis
Nosocomiis curandorum, atque cadaverum ape-
riendorum copia Studentibus concederetur. Do-
nec igitur & haec tam desiderata nobis occasio
in maiores artis progressus aperiatur, AUDITO-
RES SAPIENTISSIMI! sufficit mihi attentionem
vestram, circa humani corporis passiones tam
egregie occupatas, in morbos etiam animalium
caeterorum convertere, vosque, ne hanc etiam
discendi, vosque societatibus utiliores reddendi
viam in artis vestrae exercitio despiciatis, paucis
exemplis excitare.

Quemadmodum vero domesticorum anima-
lium morbi, rectaque eorundem curandorum ra-
tio obiectum sistunt Medicorum attentione dignis-
simum: sic & partus apud haec ipsa secundandi
scientia non minoris dignitatis esse potest. Quam-
vis enim animale, quam humanam apud fe-
minam, rarior, ex causis certe physicis, esse
soleat enitendi foetus difficultas; occurrunt tamen
hinc inde partus, vel summe ardui, vel etiam
impossibilis, in caeteris animantibus exempla:
quorum numerus, ex eo, quod pastorum fabro-
rumque manibus res tota committatur, ubicun-

que augetur. Atqui ex praeconcepta hominum opinione factum est, ut in assistentia, quae domesticis animalibus praestatur, vile quid, & viro aut Medico, aut Chirurgo indignum esse, contenderetur; & certe, ubi humana nequidem curatur parturiens, de animalibus hoc in momento sublevandis cogitari nemo facile expectabit. Ast vero, quem reflectere non pigebit; familiae pauperioris & rusticae sustentationem saepe ab unius animalis conservatione penitus dependere; — qui mente revolverit, Theoriam partus humani, per illam alterius animalis, non parum posse illustrari; — qui denique, quod utile est Reipublicae, hoc turpe vocare noluerit; fatebitur is omnino, laudandam esse illorum operam, qui, meliori corporis animalis cognitione instructi, consilia saltem non denegant, quae apud fideles hominum amicos laborumque socios, animalia domestica, feliciorem partus exitum promovere queant, Obstetricem in sublevandis parturientibus eximie versatam recordor a paupercula femina, cui multoties in partu feliciter adlitterat, noctis tempore fuisse accersitam; ut parturienti *Vaccæ*, unico scilicet, & periclitanti familiae subsidio, succurreret. Assistentiam non recusat nobilis animo femina, &, quod pastores fabrique non poterant, solius manus beneficio praestat auxilium. Heus, quanta mox

urbanas apud mulieres scandala ! quanta Obsecricum aliarum , invidiam sinu recondentium , clamores , & obtrectatio ! sed quietam esse humanitatis plenam iussi feminam & qua potui auctoritate defendi , remunerari curavi . Ignorantia est , & , quam haec generare consuevit , superbia hominum est , quae servitii a domesticis animalibus quotidie nobis praestandi tam ingrato animo oblivisci , omnemque indigentibus opem recusare iubeat ; nec originem nobiliorem agnoscit Medicorum animi indifferentia , qui , cum ex morborum animantibus propriorum consideratione , vel ex cadaverum eorum diligenti scrutinio fructum haurire possent , ob vanas hominum opiniones eundem negligere , & in propriae detrimentum scientiae recusare malunt . Superest igitur , ut , quae huic sermoni occasionem dederunt , pauca exempla breviter adducam , quibus ad aliorum , nemini difficilem , collectionem , quemvis ex vobis excitare queam .

In Equaria , quae Principis Spirensis sumptibus magnis Altenburgae erecta fuit , Equae plurium mulorum , forma & altitudine celebrium , speciosa mater , partus doloribus mense Martio 1774. invaditur ; sed pullum , cuius nec pedes anteriores , nec caput , tactui se sistunt , eniti non potest . Peroriga servique equarii referunt e membranam praeternaturalem esse , quae partum

praepediat , & consilium a me petunt : Dubitavi mox , uterum animalis oblique positum , pro membrana ignaris hominibus imposuisse , & post aliquod tempus , cum paullo adcuratius observationem institui exoptassem , Equariam ipsemet adi-vi . Interim Obstetricantes membranam , quam adesse pertinaciter defenderant , secuerunt , lacerarunt , atque pullum iam exanimem utero extraxerunt . Sequebatur mox haemorrhagia lethalis , & antequam ad locum ipsum pervenissem , vitam efflaverat equina parturiens .

Sectionem igitur cadaveris institui . Mox vero & vaginam , & dextram uteri partem larga admodum apertura perforatas , per quam scilicet ipse pullus extractus fuerat , inveni . Os uteri ad sinistram pelvis partem conversum , ipse vero sacculus uterinus , quoad maximam sui corporis molem , super ileo osse collocatus erat . In hac igitur tam obliqua uteri positione , exclusio foetus equini protinus impediabatur ; ipse vero , quo hic latuerat , sacculus , in pelvim adeo coactus erat , ut propulsa per eundem atque extensa vaginae portione , manui ad ipsum os uteri accessus tandem negaretur , atque tum huius , tum vaginae paries , pro membrana praeternaturali habita , temerario ausu fuerit perforata .

Alter casus acutissimum Equi admissarii morbum concernit . Die nempe sexta mensis Septem-

bris 1783. cum pretiosissimum hoc ; & inter quinque sibi similia , forte sanissimum , animal , Principis , non longo itinere , currum duceret , magnos & repetitos clamores edidit , in terram , quasi convulsus concidit , surrexit , & mox in alterum denuo latus sese proiecit ; exsiliit iterum , cum strepitu graviterque respiravit , pedem vero ex posterioribus dextrum continuo extendit , paucasque eiulans urinae guttulas expressit . Catheter mox vesicae immissus , clyster emolliens , anodynus , iniectus , & fomentationes ventri fuerunt superimpositae . Sitim , vel conatum vomendi animal aegrum nunquam manifestans , secunda iam morbi die exspiravit .

Aperto cadavere , vidi parvam intestini portionem per dextrum abdominale annulum prolapsam , & ad gangraenam usque strangulatam fuisse , quin tumor pridem conspicuus herniam latere docuisset .

Tertia denique observatio Equi non minoris pretii castrationem respicit . Priusquam haec operatio suscipiatur , in usu est , ut qui eandem instituere assumit , de pretio animalis cum ipso eius domino conveniat , & hoc idem , si curatio infelicem habuerit exitum , possessori exsolvat ; si vero sanitas restituatur : lucrum exposito animalis respondens pretio repetere possit . Cum ergo , inito sic pacto , castrationi semet accincturum esse

Equorum Chirurgum conspicerem ; examinato animalis statu , certus esse potui , cirfocele , seu magnam venarum spermaticarum varicositatem per totam funiculi longitudinem subesse : quod me , de operationis felici exitu dubitantem , induxit , ut eius pericula rudiori Chirurgo patefacerem . Ast vero experientiae hic suae innixus , felicior , simulque verior prognosin instruxit . Methodus operationis fuit sequens . Proiecto nempe super stramina valentis Equi corpore , scrotum utrinque aperiebatur ; funiculus spermaticus ex integumentis avulsus , duobus bacillis , ex uno latere in longum excavatis , ligneis , fermento panis , cui pulvis quidam escharoticus instratus erat , repletis , committebatur . Bacillis vero nunc filo fortiori ad utrumque extremum quam maxime constrictis , infra haec ipsa Chirurgus testiculum sectione abstulit ; integumenta ad internam superficiem hinc inde scarificavit , cum aqua frigidiori , postea cum spiritu vini abluit ; scrotum ab aere custodivit , praeputium vero amplissimo , & ventero , maiorem unguenti de lithargyrio portionem interposuit , & sic brevi tempore , Equum , sine ullo periculoso symptomate , perfecte sanavit . Hic vero communissimus Equos castrandi modus est , ex quo , licet quamplurimos , etiam adultos , eidem submissos viderem , vix tamen unum occubuisse recordor .

Sic non desunt ausus in *arte veterinaria* expectatione nostra feliciores, quos oculo prosequi, quemcunque observatorem Medicum vel Chirurgum omnino iuaret. Licet enim maior humani corporis sensibilitas rudiorum partium tractationem, quam bestiae sat bene perferunt, admittere vix posse videatur; est tamen virium naturae similis in omni animali machina conspiratio, nec earundem limites, nisi felici experimento, cognoscimus. Certe quae hydrocephali apud vitulos, bovesque per calvariae perforationem, curandi exempla prostant (*), licet hucusque non nisi paucissimis apud hominem casibus confirmata (**), - quae in iisdem animalibus, a

(*) Vid. WEPFER de Apoplexia p. 54.

(**) Ab ipso tamen HIPPOCRATE commendata fuit operatio: „Aqua, si in cerebro suborta fuerit, ita tamen, ut in adulto secus sano contingat; adhibitis medicamentis si non sanetur, caput ad cerebrum ipsum perforandum est.“ Lib. II. de morb. Edit. Foef. T. I. p. 466. 30. Apud FANTONUM, rusticus diuturni, saevissimique doloris capitis impatiens, cuius origo a sero cranium inter & duram meningem conclusio repetebatur, veterinarium coegit, sibi sinciput perterebrare: unde feri copia exsiliante, prorsus convaluit. *Opusc. Med. & Physiolog.* Perforationem bis cum apparente successu instituit DE REMMET; a tertia tandem mors fuit insecta, cerebro nimirum iam plurimum consumpto. *Medical Commentaries*. Vol. I.

flatulentis vegetabilibus nimia copia ingurgitatis pericula audaci abdominis, atque ipsius adeo ventriculi punctura avertuntur, ea, spem in nobis aliquam erigere possunt, in desperatis hominum, sub iisdem circumstantiis constitutorum, positionibus, anceps nunc visum remedium cum maiori felicitate aliquando, cum nullum iam esse fateamur, posse tentari (*).

Sed in hoc etiam Medicorum in *artem veterinariam* maior attentio utilitatem promittit: quod, cum apud hominem multa remediorum in morbis subministratorum aut virtus, aut inefficacia, ex ipsa aegrotantis imaginatione dependens, in aliis animalibus locum habere non queat, sic longe certius quam in humano corpore de vera medicamentorum indole, habita tamen semper differentiae, quae hominem & animalia intercedit, ratione, iudicium ferri queat. Nec hoc quoque praetereundum hic est, experientiam saeculorum docuisse, epidemicas animantium strages, non raro pestilentium apud ipsos homines morborum praecursores egisse, & causas malorum

(*) Suscepta interim bis & in homine fuit haec abdominis tympanitici punctio, a Cl. DUSSEAU, vid. Journal de Médec. année 1779. p. 308. Samml. auferlesener Abhandl. für prakt. Aerzte V. P. II. St. p. 241.

generales primum in bestias , & tandem in ipsas hominum societates , effectus deleterios exseruisse. Quare , qui cautum & in singula attentum morborum in diversis animalium speciebus observatorem egerit , is , vel imminensem ex causis iisdem , aut etiam ex carnis vi morbi corruptarum victu orituram Reipublicae noxam praevidet , & avertet ; vel naturam morbi epidemici clarius agnoscet , & ex ipso nonnunquam remediorum apud animalia successu , ad perfectiorem pro ipso homine liberando , methodum concludet.

GEORG. MATTHAEI GATTENHOF

MED. PROF. HEIDELBERGENS.

E T

IOS. CHRIST. SCHNORR

PALATIN. BRETTENSIS

DISSERTATIO INAUG.

D E

P L E T H O R A

Heidelberg. 1779.

I.

DE sanguinis usu in corpore animali non iam nobis repetenda sumimus momenta physiologica, quae abunde exhibuit (*) *Dissertatio de venae sectionis indicationibus*. Eum certe summum esse constat, quod primo fere in corpore animali nascatur (a); cum primis cordis in foetu initiis, pri-

Vol. IX. R

(*) Vid. Deleſt. Opusc. Med. Vol. III. p. 133.

(a) FR. HOFFMANN. Med. Rat. syst. T. I. p. 81.

misque motibus adpareat; experim. HALLERI (a); queis cum iis fibrillarum, in cor compaginandarum motibus, flavedo primum, dein rubor in liquido nascitur (b).

II. Id ipsum naturae instrumentum est, quo motu adplicato, vasa sibi parat explicatque; quo fibrae solidae robur auget ac conservat, suo per vasa motu viscerum partiumque omnium actiones animat, chylum in sanguinem convertit, suamque ipse integritatem, determinatam densitatem, figuram, alias dotes, ad circulationem vitalem, actionis arteriosae vires modosque necessarias, perenni per vasa motu tuetur ac reparat.

III. Sed quod quantitatem eius naturalem in C. H. attinet; uti motu primo, motusque viribus nascitur, ita diversum corporis robur, vasorumque capacitatem sequitur, ut difficillime determinari possit: variis Cl. Virorum experimentis, quae collegit HALLERUS (c) alii 20. 30^{am} totius corporis partem; LOBBIUS (d) sanguinis per vasa maiora circulantis, quantitatem, totius ponderis corporis partem 19^{am} vel vigesimam; alii 10. 11. 12^{am} adsumpsere; ut in adulto

a) HALLER. Opusc. min. T. II. p. 369.

b) HALLER. l. c. p. 10. SPALANZANI Abhandl. p. 91.

(c) HALLER. Elem. Phys. T. II. p. 2.

d) LOBB. Pract. Arzn.

homine alii octo libras; alii 27. cum QUESNAY, alii cum FR. HOFFMANNO 28. libras admittant, quae ratio ad mediocrem hominis molem est, ut 3. ad 5. Ingentem vero eius copiam esse, non tam ex solidorum ratione ad fluida immense minore, doceri potest, quam Physiologia statuit (a) in homine 133. librae; tantum 26^{am} partem solidam esse opinantur (b).

IV. Quae vero fluidorum massa non unico quidem sanguine, seu rubra fluidorum portione, sed ingenti fluidorum tenuiorum, quae in vasis minoribus, minimisque, cavisque variis cellulis continetur, consistit, aestimarique debet.

V. Sed maxime ingentes enormesque sanguinis iacturae per vulnera casusque alios factae, eam sanguinis copiam docent, atque eae subitae quidem; nam per lentas haemorrhagias immensa fere visa est haec iactura: alia haemorrhoidum, quotidie fere per plures annos fluentium vulgaria exempla sunt; sed & earum copiosissimarum, per quas totis continuis 62. diebus, quotidie librae sanguinis quinque fusae fuerint, exempla; alia fusi sanguinis per uterum successive, ut omni mense 125. unciae funderentur; alia creberrimae

R 2

(a) HALLER. not. BOERH. ad §. 440.

(b) PLATTNER Briefe.

venae sectionis, haemorrhagiae narium quotidiana exempla collegit HALLERUS (a). PECHLINUS (b) e vulnere thoracis ingentem quotidie sanguinis copiam fusam describit, ut aliam haemorrhagiam vidisse se, aut legisse maiorem haud meminerit, sanitate tamen sensim reddita; HILDANUS (c) haemorrhagiam umbilici describit, intra duos dies sensim ad libras 27. fusam, sanitati tamen restituto homine. Foeminam novi debilissimam, hysterica, pallidissimam, quae omni decimo quarto die per sex annos V. S. passa, ut ingens alias, certeque instans haemoptoe aut vomitus cruentus praecaveretur: foeminam nobilissimam novi, quae continuo dolore ardente sub hypochondrio sinistro vexata, nisi quotidie fere sanguinis congrumati frusta, pugnos viriles aequantia 3. 4. vel 5. ano egerisset. Miseranda foeminarum, accedente senio haec fors est, qua cessantium catameniorum epocha, eas sanguinis uterini iacturas fere quotidianas per aliquot annos ferunt, calamitosi uterini status carcinomatici indices; vidi eas, quae sensim duplum totius corporis pondus superarent. Quae certe immensa

(a) HALLER. l. c. p. 4. 5.

(b) PECHLINUS de vulnere thorac. Vol. II. HALL. Chir. p. 551.

(c) HILDANUS Obs. Chir. Cent. III. Obs. 37.

fere copia suppeditari nequisset, nisi magna sanguinis vis in vasorum systemate contineretur.

VI. Sed & evidentius fere in subitis illis sanguinis profusionibus argumentum est, uti hæmorrhagiæ narium visæ sunt ad 10. 11. 15. 18. 22. 30. libras, uti exempla collegit HALLERUS (a); vomitus cruenti ad libras 16. exemplum BARTHOLINUS habet: sanguinis enormis vis vomitu reddita ad 15. 27. 30. 24. 18. & in eodem paroxysmo libras, ut summa amissi sanguinis esset libr. 202. neque tamen eo minus æger convalesceret: alii hæmoptides copiosæ ad libras 14. inter 24. horas, ad libras 22.: alii alibi fusi copiosissimi sanguinis exempla referunt, quin homines quidem omnes perierint (b).

VII. Ex quibus magnam certe sanguinis copiam in vasorum systemate contineri concludimus; namque nec illæ copiae quidem sanguinis quantitatem definiunt; quæ in vasis minoribus contenta, nec tam subito ad maiora vasa duci potest, atque vitæ adhuc micæ & sanitatis recuperandæ spem fovet. Atque illud experimentis quoque cognitum, animal $\frac{2}{3}$ sanguinis iacturam

R 3

(a) HALLER. l. c. p. 4.

(b) Hist. morb. Vrat. p. 89.

ferre absque morte non posse (a), ut copia adeo semper restet sanguinis, si salutis spes superest.

VIII. Sed haec mira toties in variis variatio; pro robore corporis augeri eam quantitatem adnotat HALLERUS (b); indeque plus fero animali sanguinis, quam domestico inesse, experimenta docuerunt; atque in universum statuit HALLERUS (c), sanguinis pondus eandem rationem ad reliquum corpus obtinere, quam cor observat.

IX. Pro ratione amplitudinis vasorum; hinc in procerioribus corporibus adnotante HALESIO (d) maior sanguinis copia.

X. Pro dilatabilitate eius systematis, hinc foeminis maior copia, quam maribus, observante HALESIO (e), quibus robustior rigidiorque fibra colligendae sanguinis copiae resistit: dum foeminae per abortum ac partus, aliasque causas ingentem sanguinis copiam, salva vita, amittere videntur, uti crebra observatione constat (f); easque potissimum huc refert SCHWENKE (g),

(a) HALLER. l. c. T. I. p. 494.

(b) HALLER. l. c. T. II. p. 57.

(c) HALLER. l. c. p. 6.

(d) HALES. Haemat. p. 21.

(e) HALES. l. c.

(f) Nov. act. N. C. v. IV. Obs. 36.

(g) SCHWENKE Haemat. p. 23.

quae macilentae, magnasque venas possident, quibus cor maius esset.

XI. Inde & iuniora animalia plus sanguinis habent, quam senex vetulumque (a); hinc recens nato homini cutis universa & ipsa cornea oculi tunica rubet; quae omnia sensim diminuta sanguinis portione, per aetatem exalbescunt; quorum & haud dubie illa ratio cordis pertinet, quod in foetu insigni ratione maius & in infante etiam cor adulti superat (b) in proportionem reliqui corporis; uti cor foetus maturioris ad cor adulti hominis visum est, uti 40. ad 24., in vitulo abortivo ad cor vaccae, uti 51. ad 37. dum in adulto vergenteque aetate, vires hominis & cordis portio minores fiunt.

XII. Licet vero cum sanguificationis, seu sanguinis conficiendi virtutem haud soli cordi deferendam esse existimemus, sed virium potius totius machinae animalis, actionis arteriosae per omnes partes, viscera quaelibet, praesertimque pulmones distributae, effectum esse, pluribus satque perspicuis argumentis Physiologia ostendat; liquet tamen experimentis in ovo incubato, pri-

R 4

(a) HALLER. l. c.

(b) HALLER. l. c. T. I. p. 430.

mis cordis motibus eum liquorem nasci, quem sanguinem dicimus.

XIII. Rectissime adeo ex copiosis suis experimentis eo in argumento institutis, concludit ROBINSON, in universum habitum athleticum esse, ubicunque cor ad reliquum animale corpus maximam rationem habet; unde sanguinis probi copia; inde nutritionis vires roburque corporis pendet.

XIV. Quantumcunque verò haec certa satis; suis in experimentis fundata, sanæ Physiologiae praeceptis nitantur; suis tamen in signis fallaciae toties, obscura dubiaeque sunt. Quoties enim vero praedicari audias athleticam, ipsisque a Medicis salutari, qui toroso obesoque corpore nutritionis molem ostentat, roburque etiam corporis, dum a iuventutis vigore vires suppetunt, exhibent, sed quantum ab ea forma fallaciae?

XV. In obesis minus certe sanguinis; quo plus in corpore adipis est, eo minorem procul dubio sanguinis portionem esse, testatur HALLERUS (a); adnotat idem HALESIUS (b), itidem SCHWENKE (c) aliique; dum & cellulosa, mole liquidi oleosi gelatinosique turgida,

(a) HALLER. l. c. T. II. p. 6.

(b) HALE. l. c. p. 32.

(c) SCHWENKE l. c. p. 102.

vasa sanguifera ubivis pressione angustiora reddit, minusque ad sanguinis copiam capacia; & corporis ea fabrica viribus destituta videtur, quae sufficiant chylo, ex adsumptis parato, in probi sanguinis dotes convertendo; sed elaboratum quidem gelatinosum oleosumque liquidum in primo assimilationis gradu haereat, & in cellulosis telis congeratur: videas in iis, quam parvae angustaeque venae in artubus disponantur, fere ad V. S. haud aptae satisque patentes.

XVI. Sed & in debilibus hominibus a variis causis praegressis, ipsisque in morbis decrevit/ea sanguinis quantitas, ut mirum saepe sit, qua ratione vitae sustinendae par existat.

XVII. A fame omnem fere sanguinem exhaustum observat SAGAR (a); inanes ab inedia arterias adnotat HALLERUS (b); in venis cordeque nullum sanguinem in defuncto in colica (c); in phthisico nullum praeter pulmonem sanguinem (d); in febre miliari sanguinem vix ullum observatum (e), in ovibus, fasciolis, seu vermium genere hepatico laborantibus mortuisque,

(a) SAGAR de morbo epid. p. 5.

(b) HALLER. Opusc. min. T. I. p. 88.

(c) KUPFER de volv. Vol. III. HALL. pr. p. 373.

(d) HALLER. Elem. T. II. p. 220. 227.

(e) DE FISCHER de febr. miliari p. 36.

sanguinem exhaustum (a) *Celeb.* Viri adnotant : Vidi ipse virum iuvenem , robustum adparentem , procerum , in servitiis agriculturae , febre acuta continua , praeter opinionem mortuum ; in cuius cadavere praeter molem lienis , sanguine gangraenoso turgidissimam , nullus sanguis in corde , vasisque maioribus omnibus , licet paullo ante mortem pulsus fortem , magnum , frequentem , sed molliorem adnotaverim ; quod idem observasse se refert DE HAEN (b) ; alii plura observata habent paucissimi sanguinis in cadaveribus reperi- ti , nova acta N. C. (c) CAMERARIUS (d) SCHWENKE (e) MORGAGNUS (f) GORTERUS (g) ; ne duas uncias inventas refert LIEUTAUD (h) DE HAEN (i) HEUERMANN (k) ; unde parva etiam vulnera lethalia redderentur : vidi senem , debilem , bibulum , levi vulnere rami arter. temporalis defunctum , in cuius cada-

(a) SAGAR l. c.

(b) DE HAEN Rat. Med. P. VI. 212.

(c) Nov. act. N. C. T. I. Obs. 100.

(d) CAMERARIUS Vol. V. HALL. Chir. p. 465.

(e) SCHWENKE Vol. VII. HALL. 483.

(f) MORGAGNUS de sed. & caus. morb. Ep. 36.

n. 11.

(g) GORTERUS de perspir. p. 385.

(h) LIEUTAUD Pr. Med. T. I. p. 53.

(i) DE HAEN l. c. P. IX. p. 45.

(k) HEUERMANN Chir. T. I.

vere nulla alia laesio adparuit, sed nullus fer-
 observatus sanguis. Vidi in debilibus hominibus
 a. V. S. etiam parca inconsulto adhibita, con-
 tinuo fere pedes oedemate hydropico squallido:
 & hydrope demum invalescente mortuos; dum
 quantum sanguinis densi copia imminuitur, tan-
 tum invalescit aquosae partis ratio colluviesque
 quaquaversum extra vasa in cava cellulosa exun-
 dans: similes a fluxu haemorrhoidali periodicæ
 copioso, mutationes in cadaveribus describit RO-
 BIN (a), sanguinisque veri in vivente adhuc
 aegro non ultra decem uncias aestimat. A. V.
 sectionibus crebris in febre tertiana, accedente
 demum subita syncope, lethali praeter alia, ve-
 nas cerebri, plexusque choroideos in cadavere
 inanes flatulentosque describit LIEUTAUD; idem
 post peripneumoniam 25. V. S. bus debellatam,
 in cadavere reliquas corporis partes fere exsan-
 guines, item in virgine chlorotica, plusquam cen-
 tum V. Sectiones passa adnotat (b). Mira certe
 haec sanguinis, ratione copiae variatio in homi-
 nibus suasque semper cautelas exigens.

XVIII. Sed & eius sanguinis abundantia in

(a) In Diario ROUXIANO vid. Comm. de reb.
 in Sc. Nat. Vol. XIX. p. 482.

(b) LIEUTAUD Hist. Anatom. p. 113. 158. 188.

C. H. Veterum iamiam attentionem in curandis morbis meruit, quam *Plethoram* dixere, atque hodie dum recepto eo nomine salutant.

XIX. Nimia vero illa copia est, quae maiorem habet rationem ad corporis magnitudinem ac systematis vasorum rationem, quam commodum vitae exigit. Alii apicem sanitatis dixerunt, five non quidem ipsum adhuc morbum, sed causam tamen morbi proximam; dum multis causis, non evitabilibus, rarefcere sic potest commoverique, ut vasa dilatat nimis, debilitet varioque morbi genere rumpat.

XX. Nascitur omnino causis supra dictis; viscerum chylopaecorum bonitate, eorumque, quae ad sanguinem conficiendum requiruntur, accedente vitae lautae beatitudine, qua eius materiae principiorumque sanguinis constitutivorum e victu praecipue animali plurimum suppeditatur; dum & causae aliae, maiores eas copias consumpturae, negliguntur per otia minoresque corporis exercitationes, surrogatis aliis per somni leclorumque molliem, regimen externum calidius, cui quis insueverit, quae relaxato potius fibrae solidae elatere, systematis vasorum capacitatem ad locandum id penu fovendumque, inducunt non tam, quam eius in variis viscerum recessibus, praecipue encephalo, collectioni favent; unde potissimum a somno, apoplexia, eius

plethorae effectus ingruit (a). Quorsum & illa corporis dispositio pertinet, quae id systema ipsa corporis fabrica dilatabilius habet.

XXI. Neque adeo corporis quidem robur fibraeque solidae densitas firmitasque, quae robustum effingit agricolam, sufficit; dum in laxa mobilique corporis foeminei constitutione ea plethorae genesis est supradictis observationibus; ut resistere potius plethorae corporis robur videatur (b). Praecipue huc pertinet peculiaris plane virtus tum virium degerentium, in solvendo extrahendoque, quidquid solubile gelatinosumque in adsumptis continetur, eoque in bonum chylum convertendo, quaeque in debilibus saepe, inque ipsis phthisicis integerrima superest; tum virium adsimilantium chyli, eumque in sanguinem convertentium non tam, quam eius densitatem specificam conservantium, quae proba cordis vasorumque actione consistit. Sed & systematis vasorum minimorum sanguineorum peculiaris ratio subesse videtur, quae virtute minus vegeta attenuandi sanguinis, eiusque in minimas particulas dividendi gaudent, quae aliis se- & excretionibus secedant. Eorum certe vasorum vi-

(a) Nunquam apoplexiae alio tempore, quam a somno, ingruentis ego saltem memini.

(b) TISSOT Abhl. über verschiedene Gegenstände der Arzneiw. p. 173.

tia subsunt ; quae plethorae toties partiali variisque haemorrhagiis favent.

XXII. Excretiones utique naturales corporis adsumptorum rationi haud respondere , necessum est ; respondens enim , quantumcunque cibi adsumptum fuerit , colligendae liquidorum copiae repugnat ; licet turbata haec excretionis proportio ad eadem vasorum minimorum sanguiferorum vitia referenda videatur , effectumque potius saepiusque plethorae , quam causam agat . Haec illa hominum conditio est , qui copiosos inter cibos potiusque lautos macilenti manent , strictioremque corporis sui fibram retinent.

XXIII. Quis causis ingens & immensa copia sanguinis generari potest : danturque homines , qui peculiari corporis sui constitutione incredibilem sanguinis copiam parant , adnotante TISSOTO (a) quin eam a robore corporis repetere virtutem vel & suspicari saepe liceat , sed eius vi peculiari in sanguine ex quibuslibet fere adsumptis conficiendo : cuiusque adeo ratio obscura adhucdum latet . Haemorrhoidariam foeminam memorat TISSOT , quae per annum 412. libras circiter sanguinis amiserit , licet croci Matris magnis dosibus usa ; alia supra dixi foeminarum , debiliū etiam exempla.

(a) TISSOT l. c. p. 175.

XXIV. Sed & rarior haec quidem avis plethora videtur ; si temperamentum sanguineum , ut vocant , ab ea distinguimus , quod a bonis viscerum suorum viribus sanguine probo turget : magnus in ea voce abusus est , quo & conceptis propriae sanitatis roborisque ideis , sibi blandiuntur , & familiaris toties V. S.^{is} , in qua proprio sibi consilio placent , rationes habent ; ut pauperes etiam , senes , malo parcoque victu utentes , milites exercitatos , solo fere pane militari sustentatos , baiulos in plethoricorum classem toties relatos audias , solo fere indicio a venarum in manibus brachiisque tumescencia petito ; cuius fallacia facile tum a naturali quorundam habitu adparet , tum , quod a viscerum abdominalium vitiis , liberam ibidem circulationem prohibentibus , efformetur toties , dum inter obstacula abdominalia sanguis in extremos artus copiosior determinatur , subsidetque facile solo leniorum catarcticorum usu continuato , uti crebra quotidianaque observatione constat ; atque adeo absque computatis simul primarum viarum vitiis , plethora recte aestimari nequit.

XXV. Distinguendum vero inter polyæmiam seu sanguinis copiam auctam naturalem , quae temperamenti sanguinei est , & illam praeter naturalem , quam plethoram dicunt , quaeque copia sanguinis boni maior a BOERHAAVIO dici-

tur (a) quam quae ferre possit eas mutationes ; quae cito inevitabiles , vel a caloris augmento vel minimo vitio rerum non naturalium , adfectu animi validiore &c. (b) accidunt , nisi inducantur morbi ; proportionemque adeo systematis vasculosi laesam refert , neque subsistere diu absque morbo brevi inducendo potest .

XXVI. Distinguenda porro *varia plethorae genera* : quae confusa invicem varios errorum tum in cognoscendis , tum curandis morbis fontes constituunt .

XXVII. Habetur primo *plethora ad molem* , quae vera sic dicitur & absoluta , ponitque molem sanguinis reipsa ita exuberantem , ut vasis continentibus molesta sit (c) ; haecque a Veteribus ad *vasa* dicta *plethora* ; atque in molliori habitu corporis sanguine undequaque perfunso , partes intense rubent turgentque ; maxime ubi vasa nulla cute tecta , nudaque adparent in oculorum angulis , adnata oculorum tunica , labiis , ore , faucibus aliisque partibus ; habitus inde corporis floridus , Eufarchos , plenus , pinguis , planities abdominis ; in strictioribus contra corporibus va-

sa

(a) BOERHAAVE Aph. §. 106.

(b) GAUBIUS Pathol. §. 388.

(c) V. SWIETEN Comm. T. I. ad §. 100.

sa maiora magis distenduntur; venaeque prae arteriis laxiores ultra modum tumescunt; maximeque accedente levi rarefactione per motum corporis, calorem aeris auctum, alia quaecunque calefacientia distensionis sensus in omnibus musculis tumorque diffunditur, cum motus quadam difficultate, segnitie, somnolentia (a), vertiginosa capitis gravitate, consideratis simul causis antegressis, supra dictis; arteriae plenae, magnae, pulsus tamen parvus (b), dum moles movenda maior ab eodem naturae conatu nonnisi tardius moveri potest.

XXVIII. Quorsum & momentum illud referendum considerandumque videtur, num sanguinis eae copiae in systemate arterioso magis, quam venoso haereant: quod pro aetatis temperamentique ratione differre omnino, variosque effectus producere videtur: ita namque in iunioribus arterias magis dilatabiles laxioresque constituit natura, qua continuatis demum cordis motibus, circulantisque sanguinis vi, ipsa aetate magis evecta, solidiores densioresque redduntur, magisque prae venis indurefcunt, in quas minor cordis impetus urget; quam diversam vasorum

Vol. IX.

S

(a) V. SWIETEN l. c.

(b) DE SAUVAGES Pathol. method. p. 106.

conditionem experimentis WINTRINGHAMI illustratam, pluribus refert HALLERUS (a); quae certe ipsa ratione in iunioribus sanguis in arteriis copiosior (b), facilesque illas variasque haemorrhagias efficit; quae maiori aetate cessant; in qua potior venarum uti externarum manifestus tumor, ita & internarum toties, haemorrhagias magis ominosas molestioresque efficit in haemorrhoidibus, sputis vomitibusque cruentis.

XXIX. Huic plethorae verae adfinis est *Plethora ad spatium* dicta GAUBIO (c); quae ex imminuta systematis circulatorii capacitate oritur, quantitate simul sanguinis pariter haud imminuta; dum quantitas ingestorum & vis coëstrix eadem remanent, uti amputatis artubus, castratione (d) aliquando fit, visusque inde miſus cruentus, haemorrhagiae narium. Dysenteriam a plethora ab amputatione describit HILDANUS (e); ubi deficiente nimirum solo spatio angustiorque reddito, quo contineri debebat sanguis, abundat in reliquis, etsi nec mole nec volumine

(a) HALLER. Elem. T. I. p. 72.

(b) WITHERS Bemerk. über die Fehler beim Gebrauch der Arzneimittel p. 12.

(c) GAUBIUS Pathol. §. 389.

(d) DE SAUVAGES l. c. p. 106.

(e) HILDANUS Cent. II. Obs. 100.

auctus . Respectivam ideo vocant , cuius origo non copiae , sed spatio angustiori debeatur .

XXX. Idem fieri monet GAUBIUS firmarum partium maiori constrictione ; uti plethorae effectus manifeste in utero a constrictis vasis femoralibus adparet ; quæis eorum vasorum spatio angustato , sanguis in vicinis congregatur ; HALMILTONI (a) evidens facileque experimentum docuit , quo ea methodo accelerari pulsus , plenitudinis circa uterum gravitatisque sensum , brevique sequi catamenia observavit ; methodus probata SWIETENIO (b), HAENIO (c), aliisque Celeberrimis Practicis ; qui & eodem argumento in vehementioribus hæmorrhagiis artuum ligaturas a Veteribus commendatas reiiciunt , uti LEAKE (d), PASTA (e), ASTRUC (f), aliique . Eadem ratio frequentis narium hæmorrhagiæ a collari nimis stricto , quam refert SWIETENIUS (g) ; eadem a vestitu nimis stricto noxæ ; hæmo-

S 2

(a) Continuat. Obs. Edinburg. P. II. art. 31.

(b) V. SWIETEN T. IV. p. 438.

(c) DE HAEN Rat. Med. P. VI. p. 266.

(d) Conf. MURRAY Pract. Bibl. Vol. II. p. 270.

(e) Aët. Edinburg. P. VI. p. 586.

(f) ASTRUC FR. ZIMM. Kraakh. p. 320.

(g) V. SWIETEN T. III. p. 330.

ptōen refert LUDWIG (a), SWIETEN (b); thoracum nimis arctarum in foeminis noxas in menſtruis nimiis, it. fluorem album adnotat PLATTNERUS (c); alios plethorae effectus, haemorrhagias, vomitum cruentum TISSOT (d) haemorrhoides *fränkische Anmerkung*. (e) adnotant: quem in haemorrhoidibus effectum a calcis, ocreis, caligis arctioribus eadem observant (f). Gibbositatis, adfectus nostris in oris familiaris, quaeque cum varia aortae, venarum cavarum, aliorumque vasorum mutata directione, angustatione non potest non esse coniuncta, similes in apoplexia, potissimi vero plethorae abdom. infarctus atrabilarii, gangraenae demum abdominalis effectus sunt.

XXXI. Similes plethorae effectus a causis aliis coarctantibus constringentibusque sunt: uti terrorem, accessum frigoris febrilis, frigus magnum subitumque refert GAUBIUS (g) it. SAUVAGES (h); a quibus toties congestiones fan-

(a) LUDWIG. *Instit. Clin.* §. 368.

(b) V. SWIETEN T. IV. p. 10.

(c) PLATTNERUS *Art. Med.* §. 241. 545.

(d) TISSOT *Krankh. der Reichen* p. 158.

(e) FRAENK. *Anmerk.* Vol. VII. p. 508.

(f) FRAENK. *Anm. l. c.* p. 509. it. DESESSART von *Erziehung der Kinder.* p. 437.

(g) GAUBIUS *l. c.*

(h) SAUVAGES *Pathol. meth.* §. 52.

guinis in partibus interioribus contingunt ; unde a frigore febrili hepatis , it. cordis pulmonumque noxas repetit SENAC (a) mortemque ipsam SWIETENIUS (b) , it. SYDENHAM (c) : ita frigore haemorrhagias vehementiores fieri adnotat SCHWENCKE (d) atque inter causas haemoptoes , gelu corporis superficiem vasaque externa constringens , refert HOME (e) ; iisdem effectibus a frigore valido apoplexias subitasque mortes observat TRALLES (f) ; frigus externum , dum omnes reliquas in habitu corporis venas vehementer arctat , sanguinem in cerebrum congregare , cuius immobile involucrum nullum frigus arctare possit , HALLERUS adnotat (g) ; in foemina frigore enecta , vasa sanguinea cerebri , cruore plenissima vidit ROSENIUS , it. QUELMALZ (h) ; inflammationem in cerebro describit *Promptuar. Hamburg. (i)* ; validum fri-

S 3

(a) SENAC de abscondit. febr. nat. p. 105. 106.

(b) V. SWIETEN l. c. T. II. p. 113. 514.

(c) SYDENHAM p. 94. 101.

(d) SCHWENCKE haemat. p. 35.

(e) HOME Princ. Med. p. 231. 232.

(f) TRALLES diaet. princ. p. 317.

(g) HALLER. l. c. T. IV. p. 171.

(h) QUELMALZ de frigor. effic.

(i) Hamburg. Magaz. Vol. III. p. 346.

gus tanquam apoplexiae causam accusat MOR-
GAGNI (a) rationemque a contractis vasis ex-
terioribus addit, si maxime subitum fuerit: a
diu durante aere frigido siccoque HUXHAM ob-
servat (b) it. RAMAZINI (c); frequentem inde
anno 1709. refert GREBIZIUS (d), idemque a
ventis septentrionalibus vel diu durantibus vel su-
bito ortis, SARCONI adnotat (e); ipseque
TISSOT varias observationes colligit (f): ef-
fectus similes in pulmonibus eas arctatorum vaso-
rum exteriorum corporis noxas luculenter de-
monstrant, dum pulmones ita sanguine infarcti
a frigore visi sunt, ut in aqua subsiderent im-
mersi (g).

XXXII. Rigiditatis porro in solidis vasisque
variorum, imprimis tenuiorum generum indu-
ctae, pares effectus sunt, adnotante GAUBIO,
quod potissimum in senibus vitium est; dum
ipsius vitae actione vasa minora sensim compagi-
nata elisaeque, impervia suis liquidis, solidorum

(a) MORGAGNI de sed. & caus. Morb. Ep. III.
n. 13.

(b) HUXHAM Op. P. I. p. 349. 362.

(c) RAMAZINI Con. I. Epid. Mutin. Op. syd.
T. II. p. 29.

(d) Hist. epid. Germaniae l. c. p. 209.

(e) SARCONI epid. in Neapel. P. I. p. 60.

(f) TISSOT Versh. Abh. p. 132.

(g) VOGEL Med. Bibl. Vol. VIII. p. 352.

compagem duriores siccioresque reddunt , atque mollem pulposamque corporis substantiam in asperam sere , rigidam & exsuccam convertunt : adeo totidem his in vasis obliteratione circulatio humorum prohibita , in maiora interioraque vasa convertitur , molemque a prohibitis minorum excretionibus , necessario accumulatur , & plethorae effectus producit ; inde non tam in pulmones , & tracheae glandulas decubitu , senum tusses illae pituitosae , coryzae , asthmata , peripneumoniae nothae , plerisque lethales oriuntur ; hinc omnino in aetate proventa coryzas habet LIEUTAUD (a) , quod haud raro adfectus comatosos vel apoplexiam post se trahent , vel & iisdem rationibus senum tusses chronicas in catarrhum suffocativum terminari , crebra observatio docet (b) .

XXXIII. Sed & propiores plethorae effectus , maxime salvo adhuc dum , uti toties fit , appetitu , neque detracta ciborum copia , habet v. c. haemorrhoidum , toties in senibus accedentium ; aliquando & narium haemorrhagiam , toties senibus ominosam parit , quam apoplexiae prodrom-

S 4

(a) LIEUTAUD Prax. Med. T. I. p. 332.

(b) PLATTNERUS de Art. Med. §. 406.

nam plerique habent (a), aut imminet in cerebro serosam colluviem metuit LIEUTAUD (b); unde lentae illae apoplexiae serosae trahuntur: apoplexiam senum eodem fonte, etiam sanguineam adnotat MORGAGNI; qui omnino sanguinis, vasa viscerum adgravantis effectus, dum ab externis, spatio circulatorio imminuto, excluditur, qui ad plethoram ad spatium dictam pertinet, magisque toties eos in effectus urget, dum accelerato per quascunque causas motu, ac rarefactione inducta, per animi fortiora pathemata, potiusque generosiores, spatium maius, alias sibi denegatum, adfectat, fragiliaque vasa rumpit (c).

XXXIV. Adfectionum spasticarum similis ratio est, effectusque refert, ad idem plethorae genus pertinentes; dum vasis alibi spastica fibrarum suarum muscularium contractione angustatis occlusisque, aut & partium, quibus accumbunt vel innectuntur, simili adfectione, in alia liberioraque vasa sanguinis maior moles ac vis coacervatur, ac morborum toties medentiumque ideas, accitis alienis plethorae phaenomenis fallit: eo intestinorum vitio saepe, aut flatulenta distentione,

(a) LUDWIG. *Inst. Clin.* §. 377. KLEIN interp. cl. p. 123.

(b) LIEUTAUD l. c. p. 353.

(c) LUDWIG. de Pleth. differ. §. XX.

aut saburrae latentis putredine phlogoses, ebullitiones, morborumque inflammatoriorum toties effinguntur phaenomena, quae pleuritides illas biliosas ac peripneumonias epidemicas efformant, facile hisce morborum larvis alienis fallentes, & in iniquas medendi vias trahentes. Hypochondriacorum ac hystericarum similis haec facies, qua se inter plethoricos referunt, ac iteratis V. S. bus sibi consulendum putant, dum reliqua simul phaenomena, venarum in brachiis tumor, facies tumida, florida rubicunda, pulsus magnus, fortis, aut durus saepe spasticusque in easdem plethorae (a) notas conspirant. Haemorrhagiae variae, quae inter primaria plethorae phaenomena referri vulgo solent, potissimum in spasms aliarum partium rationes habent, ut & inde causam haemorrhagiae proximam repetat FR. HOFFMANNUS (b), & quae saepe antecedunt phaenomena, dolorem, sensumque palpitacionis circa lienem ad easdem causas SWIETENIUS (c) reducat: eadem haec spasmi dominantis, qui maxime frigus febrile efficit, haud dubie ratio est, qua febris intermittens sub larva haemorrha-

(a) SCHWENCKE l. c. p. 36.

(b) FR. HOFFMANN Med. Rat. T. II. p. 116.

(c) V. SWIETEN l. c. T. II. p. 463.

giae narium periodicae latuisse visa est, ut adnotat ROSENIUS (a).

XXXV. Adparet vero, quantum ea in forma fallaciae subsit saepe numero, errorumque campus amplissimus; dum alienae oppositaeque spasmae causae aut ab acri irritante, aut simul ex inanitione vasorum, aut ex ea sola pendent (b), aut aliis a causis haud cum aucta humorum massa, sed imminuta potius conjunctis, ut plenitudinis phaenomena inferant, cum sanguinis maxime defectus sit.

XXXVI. Adparet obstructionum in visceribus latentium easdem rationes effectusque esse; ut alienis in vasis alienas valetudinis aut morborum facies induant; inde floridae illa toties in phthisi, asthma; atque ipsae narium haemorrhagiae eo obstructorum viscerum fonte fluunt, uti eas vel chronicas etiam ex scirrhis hepatis liliisque ortas adnotat BONETUS (c); ipso in hydropse iisdem vitiis haemorrhagia narium aliquando fluit, malo omine notata (d), nisi nimiae sanguinis densitatis vitio flagret morbus, observante MONRO (e).

(a) ROSEN Kind. Kr. p. 345.

(b) LUDWIG de Pleth. diff. §. XXI.

(c) BONETUS Sep. T. I. p. 446. 449.

(d) V. SWIETEN T. IV. p. 258.

(e) MONRO de Hydrop. p. 65.

XXXVII. Alia plethorae genera sunt, nobis in argumento tam utili considerata; quod cum vera illa plethora confundi toties soleant, minusque rectas medendi rationes exhibeant.

XXXVIII. Datur *Plethora*, quam ad *volumen* GAUBIUS adpellat (a): sed adparens quoque & spuria dicta, quae aucto rarefacti sanguinis volumine, molem veluti auctam mentitur, licet nullo modo aucta sit aut exsuperet; namque cum capacitas canalium haud eodem gradu una & aequabiliter dilatetur, expansus humor, quo antea modice repleti fuerant, maius spatium adfectando, haud aliter, quam vera plethora turgescit; levi caloris augmento vel a pastu insigniter tumentes in manibus venae, faciei auctus rubor, sensusque determinati ad caput sanguinis, de mole sanguinis plethorica persuadent toties, ut Medicorum etiam adfensum mereantur; dum nonnisi rarefacti humoris a caloris augmento, vel eius ab impedito in abdomine per extensionem liberrimo circulo ad vasa exteriora determinati effectus est.

XXXIX. Dantur homines tenerioris praesertim ac delicatae fibrae solidae constitutionis, quorum sanguis tam rarefibilis, ab aeris focique aucto calore, cibis, potibus, animi pathemate,

(a) GAUBIUS l. c. §. 390.

quovis motu est, ut dicta phaenomena concitet; pressionis atmosphaerae vim variatam Barometri instar sentiunt; dum tenera solida facile aucto humorum volumini cedunt, sanguinemque in minima alienaque vasa admittunt: quae foemellarum teneriorum communis conditio est.

XL. Nascitur haec sanguinis rarefibilitas peculiari eius discrasia, quae acri tenui, per sanguinem dominante, eiusque quadam dissolutione fovetur, qua in naturalem specificamque densitatem, quae robustioribus viribus convenit, haud compingitur tenella corporis fabrica, eamque teneram, sensiliorem, ac irritabiliorem sustentat, dum gelatina nutritia acriori, haud solida satis scatet. Liquatae pinguedinis, quam calor valde expandit, copiam in sanguine receptam accusat GAUBIUS (a) aut oleosum quodcunque praedominans magisque exaltatum; quod magis inflammabile, ad eisdem caloris gradus magis rarefcit.

XLI. Quodque acrimoniae genus non tam nativa complurium diathesi, cum delicato tene-rioreque fibrae solidae habitu coniuncta, quam lauto mollique diaetae genere, potibus spirituosissimis plenisque varii tituli poculis, quibus quisque *Bassum Thracia vincat amyside*; ex victu nimis ani-

(a) GAUBIUS l. c.

mali, quem potissimum varia aromatum, gelatinarum e carnibus elicitarum pinguiumque compositione, ars coquinaria, pinguiore toties, quam literatorum fostro sustentata, adponit, tandem acquiritur, vitiisque tum solidorum, inde magis tenerescentium flagrat, tum liquidorum ab oleoso aromatico, difficillime e sanguine eluendo.

XLII. Similia quidem eius, ac verae plethorae phaenomena signaque saepe ab habitu cutis illo roseo plenoque nitore adparent; nisi quod accedentibus causis externis potissimum internisque supradictis, phlogoses eas exhibeant; quae sanguis magis attritus tenuiorque in vasis cutis pluribus amplioribus sublimioribus ruborem vividiorum, aut magis conspicuum refert; additque eam pulsuum conditionem DE SAUVAGES (a), quae magis impetuntur & tenduntur vasa, eosque adeo frequentiores durioresque efficiunt; dum plethora vera velut quiescens obstaculum circulationi oppositum considerandum est.

XLIII. *Plethoræ alia ad vires est*, quam veteres nuncuparunt, sed spuria pariter frequentiorque; nimirum ea sanguinis abundantia, cui ferendae regendaeque vires naturae haud sufficiunt (b), hinc onere gravantur opprimunturque: de-

(a) DE SAUVAGES l. c. p. 107.

(b) GAUBIUS l. c. §. 391.

bilibus exiguum hoc sanguinis superpondium esse potest, quod facile tolerat robustior, superatisque vasorum debiliorum viribus molestum est, & congestione, eruptione varios vasorum morbos, similesque verae plethorae effectus inducit: naturis irritabilibus, quibus propria plerumque debilitas, levis humorum excessus pro eo stimulo est, quo in motus inordinatos agantur: probe ventriculi comparatione utitur FR. HOFFMANNUS (a), qui robustus ciborum magnam copiam commode perfert, riteque concoquit; dum debilis minore quantitate laeditur.

XLIV. His vel macilentus vel si plenior, molli pastaceusque corporis habitus, facies plerumque pallida, nonnisi a levi etiam animi corporisque agitatione, florida & rubicunda, pulsus debilis facile accelerandus. Respiratio libera in quiete, levi animi corporisque agitatione anhelosa, impatientia frigoris calorisque, in animi pathemata proclivitas, venae extremitatum facile tumentes (b), levitas mox animi corporisque, mox languor stuporque perinde ac alvus varia, mox sicca mox liquida.

XLV. Nascitur vero causis quaecunque, unde vasorum vires deiciuntur, uti vera ipsa

(a) FR. HOFFMANNUS Med. Rat. T. II. p. 432.
 (b) LUDWIG. l. c. p. 1190.

sanguinis copia, vasa nimis distendente, demumque debilitante, uti eandem in comparatione ventriculi adsignat FR. HOFFMANNUS l. c. cuius vires continuata ingestorum moles demum deiecit; sed vasorum haec debilitas uti vires habitumque universi corporis fibraeque solidae, ac maxime systematis nervosi sequitur; ita omnes huc spectant, qui debilitate generis nervosi laborant; licet interim digestio ciborum, proba satis vigeat chylopoësis; uti eos huc refert LUDWIGIUS (a); itemque naturas huc valde sensibiles ac irritabiles GAUBIUS (b) accenset.

XLVI. Spectant huc causae omnes, eam debilitatem inferentes, adfectus animi diuturni, venus praematura nimisque, sanguinis crebrae iacturae per haemorrhoides crebras, alias nimias sanguinis excretiones, ipsamque crebram venae sectionem (c); ea enim sanguinis dispendia, si robustos plethoricosque exceperis, vasorum actionem viresque arteriosas imminuunt, solida laxa debiliaque efficiunt, crasin sanguinis destruunt (d): adeo ea demum consuetudine fit, ut sensibiliore magis corpore, quaevis reparati sanguinis moles

(a) LUDWIG. Pathol. §. 10. 55.

(b) GAUBIUS l. c.

(c) GAUBIUS l. c. HALLER. l. c. T. II. p. 142.

(d) LUDWIG. l. c. §. 1047.

oneri stimuloque sit, aliter haud gravatura. Hi certe sunt, quibus bonis equidem visceribus, facilis ea sanguinis regeneratio est, sed & per copiosas continuo haemorrhagias, ac crebro redeuntibus, effusio per narium haemorrhagias, haemorrhoides, catamenia irregularia, uti crebra observatione constat (b).

XLVII. Miserandus toties illorum hic status est, qui inter literas severa continuaque meditatione versantur; qui voluptatibus, veneri litant, lepores quosvis adfectant pulchelli homines, & de foeminae teneritudinis gratiis sibi gratulantur, venustatis heroes, aliena quaevis scenicaque potius, quam antiquum germani sanguinis robur adfectantes. Qui redeuntibus facile haemorrhagiis, virilibusque illis iamiam haemorrhoidibus, athletas se credunt, & repetitis multoties per annum V. S.ibus sibi consulunt, consiliis etiam Medicorum adsistentibus, si illae praesertim haemopticae fuerint: sed id agitur simul, ut solida fibra tenerescat magis, peculiari debilitatis genere adficiatur, sanguinis crasis pervertatur, specifica densitas: cuius tantum in integra sanitate & athletico robore momentum est, deficiat; dis-

(a) UNZER *Wochenfch. der Arz.* P. XI. p. 386.

dissolutio ubivis uti animi, ita corporis sanguinisque sensum iuducitur, acre, deficiente naturali coctionum opera, haud subactum, evolvitur; spirituosum, quod ubivis spirare sibi videntur, acri velut aromate conditum, dum in minimis vasis nervosisque flaminibus dominatur, labem sanitatis variam infert, probas gelatinae nutritiae dotes pervertit; nutritio sensum deficit, emaciatur delicata pulchellaque corporis moles, sanguis citatori circulo movetur ac febrem repraesentat: quae, etiam quacunque causa occasionali orta; cum stimuli cuiusvis impatientissimae hae naturae sint, cumque ab imbecillitate coctio quaevis crisesque imperfectae esse soleant, vel in viscera nobiliora acris evoluti metastasin, vario morborum, maxime lentorum hecticorumque eventu molitur, vel in cutanei exanthematis, saepe ulcerosi generis, vel tabidum corporis statum; quem aut hepatis aliquando pulmonumque marcor, aut nulla saepe visceris notabilis laesio comitatur, vel & in mortem saepe inexpectatam terminatur; quae exercitato etiam Medico toties probro vertitur, licet diuturna priorum errorum continuatione naturae vim deiecerit, ut serius etiam praeter expectationem gangraenae abdominalis phaenomena tristem fati nuntium referant: sed & illo tempore, rerumque statu plethorae huius spuriae signa ex orgasmo excitantur toties saepeque narium haemor-

rhagiae, vel haemoptoicae; teneriore sensim magis vasorum textura; quam levis quidam sanguinis nixus dissolvit; ut ingenti cum detrimento ad V. S. es confugiant (a): febris inde nervosa, lenta phthisica vel cachectica, oedemata pedum, saepe facile in ascitem & anasarcam terminanda.

XLVIII. Alii alia plethorae spuriae genera addunt, quorum notatu digna momenta sunt: ita *Plethoram obesam* memorat LUDWIGIUS (b), quando fluidorum plenitudo respectu vasorum, quibus continetur, exundans, se exserit in systemate vasorum seroso lymphaticorum, cellularum & glandularum conglobatarum: seroso lymphaticam seu oleosam adpellat (c); ubi succi nutritii e bono sanguine secreti, cum solidis adponi prorsus non possint, in cava cellulasque reponuntur, easque distendunt.

XLIX. Probus hic corporis status suisque viribus instructus, toties Athletarum forma blanditur; humorum copiam per alimenta potulentaque bonae notae colligit, recte digerit, & sub egregii chyli forma ad sanguinem mittit; sed in eius elaboratione vim validam systematis circulatorii non adplicat (d), neque illum in specificam,

(a) LUDWIG. de Pleth. diff. §. 18.

(b) LUDWIG. Pathol. §. 937.

(c) LUDWIG. de Pleth. diff. §. 15.

(d) LUDWIG. l. c.

quae sanguinis est ; densitatem chyli principia compingit condensatque ; sed postquam superfluos , aqueos , & acres saepe humores per varia colatoria corporis blande dimiserit , nutritii succi partem fibris solidis inserit , & vigorem elasticum reparat sustentatque ; maior tamen nutrimenti elaborati pars in minora vasa cellulasque effunditur , haecque cava sensim paullatimque in maiorem corporis molem distendit .

L. Onere itaque sed grato , neque adeo molesto , in quo sibi potius quisque placet , corpus adgravatur ; quod ob mobilitatem humorum superstitem bene valere videtur , exercitatione saepius reficitur ; attamen desidïa sensim magis accedente placentque , nimia humorum copia molestior redditur .

LI. Hae a lautiori victu suppetiae sunt , quibus vitae tranquillitas , otium somnique dulcedo favet ; neque exundant in eam molem , dum vita satis exercitata , aetate iuvenili , iustum solidorum fluidorumque aequilibrium obtinet .

LII. Singularis iis haud semper definienda causa subest , peculiaris corporis constitutio fibraeque solidae habitus ; quo vires chyloepae ad probum ex alimentis parandum chylum probumque nutritium humorem elaborandum , neque tamen ad densandum satis compingendumque , neque ad superflua eliminanda vires systematis cir-

culatorii viscerumque sufficiunt ; subito fere per secundas vias in minora vasa cellulasque transitus concedi videtur.

LIII. Arteriarum sanguinearum , quarum in parandum probum sanguinem crasique sustentandam summa vis & actio est , laxitas subesse videtur ; adeo ut causae relaxantes obesitati faveant potissimum ; somnus , cuius argumenta colligit HALLERUS (a) minor irritabilitas motusque (b) , uti obesos magis incurios segnesque novimus ; ipsaque V. S. crebra obesitati favere visa Anglo- rum experimentis : adeo obesitatem corpus debile requirere , probe LUDWIGIUS adnotat (c) . Iisdemque rationibus periculosam omnino celerem obesitatem observant (d) ; dum econtra vita exercitata , qua robur corporis sustinetur , meditationes ipsae profundae ex GALENI consilio obesitatem tollunt.

LIV. Singulari illa quorundam corporis ad obesitatem dispositione , vitium , vel peculiaris ratio venarum resorbentium fortassis subest (e) ;

(a) HALLER. Elem. T. I. p. 39. 50.

(b) HALLER. l. c. p. 40. Pingues minus irritabiles adnotat BILGUER von der Hypochondr. absque singulari sensu gravius vulnerari SCHMUCKER Chir.

(c) LUDWIG. Advers. Vol. III. p. 251.

(d) KOEDERER de Morb. mucos. p. 182.

(e) Londn. Bemerk. P. III. Qbf. IX.

quae minus resorbent effusa in telas cellulosas liquida, inque circulum reducunt: certe vasa sanguifera in obesis semper angustiora magisque arcta novimus.

LV. Hos itaque plethoricos obesos adpellamus, quod haud veri quidem rubicundique sanguinis, sed tenuiorum, proborum quidem, quibus singulis sua definita densitas est, liquidorum copiam insignem colligunt, corporisque molem imprimis sub habitu guttis, illisque locis, ubi facile cedit, ultra modum saepe augent (a): obesitatis itaque idea longius extenditur, nec tantum in sola pinguedinis collectione consistit, sed verae euchymiae, ultra modum auctae, originem debet.

LVI. Eadem his fere, ac verae plethorae phaenomena sunt: onus corporis, gravitatis sensus, spiritus ad motum corporis anhelus, rubedo aucta, venarum tumor, aliaque phaenomena beati quidem corporis, sed necdum sanctificati: hique praecipui sunt, qui crebra per annum sanguinis missione sibi consulunt; sed solatii plerumque parum sentiunt, nisi sobrio riteque exercitato vitae genere exundantes eas naturae suppetias ac cornucopias diminuerint; dum venae sectione breve non tam eius gravitatis levamen,

T 3

(a) LUDWIG. l. c. §. VII.

sed dein potius ab imminuto sanguinis vasorumque robore, ac specifica densitate, maior exundantis gelatinosi oleosique copia, minorque assimilatio inducitur, variisque casibus adparet; quam difficulter parvas saepe sanguinis iacturas obesi ferant, quas innoxias macilentus facile tulerit absque deliquiis illis nervosisque ataxiis.

LVII. Adeo dubium omnino plethorae verae a pleniori corporis habitu signum est (a); eoquod vasa sanguifera, adipi immersa, certam crassitiem seu volumen prae ambientium partium compressione adsequi minime valeant; quod & communi observatione constat. Accedit & illa FR. HOFFMANNI observatio, quae supra dictis de corde observatis HALLERIANIS respondet; qua, dum cum vasis corporis cor aequalem semper proportionem habet, cum magnis & amplioribus, vasis cordis magni & cum parvis exilibus eius parvi argumentum est (b); cuius vim pro copia sanguinis paranda in vario animalium genere supra diximus.

LVIII. Adparetque, quam male cutis colori florido in diiudicanda plethora fidendum sit; qui nonnunquam a peculiari vel insolita corporis cutisque constitutione potius, quam a sanguinis

(a) LIEUTAUD l. c. p. 48.

(b) FR. HOFFMANN. l. c. p. 432.

exundantia provenire videtur ; uti genarum illum ruborem nitoremque perpeffas in infantia cruftas lacteas fignificare , STRACKII notam , communis obfervatio confirmat ; vel & acrioris diffolutionis fanguinis , qui in vafa minora cutanea facilius exundat , vel impediti alicubi circuli obftruftorumque vifcerum effectus fit , ut in alia liberioraque vafa determinetur ; depravatam potius indolem colligit LUDWIGIUS (a) , ex rubore genarum , qui inprimis poft paftum vel leniores corporis & animi agitationes accedit , quando alio tempore facies flavefcens , cacochymica , inprimis circa oculos adparet : inde in phthificis toties obtinet floridus genarum rubor , adnotante SWIETENIO (b) & communi experientia ; phlogofes , calorem volarum fanguinis acris , ferofi , colliquativi indicium ftatusque heftici figna habet MORTONUS (c).

LIX. Bonus vero hic habitus corporis , qui eum plethorae ferofo lymphaticae feu obefae ftatum fiftit , fanguine quidem bene mixto , nutritiis & gelatinofis particulis abundante confiftens , fuos effectus habet , neque durationem conftan-

T 4

(a) LUDWIG. Inftit. Clin. §. 256.

(b) V. SWIETEN l. c. T. III. p. 645.

(c) MORTONUS Phthifol. p. 30.

tiorem, a fugaci plane materie in id voluminis, non vero materiae consistentis augmentum congesta, uti obesos leviores observat SCHWENCKE (a).

LX. Nimia bonorum etiam humorum collectio functiones demum laedit, morborumque genesis accelerat: recte FR. HOFFMANNUS (b) ea corpora magis patere morbis adnotat, qui a tardiore sanguinis progressu proveniunt, quae imbecilliora sunt, quae habitus sunt laxi, turgidi, & spongiosi, it. quae obesa repletaque, quam quae vasa ampliora habent, corporisque gracilioris & strictioris sunt, ob expeditiorem sanguinis circulum in vasis capacioribus, quam in angustioribus, & ubi fibrae sunt tensae & re-nitentes, quam solutae laxaeque: viscido favet demum ac pituitoso languida circulatio, praesertim excretionibus haud rite demum spontaneo virium lapsu, per aetatem aut morbos antegressos inducto, succedentibus, perspiratione, sudore, urinaque parca saepe cum sedimento albo vel furfuraceo: pulmones infarctui pituitoso a facili in vasis minimis stasi concepta, obnoxii; febres in his magis anomalae, & si acuti generis, raro crasium perfectiorum capaces, atque in putridas

(a) SCHWENCKE haematolog. p. 117

(b) FR. HOFFMANN l. c. p. 433.

malignasque faciles ; saltemque si emergunt , relinquuntur diu imbecillitas , atque oedemata , aliaeque hydropis species saepe morbum acutum excipiunt a maiori solidae fibrae relaxatione , sanguineque magis resoluto .

LXI. Sed & extra hos febrium casus fibrae demum elatere sensim magis destituuntur , relaxantur copiosa aluente adipe , atque uti ea nimis aucta , evanescere fibrae musculares visae sunt (a) , ita minori gradu eos saltem relaxationis effectus habent ; desidia elanguescunt , cellulae flaccescunt , invalescit sensim cacochymia facilisque cachexia , si languentibus demum viribus , appetitus deficiat , ipsorumque organorum digestionis debilitas proborum humorum penu sensim destituit : eo languore sensim pedum oedemata , saepe anasarca ; corporis cava effuso sero , saepe corrupto putridoque turgent ; dum imbecillitas eorum corporum , primo naturalis , demum aucta , vasa vigore destituit , cellulosaque per aetatem vel morbos praegressos , magis flaccida , dum vacua manere nequit , feri solutorumque humorum receptaculum fit .

LXII. Alter ille plethorae obesae effectus est , dum oleosum in cellulis contentum , per

(a) ALBIN. Hist. musc. p. 9. 18. HALLER. l. c. T. I. p. 31.

motus, febres; aliasque causas solutum; venis reſorbentibus copioſius hauritur in maſſam humorum circulantium, quod perinde, ac cito ex obſervatis ſecernitur, cito omnino reſorbetur diſſipaturque (a); unde tanta in febris, tamque ſubita ſaepe emaciatio; ſed oleoſi quanta imbecillitas in vafiſ minimis, cum peſſimarum inflammationum (b) ſaepe ſubitae putredinis (c) metu; quanta acrimonia in rancido, unde peſſima pertinaciſſimaeque ulcera, adfectus cutanei emergunt, quorum ſedes potiſſimum vitiis adipis alitur; quanta inde in viſceribus noxae ac pericula: hepatis noxas potiſſimum metuit SWIETENIUS (d) ab omento, potiſſima huius olei abdominalis ſede; unde directae in hepar viae ducunt.

LXIII. *Plethoram lacteam* addidere Recentiores, inter Gallos imprimis, terroribuſque Germanos etiam, timoribuſque complevere; ut a puerperio in novae huius ſecretionis excretioniſque genere animum, ut recte quidem decet, curasque omni nervo intendant, ſed & pleroſque morbos, puerperis a partu vel ſerius etiam acci-

(a) HALLER. l. c. T. I. p. 39.

(b) V. SWIETEN T. II. p. 311.

(c) V. SWIETEN T. III. p. 337.

(d) V. SWIETEN T. III. p. 85.

dentes ; integro post partum anno (a) eo e fonte derivent , aut derivandos cupiant .

LXIV. Nascitur a partu uberiore lactis secretionem in mammis peculiari naturae instituto , dum contracto sensim magis uteri volumine , vasis in priores diametros redeuntibus , in organum secretorium analogum liquidi copia determinantur ; materiaeque nutritiae penu alendo foetui , iisdem liquidi materni dotibus , quae in utero increvit haecenus , suppeditatur ; sed & sufficiente per suctionem infantis excretionem nil mali periculique habet : verum negata ea , aut variis causis prohibita , retentum congestumque lac non tam varios mammarum adfectus , quam resorptum patentibus iis vasorum viis , ac liquorum circulantium massae mixtum , peculiarem plenitudinis statum inducit ominosum periculoque plenum , maxime a debilitatis puerperae viribus , vasorumque systemate magis relaxato .

LXV. Amplior fere iis e causis morborum describitur catalogus , quem a quovis plethorae genere : lac hoc resorptum , aut quod etiam in mammis necdum secretum fuerit , massae sanguinis mixtum , tanquam corpus peregrinum inimicumque considerat TISSOT (b) , quod cum

(a) Ex LEVRETO SWIETEN T. IV. p. 610.

(b) TISSOT von Krankh. der Vornehmen und Reichen §. 53.

sanguine haud aequabiliter miscibile; stimulos plus minus validos, veluti ab acri, vasis injecta materie, inferret; unde febres inprimis variae, plus minus acutae violentaeque emergerent, neque nisi facta eius materiae sufficiente excretionem, quieturae; quae per varia colatoria organa, alvum, urinas, sudores, ipsamque uterinam excretionem fit.

LXVI. Verum hac crisi excretoria aut non sufficiente, aut variis e causis prohibita, quanta malorum cohors! Febrem acutam saepe lethalem, aut chronicam lentamque cum tussicula, cutis peculiari marcere describit TISSOT (a); febres intermittentes malignas, gangraenam, paralyfin PUZOS (b), morbos cutaneos varios, furunculos, paronychias, scabiem, sudores chronicos (c) diarrhoeas, fluorem album, sterilitatem ex atonia uteri memorat (d); febrem inflammatoriam uteri viscerumque abdominalium, cum membranulis omnia viscera obducentibus, feri lactis magnam copiam in cavum abdominale effusam describit FAUCKEN (e), pleuritides cum deliquiis, cordis palpitatione, motibus convulsi-

(a) TISSOT l. c. p. 77.

(b) Comm. de reb. in Sc. Nat. Dec. I. suppl. p. 50r.

(c) TISSOT l. c. p. 80.

(d) TISSOT l. c. p. 48. 73. 78.

(e) FAUCKEN vom Faulfieber. p. 64.

vis DESESSART (a); purpuram ipsam, toties puerperis lethalem (b) erysipelas, aliquando funestum, adfectus arthriticos, paralyticos, debilitates chronicas, anorexiam, status hectici phaenomena, pathemata hysterica, vitae deinceps calamitosae varias miserias, eo ex lactis suppressi fonte, sanguinisque inde reliquorumque humorum inducta corruptela, flagrantibus viscerum ruinis addit.

LXVII. Famosae huc illae lactis metastases pertinent, quae in partes varias externas internasque, varia viscera, cum vario morborum plus minus lethalium, acutorum, acutissimorum, chronicorum eventu liquor ille decumbit: ad regionem inquinalem & extremitates inferiores potissimum eius liquidi nisum ex dolore tumoreque earum partium colligit PUZOS (c) testaturque SWIETEN (d). Abscessus lacteos ad spinam lumborum coxaeque crebrius formari arbitratur LUDWIGIUS (e) ob debilitatem harum partium a tensione ligamentorum, musculorum, nervorumque ad spinam dorsi lumbarem & coniunctas cum osse sacro coxas, per validos in partu ni-

(a) DESESSART von Erziehung der Kinder. p. 186.

(b) PUZOS Comm. cit. p. 504.

(c) Comm. cit. p. 505.

(d) V. SWIETEN l. c. p. 611.

(e) LUDWIG. Advers. T. I. p. 728.

sus relictam : eam in vesicam urinariam lactic
 metastasin cum incontinentia urinae relictam credit
 HAZON (a), in abdomen pedemque factum me-
 morat HENCKELIUS (b), ut etiam paracenthesis
 in abdomine ad evacuandum liquidum lacteum
 salubriter adplicata fuerit (c); luxationem femo-
 ris inde inductam, it. in abdomine cum cita
 morte, ubi peritoneum totusque intestinorum tra-
 ctus materia albida, flocculenta, cremori lactis
 simili ad 3. vel 4. libras obducta visa, refert
 VAN DER HAAN (d); imo morbum puerpera-
 rum, praesertim pauperum, quae in Nosocomio
 peperissent, epidemicum, Parisiis anno 1746.
 Act. A. R. Sc. referunt cum similibus in cadave-
 ribus mutationibus, coagulis externae intestino-
 rum superficiei adhaerentibus, seroque lactis in
 abdomen effuso: factam in cerebrum hanc meta-
 stasin chronica amentiae aut maniae mala induce-
 re, refert PUZOS (e), aliique (f). Morbos

(a) Neue Samml. auferlesener Wahrnehm. Vol. V.
 Art. 53.

(b) HENCKEL neue Wahrnehm. P. I. p. 122.

(c) Comm. cit. Vol. XX. p. 70. it. MURRAY
 Pr. Bibl. Vol. II. p. 333.

(d) Ex Act. Harlem. Comm. de Reb. in Sc. Nat.
 Vol. XVII. p. 128. 130.

(e) Comm. cit. Dec. I. suppl. p. 502.

(f) IAEGER de Metast. lact. Diss. Tubing. 1770.
 Observationes LEVRETI, CHOMELII adducit
 SWIETEN T. IV. p. 610. 611.

alios cito funestos pulmones exhibent, in quorum vesiculas transpositio illa lactis facta fuerit, uti observationem refert GARDANE (a), ubi sectione cadaveris in vesiculis pulmonalibus verum lac inventum fuerit: morbum inde lentum hecticumque cum sputis lacteis diuturnis refert BALDINGER (b).

LXVIII. Sed undenam, quaeſo, tantae novae, tantaque in liquido malignitas? Quod mitissimis gelatinosis, omnibusque, quae ad dotes nutritias pertinent, principiis in alendi foetus suppetias natura suppeditat, atque a chylo, qui universam nutritionis C. H. & conservationis materiem continet, largo organorum secretoriorum adparatu proxime deducit, cuius magnam cum sanguine convenientiam GAUBIUS probat (c); ut minime adeo pro corpore peregrino inimicoque haberi oporteat, cui natura maxime perpetuo cum sanguine circulo non tam adsueverit, quam eo ad sustentandas fabricae vires indigeat; minimeque intolerabiles eos stimulos alat, quae vehementissimae, malignae, funestaeque febres exardescunt.

LXIX. An earum, quae puerperis saepe le-

(a) Conf. MURRAY Bibl. l. c. p. 33.

(b) Program. de Morb. ex metastasi lactis.

(c) GAUBIUS Pathol. §. 345.

thales accidunt ; haec a lacte origo ? Unde coagula illa intestinis visceribusque aliis extus inhaerentia effinguntur : nonne indolem eam febrium inflammatoriarum putridarumque crebra docet observatio ; qua exsoluta e massa sanguinis gelatinosa parte, viscidum illud phlogisticum produci-
tur , quod quaque versum saepe exsudans , coagula , membranas visceribus adhaerentes , efformat , quas toties in pleuritidum ac peripneumoniarum genere pulmonibus , pericardio , cordi aliisque partibus innexas sectionibus cadaverum conspicimus : annon ea e classe saepe febres puerperales , maxime in impuro Nosocomii aere epidemico , quarum similes in intestinorum omentique inflammatione suppurationeque eventus cum membranarum illis coagulisque adnotant Viri Celebrissimi LEAKE , HULME aliique.

LXX. Molimina suppuratoria quacunque a causa nata , id potissimum agunt , ut puriformis ex dissoluta gelatina , materies in varias viscerum metastases pronissima sit ; vidi toties abscessus hecticos similibus cum coagulis seroque albicante fluentes ; quin a lacte aut chylo originem suspicari licuerit .

LXXI. Annon fluoris albi foeminarum distinctissima a lacte materies est ? quam & lacti adscribunt .

LXXII. Verum & annon , dum quis a lau-
rio-

tioribus epulis vinoque generoso redit, maiorem a chylo plenitudinem alit, quam naturae vires tamen placide subigunt, per colatoria haud difficulter, saepeque sola insensibili transpiratione eliminant, ut eas etiam copias saepius repetitas impune ferant; licet maiori oleosi gelatinosique copia, quam lac ipsum, sed & acrimonia spirituosae aromaticaeque scateat: quae quaeso a lacte innocuo turbae, turbarumque causae? quas nemo facile conceperit.

LXXIII. Atque quare tumorum eiusmodi, quos a lacte in cellulosos textus deposito reperiunt, tam facilis curatio, uti describunt (a), licet per plures durarint hebdomades; cum alias tanti a coagulis lacteis, quiete moraeque natis, metus sint timendique omnino effectus.

LXXIV. Annon eam mammarum fabricam construxit, corporique animali providit Creator, ut vasa lactifera innumera anastomosi inter se invicem non tam, quam vasis lymphaticis, venisque sanguiferis inosculentur, demonstrante MECKELIO (b), perpetuumque sic adfluxum refluxumque in communem humorum circulantium massam facilem omnino sustentent, ac naturales piane has vias exhibeant, ut lactando nutrimenti

Vol. IX.

V

(a) V. SWIETEN T. IV. l. c.

(b) MECKEL. Nov. exp. & observat. de finibus ven. & vas. lymphatic.

penu suggerat alumno ; nec tamen proprium dei fraudet corpus ; perpetuam adeo hanc secretionem resorptionemque per complures a lactatione annos, imo aliquando in vetulis adhuc superstitem (a), faciant, inque ipsis viris (b), foetibus (c) observata, naturae hoc institutum doceant.

LXXV. Quod tanti momenti visum est MECKELIO (d), ut novam hanc, e Gallia traductam Pathologiam, adeo & aniculis & Medicis placidam, plane ridiculam arbitretur. Sed eam mihi, tantis viris contradicendi, partem haud sumperim, si quando iis in adflectibus verum lac, neque aliam ea sub specie fallacem materiam invenerint, quam rariorem tamen observationem credo ; dum puriformis, in massa sanguinea contenta materies, quam e crusta phlogistica repetit, eamque in gravidis frequentiore adnotat DE HAEN (e), ea liquidi albicantis forma illudere possit : adparet saltem, magnum eo in argumento pathologico abusum, erroribusque plenum dominari.

LXXVI. Aliae certe supersunt causae, antiquitus etiam cognitae, quae morbi puerperales flagrant, tum graviditatis tempore, tum a parto

(a) HEBENSTREIT Anthropol. p. 183. 184.

(b) HALLER. Elem. T. II. p. 483. MORGAGNI
adv. anat. V. p. 3.

(c) V. SWIETEN. T. IV. p. 653.

(d) MECKEL. l. c.

(e) DE HAEN Rat. Med. P. III. p. 133. P. II.
p. 25. 30.

traductae, aut a singulari nervorum per conceptionem graviditatemque mutatione, aut viscerum partiumque abdominalium, grandescente uteri volumine, compressione, situs mutatione, alterato sanguinis circulo; aut ab ipsius uteri, vasorumque in maiores sensim sinus, explicatione, queis liquidorum copia, huc determinata sustinetur, sed & a stasi vario corruptelae genere inficitur; quae in exanthemata, morbosque cutaneos, deflagrat, aut inducta uteri partiumque vicinarum a partus laboribus debilitate variisque toties hic adplicatis iniuriis, cum pessimorum saepe morborum eventu: purpuram certe; olim tam ominosam puerperis funestamque toties, rarissimam nostro aevo reddidit tum mutatum, alias familiare, calidum regimen, tum artis obstetriciae magis ovescens dexteritas; cauta magis, minoribusque uteri iniuriis agens; quam plethora lactea reddidisset frequentissimam: varia porro lochiorum conditio, haemorrhagiae, variis morbis favent; danturque exempla abscessuum, in abdomine tempore graviditatis enatorum, qui aliquo a puerperio tempore demum rupti, mortem subitam inopinatamque intulerint (a).

LXXVII. *Plethorae Therapiam* ut memoremus, facile quidem communeque inprimis in Ve-

(a) Nov. act. N. C. T. III. p. 327. RICHARDSON Op. syd. T. II. p. 420.

nae Sectione remedium quaeritur ; ad quam saepe tamquam anchoram confugiunt , ut eam saepius per annum statutisque plerumque temporibus celebrent : quae vero , licet imminentibus plethorae noxis praecavendis omnino conveniat , effectu tamen minus durabili , eius facili in quibusdam regenerationi non resistit , manentibus iisdem causis , sanguinis productioni faventibus ; atque cum inter ipsas plethorae causas , si nimis crebra , a plerisque referatur , dum inducta vasis maior relaxatio copiae sanguinis minus attenuandae dissipandaeque , sed locandae potius servit ; adparet , cautelas in ea omnino necessarias esse ; ut eo in curationis genere ad imminuendam plethorae genesin , Venae Sectiones nimis familiares consuetasque sensim intermittendas suadeant.

LXXVIII. Sed & eo effectu contractae sensim magis consuetudinis , maior inducta debilitas ; alias demum noxas accersit , ut in plethorae spuriae genera , vel aucta a lentiore sanguinis motu adipe , in plethoram obesam , vel eam ad vires , quibus minor etiam sanguinis copia molesta sit , variosque infirmiae valetudinis effectus degeneret ; quibus accedentibus saepe aliis causis debilitantibus , variisque morborum iniuriis in adfectus cachecticos , potiusque demum sanguinis prohi inopiam incidunt.

LXXIX. Adparet , maiores Venae Sectionis in quovis plethorae spuriae genere cautelas esse ,

quae deiectas iamiam vasorum vires ; sanguinem debiliorem fovet , quas in noxas Venae Sectio crebrior conspirat ; id quod plerorumque Cell. Practicorum monitum est .

LXXX. Anceps vero omnino verae plethorae medela est , dum a molestiore diaetae genere petenda est , evitandisque iis causis , quas plethorae faventes supra diximus : abstinencia nimis tenuis parvusque , minus nutriens cibus & victu praeprimis vegetabili , fructibus horaeis potius , quam cerealibus farinaceisque petitus ; potus tenuis , aquosus , pauco tamen vino roborante interposito , somnus brevis , multa corporis animique exercitatio , regiminis calidi cuiusvis evitatio , optima in hoc medendi genere remedia existunt ; a quibus vero ii potissimum alieni , qui plethorae causas aut congenitas aut acquisitas habent ; sine quibus a diaeta petitis subsidiis , nec a Venae Sectione , nec quovis remediorum genere curatio exspectari potest .

LXXXI. Summa vero huc cautela pertinet , ne ea diaetae mutatio , transitusque a lauto in tenuem victum subito fiat ; quo debilitate accitata , deiectisque coctionis & assimilationis viribus , probi chyli dotes pervertantur , aquosi tenuisque liquidi copia collecta cachecticos adfectus pariat ; dum sufficientem quidem ex parco alimento , sed probae notae chylum , haud vero nimium a viscerum chylopaecorum viribus suppeditari oportet .

LXXXII. Ieiunia diutius tolerata ; pares cautelas habent ; dum moderata , quae victu parciore vegetabili cum aqua simplici consistunt , utilia omnino ; nisi victui iurulento animalique nonnisi viscidus ex piscium glutinosorum genere , & farinaceis , praesertim non fermentatis substituat ; quo boni demum sanguinis loco glutinosum spontaneum primis viis invalescit , & in secundas exundans , nisi crebra corporis exercitatione deiiciatur , cacochymiam inferunt , in quam obesi inprimis & debiliores plethorici proclives sunt (a). Molliusculi e carne cibi , victusque iurulentus praecipuas noxas habent ; dum duriores sub virium digerentium bonitate ; saliti saepe ac fumigati , probum omnino alimentum , sufficiensque , haud nimias illas nutritiae gelatinae copias suggerunt.

LXXXIII. Alia huc remedia referuntur crebra e salinorum potissimum genere cathartica , sal sedl. , aqua sedl. , crem. tartari , rhabarbarina , sennata , aloetica cum salibus , adiunctis ; quae evacuando subducendoque liquidi copias succurrant ; quaeque obesi quidem interdum , ea saepe vehementiora drasticaque facilius ferunt : quorum eadem cautela , ne debilitate intestinali alia gravioraque mala inducantur .

(a) LUDWIG. *Inst. Therap.* §. I. p. 416.

ORATIO ACADEMICA

D E

POPULORUM MISERIA;
MORBORUM GENITRICE,

Quam

Die 5. Maii 1790. publice recitavit

IOANNES PETRUS FRANK

*R. & A. M. a Consiliis Gubern. Mediol. Facul-
tatis Medicæ per Insubr. Austr. Præses,
Præceos & Clinices Prof. P. & O. Reg.
Scient. Acad. Goetting. Mantov.
Patriot. Mediol. & Electoral.
Moguntin. Sodalit.*

D E

POPULORUM MISERIA,
MORBORUM GENITRICE.

Infelicem satis mortalium sortem esse, quin de suo miseriis quid adderent homines, confitemur omnes, qui ad sublunare hoc exilium, in quo degimus, a natura fuimus condemnati. Sed ita est, RECTOR MAGNIFICE, PATRES SAPIENTISSIMI, AUDITORES SPECTATISSIMI! pars maxima, quibus opprimimur, malorum, ab ipso homine procedit: ac si natura hoc modo rigorem suum nascondere, & lugentibus lacrymas in proprios errores convertere voluisset. Quod si vero rerum omnium, quarum exiguum nos partem facimus, compages & constitutio Universi non permisit, ut Ens humanum feliciori, quam in quo vegetat, loco ordinaretur: fatendum tamen est, quod, cui Auctor vitae mentem sanam in corpore sano indulgit, hic in creationem non parum censendus foret iniurius, si, tanto male contentus patrimonio, ingratus obmurmuraret. In hoc vero a pueritia delinquere consuevimus: ut, quam alia illibatam conservant haereditatem animalia, hanc ipsam fere innu-

mens ausibus nos ipsi petulanter dissipemus ; & licet funera ex omni parte circum nos cadant, praecipitium tamen , ad cuius limina errores proprii nos perducunt , non prius abhorrescamus , quam dum , in illud coniecti , ruimus in profundum.

Quo factum est , AUDITORES , ut , cum ex propriis singulorum deliriis tantus iam morborum exercitus egrediatur : alieni etiam errores in non minora mortales discrimina cogant , utque ex ipsa adeo societate , quam sylvestres quondam rudisque homines , ut securiorem amplecterent existentiam , iniverunt , caussae interitus quam plurimae progignantur ? Multa certe errantis per vasa nemora , fixisque destituti domiciliis populi incommoda ; - sed alios longe eiusdem morbos , nostrisque pauciores omnino fuisse , mihi persuadeo . Atqui , dum Medici publici princeps in eo positum sit officium , ut in variarum , quibus Civitates subiugantur , aegritudinum originem , causasque praecipuas austero examine inquirat : unam ego hoc in amplissimo confessu Vestro , *populorum nempe miseriam , ut fertilissimam morborum genitricem* , breviter examinabo . Non me latet , hanc communem malorum scaturiginem paucis in Republica ignotam esse ; nec praetervideo illud , quod obicere quis posset , ad *Principes* potius , quam ad alios , quod ab illis fere solis auxilium sperari queat , Orationem fuisse

dirigendam ; sed forte quid dicam , quod satis dici non potest ; forte , cum per tot annos popularibus morbis & miseris spectator non otiosus interfuerim , colores imagini , quam depingam , veriores dabo . Vos autem dum alloquor , PATRES SAPIENTISSIMI , qui veritatem scientiaque humanas futuros Magistratus & ipsos sic principes edocetis , videor mihi cum his ipsis sermonem habere . Me , similia quondam cum Publico loquentem , in multis , primorum etiam hominum aures percipere , & Civis licet inconspicui consilia non pauca sequi haud dedignarunt . Forte & talia locutum esse , quondam iuvabit , & neminem , qui tam verae morborum causae indaginem , ab alio , quam a Medico , expectari posse contendat , futurum esse mihi persuadeo .

Quam facile foret morborum gravissimorum a Republica , sapienti lege , avertere impetum , eamque ab illis etiam malis salvam tueri atque immunem , in quae ipsorum adeo Medicorum perexilis est auctoritas & potentia ; hoc alio tempore uberius a me fuit expositum (*) . Sed in quantum extrema populorum miseriam vim Civium uti-

X 2

(*) Dissert. de Magistratu , Medico felicissimo . Goetting. 1784. recuf. in *Delectus Op. Med.* Vol. V. p. 70. Vid. & *Politiae Medicae* Vol. I. IV.

liffimorum vitalem suffocatam tenet, & venenoso halitu profternit; quis vana vel meliora his in rebus effe confilia, non lubens fatebitur? Averrant, fi poffint, Principes morborum a confinibus imminentium funefta fubditis contagia! Medica Chirurgicaque fcientia conspicuos Viros per Provincias undique collocent! Nofocomia extruant! meliori omine dirigant! Officinis medicamentorum invigilari imperent, & alia denique multa pro Civium falute fufcipiant; hoc unicum vero, uberrimam fcilicet morborum originem, *extremam populorum miferiam*, diffipare, vel tolerabiliorem reddere praetervideant, & vix conspicua erunt Legum fanitati publicae invigilantium beneficia. Eft quidem in omni Republica neceffarius, & a nulla constitutione feparabilis Civium ordo, quo inaequalis bonorum diftributio diverfas eorundem claffes conftituat; & ipfe Rex Regum, Populus Romanus, quamplurimos, quibus angufta res domi erat, fub ipfo virtutis & libertatis Imperio, contentus numeravit. Atqui cum fuae cuivis Civium claffi, aegritudines effe debeant, quales diverfa apud fingulas vivendi ratio inducit: oportet certe, uti divitum, fic & egenorum proprios, fub quovis Reipublicae fystemate, morbos exiftere, neque certe de illis, qui ex inevitabili civicae difparitatis lege originem petunt, fermenem hic inftituere conten-

dam ; sed extremae potius egestatis , sub qua pars maior & utilissima populorum convellitur , effectus in salutem publicam potissimos considerabo .

Non quiescam (verba sunt HENRICI IV. Galliarum Regis) non quiescam , nec me Populorum Dominum fuisse gloriabor , nisi *Gallinam* mensae ruricula suae imponere , fractasque laboribus vires laudabili alimento reficere potuerit ! Non inane mansisset divini Principis propositum , nisi (heus sortem impiam , quae Reges optimos persequitur !) fanaticus furor ipsum adeo , cui mensam straverat , populum invasisset ; nisi paricida manus sacrilegum in Regii*Parentis viscera acuisset ferrum , & nisi invidia Magnatum odiumque Religionis , donec Posteris virtutis tributum solverent , magnanimi Regis voluntatem pietatemque in subditos obscurasset . Sed ad quem demum finem haec refero , AUDITORES , nisi ut quemvis ex Vobis convincam , TRAIANUM illum CHRISTIANISSIMUM verum felicitatis publicae punctum penetranti oculo dignovisse , atque ut monstrem , quam vana sint altisonantia hodiernorum de crescendis augendisque Civibus Commenta , nisi hoc maxime principio , salutis publicae vera basi , superfundentur .

Extrema populorum egestas , quemadmodum vitiorum animi foecundissima parens est , sic & generationis ipsum opus ad radicem corrodit ; &

corpora Civium ad morbos innumeros disponit; quorum curam, sub melioribus etiam Artis salutaris praefidiis, difficillimam reddit aut impossibilem. Paucis utramque Dictionis partem argumentis dilucidabo, & cum quemvis ex Vobis tam magnae veritatis satis iam persuasum esse credam; facile erit, sine oratorio, quo destituor, talento, rem totam brevibus sic absolvere, ut ex Medicis etiam rationibus pondus novum pro sublevandis Plebis miseriis tot aliis accedat, & nova exultandi occasio sumatur, quod & nos a Principe regamur, in quo felix Hetruriae Populus HENRICI Aemulum agnovit, & cuius paterna in ultimam etiam subditorum classem animi adfectio morborum causas, quas hic considero, ut Sol beneficus imbrem, dissipabit.

Virtutem, ex aulis profugam, agrestium tuguria hominum pro tabernaculo sibi elegisse, non est fabula. Sed quae splendidis ambitiosorum Palatiis valedixit simplex amictu Divinitas, haec raro sub tectis colitur, quod dira fames refugit, & quae desperationi sunt pro habitaculo. Cui nullum cum societate, in qua ipsi vivendum est, nisi denegatae toties commiserationis, vinculum manet, hic facile tenuissimum filum, quo vix adhuc Civibus sibi invisus connectitur, sub involuntariis angustiae convulsionibus, desperabundus dirumpit; non nisi de propria existentia sollicitus, legibus, quae sibi soli non prospiciunt,

maledicit , & , communis licet hominum Parentis
 aequae filius , orbe tamen exul , amissae partem
 naturalis haereditatis , quo potest modo , vel
 clandestino , vel aperto , sibi revindicare contem-
 dit : in hoc , malitia supplet impotentiam ; in
 illo , ignorantia & , obtuso per miseriam huma-
 nitatis quovis sensu , aucta stupiditas , ferociam
 secundat , & sic virtus , solidissimum , sed uni-
 cum publicae securitatis fulcrum corruit , vitio-
 rumque animi genus omnium , fatali Reipublicae
 omine subintrat . Exempli in variis adhuc Euro-
 pae Provinciis occurrunt . Diviso quovis poten-
 tiores inter atque divites Reipublicae agro , dispa-
 ritas *Plebeis* ab ipsis *iumentis* , alia vix superest ;
 nisi quod haec praecedant , trahantque aratra ;
 illi dirigant atque sequantur . Exspectabimus for-
 te , ut , sub tam fervili , atque a quavis posses-
 sione exclusa Civium conditione , maior sit eorum ,
 quam quibus se dignitate vix non posthabitos
 conspiciunt , domesticorum animalium in Patriam
 propensio ? ut emaciata in defensionem foci , qui
 ipsis non ardet , aequali tendant robore brachia ?
 ut generatione prolium , subsistentiae impossibili-
 tatem propriae augere contendant ? ut natas ,
 frigido sinu , cum amore foveant , educent ? ut
 periclitantes morbo , ad maiores vitae , ad ae-
 quales Parentum miseras conservent ? ut Filios ,
 legum , quibus Patres naturali Civium iure spo-

liantur , reverentiam ; — ut virtutem , quae non nisi contumelias , vituperationem , inediae iugum , mortem denique ipsam , ab aliis patienter recipere iubeat , cum perseverantia doceant ? Ab hac tam deplorabili apud miseros Africae incolas constitutione prolium in servitutem dirisimam venditio ! ab hinc tot innocentium puerorum victimae , quos crudeles Asiae Genitores voluptuosis tyrannorum gynaeceis , & heus ipsius adhuc Italiae diversae Provinciae totius Europae Amphitheatris quotannis nefando ferro sacrificant ! hoc ex fonte centenae manus ad horrendos quosvis ausus , & ad quaevis homicidia , solius ad auri adspectum paratae ! haec denique summa rerum ad vitam necessarium inopia est , quae animos ad vilia quaevis officia disponit , quae mentes hebetat , alienat ; quae Parentum in Filios , Filiorum in ipsos Genitores amorem mutuum extinguit ; quae reverentiam in Principem , in Leges , in ipsam adeo Religionem , subvertit & suffocat.

Ex tam violento ultimae rerum penuriae in mentes Civium influxu , difficile non est , ad quaevis corporum vitia hoc ex fonte oriunda , concludere : ipsa enim physica hominum constitutio quantum non ab animorum dispositione dependet ?

Sua cuivis Civium classi , ex vivendi ratione deducta sanitas est , & morborum natura . Sunt Aulicorum procerumque aliae , sunt Mili-

tum ; sunt Literatorum ; Artificum sunt variae & propriae adfectiones , quarum singulae specialem sibi Medicorum inquisitionem promeruerunt ; sed morborum , ad quos inedia Gentium , & commodorum vitae omnium defectus disponit , tanta ubertas conspicitur & copia , ut non nisi *primae* eorundem *linearum* brevis Orationis ambitu possint comprehendi.

Qui mortis humanae generales causas summam indicare contenderunt ; illi divites crapula , inedia pauperes iugulari pronuntiaverunt ; sed pulchrius , quam vere haec dicta sunt : nam sua egenis quoque , rerum nempe indigestibilium , repletio , nec tam simplex , apud utramque classem , interitus ratio est . Vix utero conceptus futurae miseriae Embrio , quantis non mox calamitatibus exponitur , in quibus hoc solum ipsi felicitatis in vita concessum est , ut sic nescius in malam sortem praeparetur ! Exhausto seminat agro , vix primos foetus per animales Placentae radículas succos attraxit , cum iam per impositos male nutrito corpori materno labores improbos concutitur impotens & evellitur ; vel necessario frustratus alimento , maternos inter planctus & suspiria marcescit , antequam maturuerit . Quoties non praegnantem utero mulieres ad opera viribus longe superiora , sustentandae familiae dira necessitate coactas , prono in terram

corpore cum impetu solum effodere; folias ex-
struere, cerealia sub ardentibus meridiani Solis
radiis excutere, immani humeris, capiti, pon-
dere imposito obrui, - quoties non, in oryza
colenda, flagnantibus aquis, sub quavis caeli
intemperie, ad genua usque immerfas incurvo
& repente quasi corpore zizantiam terra; & -
heus saepe nimis propriam sic utero prolem
evellere videmus! Cum abortus partusque prae-
maturus, quorum mihi notitia per multos satis
annos a singulis *Spirensis* Principatus Obstetrici-
bus exacta tradebatur, calculo quondam subie-
cissim, obstupui, quibusdam pagis quovis an-
no longe maiorem illorum, quam aliis eiusdem
ditionis locis, esse copiam. In tam sinistri even-
tus causam inquirens, mox in *servitute* inveni,
qua mariti officialibus operis multoties detenti,
uti quosvis labores domesticos, sic & agrorum,
pratorumque culturam, illis in pagis difficiliorem,
uberioremque, uxoribus ad ultimos usque prae-
gnationis menses relinquere coguntur. Atqui dum
iumenta utero gestantia ab intensis laboribus
omnino prohibent, ne pullos equi vitulumque
vaccae, possessoris damno, praemature excludant:
humanas contra, Civis primordia ferentes foemi-
nas, vel crudeli inedia perire, vel fertile ma-
tris corpus iugo submitti oportet.

Sed mala prioribus peiora parturientem ex-
spectant. Viribus per victus inopiam, per labo-

res improbos exhaustis , ad magnum opus languens accingitur : Obstetricis temulentae vel ignorantis manibus commissae defunt consilia , amicarum assistentia ; commiseratio ; & cum caetera animalia vel solitarium saltem angulum habeant , in quo , ab atmosphaerae iniuriis defensa , foetum deponant ; humanae foeminae , Patriae Civi , frigidissimo saepe & vix non aperto in loco , vel inter pecudes , labor hic subeundus est : sub quo , si vel minima & a sola natura non superanda occurrant obstacula ; victima cadit , & cum prole adhuc rubente , priusquam anhelaverit , exstinguitur .

Sed felix esto foetus exclusio ! quam varia puerperarum discrimina non superuat , nisi maior earum cura , quam pauperculae Civi praestari solet , haberi queat ! Quot non ex partus reliquiis in utero detentis , vel audaci Obstetricum conatu violenter extractis , - ex proliferi visceris atonia , ex spasmis , haemorrhagiae , lipothymiae sequuntur ! quas non linteorum & necessariae munditiei defectus , refrigeria partium , vel aeris corruptio , febres puerperalium nomine infames , - quot non praepostera , ad subeundos labores domesticos , lecti desertio , vaginae , uteri prolapsus , post se relinquit !

Ast ab hoc saltem , dicetis , mulierem defendet miseria , ne mammas puero , cum damno ditioribus foeminis tam infenso , recuset ? . . . praesentabit utique ! . . . sed lacrymas genitricis su-

per filium ruentes adspicite ! . . . collapsa sunt ubera , fons vitae arescit ! exhausti sunt canales ! quid voluntas matris , quid in prolem amor , quid raucus sitientis pueri clamor & vana suscitio hic possunt ? Secernant vero aliquem iunioris & adhucdum minus exhaustae mulieris ubera liquorem niveum : quam cito haec secretio , aut per continuos , a labore immoderato mox a partu iterum suscepto , sudores disperditur , aut quam saepe in totius materni corporis tabem , quam *lacteam* vocant , continuat ! Matertera , urbium incolae , proprias alienis mammis supplere anhelans in medium nunc prodit , & uberiori victui prospiciens , nutricis ab ubere prolem divellit ; peregrinum , crudeli contagio non raro contaminatum , substituit ; abdicatur infelix & ad duriores , quam tenellus stomachus perferat , cibum condemnatur . Languescit , consumitur miser , & matris viscera commovet : papillam haec furtim restituit , & vel venenum , quod in maritum iam transfudit , & proli suae instillat , atque promissum alteri rapit alimentum ; vel utriusque pueri labro brevi spatio exhauritur .

Sed alienis mater non vendat buccis ubera : cogit tamen aut lactis , laboribus nimis consumpti , post paucos menses parcitas , aut ipsa genitricis a prole frequens separatio , duriores pusioni cibos praeparare . Ad pultem hic Germanae mulieres , ex lacte & tritici farina , = nostrae ve-

ro ad massam longe tenaciorem; ex aqua & frumenti turcici polline paratam, eo cum effectu confugiunt: ut indigestibilis haec & a debiliori ventriculo vix subigenda, hinc non nisi in gluten tenacissimum, fermentans & acidum, convertenda materia, continuo devorata, innumera parvulis incommoda, flatu, tensionem abdominis, tormina ventris, vermium evolutionem copiosam, glandularum denique mesenterii insuperabiles obstructions, atrophiam, rachitides, hydropem, convulsiones, & ipsam denique mortem, saepe numero inducat.

Tantum vero adest, ut genitores miseria oppressi filiorum interitu magnopere percellantur; ut tristis potius experientia docuerit, puerorum Brephotrophiis commissorum partem fere maximam a legitimis adeo parentibus fuisse expositam. Quare morborum infantilium cura, qua prolium vitam alio, quam solius naturae auxilio tueri velint, vix ulla apud plebem exspectanda est. Finem, inquiunt, malorum, morte inveniunt: nec verius quid, nec pro Republica fatalius dicere possent, nisi numerum filiorum finire, maius adhuc sit, & communius flagitium. Ecquid miserrimi homines, inter pecudes enutriti, & adinstar illarum, sine humanitatis, literarum, aut Religionis principiis educati, cum de propria existentia sese periclitare quotidie sentiunt, de servanda prole, antequam ipsa sibi victum procurare queat, cogita-

bunt? In hac terribili veritate latet incredibilis illa mortalitatis apud infantes in Provinciis ratio quam maxima; & in hac quaerendae sunt Medicorum in servandis pueris impotentia, & strages infantum annuae, quas levior quaevis epidemica constitutio offerre consuevit.

Nec tamen haec sola fertilissimarum licet Provinciarum devastationes & populationis vel decrementum vel lentorem, satis explcant; licet haec ex eodem semper principio, utilissimorum nempe Civium extrema miseria & servitutis specie, repetenda videantur.

Vix pueritiam attigerunt egestatis filii; cum; genitorum inopia coacti, durioribus semet laboribus accingere, &, succos nutritios, qui futurae corporis evolutioni destinandi essent, sudoribus diffilare iubentur: abhinc proceritatis, symetriae & naturalis perfectionis, - abhinc speciei humanae, hac in Civium classe, in domesticis etiam animalibus conspicua, degradatio, ut quae immaturis laboribus adstricta, pusilla manent, & corporis elegantia, robore & naturali excellentia defraudantur. Quare ex vultu, & ex membrorum rigiditate, *virum* saepe diceretis adolescentulum rusticum, qui, puer, iam ad virilia compulsus servitia, in massam extendi nesciam, aetate solidiorem, compactus est. Nec tenero parcit dira necessitas sexui; sed filias eidem cum fratribus iugo submittit, &, ad seriora matrimo-

nia iam condemnatas; inflexiles corpore reddit,
& ad partus difficillimos praeparat.

Labor a vita illorum inseparabilis, quibus
agrorum colendorum nobilis cura relinquitur,
tantum abest, ut sanitati obesse possit, ut potius
corpora abinde firmari, & morborum, quos
otium, passiones animi, & ingluviies Urbium pro-
ducunt, cohortem eodem averti oporteat. Ubi-
cunque agricolis aliqua rerum proprietas, bono-
rumque possessio concessa est, ubi lucrum aliquod
labores compensat, & nascentis familiae sustenta-
tionem secundat: ibi & sanitas Populi, non mi-
nus agro, quem colit, florere observatur. At
verò dum victus natura aut quantitas non resti-
tuit, quod per illum a machina humana deteri-
tur quotidie & per sudores consumitur; nemo
est, qui hanc ipsam brevi tempore collapsuram
esse, fateri ab experientia ipsa non cogatur. *Pop-
ulus servus, Populus cachecticus est*, nec va-
num liberi hominis nomen cuiquam hic imponet,
qui tabem ex facie universae laborantium classis
iam primo adspectu agnoverit. Pauco, eodemque
non fermentato pane semi nutritus, solis iam an-
te ortum, ad grave onus sese accingit Agricola,
& sub ardentibus solis radiis emaciato corpore
solum vertit non suum, vitemque colit sibi soli
ingratam: labuntur brachia, sicca palato lingua
haeret, consumit fames: pauca oryzae granula
& faba, aqua macerata expectant miserum, qui-

bus nec illud quidem ; nisi parcissima manu , condimentum misceri potest , quod natura tam largiter mortalibus exhibuit ; ut & longe maximam telluris superficiem eodem circumdederit , & ipsa terrae viscera abundanter impraegnaverit . Pauca noscuntur animalia , quae *salis* a victu non deficerent , eundemque non vehementer desiderent : neque vanus iste naturae instinctus est ; sed digestio animalis ab hoc condimento mirum quantum promovetur , & apud pecora , boves , moderata & hinc inde cum alimentis porrecta salis portione quamplurimi morbi praecaventur . Apud hominem vero tanta salis necessitas observatur , ut rarissimi sint Populi , qui eodem abstinere creduntur ; sed forte cineribus carnes igne torrent , aut maris aquis ebulliant , aut has ipsas subinde gustant , aut demum piscibus utuntur muria conditiis . Quo viscidior autem , vel quo magis glutinosus , digestuque difficilior victus est , eo salis urgentior redditur usus : cum ab hoc ipso ciborum praepostera retardetur in ventriculo fermentatio , pastacea facilius solvatur moles , & tum fibrae , nervique stomachi ad naturales functiones , tum exhalantia vasorum oscula ad maiorem gastrici excretionem succi excitentur . Hinc facile videmus AUDITORES , pretium pro condimento tam necessario nequaquam posse augeri & moderatum salis usum pauperibus praescindi , quin aperto salus eorundem exponatur periculo , & quin leve , quod aucto ex salis pretio redundat , lucrum , optimorum

Civium, & ipsarum adeo bestiarum domesticarum mortalitate aucta, manifesto Reipublicae damno tollatur (*). Victus autem inopia & qualitas nutriente destituta principio, quemadmodum corpora Civium ad peragendos cum aliqua constantia labores reddit inepta; sic & pro suscipiendo morborum quovis fomite disponit. Quo debilius, & quo curis exhausta magis humana machina est: eo quoque citius, in sitientem quasi spongiam, miasmata, contagiaque penetrant. Hinc fames, agrorum aucta sub infelici sydere sterilitas, pedissequas semper in Provinciis Epidemias agnoscit, quae non tam ex ipsa ciborum pravitate, quam ex fatali corporis ad recipienda morborum seminia aptitudine derivandae sunt. Medici, Chirurghi, Militum Praefecti, Confessores, licet in corrupta aegrotantium atmosphaera versentur, atque iisdem vicini adsistant; rarius tamen, quam pauperes, & emaciati, animique viribus deiectioni Cives, Milites, a contagio afficiuntur; & in Peste demum ipsa, quae, hoc in saeculo Marsilienses afflixit, cum, ob maximam mortalitatem, deessent, qui dispersa per plateas cadavera leverent, sepelirent, condemnatis pridem ad remos hominibus, meliori ad haec nova officia victu & lucro instructis, licet ipsis mortuorum vestimentis

(*) Vid. Medicinische Policey III. Band. Abschn. V. §. 3.

fese ornarent, sinistri nihil evenit. Sic quivis fere morbus epidemicus aut contagiosus, apud mi-
 seriore Populi classem & exoritur, & quam ma-
 xime dominatur, & eradicatur tardius, ita ut le-
 vior etiam angustiori loco reclusa adfectio, hy-
 berno inprimis tempore, quo, cum frigore, au-
 rae etiam vitalis allisionem avertere student, in
 funestam mox, carcerali nosocomialique feбри si-
 milem aegritudinem terminetur, & in affiges;
 & in amicos miseria exhaustos, praedispositos,
 propagetur. Quae, sub tanta corporis nuditate
 & refocillantis defectu foci, a summo gelu, - quae
 ex habitationibus fuliginosis & impuris, - quam
 foedi cutis morbi a neglecta corporis munditie,
 & a transpiratione per angustias continuas lan-
 guente, miserioribus sint fere proprii; haec non
 nisi verbo hic attingo. Tantis vero oppressa mor-
 borum causis paupertas, quantis non mox,
 eisdem succumbens, calamitatibus exponitur!
 Tremulis iamiam a febre artibus ad graviore
 adhuc labores, uxorem, filios sustentatura, va-
 cillat, donec tantae sub miseriae pondere exsic-
 cum corpus prostratur. Medicum forsitan ac-
 cerfit, venientis opem implorat: Medicinam,
 alimentum aptius, assistentiam, egestas denegat;
 perduntur dies & salvandi occasio; Nosocomium
 vero, si quod pateat, vix intratur, quam ut a
 funeralibus eximatur familia. Quod si etiam ma-
 turior hoc ad refugium accessio fuerit; in quam

plurimis tamen Nosodochiis contagiorum tanta observantur pericula , tam crudelis miserorum neglectio : ut mortalitatis ratio , communem insigniter superet , & maximo aeris publici dispendio & illud Civium superaddat , dispendiorum quam flebilissimum . Nec minora sunt reconvalescentium apud miseresiores discrimina : quibus scilicet neque ullus ciborum delectus esse potest , neque virium desiderata restitutio , neque animi demum corporisque requies : ut , qui ex acuto vix morbo restituti videantur , ex inanitione nunc tabescant , & chronicis adfectionibus lento cruciatu perimantur .

Hic est extremae in Populos miseriae , hic luxus undique aucti , hic Magistratus de Civium utiliorum salute parum solliciti influxus est . Quodsi viventium undique augere numeros vera cupido sit : existentiae suae , Parentem , Prolem , certos esse iubeant ; rerum ad vitae usus necessariorum pretia , ultra , quam labore , sudoribus exsolvi possint , augeri non sinant ; infamem humanitati *servitutem* , & , quae ad hanc proxime accedit , Agricolarum ab omni proprietate & possessione exclusionem vel positivam , vel ex insuperabili inopia dependentem , auferant ; ut paucis dicam , HENRICI Regis in subditos votum compleant ! *Populorum miseriam , potissimam morborum generatricem* , procul a Provinciis expellant ! & robusta & copiosa ex foecundo matrum alveo prodibit proles , nervoso brachio exculi ridebunt campi ,

redibunt ad Urbes morbi luxuria exhaustas, & gaudia, virtus, Patriae dulcis amor, & pristina Civium firmata laboribus salus restituetur.

Sed Vos nunc adpello, Viri iuvenes, Te ALOYSIUM MAZZONI, Te PETRUM BANDIERA, Te IACOBUM TROVATI, ut supremi honoris, laeta hac die, in virtutis atque diligentiae vestrae praemium suscepti signa ex manibus meis publice consequamini! Venite o Boni! *Laurea Apollinis* doctam frontem exornate, & *Coronam Civicam*, sine cuius connubio altera mox languet atque flaccescit, mereamini!... *Annulis* circumdate digitos, & sicut sponsus, hoc simulacro, dilectae fidelitatem, assistentiam, defensionem spondet uxori: sic Vobis miserorum classem ubique amplissimam in auxilium, opem, desponsatam agnoscatis!... *Librum* denique *adperio*, ut Vos moneam, post vestrum ex Academia secessum, non ideo doctis esse lucubrationibus valedicendum. Eundem *claudio*: sic Vos, quod natura aliter Vos docuerit, naturae magis, quam libris, credite! Ultimos nunc Viri Vos amantis amplexus suscipite, & quod Filii Parentibus debent, hoc mihi, hunc titulum ambienti, Patrisque functo per annos in Vos officio, hoc solatium concedite: *ut Reipublicae utiles sitis, ut sitis felices!*

W. X. J A N S E N

PHIL. ET MED. DOCT.

D K

P E L L A G R A ,

MORBO IN MEDIOLANENSI
DUCATU ENDEMIO.

Lugduni Batavorum 1787.

INTRODUCTIO (*).

D *Iversus in diversis climatibus apparet homo*
Vol. IX. Y

(*) Non recudendum putassem hunc de morbo apud *Insabros* endemio conscriptum ab extero Medico libellum: quod nempe ob brevissimum, quod Auctori cum aegrotantibus intercessit commercium, obscurioris morbi naturam rectius diiudicare & curae eiusdem aliquid superaddere vix potuerit. Sed cum nihil nobis deesse debeat, quod vel ab Exteris etiam de hac singulari prorsus aegritudine aut cogitatum, aut coniectura saltem discussum fuerit; eo libentius huic Dissertationi aliquem hic locum concessi, quod non inutilem morborum, *Pellagrae* aliquomodo consimilium,

(a); variis viſitat alimentis; vario ſeſe ornat veſtitu, varium inhalat aerem, ſolum calcat varium, labori vario, variis quoque ſeſe ſubmittit moribus. Quid mirum itaque, ſi morbi in diverſis terrae plagis quoque varient, ut expe-

cum hac ipſa comparationem inſtituerit Cl. JANSEN, & quod Inſubriae Medicis circa hunc morbum occupatis, non ingratum eſſe crediderim, aliorum etiam hac ſuper materia opinionem percipere. *Notulas* Opusculo, licet occaſio multiplex fuiſſet, addere nolui: meretur enim ſumma morbi gravitas, ut quondam maiorem eidem rectius deſcribendo operam impendam, & ut, quod muneris mei ratio poſtulat, curationis felicioris vias hucusque abditas detegere ſatagam. Noſodochium, quod pro miſeris hoc morbo adfectis agricultoribus in loco *Legnano*, CAESARIS, nobis crudeli fato erepti, iuſſu exſtructum fuerat, EODEM iubente, clauſum eſt: ut diviſi per quinque alia Ditionis huius Noſocomia aegroti *Pellagra* adfecti, Medicorum diverſorum methodos diverſas experirentur, & ut plurimum ſic labor & induſtria ad citiorem morbi cognitionem aliquid conducere. Hoc unum addo, paucos ante meſes *Pellagram*, & *Paduano* in *Agro* viſam & a dilecto quondam Auditore meo, D. Doctore FRANCISCO FANZAGO egregie fuiſſe deſcriptam. *Vid. Memoria ſopra la Pellagra del Territorio Padovano*. Padova 1789. in 4^o

(a) Sunt autem in Europa gentes tum magnitudine, tum forma, tum magnanimitate inter ſe differentes, inquit HIPPOCRATES in *lib. de aere, locis, & aquis*. Edit. Foef. Genev. 1657. pag. 294.

rientia ab omni aevo satis docuit (a), ac indies de novo confirmat. Sic Trichoma Polanos vexat, struma deturpat Alpicolas, Elephantiasis & Lepra Africanos (b), sarcocoele in Regnis Galam & Barraha frequens est (c), Helvetii prae caeteris Herniis laborant. Et si rem diligentius examinemus, nulla forte regio erit, quae non in unum alterumve morbum peculiariter inclinet.

Verum inter omnes endemios morbos nulli forsitan sunt, pauci certe, qui tantam attentio-

Y 2

(a) Hinc iam olim voluit HIPPOCRATICUS Auctor, ut Medicus regionum singularium situm & Naturam cognoscat in *lib. de Dieta lib. 2. Foes. pag. 353.* Quod pulchrius & prolixius explicat Divus Senex in *lib. de aere, loc. & aq. ibid. pag. 280.* Idem CELSUS monet in *Praefatione lib. I.*

(b) Est Elephas morbus, qui propter flumina Nili Gignitur Aegypto in media, neque praeter (rea usquam; inquit LUCRET. *lib. 6. de Rer. Nat.* Quae tamen Poetae verba cum grano salis accipienda sunt, cum aliae quoque regiones ab hoc liberae non semper manserint. Nullus tamen dubito eum Africanis annumerare, cum quocunque etiam loco repertus fuerit, illuc ex Africa venisse videatur. Quod hic per transennam.

(c) SCHOTTE in *Philosophical Transactions Vol. 73. Parr. 1.* & quae Cl. BLUMENBACH ex BARBOT adduxit in recensione huius Partis in sua *Bibl. Med. T. 2. pag. 642.* & seq. Ubi etiam iconem huius morbi inspicere licet.

nem merentur, quam ille, cui vulgo Pellagrae nomen est, quique Mediolanensibus rusticis tristissimam stragem minitatur.

Quem morbum, cum novus videatur, ac adeo incognitus nostris in regionibus, ut eruditissimi Medici nomen Pellagrae vix cognoscant, hic breviter describendum mihi sumpsi, ut fortassis, si plurimi in arte eruditi rem speculentur, immedicabili hucusque morbo tandem Medicina reperiatur.

Nolim autem, quis descriptionem Pellagrae numeris omnibus absolutam a me postulet. Incognita morbi indoles; ac temporis, quod in hoc Ducatu consumere mihi licuit, brevitatis id prorsus vetant. Nec tamen ingratum fore arbitror, ea, quae aut ipse vidi, aut ex ore Clarissimorum virorum FRANK, MOSCATI, STRAMBI aliorumque percepi, paucis enarrare,

Ut autem rem ordine aggrediar, in septem Capita tractationem dividendam credidi. In primo de morbi huius nomine, definitione, antiquitate agam: in altero morbi descriptionem exhibebo: in tertio de Divisione eius: in quarto de Causis: in quinto de Complicatione cum aliis morbis: in sexto de Prognosi dicam: in septimo demum, quae de curatione dicenda sunt, absolvam.

Stili simplicitatem nullo elegantiae fuce commendatam L. B. excuset, velim.

D E

P E L L A G R A ,

MORBO IN MEDIOLANENSI
DUCATU ENDEMIO.

C A P U T I.

*De Pellagrae Nomine, Definitione, Antiquitate
ac Pellagrosorum Nosocomio.*

Nomen Pellagrae graecae videtur originis (a), ita tamen hac in regione notum, ut vix sit, qui audito nomine, morbum non cognoscat. Sunt etiam, qui eum *mal del Sole* appellant.

Optime eum definiri arbitror, quod sit morbus endemius, verno tempore macula rosea in dorso manus plerumque se primo manifestans, hyeme disparente, sed quae sequenti anno haud raro gravioribus stipata symptomatibus recurrit,

Y 3

(a) Auctor vocis, eius origo, ac Etymologia aequae incerta videntur. An à πέλαις, ut ἐρυσίπελαις?

tandem melancholia , mania spasmodique comitata ; mortem vix non semper inferens .

Ad quam morborum classem in recentiorum Nosologiae systematibus reponi noster morbus debeat , non scrupulose disquiro : utrum Leprae Mediolanensis nomine eum salutare , an potius inter Ephelides , an inter Melancholias recipere velint , indifferens .

De Antiquitate huius morbi inter Medicos Mediolanenses non parum disputatur . Novum alii , alii iam multis ab hinc saeculis cognitam fuisse Pellagram volunt : eadem fere lis est , quae de morbo venereo . Si scripta veterum pervolvamus , nihil , quantum novi , de eo adnotatum reperimus . Quin & nostro tempore vix descriptus est , & Auctores , qui de eo typis aliquid mandarunt , tum incompletas descriptiones prodidere , tum haec in nostra Patria adeo rarae sunt , ut nec in Catalogis , nec in Bibliothecis habeantur . Sunt autem , ut mihi relatum fuit , sequentes : GIO. MARIA ALBERA (a*), MICHELE GHERARDINI (**), P. MOSCATI , qui au-

(a*) *Tr. Teor. Prat. delle malattie dell' infolato di primavera volgarmente dette la Pellagra*. Varese 1784.

(**) *Della Pellagra descrizione di MICHELE GHERARDINI*. Milano.

tem plura de novitate, quam de morbi indole refert, & FRAPOLLI (a), qui primus, ut in-

Y 4

- (a) Priores tres Tractatus videre mihi non licuit, & frustra eos in Bibliopoliis Mediolani quaesivi: solum FRAPOLLI libellum ex auctione librorum viri Cl. I. N. CRANZ possideo, qui sub titulo *Physici FRANCISCI FRAPOLLI Mediolanensis Nosocomii maioris, Medici Animadversiones in morbum vulgo Pellagram*, Mediol. 1771. in 8vo fac mancam Pellagrae descriptionem 37. paginis comprehendit. Praeterea nuperrime amicissimus mihi Doct. C. G. VAN DEN HEUVELL brevem huius morbi descriptionem, a Doct. HOLLENHAGEN Medico Mittaviensi meo itineris socio sibi communicatam dedit in novo suo systemate Nosologico, cui titulus: *Tentamen Nosologicum sistens morborum a vitio vis vitalis divisionem & dispositionem practicam a maxime fundamentali morborum parte, quantum per abditam multorum Naturam licuit, desumptam, pro gradu Doctoratus defensum* L. B. 1787. pag. 415. Ubi hunc morbum, dubitanter tamen, inter eos collocavit, qui ab actione vis vitalis morbosa anormala ortum habent. His tamen, ni fallor, addenda videtur Cl. THIERI descriptio morbi cuiusdam, qui in Hispania Asturiae incolas infestat, ab illis *Mal de la Rosa* appellatus: facta enim accuratissima comparatione morbum hunc *Mal de la Rosa* dictum, aut eiusdem plane Naturae, aut Pellagrae valde similem esse affectionem, mox apparet. Aliqua tamen differentia adhuc intercedit. Sic Asturiensis morbus cutim magis defoedare videtur, quam Pellagra. Tremor ille capitis ac trunci superioris, quem aegros impedire scribit Cl.

quit (a); de eo peculiariter scripſit. Nec tamen defunt eis, qui pro antiquitate dimicant, argumenta, quibus eam quodammodo probare annuntuntur. Inter Ordinationes, quae a capitulo Noſocomii maioris Mediolanenſis editae ſunt, habetur una Anni 1578., quae ſic habet: *che quelli, che faranno infermi di Pellarella, Croſte, Gomme, e Piaghe, ſiano accettati, avendo però il Mandato ſottoſcritto*. Vocabulum Pellarella Pellagram interpretantur. Quod dubium etiam proponit FRAPOLLI, dum inquit: *Declarens nunc eruditi, an terminus ille Pellarella Pellagram hanc noſtram designet nec ne: ſi affirmative ſentiant: non adeo recens erit morbi epocha &c.* (b). Ad me quod attinet, potius hic Pillarellam (c) quam Pellagram intelligendam crederem. Mi-

THIERI, quominus recti ſtare valeant, quantum novi, in Pellagra non obſervatur, aut ſaltem rarius. Nec oris ardor, ac labiorum ulcuſcula Pellagrosos moleſtant. Descriptionem autem huius morbi dedit Cl THIERI in ſcripto Periodico Pariſienſi, cui titulus: *Recueil Periodique d'Observations de Medicine, de Chirurgie, & de la Pharmacie à Paris chez J. Barbon T. 2. pag. 337.*, qui 2^{us} Tomus iam prodit 1755.

(a) Lib. cit. pag. 10.

(b) Lib. cit. pag. 11.

(c) In Lue venerea, quando non ſolum ſuperciliorum, ſed & barbae & capitis partes pilis denudantur, Pelladam ſive Pillarellam vulgus vocat. *Haſenreffer in Noſodechie cutis pag. 63.*

rum sane foret Medicos veteres; qui in describendis cutaneis morbis tantam collocarunt diligentiam, de hoc penitus tacuisse, cum inter eos non deficiant Itali. Frustra de eo aliquid quaeres apud MERCURIALEM, frustra apud FALLOPIUM, frustra apud alios priorum saeculorum Auctores, ne dicam apud Graecos aut Arabes. Neque sub alio nomine nostri morbi decursum unquam a veteribus descriptum legi, quod factum fuisse credit Cl. FRAPOLLI (a). Sunt certe morbi cutanei ab antiquissimis Auctoribus iam descripti, qui aliquam cum nostro morbo similitudinem habent, si maculas cutisque asperitatem solas spectas; verum si reliqua horrenda symptomata simul conferas, toto caelo differunt. Pro novitate dimicat Cl. MOSCATI, qui certo mihi affirmavit, se ultra 30. aut 40. annos nulla infallibilia morbi huius vestigia unquam reperisse. Contra Cl. STRAMBI longe antiquiorem esse morbum confirmat, cum saepe ex ore pellagrorum ipse perceperit, parentes ac avos eorum iam ante 69. annos morbo hoc laborasse aut perisse. FRAPOLLI ex eo capite pro antiquitate dimicat, quoniam semper existit causa eadem, subiecta eadem, cur ni iidem effectus? Cum autem multa sint, quae causam, quam Auctor hic

(a) Lib. cit. p. 12.

pro certa ac indubitata venditat ; admitti penitus prohibent , corrui quoque haec argumentatio . Quidquid fir , id certum est , ante multos annos non tanta copia exstitisse pellagrosos , ac indies multiplicari , ita quidem , ut si coepto furore malum pergat , tandem depopulationis metus sit . Nam in plagis , ubi vehementissime saevit , inter centum incolas quinque pellagrosos reperiri , Cl. STRAMBI calculavit . Hinc quoque Imperator aegrorum saluti quam maxime prospiciens in Oppido quodam Lignanum (Legnano (a) itali scribunt) dicto Nosocomium pro solis pellagrosis construi voluit , quod quadraginta semper aegros continet , cui Medicus praeest Cl. STRAMBI , cui pro praestita nobis humanitate publicas hic grates refero . Verum ne & aliis Medicis occasio desit morbum examinandi , in omnibus Nosocomiis tam Mediolani , quam Papiæ pellagrosos decem ad minimum admitti voluit Imperator . Atque ut in examinando hoc morbo Medicorum fervor magis

(a) Est hoc Oppidum 15. circiter miliaribus Italicis ab Urbe Mediolano distitum versus Lacum maiorem ad Olonam Amnem , non confundendum cum alio in Ditione Veneta ad Atagem fluvium , cui idem nomen tribuunt Itali . Ad Nosocomium ipsum quod attinet , nihil habet peculiare amplae descriptione dignum .

incitaretur, praemia quoque promissa sunt iis, qui aptam Pellagrae Medicinam invenient.

Ad accuratiorem morbi descriptionem nunc progredior.

C A P U T I I.

Pellagrae eiusque Symptomatum Descriptio:

Ineunte vere, mense nempe Aprili aut Martio (ipso etiam Februario in illis, qui prima vice malum patiuntur), ubi ad colendos campos Rusticum tempus invitat, subito saepe accidit, ut in manuum dorso rubor splendens sese manifestet, erysipelas aut rosam mentiens, absque multo pruritu (*a**), absque magno dolore (*a*), absque omni molesto symptomate. Viri aequae ac mulieres, pueri puellaeque morbo huic subiecti sunt. Plerumque haec macula manum utramque afficit illaeso toto reliquo corpore; neque tamen hoc perpetuum est; haud raro etiam tibias occupat, aliquando collum, quin aliquando ipsam faciem, licet rarissime: apud mulieres

(*a**) Efflorescentiae latae non admodum pruriginosae: HIPPOCR. *Apb. 9. Sect. 6.*

(*a*) Hoc iterum Pellagra differt a morbo Asturiensi, ubi dolorem magnum percipi, scribit CL. THIÉRI.

nonnunquam supra ubera visa fuit; quousque vestibus non teguntur. Partes autem corporis aeri non expositae, immunes ab hoc vitio existunt. Nec unquam pedis planta, aut manus palma afficitur (a). Rubra autem haec macula cutim paullulum elevat, parvula varii coloris tubercula crebro elevantur, pellis exsiccat, rimas agit, physiologo quandoque observatu non ingratas, cum epidermidis fibras clarissime ostendant (b). Desquamatur tandem corrosa cutis; deciditque in squammas albas furfuraceas: splendor tamen in loco desquammato aliquamdiu adhuc persistit, & in nonnullis tota fere hyeme splendet illa macula. Interim, exceptis defoedatis hisce partibus, toto tempore sanus permanet homo, rustica sua munia absque incommodo obit, opposita quaecunque appetit, comedit, digerit sine detrimento. Alvus plerumque laxa iam ab

(a) In Asturia autem abdomen, pectus, & aliaeque partes non liberae manent a *mal de la Rosa*. Verum si alias, quam metacarpum aut metatarsum partes corripit, tunc non eo nomine ab Incolis appellari, monet Cl. THIERY. Sic ibi quoque haud raro singularis figurae monile repraesentat, quod tamen posteriorem colli partem ad musculum trapezium liberum relinquit.

(b) Non autem in omnibus pellagrosis fibrae hae distinguere adeo clare possunt, raro talis casus sese offert.

initio morbi observatur ; & per totum Pellagrae decursum eius laxitas continuari solet . Reliquae se & excretiones sanae , ipse mensium fluxus in pellagrosis foeminis , nisi alia subveniat causa ; a iusta periodo ac mensura non desectunt . Sed , quod maxime mirum est , elapso aestivo tempore , mense Septembri , citius in aliis , in aliis serius , in nonnullis , praecipue si malum adhuc in cunis haereat , iam exeunte Maio ac Iunio penitus evanescit malum , redit cuti naturalis constitutio ac firmitas . Sed utinam penitus iam periculo vacarent miseri ! Abscondit se hyeme malum , aufugit raro . Vix eoim revertitur verum tempus , mox quoque praesto est pristina macula , & quidem saepe peioribus nunc comitata symptomatibus . Incrementa capit morbus : magis rugosa , callosa cutis evadit , rimis repleta notabilioribus . Capite laborare nunc incipiunt aegri , timent , moerent , labores minus ferunt , iisque peractis insignem sentiunt lassitudinem . Ad aeris varietates maxime sensiles sunt , frigoris aequae ac caloris impatientes . Nihilominus sus adhuc munia subire plerumque valent , non equidem eo , quo solent animo , ast lectum tamen petere nondum coguntur , cum febris penitus absit , appetitus vigeat , viscera chylopoietica adhuc sana sint . Etiam hunc in statum cum devenerit Pellagra , apparens sanitas hyeme plerumque re-

dit. Sed quæ peiora symptomata sint; quo fortiores radices egerit malum; eo certius adveniente vere iterum apparet maiori vehementia. Disparet aliquando cutaneum malum remanentibus reliquis symptomatibus. Vires nunc animi tum corporis indies magis prosternuntur; morositas, vigiliae, vertigines similiaque, ac tandem melancholia summa accedunt. Nunquam forte tristiore melancholiam quis viderit, quam hoc in morbo. Nosocomium, quod Lignani est, ingressus, attonitus tristissimam hanc scenam adspexi, praecipue in cubiculo quodam, ubi foeminae asservabantur: sedebant omnes otiosae, languentes, vultu prostrato, oculis moerorem spirantibus, absque causa lacrymabantur, interrogatae vix respondebant. Crederes primo obritu non nisi fatuas, ac dementes coram habere, nec multum a vero aberrares; sensim enim sensimque increfcit haec melancholia, ac tandem in veram maniam abit. Multi peculiari ac characteristico quasi sudore perfunduntur, ut in dicto Nosocomio observare mihi licuit; sudor hic odorem spargebat foetidissimum, quem melius comparare non possum, quam illi, qui ex pane mucore correpto percipitur, ita ut peritus solo olfactu in illis morbum facile detegat. Multi ad plantas pedum ardorem sentiunt insignem, noctu saepe somnum auferentem. Alii visum duplicem, alii

fatuitatem ; alii viscerum abdominalium obstructionem , alii alia patiuntur . Abest tamen adhuc febris , viget appetitus , secretiones plerumque naturalem adhuc ordinem sequuntur . Sed indies augetur morbus , nervi quam maxime debilitantur , crura , femora motum omnem amittunt , accedit sopor , delirium , atque melancholia nunc in veram maniam abit . In Lignanensi Nosocomio in variis cubiculis tam virorum , quam foeminarum delirantes ac maniacos hos conspiciere licuit : alii sine furore tranquille cubabant ; alii vero furiosi , ne sibi aliisque nocerent , chordis lecto affixi haerebant ; in his fere omnibus pulsus erat parvus , tardus , absque omni febris indicio . Una aderat foemina furoris uterini levioris specie laborans ; haec ad adspectum viri maxime laetabatur , ridebat , oscula offerebat , & omni gestu , ut appropinquaret , invitabat . Nec deerant , qui continuis precibus occupati devotionem insignem simulabant , alii risu delectabantur , alii aliis . Sed id notatu dignum videtur a Cl. MOSCATI observatum , quod in hac mania delirantibus omnibus aquis sese suffocandi voluptas summa sit , in quo convenit cum melancholia Anglorum Sauvagesii & Sagarii . Emaciantur summo opere & tabis species saepe delirium pressa pede insequitur . Diarrhoea accedit colliquativa , nullis suppressenda remediis , & quidem haec

diarrhoea inter constantissima Pellagrae sympto-
mata pertinet, quod mirum nemini videbitur,
cum in melancholiis, praecipue iis, ubi singula-
ris tristitia mentem exagitat, ut etiam in Nostal-
gia, frequentissime diarrhoea scenam claudat.
Sic in exercitu Borussiae saepe Nostalgiam aut
tristitiam diarrhoea lethali terminatam vidit Ill.
BALDINGER (a), & quem hic citat, BAGLI-
VIUS (b) incurabiles fere has diarrhoeas pro-
nunciavit. Quandoque in pellagrosis haec diar-
rhoea delirium antecedit. Facilis quoque ex de-
lirio transitus in soporem, & vice versa. Appe-
titus quandoque subito evanescit, ita quidem,
ut sex dies non raro absque omni cibo transi-
gant; non raro subito redit, & sanorum adin-
stat in deplorabili hoc statu oblata quaecunque
consumunt, quin aliquando inter horrendas con-
vulsiones a cibis non abhorrent. Convulsiones
autem, quibus miseri hi corripuntur, visu sunt
terribiles, & nulla forte convulsionum species
existit, quae non quandoque pellagrosos adori-
tur. Sic vidi puellam in lecto cubantem, quae
quotiescunque erigere se volebat, opistotono
vche.

(a) *Von der Krankheiten einer Armee. Langensalza*
1774. pag. 454.

(b) *De Praxi Medica lib. I. cap. Diarrh. & Dysent.*

vehementissimo torquebatur ; alii emprostotono , alii aliis tetani speciebus succumbebant (a) . Tandem animi deliquium , & demum mors desiderata tragoediam claudit , quin saepe febris vestigia toto morbi decursu habeantur .

C A P U T I I I .

Divisio Pellagrae .

Enarrata nunc morbi Historia , patet , Pellagram commodè , ut iam animadvertit Cl. FRAPOLLI (b) , in tria dividi posse stadia . In *initiatam* nempe , in *confirmatam* , *desperatamque* .

Initiatam voco , ubi absque reliquis symptomatibus macula illa rubra , splendens sese ostendit in carpo aut partibus soli expositis , ubi cutis rimulas agit , ac in squamas decidit furfuraceas . Durat hoc stadium in nonnullis per plures annos , ita quidem , ut reperiantur , qui sex , octo imo quindecim annis in primo Pellagrae stadio versantur , disparente omni hyeme

Vol. IX.

Z

(a) De Catalepsi tamen dubito , an unquam in nostro morbo observata sit : saltem nihil de ea audiui , aut adnotatum inveni . Verum an haec inter morbos convulsivos pertinet ?

(b) Lib. cit. pag. 19.

malo, ac verno tempore recurrente: tuncque rustici diuturnitate morbo adfueti, penitus saepe negligunt malum, quod praeter cutis defoedationem vix aliquid incommodi affert. Sed non omnes fruuntur hac felicitate: sunt enim contra, in quibus mox altero: tertiove anno in confirmatam Pellagram transit.

Confirmata autem Pellagra est, ubi priori symptomati, quod iam exasperatur cute callosa existente, rimasque profundiores agente, iunguntur timor, moeror, vigiliae, lassitudo & malo in desperatam vergente, mentis oblivio, deliria hypochondriaca, alvi fluxus copiosior, mania, virium defectus. Ubi autem comatosae simul affectiones, febris, convulsiones, diarrhoea colliquativa contumax, summa corporis macies, tabis species, ac animi deliquium accedunt, *desperatum* penitus malum, & certa mors brevi expectanda est.

C A P U T I V.

De Causa Pellagrae.

Nihil in Praxi Medica difficilius, nihil obscurius ac falsis hypothefibus, commentisque magis defoedatum adhuc hodiedum existit, quam caussarum Doctrina. Tot Physiologorum, tot

Anatomicorum observationes, quibus recentior Medicina superbit, licet Peripateticorum occultas qualitates, Chemicorum fermentationes, Mechanicorum distensiones, relaxationes similiaque e Doctrina Medica fere expulerint, causam tamen proximam plurimorum morborum enodare nondum valuerunt. Quot non morborum genera nostris etiam temporibus humorum corruptioni, acrimoniae &c. adscribuntur, in quibus nihil eiusmodi existit? Ut autem in omnibus fere corporis humani affectibus causa proxima latet, sic quoque in Pellagra. Id tamen, si symptomata diligentius perpendam, affectum esse aut per nervos cerebrum, aut hos a cerebro enunciare non dubitem. Omnis enim laesio, quae hoc morbo in humana machina producit, ad animales, ut vocant, functiones pertinet, reliquae vigent; nihil enim in digestionem, in chylopoiesin, nihil in sanguinis circulationem, in se-et excretionibus observatur, quod non naturale sit, nisi eousque tandem debilitati sint nervi & cerebrum, ut necessario reliquas corporis partes in consensum trahant. Sed quis iam demonstret, in quam corporis parte fomes nervorum systema tantopere debilitans haereat? An in hypochondriis? an in ipso cerebro? an in alia corporis parte? Ignorantiam lubens hic fateor. Qui periodicos morbos ex labe qualicunque viscerum

misso : dum illi quoque bilem , quasi bilem (materiam biliformem Cl. STOLL) in ipsis ventriculo , ac intestinis haerentem similia cutanea mala per consensum producere posse experientia didicerint . Neque tamen haec sufficere mihi videntur , ut causa nostri morbi in abdomine indubitabiliter figatur . Etenim qui perpendit , nullum plane praeter dicta occurrere signum , quod vitium in hypochondriis haerere vel suspicari liceat ; is certe facillime in aliam partem deflectet (a) .

Sed non proxima tantum nostri morbi causa latet ; remotiores simili plane obscuritate obfunduntur . Quae enim corporis dispositio huius morbi susceptioni favet ? Quid , & qua occasione in corpus invehitur illud , quod tantas in nervorum systemate , in tota humana machina perturbationes producere valeat ? An ardens aestate calor ? An alimentorum perversa indoles ? An paludosus aer aut soli humiditas ? An miasma aliquod ? Cl. FRAPOLLI ab ardentibus solis radiis unicam morbi causam provenire numerosissimis argumentis demonstrare studet . *Nonne* (inquit) *satis evidens & unica causa insolatio* (b) ?

Z 3

(a) Argumentum enim ex alvi laxitate rem minime evincit .

(b) Lib. cit. pag. 14. & seq.

Argumenta autem, quibus hanc sententiam stabilire annititur, nullius sunt momenti. Primum enim quod affert, hoc est: Non ab alimentis, non ab animi pathematibus, non a laboribus Pellagra nasci potest: ergo unica causa est insolatio. Alterum argumentum ex SENNERTO (a) defumit, ubi Auctor ille Clarissimus ait: *Ephemelidum primum genus est notus ille affectus, nungredo scilicet illa, quam Germani Sommerbrand appellant, in facie, manibus, & partibus aliis radiis solis expositis, ab ardore solis contractis &c.* Cum itaque iam veteres varias epidermides alterationes a solaribus radiis dependere arbitrati sint; cur non & Pellagrae causa in illis quaeratur? Quam debilia autem, quam inania haec sint argumenta, quisque satis videt, vixque refutatione opus est. Accedit praeterea argumentum, quod penitus sententiam hanc evertit: nempe si a sola insolatione morbus dependeat; cur non in inferiori Italia, cur non in aliis calidissimis terrae plagis idem morbus saevit? cur, si forte Asturiam excipias, in solo Mediolanensi Ducatu? Accedit praeterea, quod ii, qui primo morbum patiuntur, saepissime ipso Febuario iam macula illa defoedentur, ut supra iam dictum fuit: mense autem Febuario certe tantus

(a) Pract. lib. 5. Part. 3. Sect. 1.

nondum est caloris gradus , ut adeo periculosum effectum excitare valeat . Et saepe in illis iam Maio aut Iunio mense sanitas redit : ita , ut , dum vehemens caloris aestus corpora exurit , sani iam iterum vivant . Sed videamus , quomodo ex assumpta hypothetica hac causa morbum eiusque effectus omnes explicet : *Cum enim* (inquit) *sol fervidiores fibrans radios subiecta sibi agriculturalum corpora diu exagitet , acriusque perturbet ; nimirum inde rarsunt collecti per hyemem humores , canalium tunicae plus aequo distenduntur , exhalantes cutis poruli violentias dilatantur , transpirabilis materia vi cordis vasorumque impulsu ad ipsos indefinenter confluit , ut qua exitus patet permixta & confusa dimanens . Quinam igitur poterunt tanta haec eliminari copia ? Nonne extremitates ultimorum , minimorumque tubulorum enervari ? Nonne aliquam copiosissimae transpirationis partem in hisce stagnare ? Nonne caetera necesse est sequi symptomata superius indicata initiatae Pellagrae ? Quodsi continua solis actione , aut peculiari cutis dispositione exhalantes poruli omnino oblitterentur , cutisque rugosa , callosaque fiat ; nulla tunc in affectis partibus transpiratio , hinc tot confirmatae aegritudinis acidentia . Porro maiores minoresve sunt Pellagrae effectus , iuxta maiorem minoremve cutis alterationem , uti docet experientia . Concludendum er-*

go , *unam esse eandemque morbi causam insolationem* (a) . Sunt adhuc multa in hac explicatione , quae refelli hic possent , verum ne tedium lectori creem , ad ulteriorem causae investigationem progredior . An itaque victus perverfus , aut labor durus tenuibus alimentis coniunctus morbum nostrum producere valeat ? Certe veritatis speciem habet haec opinio a non paucis adoptata ; siquidem , si pellagrosos contemplerur , eos fere omnes ex minori hominum sorte , ex rusticis , ex plebeis esse deprehendemus , qui laboribus sub die quotidie exponuntur , alimentis duris , saepe ex oryza , quae in hac regione copiose crescit (b) , victitantes .

Aff haec causa huic regioni propria non

(a) Ex hac explicatione videre licet , quam facile sit , ex hypothetica & falsa quavis causa morbum explicare .

(b) Oryzam si paullo maiori quantitate assumatur , non facillime digestionis esse , ex experimentis , quae Cl. BERGIUS in sua *Mat. Med.* refert , concludi , ni fallor , licet . Sed praeterea Cl. I. BONTIUS refert : Calidam oryzam non solum noxam esse ventriculo , verum cerebro , ac universo nervorum generi , hinc quoque nervos opticos saepe in tantum obstrui , ut caecitas inde oriatur , hinc etiam non facile Iovanos ac Malayos edere calidam oryzam . *De Medicina Indorum lib. 2. Dialog. 3. pag. 41. & 42. in edit. 4^{ta} adiectus est Operi PROSPERI ALPIN. de Med. Aegypt. L. B. 1718.*

est, in omnibus fere terrae, saltem Europae plagis huius generis homines & duris laboribus & alimentis disceptis farinaceis destinantur. Neque in universum verum est, solos rusticos, ac plebeios huic morbo subiectos esse, rarius quidem, sed tamen non nunquam ditiores, bene viventes etiam invadit. Sic narravit mihi Cl. STRAMBI se cognovisse Sacerdotem, Canonicum satis bene viventem, laboribus nunquam defatigatum, qui tamen diro hoc morbo laboravit. Praeterea si ex hac causa atrox hic morbus nascatur; cur sordium primarum viarum, aut aliorum symptomatum, quae ex inconvenienti diæta ortum habent, nullum hic sese offert? At tamen nimiam oryzae calidae ingestionem aliquid ad nostrum morbum conferre posse, non inficior. (!) His enarratis causis probabilior forte nonnullis videbitur soli humiditas ac aer paludosus. Etenim negari non potest, Ducatum Mediolanensem aquis stagnantibus aequè ac fluentibus ubique abundare. Quanta autem mala paludosus aer hominum sanitati inducere valeat, novit iam olim HIPPOCRATES (a), & paludes aquas deterrimas vocavit COLUMELLA (b). Et veteres Romani hac ex causa in paludum exsiccationem

(a) In lib. *de aere, locis, & aquis*.

(b) *De re rustica* lib. I. Cap. 3.

non exiguam collocarunt diligentiam (a). Neque earum noxam ignorarunt recentiores: CL. LANCISIUS (b) fere exhaustit hanc materiam: CL. CULLEN (c) ex aere paludoso frequentissimam intermittentium febrium omnis generis causam desumit, atque harum febrium differentias ab intensitate miasmatis paludosi vel eius in dato spatio quantitate produci credit. Neque lecta inutilia sunt, quae de horum effluviolorum noxa nuper protulerunt P. ORLANDI Medicus Romanus (d), & DAZILLE (e) Medicus in St. Domingo. At si Auctores omnes proferre vellem, qui de noxis stagnantium, ac morbis inde ortis scripserunt, insignem doctissimorum virorum Catalogum recenserem. Sed si omnes hos pervolvamus, nihil, quantum invenire potui, habent, quod aliquam cum nostro morbo similitudinem

(a) TARQUINIUS Priscus iam exsiccavit paludem in Urbe iacentem. SCAURUS Consul exsiccavit aliam ad Padum fluvium. MARCUS CURIUS Dentatus Reatinae paludis exsiccationi incubuit.

(b) *De noxiis paludum effluviis eorumque remediis libri dua. Et in Diss. De nativis deque adventitiis Romani caeli qualitatibus*, passim.

(c) *First Lines of the Practice of Physic* Vol. I. Edinb. 1778. §. 82. pag. 68.

(d) *De exsiccandarum paludum Pontinarum utilitate.* Romae 1783.

(e) *Observations générales sur les Maladies des climats chauds.* à Paris 1785.

ostendit. Verum obliuiscere quis posset : quod omnes illi morbi , qui in Auctoribus recensentur , solis stagnantium effluuiis ortum suum debeant , aliud autem quid in Mediolanensibus rusticis obtineat : hi enim , cum oryzam , quae non nisi in agris aqua inundatis crescit , quam maxime colunt , non tantum effluuiis , verum & ipsi aquae stagnanti saepe exponuntur . Non omni robore destitutum hoc argumentum videtur . Verum qui cespites effodiunt in Hollandia , toto saepe die pedes aquis pessimis immerfos tenent , nec tamen ibi unquam aliquem morbo nostro laborasse audiui . Accedit adhuc , quod illae Ducatus partes magis Pellagrae obnoxiae sint , quae elatiori solo gaudent , & paludosae aquae , aut aeri non expositae , ut observavit Cl. STRAMBI . His itaque pensitatis patet , a sex rebus non naturalibus (ut cum Scholis loquar) morbum deduci hactenus non potuisse . Certum quidem est , subesse vitium aliquod earum rerum , quibus homines carere nequeunt ; sed hoc vitium sensibus patere non videtur , & ex cognitis qualitatibus derivari nondum potuit : Hinc melius est ignorantiam fateri , quam ex falsa & hypothetica quacunque causa morbum explicare , ne maioribus erroribus ansa praebeatur .

Superfunt adhuc aliae dirimendae quaestiones , nimirum : an contagiosus sit hic morbus ?

an haereditarius? an endemius; an in nullis aliis regionibus observetur? Ad contagium quod attinet, nulla certe observatione constat, hominem sanum a pellagroso unquam infectum fuisse, quin potius certo statuendum videtur, omni contagio carere Pellagram: constat enim, plurimas uxores laborare inveterato etiam morbo, sano interim marito, & contra. Saepe in tota familia unus pellagrosus, reliqui sani; aut in pellagrosa familia unus alterve sanus haud raro reperitur. Et FRAPOLLI aegrotos confirmata Pellagra laborantes non semel vidit in eodem cum sanis lectulo ad plures dies cubasse, aestivo ut plurimum tempore, & nulla inde facta in alios huiusce morbi transfusione. Hinc etiam inquit: *neminem arbitror somniaturum Pellagram morbum esse contagiosum* (a). Veruntamen Medici Mediolanenses nonnulli rem extra omne dubium positam nondum credebant, cum sufficientia hac in re experimenta adhuc desiderarentur.

Sequitur nunc altera quaestio profundius sepulta tenebris. Nimirum utrum hic noster morbus inter eos pertineat, qui ex parentibus in prolem, serumque nepotem migrantur? Novi equidem, diatheses haereditarias hodie a nonnullis penitus reiectas; sed meum non est, hic multum

(a) Lib. cit. pag. 12.

contendere pro veritate rei ; cuius existentia tot indubitatae observationes clarissime ostendunt, licet modum, quo fiat, ignoremus . Nonne Phthisin , Podagram , Epilepsiam plurimaeque alia mala per seriem descendantium quandoque continuari videmus ? Quid quod maiorem admirationem meretur , a Patre , illaeso filio , in nepotem transire ? ut iam olim animadvertit PLINIUS (a) , & recentiores innumeri confirmant . Magis adhuc elucescit haereditaria haec potestas , si nationum spectemus varietatem . Licet enim clima tandem nationali suo habitu stirpem hominum peregrinam induere videatur , multae tamen generationes ad hoc desiderantur (b) . Et Aethiopes in nostra etiam regione proles generant nigras omnibus characteribus instructas ; quibus haec gens ab Europaeo sese distinguit , quas tam accurate descripsit Cl. SOEMMERING (c) . Europaeus contra in calidissimis Africae plagis prolem edit albam , Europaeo similem . Gens Iudaica inter nos per plura saecula conversans , suo adhuc characterē sese distinguit . An haec fortuito ? Maiora certe

(a) Lib. 7. cap. 12.

(b) P. CAMPER *Nede über den Ursprung, und die farbe der schwarzen. Dessere kleine schriften.* 1. Band. 1. Th. pag. 38. u 39.

(c) *Über die Körperliche verschiedenheit des Negers vom Europäer.* 1785.

haec sunt, quam quae a nostro ingenio capi possunt. Verum contemplemur seminum germen, quibus has haereditates acutissime comparavit Cl. GAUBIUS (a): quis, nisi expertus, in exigua hac massula excelsa futurae arboris rudimentum latitare crederet? Quis in seminibus per annos etiam ducentum asservatis resuscitari posse sopitum germen (b) vel unquam somniasset? Attamen vera haec sunt experientia teste. Cum itaque haereditaria haec vis tot gravissimis nixa observationibus adeo certa sit, ut nullus dubitationi supersit locus, cum tot aegros morbo etiam non contagioso laborantes huic soli originem sui mali debere, constet; non improbable videtur, eam ad producendum nostrum morbum plurimum polere. Sed aliud longe voluit Cl. STRAMBI, nimirum unicam morbi causam in haereditate poni, atque illos, qui sanis procreati sunt parentibus, securos omnino a Pellagra arbitratur. Plurimos, quos examinaverat, aegros sibi falsos fuisse affirmabat, parentes eodem quodnam morbo laborasse aut periisse; illi autem, qui hoc negarunt, illud nescivisse credit. Verum non adeo probabilis haec mihi videtur sententia; quotquot

(a) *Instit. Patholog. L. B. 1781. pag. 396.*

(b) V. VAN SWIETEN *Comment. in H. BOERH. Aphor. T. 4. pag. 338.*

enim novimus morborum genera; nullum inter illa existit, quod ex sola haereditate originem trahit, ita ut ab aliis causis produci non possit. Ut diligentiori ac diuturno causarum examine certius aliquid in posterum de hac re enunciari possit, sperandum est. Restat, ut inquiremus, an endemius noster morbus sit? an in nullis aliis regionibus simile quid observetur? Sporadicum hunc morbum esse, contendit Cl. FRAPOLLI nec epidemium nec endemium, inquitens (a): *Num igitur Pellagra morbus epidemicus aut endemicus? Neutrum videtur. - An morbus sporadicus? utique. Pellagra enim nec universam grassatur, nec alicui regioni peculiaris est, agricolaeque in nostra hac Insubria hic & illic indiscriminatim aggreditur &c.* Nemo arbitror opinioni huic calculum adiciet: rationem enim, quae Auctorem induxit, quare nulli regioni peculiarem esse morbum scribat, non video. An ideo forte morbum endemium esse negat, quia in toto Mediolanensi Ducatu sparsim observatur? An ad morbum endemium requirit, ut in minima quadam parte regionis tantum observetur? Aut putat forte, in omnibus aliis terrae partibus non minus, quam in hoc Ducatu, Pellagram rusticos vexare? Ultimum videtur, nisi enim hac in opinione ver-

(a) Lib. cit. pag. 13. & 14.

faretur; non adeo audacter solum aestatis ardorem pro unica morbi causa venditasset. Verum cum hic morbus adeo incognitus sit, nec in ulla alia regione, si Asturiam excipias, quantum novi, observetur, morbis endemiis eum omnino adnumerandum censeo. Quin & epidemius certo sensu dici potest.

Sed haec de causis dicta sufficiant: si forte illarum enucleationi diutius, quam par est, immoratus fuerim, B. L. me excusatum habeat, velim.

Videamus nunc, quam faciem Pellagra aliis complicata morbis prae se ferat.

C A P U T X.

De Complicatione Pellagrae cum aliis morbis.

Quam facilis, quam felix foret Medicis Praxis, si morbi semper solitarii incederent, nec unquam coniuncta manu mortales aggrederentur. Sed eheu! tot sunt morborum complicationes, ut vix habeatur aeger, qui uno simplici morbo laborare dici possit. Hinc supervacuum forte hoc caput nonnullis videbitur, quoniam in infinitum procedendum foret, si omnes, quae cum nostro morbo coincidere possunt, affectiones enumerare vellem. Verum eos hic duntaxat recensabo, quae

quae eum haud raro comitari observati sunt, & eius indoli lucem aliquam asferre videntur. Sunt autem illi morbi duplicis, ni fallor generis, vel enim immediate a Pellagra ortum habent, vel ab aliis causis pellagrosis accedunt, Pellagra etiam non praesente accessuri. Ad primum genus referre eos, qui iam secundo capite recensiti sunt, nullus dubito, qui in ipsa Pellagra causam suam fundatam habent, & non secus ac symptomata huius morbi contemplari merentur.

Ad alteram autem classem pertinent febres variae, praecipue intermittentes, Arthritis, Rheumatismus, Scorbutus, Phthisis, quos omnes affligere miseros in Nosocomio Lignanensi observavi. De singulis videamus.

Morbum nostrum plerumque *ακρόστον* esse, supra iam annotavimus. Hinc ex sua natura febrem non accendere, satis, ni fallor, patuit; febriumque diversitas id adhuc magis confirmat, mox enim haec, mox alia eius species pellagrosos affligit. Neque salutare naturae conamen esse, quo morbum adeo periculosum vincere tentet, eventus docuisse videtur. Nimirum, cum, ut innumera clarissimorum virorum observata testantur (a), in viscerum hypochondriacorum affectio-

Vol. IX.

Aa

(a) HIPPOCRATES. *Aph.* Sect. 7. *Aph.* 52. Edit. Foëx. pag. 1260., quem nuper sic cecinit CLOSSIUS.

nibus & mania ipsa curandis tantam saepe efficaciam monstrant febres supervenientes, praecipue si ex ordine intermittentium sint, ut Medici non pauci exoptaverint, ut illas febres ad libitum provocare possint, merito quis in pellagroso morbo eas effectui non carere speraret. Sed spem fefellit experientia. Febris venit, remittit, abit, non tollit Pellagram. Cortice Peruviano nimis festinanter profligata, non alia relinquere mala videtur, quam quae & homines non pellagrosi ab immaturo corticis usu pati solent (a). Inde

Si vehemens iecoris dolor est, accendere febrem
Votum est, qua pulsus corpore morbus abit.

Et *Epidem.* lib. 6. Sect. 6. No. 9. Foef. pag. 1190. CELS. lib. 2. cap. 8. & recentiores innumeri. Nuper Monspelienfis Auctor I. B. IOS. DE BELGARRIB hac de re disputavit in Specimine Academico: *An in morbis chronicis febris sit excitanda ad eorum curationem?* Vid. Cl. BLUMENBACH *Medicinishe Bibliothek* T. 2. pag. 134. Hocque Thema Medicorum Societas Parisiensis nuper pro praemio exposuit, de cuius recuperatione praeter alios, Viris mihi amicissimis Doct. VAN DER HEEM & VAN LEEUWEN Practicis Amstelodamensibus me gratulari posse, summo opere gaudeo.

- (a) Fateor tamen, experimenta hac in re instituta mihi nondum sufficere. Neque quartanam febrem in pellagrosis, nisi id urgerent aliae circumstantiae, subito profligandam tuaderem: res ulteriori examine dignissima est.

patet, aliam subesse debere causam, quae has febres accendit, quam Pellagra.

Arthritici, rheumaticique dolores immaniter saepe excruciant pellagrosos, & nullus forte morbus est, qui saepius pellagrosis ac tenacius inhaeret, quam qui huc pertinet. Et quamquam non credam, Pellagram ex sua natura Arthritidem, Rheumatismum, similesque affectiones producere; diffiteri tamen non ausim, eam causam quodammodo praedisponentem constituere. Quin etiam illi morbi non tantum crebrius in his aegris, quam in aliis hominibus in illa regione observantur, verum in illis quoque ad omnia remedia rebeliores inveniuntur. Quam primum apparent, in vesicatoriis auxilium quaerunt Medici. Sic narravit mihi historiam Cl. STRAMBI. Foemina pellagrosa doloribus dextri brachii vehementissimis afficiebatur; applicavit dolenti loco vesicatorium: evanuit dolor, sed altero mane idem brachium occupabat sinistrum: mox quoque hinc vesicatorio fugatur; sed ad artus inferiores sedem figit, & primo quidem in dextro femore, sed eodem remedio in sinistrum depellitur. Metuit nunc Cl. STRAMBI, ne ulteriori vesicantium usu ad partes nobiliores depelleretur morbosa materies, ideoque abstinuit ab eo, & dolor ibi fixus haesit. Saepe etiam Moxam hoc scopo tentavit idem Doctiss. Vir, nec sine fructu & quidem non tan-

tum in rheumaticis arthriticisque pellagroforum doloribus profuit, verum etiam ipsi Pellagrae Moxa & fonticuli levamen tulisse visa sunt, quamquam non semper; in nonnullis enim effectu penitus caruerunt, licet saepius, diuue applicata.

De Scorbuto fufius non nihil dicendum esse credo, cum non defuerint, quò Pellagram non nisi Scorbuti speciem esse autumarunt: quin & sub *scorbuti alpini* nomine descriptum fuisse nostrum morbum, percepi. Sic quoque Cl. THIERI morbum, quem describit, ex Lepra & Scorbuto compositum esse exstimat, quod Cl. SAUVAGES & SAGAR induxisse videtur, ut hunc morbum inter Leprae species reciperent *Leprae Asturiensis* nomine, quam Cl. SAUVAGES sic definiit: *Est Lepra scorbutica cum tremore perpetuo capitis & trunci superioris apud Astures endemia*. Ast qui utrumque considerat morbum, ac Auctorum descriptiones cum nostro morbo comparat, insignem animadvertet differentiam. Aliqua quidem similitudo, si obiter spectatur, cum Lepra praecipue Graecorum apparet, diligentiori autem examine haec mox evanescit. A Scorbuto autem quantum distat? Etenim si lassitudinem, torporem, & *αριστερίαν* excipias, nullum Scorbuti Symptoma sese prodit, nisi morbus sit complicatus. Nam pellagroforum maculae non tantum in eo a scorbuticis differunt, quod potius

in carpo ; quam cruribus erumpant ; verum etiam colore totaque facie tantum discrepant , ut solo ad-
spectu facile distinguantur . Sed quid multis opus ?
totus morbi decursus differentiam docet . Verum
Scorbutus , licet dispar plane a Pellagra morbus ,
pellagrosos tamen non minus , quin saepius etiam
quam alios in hoc Ducatu non infrequenter affi-
cit , & in Lignanensi Nosocomio plurimos vidi ,
quorum gingivae hoc morbo defoedatae existe-
bant . Neque facile quis hoc mirabitur ; duplex
enim ratio est , cur in Scorbutum proclives esse
debeant pellagrosi . Primo namque certum est ,
Scorbutum prae reliquis facillime melancholicos
invadere . Hinc EUGALENUS (a) internam Scor-
buti causam in melancholici humoris exuberantia
posuit . Idem credit DOLEUS , dum de scorbu-
ticis inquit : *continens causa ipsis est humor me-
lancholicus vitiosus* (b) , hincque Scorbutum so-
rorem germanam affectionis hypochondriacae vocat
(c) . BOERHAAVIUS quoque ac eius commen-
tator melancholiam , maniam , labem hypochon-
driacam inter causas praedisponentes Scorbuti nu-

Aa 3

(a) *De morbo Scorbutico* Amst. 1720. pag. 7.

(b) *Encycl. Med.* lib. 3. cap. 12. Oper. Francof. 1703.
pag. 305.

(c) *Ibid.* pag. 303.

merant (a). Altera ratio, quare pellagrosi saepius scorbutici sint, ex tristi & otiosa eorum vita petenda videtur; vidimus enim supra, eos ab omni laboris specie quam maxime alienos esse, otium autem inter primarias Scorbuti causas locari debere, docuerunt BOERHAAVE & VAN SWIETEN (b), idque extra dubium posuit Doct. L. ROUPPE (c). Patet itaque, Scorbutum in pellagrosis non aliter, quam morbum accessorium iudicandum esse, hancque sententiam eius cura confirmat, nimirum pellagrosorum Scorbutus, neque hac in aliis hominibus remediis antiscorbuticis ac iusto regimine facile, nisi nimium progressus fuerit, sanatur, Pellagra ne minimum mutata.

De Phthisi restat ut videamus. Siquis hanc potius ad primam classem pertinere credat, non obloquar. Norunt enim Practici, quibus multos hypochondriacos videre contigit, hypochondriace ac hysterice affectis haud raro tandem a Phthisi pulmonalis symptomatibus, ultimum eorum ac funestum statum comitantibus, supremum diem claudi: hincque a recentioribus in systematibus suis Nosologicis ut species recepta est *Phthisis*

(a) In *Aphor.* 1150.

(b) *Ibid.*

(c) *De morbis Navigantium* L. B. 1764. pag. 100.

hypochondriaca a Cl. MORTONO iam dudum descripta ac historiis illustrata (a). Verum moriuntur plurimi pellagrosi, in quibus nullum unquam phthiseos vestigium reperitur; ideoque Pellagra quidem seminium huic morbo praebere, ast tamen aliud quid accedat desiderari videtur, sine quo Phthisis non producat. Utrum nunc Phthisis haec pellagrosorum cum Phthisi hypochondriacorum communi conveniat, utrum eadem, quae in hac medicamenta opem aliquam ferant, me ignorare, lubens fateor.

Hydrops quoque & Anasarca non raro exitialia sunt pellagrosis, quos frequentissime aggrediuntur: sic etiam in Asturia morbum saepissime terminari per hydropem, notavit Cl. THIERY; & FRAPOLLI inquit: *Hydrops maxime & Pellagra lethalem efficiunt morbum, remedia quippe, quae huic projunt, alteri nocent aegritudini.*

C A P U T V I.

De Prognosi.

Si unquam ex parva scintilla magnum incendium praedici possit, id certe in nostro hoc

Aa 4

(a) *Physiolog.* lib. 3. cap. 4.

morbo obtinet . Quis enim nisi expertus ab ex-
 gua cutis affectione , vix ullis comitata molestis
 tam horrendum crudelemque morbum augurare-
 tur ? Hinc pessima semper prognosis in quocun-
 que Pellagrae stadio ; etenim nunquam non ti-
 mendum , ne in peiorem statum morbus sit ruitu-
 rus . Neque tamen penitus omni in casu despe-
 randum . Qui per longam annorum seriem sola
 cutanea affectione laborarunt , absque aliis incom-
 modis , iis certe spes aliqua affulget , fore , ut
 in confirmatam Pellagram toto vitae decursu non
 transeat ; sunt enim pellagrosi , qui , postquam
 diutissime in primo morbi stadio versati sunt ,
 aliis longe morbis correpti e vita cedunt , ita ut
 nequaquam Pellagra mortis fomes dici possit .
 Praeterea exstant observationes , licet rarae , quod
 non tantum ex primo stadio , verum e confirma-
 ta quoque Pellagra convaluerint aegri . Verum
 incerta tamen haec omnia sunt , & , quantum
 scio , nulla adhuc certa prognostica signa existunt ,
 ex quibus aut in sanitatem aut in peius abitu-
 rum esse morbum praedici potest , si generalia ,
 ac omnibus morbis communia excipias . Ideoque
 symptomatum gravitas , hominis constitutio , ac
 morborum complicatorum indoles omnem progno-
 sin absolvunt . Sic si sanissimus caeteroquin homo ,
 temperamento praeditus sanguineo , levissima Pel-
 lagrae symptomata contrahat , hic facilius evasu-

rus est; quam alii, qui laxum habent fibrarum contextum, & atrabillarii, ut vocant, temperamento donantur: hi enim difficilius morbum pati solent. Si alius ex superiori capite alatis morbis pellagrosos invadit; pro natura huius prognosis formanda. Febres, praecipue intermittentes, minus timendae, quam Cachexiae aut Cacoehimiae. Periculosissimi autem sunt Phthisis & Hydrops, quae vix unquam, licet in leviori adhuc statu sint, in pellagrosis sanantur. Unicam tantum foeminam optimo temperamento praeditam ex hac evasisse meminit Cl. FRAPOLLI, ubi, neglecta Pellagrae cura, omnis medela ad Anasarcam dirigebatur (a). Haec de Prognosi sufficiant: cui enim bono generalioribus inhaerere?

C A P U T V I I.

De Cura Pellagrae.

Si Medicina prorsus perfecta esset, omniumque morborum causae cognitae, cognitaque apta singulis remedia, tunc certe a proxima causa omnis indicatio in curandis aegris desumenda foret. At quantum ab hac perfectione adhuc abest nostra scientia? Quot non existunt morbi, quo-

(a) Lib. cit. pag. 21.

rum caussae abditae adhuc latent ; atque inter hos nostrum quoque morbum pertinere , supra iam indicavimus . Quid autem in iis superest , quam ex iuvantibus & nocentibus prudenti iudicio remedia desumere , atque ad naturae conatus , aegri desideria , symptomata vehementiora omni attentione respicere . Et non exigua sane commoda ex empyrica quodammodo hac methodo in Medicinam profluxere . Et quantum non in posterum ab illa sperandum ? Verum in illo , quem describimus , morbo , quamquam plurima tentata fuere remedia ; nullum hucusque inveniri potuit , quod illi debellando par sit . Hinc non pudebat egregium virum Cl. STRAMBI ingenue fateri , se nunquam pellagrosum sanatum vidisse , quem remediis sanitatem debere , affirmare audeat .

Patet itaque , omne , quod de Pellagrae cura dici possit , in eo tantum consistere , ut , quae nam remedia , quoque eventu tentata fuerint ; & quae tentanda adhuc esse , ratio suadeat , paucis enarrem . In primo morbi stadio omnem fere spem aegri aequae ac Medici in balneis posuerunt . Atque hunc in finem balneum patet aegris in Nosocomio maiore Mediolanensi , quo catervatim confugere eos , ipse vidi . FRAPOLLI etiam , se hac curationis methodo quam plures sanatos vidisse , testatur , & balneo , frictionibus , ac diaphoreticis medicaminibus omnem curam absol-

vi ; credit ; nec mirum : nam si ex corporis insolatione , atque hinc impedita transpiratione totus penderet morbus , ut ille omnibus argumentis probare annitur ; iis remediis nihil consultius , nihil tutius adhiberi posset . Regulas autem sequentes balneantibus praescribit : Ventriculus ac intestina blandis eccoproticis , aut purgante medicamento a sordibus liberentur . - Dein abdominis status explorandus , ut , si adsint obstructions , haec auferantur . - 3.^o Urgente plethora plus minus Venae Sectio celebranda . - 4.^o Potiones diluentes copiosas sumendas quoque praescribit , quem in finem serum lactis refrigerantibus & antiscorbuticis herbis alteratum commendat . - 5.^o Denique laetus balneum ingrediatur aeger , eoque hebdomadas aliquot utatur fretus spe recuperandae valetudinis . Sunt sane haec praecepta eius generis , ut aliquid inde boni sperari posse videatur . Verum , ni fallor , nimiam in balneis fiduciam posuit Cl. FRAPOLLI : interrogavi ipse plures aegros , qui per longum iam temporis spatium balneis usi fuerant , & nullum adhuc levamen se sentire , affirmabant . Quin & Medici Mediolanensis Nosocomii exiguum balnei virtutem confirmabant , & potius , ut voluntati plebis satisficeret , quam recuperandae sanitatis spe haec balnea illis permitti , aiebant . Si ad alterum stadium morbus progressus fuerit , saepe non tan-

tum non profunt balnea ; verum etiam exasperant quandoque malum , ut in morbi historia prima , quam ex FRAPOLLI infra adducam , videre est . Interim tamen in hoc quoque statu balnea adhibenda esse ; credit FRAPOLLI , eo autem discrimine , ut diluentia , quae in primo stadio balneantibus assatim haurienda praescriberat , nunc omnino proscribantur , illisque mixturae cardiacae , corroborantes substituantur , ne viscera , quae confirmari debent , nimium enerventur . Quem in finem quoque , si purgante opus sit , tale adhibeatur , iubet , quod corroborandi simul potestatem possidet . Monet praeterea , vires aliquando adeo deficere , ut balneo uti penitus nequeat aeger . Atque tunc substitutas credit universales corporis frictiones , frequentesque affectarum partium ablutiones , aut fomenta ex decoctis emollientibus , seroque lactis parata , remediis interea corroborantibus intrinsecus exhibitis . Et haec quidem methodus prae balneis mihi placeret (a) , praecipue si aeger ipse has frictiones panno laneo sibi instituat . Sic enim praeter commoda , quae ex frictione oriuntur , eorum quoque particeps fit , quae levis haec commotio secum fert . Quantum autem ex bene in-

(a) Nolim tamen , quis putet , me omnino balnei usum in Pellagra rejiciendum velle .

stituta frictione sperandum sit ; quisque facile intelliget , modo eius effectus diligentius nonnihil perpendat . Haec enim vim vitalem miro modo auget , cordis & arteriarum motum , qui in nostro morbo languet , quammaxime egregie incitat , perspirationem promoyet , & circulationem in vasculis minimis in actum ducit . Verum magna frictionum differentia est (a) : quae in nostro morbo convenit , sic institui debet , ut corpus firmet , ac circulationem augeat .

Videamus nunc de reliquis remediis ; quae hoc in morbo adhiberi consueverunt . Ad evacuantia quod attinet , haec non , nisi omni circumspectione , adhibenda videntur , praecipue Venae Sectiones : ex iis inopportune institutis delirium vidit Cl. FRAPOLLI (b) in primo morbi stadio , inopinatum sane ac insuetum in hac morbi periodo symptoma . Nec tamen in plethoricis omittenda est , quin & in secundo stadio , si maniae vehementia , ac sanguinea corporis constitutio hanc postulant , in ipsis iugularibus eam instituendam suadet nominatus Auctor . Ac Hirudines quoque temporibus applicatas mira hoc in casu praestitisse refert (c) . Ipsa etiam Arterio-

(a) HIPP. *De Offic. Medic.* Foef. pag. 746. & CELS. lib. 2. cap. 14.

(b) Pag. 27.

(c) Pag. 29.

tomia in hoc morbo ad aliquam vitae prolongationem aliquando convenire videtur, tunc nimium, si convulsionum epilepticarum vehementia mortem subitanam minitetur (a). Purgantia, siquae adhiberi debeant; blanda semper eligantur, nec sufficit in secundo Pellagrae stadio blanda haec esse, verum necesse quoque est, ut corroborantia simul iuncta habeant. Hinc laudat Cl. FRAPOLLI Pilul. de Succin. Crat. Mastic. similiaque. An Aloë blandum purgans?

Sudorifera ac diuretica minus periculi habere videntur, praecipue in primo morbi statu, & diaphoretica praecipue ad morbi curationem non exiguum conferre, credit saepe nominatus FRAPOLLI.

Epispastica, Sinapismi, Vesicatoria summo pere quandoque iuvant pellagrosos, &, si arthritici, rheumaticive dolores accedant, ad haec mox confugiant Medici, ut supra dixi, & in confirmata Pellagra Vesicatorium occipiti applicatum opem ferre non exiguum, FRAPOLLI monet. Et nemo eorum utilitatem in dubium vocabit, si miram efficaciam perpendat, quam in morbis, qui cum nostro aliquam habere similitudinem vi-

(a) Vid. quae Dr. JOHNSTONE habet in *Med. Obs. and Inquir.* Tom. 2. pag. 119.

dentur, ac in iis quoque; quae tamquam symptomata Pellagram comitatur, affectionibus toties praestitere. Sed nolim fusius de Vesicantium applicatione verba facere, cum viri duo Cl. FORSTEN & M. I. DE MAN fere exhausterint hanc materiam. Id tantum addere lubet, quod Cl. STRAMBI in nostro morbo Vesicatoriis, utut saluberrimis, praeferat fonticulos, setacea, ac praecipue Moxam, quam inter remedia hucusque tentata principem locum obtinere credit.

Roborantia cum causam mali tollere non valeant, inter Pellagrae remedia recenseri vix merentur; verum tamen non omni utilitate destituta videntur, si eo usque progressus fuerit morbus, ut quam maxime debiles vitam trahant pellagrosi: hisce quoque chalybeata proficua fore, credit FRAPOLLI, licet experimenta nondum instituerit: clysmata quoque chalybeata in alvum iniicienda suadet, si diarrhoea nullis temperanda remediis aegrum prosternat. Cardiacae, stimulantia moderate adhibita in secundo praecipue ac ultimo morbi stadio prodesse, censet, dum pro potu, si absit sitis, aegris praescribit meracius vinum. Mox autem addit: *si vero patiens sitiat, serum lactis bibat tamarindinatum, emulsion. nitratis, ac aq. limon.* Sed contradicere sibi Auctor videtur, dum pergit: *simpliciter diluentia in confirmata Pellagra omnino sunt pro-*

scribenda. Ad Cardiacā; quod attinet; puto non tantum in secundo ac tertio stadio, verum etiam in primo convenire, ut vires, quae tunc adhuc vigent, sustententur, & sequens stadium antevertatur, differatur saltem. Adstringentia penitus a pellagroforum cura arcenda videntur, nisi forte diarrhoea aegros nimium debilitans, remediis aliis incassum tentatis horum usum postulet.

Maiorem autem efficaciam resolventia in nostro morbo spondere videntur. Equidem, cum causa morbi penitus adhuc abscondita sit, nihil certi de eorum utilitate pronunciari potest, antequam experientia hanc demonstraverit. Nolim tamen hic promiscue tententur omnia, quae huc pertinent remedia, sed ea praecipue, quae in morbis quamplurimis, quorum proxima causa aeque ac nostri latet, miracula praestitere. Praeterea omnia tentanda videntur non ex resolventibus tantum, sed ex aliis quoque medicaminibus, quae in morbis rebellibus variis, vim quasi specificam monstrant, Cicuta, Stramonium, Hyoscyamus, Aconitum, Colchicum aliaque similia, quae quidem, licet effectum, quem ex Cl. STOERKII observationibus sibi facile quis sponderet, non semper praestent: in nonnullis, tamen casibus quammaxime efficacia sese exhibuerunt. Nonne Belladonna, quae in morfu rabidi canis, in cauro, in mania aliisque desperatis morbis

toties ex orci faucibus mortales eripuit , hic tentanda ? Utrum Arnica , Camphora , quae in morbis , ubi vires languent , aegros mirifice saepe reficiunt e pellagrosorum cura penitus exulentur ? obiciet forte aliquis , ea , quae hic proposui , remedia , in morbis a Pellagra toto caelo diversis efficaciam praestare , ideoque malam inde ad nostrum morbum deduci conclusionem . Id equidem dissiteri non ausim , nec certo , haec aliquid conferre , affirmem ; verum cum tota fere cura ex iuvantibus & nocentibus institui debeat , nefas crederem , vel unicum efficax remedium intentatum relinquere . Sed praeter iam dicta , sunt quaedam remedia , quae prae reliquis omnibus adhiberi merentur in nostro morbo . Quis a Veratro albo , medicamento sane egregio , sed nostris temporibus nimis cheu neglecto , effectum non speraret ? Laudes , quas iam olim PLINIUS huic herbae tribuit , ad instituenda experimenta Medicis Mediolanensibus , ni fallor , sufficere deberent , dum inquit (a) : *Medetur morbis comitialibus , vertigini , melancholicis , insanientibus , lymphaticis , Elephantiasi albae , lepris , tetano &c.* Nolim hic de Helleborismo veterum multa proferre , licet melancholia & mania non minima

Vol. IX.

Bb

(a) *Hist. Nat.* lib. 25.

Pellagrae symptomata sint . Sed quantum in aliis cutaneis morbis veratrum praestat ? *Medicamentum proprium leprae* illud vocat FALLOPPIUS (a) ; monet tamen simul , omnem cautelam in administrando hoc medicamine adhibendam esse , & ex radicis eius decocto saeva admodum symptomata se vidisse , fatetur . Nostri quoque temporibus suam efficaciam ostendit , & adhuc nuper a Cl. IAC. CARM. SMYTH eius tinctura commendata fuit (b) : nauseam , quam forte creabat , sanabatur , dum eam in infuso Valerianae exhibebat . Siquos medicamenti heroici , qua agit , vehementia deterreat , ii saltem Helleborum nigrum adhibeant , iisdem , ni fallor , viribus , sed minori longe gradu praeditum . Nec minoris efficaciae remedium in nostro morbo Animale Regnum praebere videtur , si ex analogia argumentari fas sit , Cantharides enim in morbis non tantum cutaneis , sed & in aliis , qui analogiam quamdam cum nostro habere videntur , variis remediis frustra adhibitis , opem insignem tulerunt . In morbis enim omnibus , ubi stimulandum vitale principium , ac ubi simul resollen-

(a) Tom. 2. Tract. 9. cap. 8. Oper. Francofurti 1550. pag. 274.

(b) *Medical communications* Tom. I. pag. 207. & seq.

dum sit ; non infimum locum inter remedia Cantharides obtinent . Cl. R. MEAD experientia doctus in lepra efficacius nullum existere remedium , refert (a) . Sed & in aliis cutaneis morbis promptum sese monstravit medicamen , quod adhuc nuper laudavit supra nominatus SMYTH (b) . Cumque experientia docuerit , earum acrimoniam , ac turbas , quas huc quandoque in visceribus uropoieticis excitant , adiecta Camphora mitigari , satis tuto hoc medicamentum administrari posse , autumo , modo ab exigua dosi incipiat . De modo , quo Cantharides agant , utrum sanguinem condensent , an resolvant , hic non est disputandi locus (c) : sufficit indicasse , forsitan eas in nostro morbo cum fructu adhiberi posse .

Sed sunt praeter haec innocua quaedam medicamenta , quae attentionem in curanda Pellagra merere videntur . Viola Tricolor , quam Cl. STRACK in crusta lactea tantopere laudat (d) ,

Bb 2

(a) *Med. Sacra* .

(b) *Loc. cit.*

(c) Pro utraque opinione experimenta adhuc certiora desiderari videntur , nec facile cum BURSE-
RIO (*Instit. Med. Pract.* Lips. 1787 T. I. p.
66.) risum & stomachum movere crederem , qui
pro condensatione ducant .

(d) *De Crusta Lactea* Francofurti 1779 .

postea saepius in usum vocata, diligentiusque examinata in plerisque aliis cutaneis morbis insignem opem praestitit, ac pertinacissima profligavit exanthemata, ut plurimis observationibus in egregia sua Dissertatione docuit AUG. HAASE (a). Quis innocuum tale remedium in diro morbo non tentaret? Antiscorbutica efficaciora teneri quoque merentur: quo etiam pertinet Galii Aparines succus, qui, licet non multum hodie adhibeatur, diu tamen a Medicis inter remedia, quae cutis morbos sanant, recensitus fuit, nec inertem esse hanc plantam, vel inde concludi potest, quod non secus ac Rubia, ossa tingere valeat, ut a Cl. GUETTARDO iam diu demonstratum fuit (b): sed nuper IOH. EDWARDS (c) eam penitus oblivioni eripuit, dum inter antiscorbutica remedia hoc primum locum obtinere asserit. Superius quidem Scorbutum & Pellagram toto caelo differre, & antiscorbutica pellagroforum Scorbutum sanare intacta Pellagra indicavi; nolim tamen, inde quis concludat, omnia remedia ideo in hac reiicienda, quoniam

(a) *Viola Tricolor* Erlang. 1782.

(b) *Histoire de l'Academie des Sciences*. Année 1746. pag. 58.

(c) *A Short Treatise on the plant called Goose grass, or Clivers and its efficacy in the cure of the most inveterated scurvy* Lond. 1784.

Scorbutum sanant. Quot morbis non medetur Mercurius a Siphylide maxime distantibus? Et licet quoque antiscorbutica Pellagram nihil emendent, tamen minime negligenda videntur, ut complicatio Scorbuti cum nostro morbo inhibeat. Possem adhuc plura enarrare medicamina, quae in variis morbis, quibus cum Pellagra affinitas, aut quaedam saltem similitudo esse videtur, mira praestitere, verum ne nauseam lectori creem; de similibus pharmaceuticis remediis tacebo. Sed sunt adhuc alia in nostro morbo, ni fallor, minime negligenda; quo primum pertinet Peregrinatio: nolim hinc intelligi recentiorum Peregrinationes per aera, quas nuper in variis morbis proposuit LUD. LEULIER DUCHE (a); sed eam, cuius efficacia in morbis longis iam olim HIPPOCRATI innotuit (b), prisca temporibus maxime familiarem, de qua egregiam Dissertationem olim conscripsit Celeberrimus F. HOFFMANN (c). Quid enim in morbis

Bb 3

(a) *Tentamen Medicum de aerostatium usu Medicinae applicando*. Monspel. 1784.

(b) *Epidem.* 6to Foef. pag. 1185. & Aph. 46. Sect. 2. Foef. pag. 1246.

(c) *De Peregrinationibus instituendis sanitatis causa*. Vid. eius Oper. omn. Genev. impress. T. 5. pag. 320.

utilius esse possit, quam causas vitare? Cum autem Pellagra morbus sit endemius, ideoque causae, quae eam inducunt, videantur in ipso hoc Ducatu residere; evitari nullo modo melius possunt, quam loci mutatione, & miror sane, de hac nondum magis fuisse cogitatum in sanando dire hoc morbo. Nolim tamen Peregrinatione aegris certam promittere sanitatem, forte causa morbi iam intus suscepta in aliis quoque regionibus altius serpit, ac exitialis tandem evadit, non secus ac Lepra in calidis Americae plagis suscepta hominem in Europam reversum non deseruit (a). Minori tamen aliorum periculo suscipi peregrinatio potest in nostro morbo, cum hucusque nullum habeatur exemplum Pellagrae contagio propagatae.

Praeterea electricitatis vis, quae toties in morbis gravissimis mira praestitit, ut hodie innumeris fere Auctoribus confirmatur, in Pellagra quoque experiri summopere meretur, licet anno 1785., quo in hisce regionibus versabar, ut mihi persuasit Cl. STRAMBI, nondum tentata fuerit. Idem valet de vi Magnetica (b), non

(a) Vid. Cl. HAHN in *Praef. ad SCHILLINGII de Lepra commentat.* Lugd. Bat. & Ultraï. 1778. pag. 25.

(b) Vid. prae reliquis I. D. REICHEL *de Magn-*

quidem illa Mesmeriana, sed vera, de qua tam minus sperandum videtur.

In secundo Pellagrae stadio, ubi aegri moerent, torpent, ac languentes, melancholici, absque omni occupatione otiosi sedent, forte non frustra Scabiei inoculatio institueretur: etenim Scabiem longissimis ac simul pertinacissimis morbis supervenientem eos haud raro sanare, satis superque notum est. Et iam BOERHAAVIUS in melancholicis sanationem speravit, si Scabies foeda, aliquando Elephantiasin aemulans, superveniat (a); & III. VAN SWIETEN, se talem casum etiam in homine per plures annos melancholico vidisse, testatur (b). Sed prae reliquis hanc rem illustrat SUTOR ille melancholicus, qui ad omnia fere immobilis, pali adinstar lecto insidebat, & interrogatus, ne verbulo quidem respondebat, a fortissimis vesicatoriis ne minimum afficiebatur, hunc sola Scabiei inoculatione (*) re-

Bb 4

tisma in corpore humano resp. CHR. LUDWIG.
Lips. 1772.

(a) Aphor. 1110.

(b) In *Comm. ad hunc Aphor.* T. 3. pag. 508.

(*) In methodum, qua in inoculatione usus est CL. MUTTZELL invehunt absque dubio illi, qui WICHMANNI opinionem amplectuntur: & non terminabuntur de causa Scabiei rixae, donec Medici, duplicem existere Scabiei speciem sibi

stituit vir Cl. MUTTZELL, ita quidem; ut elapsis tribus septimanis Nosocomium relinqueret (a). Nullus dubito, quin quisque, qui melancholicos pellagrosos mecum contempletur, ac cum isto iuvene comparet, mox idem adhiberi remedium suadeat.

Utrum melancholia haec pellagrosorum infarctum intestinorum comitem habeat, utrum adeoque clysmata resolventia (*Visceral-clystire*) a Cl. IOH. KAEMPF tantopere laudata (b), cum fructu hic adhiberi possint? dicere non ausim. Sectio cadaverum, ac canalus intestinorum curiosior speculatio, quae saepius in cadaveribus negligitur, brevi rem extra dubium ponere valerent.

In descriptione huius morbi supra indicavi pellagrosos in statu maniaco inexplebili, ut sub-

simillimam, perspiciant: Qua de re forte plura alia occasione dicam.

- (a) Casum hunc descripsit, ac ratiocinio illustravit J. ULR. TOGGENBURGER in sua Diff. inaug. Argent. 1760., quam Diff. Cl. SANDIFORT in suo *Thesouro Diff. T. I. p. 115.* recudi curavit.
- (b) *Abhandlung von einer neuen Methode die hartnäckigsten Krankheiten die ihren Sitz im unterleibe haben, besonders die Hypochondrie zu heilen, Dessau 1784.* cuius libri nuper editio nova emendataque, ac versio quoque Belgica prodiiit.

mergantur, desiderio, incontinenter ferri: cum autem prudens Medicus, praecipue, dum morbi causam ignoret, desideria aegrorum utut incongrua videantur, diligenter speculari, eaque non nisi bene perpenſa abnuere debeat; merito me hic interrogare autumo: annon, natura quaſi indigitante, ſi vires aegri id permittant, ſubmerſiones in frigidam institui poſſint? praecipue, cum praeclarum ſubmerſionis effectum in maniacis plures celeberrimi Medici, ſe obſervare, teſtentur, & BOERHAAVIUS ipſe de maniacorum cura differens inquit: *Praecipitatio in mare, ſubmerſio in eo continuata, quamdiu ferri poteſt, princeps remedium eſt* (a). Attamen ſaeppiſſime in pellagros ob nimiam debilitatem adhiberi nequit.

Ad medicationes quod attinet crudeliores, ut ſunt amputatio membri, in quo malum ſe primo manifeſtat, in Elephantiaſi aliquoties peſſimo eventu adhibita (b), aut caſtratio in curam leproſorum olim depraedicata, ac ad praecavendam rabiem canum nuper propoſita, nullum Medicum adeo temerarium fore arbitror, ut ea in noſtro morbo tentet.

Haec de remediis, quae meo iudicio in pel-

(a) *Aphor.* 1123.

(b) SCHILLING. *de Lepra* pag. 19.

lagrosis tentari possent, dicta sufficiant: forte
 nimium hisce inhaesi. Superest, ut quaedam vi-
 deamus de iis, quae hinc inde adhibita fuerunt.
 In Asturia foemina quaedam Plebeia in delirio
 morbi illius *Mal de la Rosa* dicti, insignem
 quantitatem butyri vaccini devoravit, & hoc
 solo curata fertur, referente Cl. THIERI: utrum
 autem postea ulterius experimenta cum pinguedi-
 ne & butyro instituta sint, ignoro. Idem Cl.
 THIERI curavit foeminam decem aut duodecim
 annos hoc morbo laborantem, & sanationis spe
 destitutam duorum mensium spatio Aetiope mine-
 rali, Antimonio crudo, & Croco Martis, immix-
 tis balsamicis & purgantibus, apto regimine, &
 ptisanis simul adhibitis. Haec Cl. SAGAR indu-
 xisse videntur, ut aiat de Lepra Asturienti: *iu-
 vat mercurius, aethiops mineralis, antimonium,
 crocus martis, lac, butyrum, purgantia*. Haec
 utrum in Lepra Asturienti omnia profint, cum
 morbum non viderim, haud edicam; ad Pella-
 gram quod attinet, non omnia aequae tuta fo-
 rent. De purgantibus iam supra dictum fuit.
 Mercurialia autem vario modo, variaque forma
 se saepius in hoc morbo adhibuisse, narravit mi-
 hi Cl. STRAMBI; ast nunquam sine damno,
 ideoque ea ex remediorum in Pellagra applican-
 dorum numero iam dudum proscriptisse. Idem
 de Opio tulit iudicium: quoties enim parca dosi

adhibebatur, effectum plane nullum exerebat; si maiori dosi adhibitum fuit, aperte semper nocuit. Attamen, ut vera fatear, Opium e pellagroforum Pharmacia exulare non penitus posse mihi videtur; non quidem, acsi in curationem aliquid conferat; sed ut palliativum. Ad curandam pellagroforum maniam frustra adhibetur, cum in aliis maniae speciebus a praeclarissimis viris adhibitum curam saepe absolverit; sic quoque in convulsionibus, quae tam enormes in hoc morbo observantur, parum ab Opio sperari posse, arbitrantur; verum in diarrhoea colliquativa nostris aegrotis adeo funesta, usus Opii negligi non posse videtur, praecipue si quantitate non adeo magna in anum iniiceretur. Hac enim methodo administratum colliquativam hecticorum diarrhoeam saepe diminuisse vidit Cl. COTUNNI (a), quam auxerat copia maior deglutita. Sequitur adhuc aliud remedium a Cl. FRAPOLLI in Pellagra summopere laudatum (b): aqua nempe Thaetae ad uncias circiter octo bis de die epota, a qua in confirmata etiam Pellagra curam speravit. Utrum adhuc cum fructu adhibeatur, ignoro; ne nomen quidem in Nosoco-

(a) *De Ischiade Nervosa* Neap. 1764. Vid. in Cl. SANDIFORT *Thesauro Diss.* Tom. 2. p. 437.
 (b) Lib. cit. pag. 30.

miis Mediolani, Legnani &c. audiui, & cum FRAPOLLI Tractatum postea demum legere mihi contigerit, de hac Medicos interrogare in mentem non veniebat.

Finem nunc tractationi imponere possem; verum cum iam nominatus FRAPOLLI duas morborum historias adnexerit, in quibus methodum tradidit, qua confirmatam Pellagram funditus curavit, non ingratum Lectori fore, arbitror, si eas verbotenus hic transcribam, praecipue, cum FRAPOLLI libellus raro in nostris Regionibus inveniatur. Prima historia haec est: *Martha Borsanti loci Prignanae annorum 30. circiter, quatuor feliciter ennixa foetus, temperamentum sanguineo-lymphaticum, habitus corporis mediocri; tribus ab hinc annis, neglecta iam pridem initiatum Pellagra, iniecit in confirmatum morbum. Aegram hanc curandam adivi in Nosocomio die prima Augusti praesentis anni. Explorata imi ventris viscera inveni sana, pulsus erat valde debilis, sed nulla febris, deerat quoque alvi fluxus. Vertigines aliaque capitis mala iam diu patiebatur, cutisque in dorso manuum praecipue & pedum callosa; attonita tunc videbatur mulier, non parum emaciata, viribusque destituta adeo, ut pedibus minime confisteret. Oris amaritiam, summamque inappetentiam accusabat, linguaque albam superficiem praeferebat. Leni igitur ecopro-*

tico aegrotam purgavi ex flor. Cass. , & pill. Suc-
cin. Crat. desumpto . Post ad triduum omni ma-
ne lactis serum tartariatum exhibui , mixturas
deinde corroborantes ex aq. Artemis. Meliss tot.
Cit. ana unc. ij. confect. alcherm. 3j. Liq. c. c. suc-
cin. scrupui. sem. per diem assumentas praescripsi .
Hisce peractis , Balneo pellagrosam tradidi ; sed
malo omine , Balnea etenim tollerare non potuit
aegra virium defectu . Quamobrem extrinsecas
universales corporis frictiones , extremitatum ma-
xime , fomenta affectarum partium ex Decoct.
emollient. , aliquando cucurbitulas , semel hiru-
dines temporibus admoveri iussi , intus vero aquam
Thesdae ad uncias vi j. bis quotidie haurientem
praebui , usque ad novum monitum . Aqua Thes-
dae usa est patiens ad duodecim dies , miro
quidem iuvamine : vires enim summopere recupe-
ravit . Cum vero hisce remediis alvus plus , quam
par est , styptica esset , Eccoproticum denuo pro-
pinavi die vigesima quinta eiusdem mensis , idem-
que vigesima septima reiteravi prospero eventu ,
continuatis interim frictionibus . Post haec , con-
valescente aegra , lautiores dietam , meraciusque
vinum ad unc. vj. quotidie exhibui , exceptis car-
nibus , quae nunquam conveniunt in morbis impe-
ditae transpirationis . Interea coepit mulier hilaris
esse , corpus enutrir , sanusque color in facie ef-
florere , e lectulo surgere , ambulare , in omnibus


bene se habere , laetaque tandem domum petiit
 die undecima Septembris . Altera historia haec est :
Ex ordine venerandi vigilantissimique Capituli No-
socomii maioris mihi tradita est , ut ei operam
praestarem , Francisca Caiellina loci Vergiati , die
tertia Augusti currentis anni . Foemina haec aeta-
ris circiter annorum quinquaginta , temperamenti
atrabiliosi , validi , carnosique corporis habitus ,
spretam iam diu initiata Pellagra , devenit hoc an-
no in confirmatam aegritudinem . Eadem fere enar-
ravit Patiens morbi symptomata , ac Martha Bon-
fanti ; pulsus tantum tardus erat , nec adeo debi-
lis , viresque in reliquo corpore constantiores , in
extremitatibus nullae . Purgavi & hanc consueto
medicamine . Post aliquot dies sumendum exhibui
decoct. Cephalic. cum Tinct. Succin. , dein ingressa
est Balneum aegra ad dies quindecim . Hisce con-
fectis moestam adhuc foeminam esse , nec satis vi-
ribus pollere observavi . Quamobrem frictions uni-
versales , saepe cucurbitulas adhiberi , semel hiru-
dines temporibus admoveri , nec non vesicatorium
occipiti applicari praescripsi , atque ex hoc potissi-
me plurimum iuvaminis . Aquam Thaedae ad ali-
quot dies sumpsit aegra , corroborantes dein mix-
turas ; cumque in dies mulier convalesceret , lenio-
rem dietam permisi , tandemque & ista abiit in-
columis . Pertinacior autem fuit in hac foemina
morbis ex pessimo temperamento , uti superius ad-

notavi . Adneſcit demum , ſe adhuc plures referre poſſe aegros eadem fere methodo omnes curatos , Verum ſi adeo certa eſſet haec methodus : non tantum a Pellagra periculum metuendum foret , ac a Medicis Mediolanenſibus minime negligeretur . Ideoque aut malignior hodie morbus eſt ; aut FRAPOLLI nimium a ſua methodo ſperavit .

De prophylaxi Pellagrae pauca differenda ſuperſunt . FRAPOLLI , dum ex inſolatione ſola omnem morbi cauſſam derivat ; facile quoque remedium prophylaſticum reperire potuit : effugiant nempe vernali tempore ſolares radios ! Quod autem cum ruſticis impoſſibile ſit ; tegendum corpus omni , quo fieri poteſt , modo ſuadet . Galerum geſtiant agricolae palearem valde latum , crura caligis , manus tegant chiroticis , obluant ſaepe corpus . Verum cum ſupra , ni fallor , ſatis demonſtraverim , hypotheticam eſſe hanc cauſſam , & in inſolationem ad producendum dirum hunc morbum minime ſufficere ; cadit quoque haec prophylaxeos Doctrina , nec aliam ſubſtituere haſtenus , quo cauſſae morbi adhuc latent , licet . Ideoque ſic Pellagrae deſcriptionem ad finem perduco . An autem felici aut infeliciori conatu hunc laborem ſuſceperim , tibi L. B. iudicandum relinquo .

Finis Noni Voluminis .





005642324

